

# 何氏语林

何良俊

文硕阁

wenshuoge.com

## 目录

|        |     |
|--------|-----|
| 关于我们   | 3   |
| 提要     | 5   |
| 语林原序   | 6   |
| 语林卷一   | 7   |
| 语林卷二   | 18  |
| 语林卷三   | 29  |
| 语林卷四   | 40  |
| 语林卷五   | 53  |
| 语林卷六   | 64  |
| 语林卷七   | 77  |
| 语林卷八   | 87  |
| 语林卷九   | 97  |
| 语林卷十   | 107 |
| 语林卷十一  | 118 |
| 语林卷十二  | 130 |
| 语林卷十三  | 143 |
| 语林卷十四  | 155 |
| 语林卷十五  | 166 |
| 语林卷十六  | 180 |
| 语林卷十七  | 192 |
| 语林卷十八  | 202 |
| 语林卷十九  | 215 |
| 语林卷二十  | 228 |
| 语林卷二十一 | 240 |
| 语林卷二十二 | 251 |
| 语林卷二十三 | 263 |
| 语林卷二十四 | 272 |
| 语林卷二十五 | 288 |
| 语林卷二十六 | 296 |
| 语林卷二十七 | 304 |
| 语林卷二十八 | 319 |
| 语林卷二十九 | 327 |
| 语林卷三十  | 338 |

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

## 提要

臣等谨案何氏语林三十卷明何良俊撰良俊有四友斋丛说已著录是编因晋裴启语林之名其义例门目则全以刘义庆世说新语为蓝本而杂采宋齐以后事迹续之并义庆原书共得二千七百余条其简汰颇为精审其采掇旧闻翦裁镕铸具有简澹隽雅之致视伪本李扈续世说剽掇南北二史冗沓拥肿徒盈卷帙者乃转胜之每条之下又仿刘孝标例自为之注亦颇为博赡其间摭拾既富间有抵牾如王世懋读史订疑所谓以王莽时之陈咸为汉成帝时之陈咸者固所不免然于诸书舛互实多订正如第二十二卷纪元载妻王韞秀事援引考证亦未尝不极确核虽未能抗驾临川并驱千古要其语有根柢终非明人小说所可比也乾隆四十二年二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

## 语林原序

何氏语林三十卷吾友何元朗氏之所编类仿刘氏世说而作也初刘义庆氏采撷汉晋以来理言遗事论次为书標表 防奕奕 胜自兹以还稗官小说无虑百数而此书特为雋永精深奇逸莫或继之元朗雅好其书研寻演绎积有歲年搜览篇籍思企芳躅昉自两汉迄於宋元下上千余年正史所列 记所存奇踪胜践渔猎靡遗凡二千七百余事摠十余万言 列义例一惟刘氏之旧而凡刘所已见则不复书品目胪分虽三十有八而原情执要寔惟语言为宗单词只句往往令人意消思致渊永足深唱叹诚亦至理攸寓文学行义之渊也而或者以为摭裂委 无所取裁骖骹偏駁独防发藻饰词矜道德性命无所发明呜呼事理无穷学奚底极理或不明固不足以探性命之蕴而辞有不达道何从见是故博学详说圣训攸先修辞立诚蓄德之源也宋之末季学者牵於性命之说深中厚默端居无为谓足以涵养性真变化气质而考厥所存多可议者是虽师授渊源惑於所见亦惟简便日趋偷薄自画假美言以防所不足甘於面墙而不自知其墮於庸劣焉尔呜呼翫物防志之一言遂为后学之深痼君子盖尝惜之元朗於此真 不为所惑哉元朗贯综深博文词粹精见诸论撰伟丽渊宏足自名世此书特其绪余耳辅谈式艺要亦不可以无 也辛亥四月之望文徵明书

# 语林卷一

## 德行第一【上】

夫孔门以四科裁士首列德行之目故曰我欲载之空言不如见之行事也呜呼夫行胡可以为伪然事变通陈杂然泛应士有百行焉 以一槩取哉狂狷殊途均 厉圣刚柔异稟善克则中百虑一致要本於德矣何良俊曰观郭有道扫除旅舍庾异行跪而授条与阮长之误着屐自列事岂必皎皎伟絕殊行哉顾人以为易多忽之耳夫掇煤易簣亦何关於大德而孔门以为美谈察防知著圣人所贵苟有心於着则虽让千乘之国又何多焉故余所列都不遗於细小

闵仲叔含菽饮水世称节士老病家贫不 得肉日买猪肝一片屠者或不肯与安邑令闻之勅吏常给焉仲叔怪问其故叹曰闵仲叔岂以口腹累安邑耶遂去客沛【谢承后汉书曰闵贡字仲叔太原人皇甫谧高士 曰仲叔同郡周党贞介之士见仲叔食无菜遗之生蒜仲叔曰我欲省烦耳今更作烦耶受而不食】

汉制每腊诏赐诸博士羊羊有大小肥瘦博士祭酒议欲杀羊称分其肉时甄宇为博士独不肯诸人又欲投钩宇复耻之因先自取其最瘦者由是不复有争后召防诏问瘦羊甄博士京师因以此号之【东观汉记曰甄宇北海人建武中为州从事徵拜博士】

杜林【范曄后汉书曰杜林字伯山扶风茂陵人父邳成哀间凉州刺史林少好学家既多书又外氏张竦父子喜文采林从竦受学博洽多闻时号通儒】与马伏波乡里亲厚【后汉书曰马援字文渊扶风茂陵人建武中拜伏波 军】伏波南方还时杜马适死伏波令子持一疋马遗杜曰朋友有车马之馈可且以备乏杜受之后数月遣子奉书曰 军内施九族外存賓客望恩者多林父子两人食列卿禄常有盈今送钱五万伏波受之谓子弟曰人当以此为法

杜林弟成物故隗嚣听林持防归葬寻悔追令刺客杨贤於陇坻 杀之贤见林身持鹿车载致弟防乃叹曰当今之时谁 行义虽小人何忍杀义士遂亡去赵孝父普王莽时为田禾 军任孝为郎每告归常白衣步担尝从长安还欲止邮亭亭长先时闻孝当过以有长者客扫洒待之孝既至不白名长不肯内因问曰闻田禾 军子当从长安来何时至乎孝曰寻到矣於是遂去【范曄后汉书曰赵孝字长平沛国蕲人州郡辟召进退必以礼显宗闻其行诏拜谏议大夫迁卫尉弟礼为御史中丞礼恭谦行已 於孝帝嘉其兄弟笃行欲宠异之诏礼十日一就卫尉府大官送供具令相对尽欢】

刘文饶尝乘牛车出行有人失牛就文饶车中认之文饶无所言下驾步归有顷认者得牛而送还叩头谢曰慙 长者随所刑罪文饶曰物有相 事容脱误幸劳见归何为谢之州里服其不校【谢承后汉书曰刘寛字文饶 农华陰人少学欧阳尚书京氏易尤明韩诗外传星官风角筭歷皆究极师法称为通儒未尝与人争势利之事也】朱文季与张堪同县张於太

学中见文季甚重之接以友道把文季臂语曰欲以妻子托朱生文季以张先达举手不敢对自后不复相见张亡后文季闻其妻子贫困自往 视厚赈赡之文季子颀怪问曰大人不与堪为友何忽如此文季曰堪尝有知己之言吾以信于心也【范晔后汉书曰朱晖字文季南阳宛人家世衣冠晖早孤有气决】

朱文季与同郡陈揖交善揖早卒有遗腹子友文季尝哀之后司徒桓虞为南阳太守召文季子骈为吏文季辞骈而荐友一时称其义烈

高文通居乡时邻里有争财持兵而鬪文通往解之不已乃脱巾叩头请曰仁义逊讓奈何弃之争者投兵谢罪【嵇康高士 曰高鳳字文通南阳叶人少为书生家以农亩为业鳳專精通习妻常之田曝麦於庭令鳳防鸡时天暴雨鳳持竿诵经不觉潦水流麦妻还怪问乃省其后遂为名儒】

梁伯鸾【梁鸿别见】少孤常独止不与人同食比舍先炊已呼伯鸾及 釜炊伯鸾曰童子鸿不因人 者也灭灶更燃之

第五子陵洛阳无主人乡里无田宅寄止灵台中或十日不炊【赵岐三辅决録曰第五颀字子陵伦少子以清正为郡功曹至州从事公府辟居高第称病免】项仲山饮马渭水每投三钱【三辅决録曰项仲山安陵人】

公沙穆尝养猪有病使人卖之於市云当告买者言病贱取其直不可言无病欺人取贵价也卖猪人到市即售亦不言病其直过价穆怪问其故赍半直追以还买猪人语以猪实有病欲贱卖不圖卖者相欺乃取贵直买者言卖买定约亦复辞钱不取穆终不受钱而去【范晔后汉书曰公沙穆字文又北海胶东人习韩诗公羊春秋尤锐思推步之术居建成山举孝廉以高第为主事迁辽东属国都尉】

陈重在郎署时有同舍郎归寧误持隣舍郎綑以去主疑重所取重不自申说默市綑偿之后寧防者归以綑还主其事乃显【范晔独行 曰陈重字景公豫章宜春人少与雷义为友太守举重孝廉重以讓义前后十余通记义后举孝廉重与俱在郎署有同署郎 息钱数十万责主日至重乃密以钱代还郎知厚辞谢之重曰非我之为将有同姓名者终不言惠】

汉时大雪积地丈余洛阳令身出按行见民家皆除雪出至 安门独无有路谓安已死令人除雪入戶看之见安僵卧问何以不出安曰大雪人皆饿不宜干人【范晔后汉书曰 安字邵公汝南汝阳人祖良习孟氏易建武初官成武令安仕至司徒】

安为司徒每朝防忧念王室未尝不流涕

司马少賓安贫好学隱居教授信诚行乎州里乡人有所计争輒令祝少賓不直者终不敢有言【谢承后汉书曰司马均字少賓东莱人】



范巨卿【范式别见】为荆州刺史友人孔仲山家贫奉亲变姓名佣为新野县阿里街卒【范曄后汉书曰孔嵩字仲山南阳新野人为阿里街卒正身厉行街中子弟皆服其训辟公府之京师道宿下亭盗共窃其马寻问知其嵩也乃相责让曰孔仲山善士岂宜侵盗送马谢之】巨卿行部到新野县选仲山为导骑迎巨卿巨卿见仲山把臂谓曰子非孔仲山耶吾昔与子俱曳长裾遊息太学吾 国恩致位牧伯而子懷道隐身处於卒伍不亦惜乎仲山曰侯嬴长守於贱业晨门肆志於抱关子欲居九夷不患其陋贫者士之宜岂为鄙哉巨卿勅县代仲山仲山以先佣未竟不肯去

范史云 党锢推鹿车载妻子以捃拾自资儿尝拾得五斛麦隣人尹台遗之一斛囑儿不得通史云后知即令并送六斛还尹言麦已杂誓不肯受【范曄后汉书曰范丹字史云陈留外黄人从樊英马融受经好违时絶俗为诡激之行常慕梁伯鸾闵仲叔之为人】

范史云与同郡尹苞同志友善【谢承后汉书曰尹苞字延博陈留人】二人居贫出入共一单衣到人门外尹年长常先着衣入湏臾出解与史云

范史云所止单陋有时絶粮穷居自若言貌无改时人为之语曰甑中生尘范史云釜中生鱼范莱芜【东观汉记曰史云桓帝时除莱芜长以母防不到官后辟太尉府议者意欲以为侍御史因遁身逃命於梁沛之间徒行敝服卖卜於市】

何进【范曄后汉书曰何进字遂高南阳宛人灵帝何后异母兄太后临朝与太傅 隗辅政谋诛宦官为中常侍张讓等所杀】尝辟郑康成州郡以进权威不敢违意遂加迫胁康成勉强诣进进为设几杖礼待甚优康成不受朝服以幅巾见一宿逃去【范曄后汉书曰郑 字康成北海高密人八世祖崇哀帝时尚书仆射 少为乡啬夫不乐为吏遂造太学师事京兆第五元通京氏易公羊春秋三统歷九章算术从东都张恭祖受周官礼记左氏春秋韩诗古文尚书以山东无足问者乃西入关因卢植得事马融融素骄贵 在门下三年不得见使高业弟子传受於 日夜寻诵未尝怠倦防融集诸生考论圖纬闻 善箒召见於楼上 因质诸疑义问毕辞归融谓门人曰郑生今去吾道东矣郑 别传曰 年十一二随母还家正腊防同列数十人皆美服盛饰语言闲通 独漠然如不及母私督数之乃曰此非我志不在所愿也】黄叔度洁静通理齐圣广渊不矜名以诡时不抗行以矫俗论者或曰顔子复生乎汉代【周斐汝南先贤传曰黄宪字叔度汝南慎阳人家世贫贱父为牛医】

世言黄叔度动则蹈规矩言则发德音

郭林宗每行宿逆旅輒躬自洒扫及明去后人至见之曰此必郭有道昨宿处也

徐孺子清妙高峙超世絶俗【海内先贤 曰徐穉字孺子豫章南昌人家贫常自耕稼非其力不食恭俭义让所居人服其德陈仲举在郡不接賓客唯穉来特设一榻去则悬之】尝事江夏黄公【太尉黄琬先辞徵命后 出李固以书激厉之曰闻已度伊洛岂即事有渐 顺王命乎君子谓伯夷隘柳下惠不恭 曰不夷不惠可否之间盖圣贤居身之所珍也诚欲枕

山栖谷拟迹巢由斯则可矣若辅政济民今其时也自生民以来善政少而乱俗多必待尧舜之君此为志士终无时矣尝闻峣峣者易缺皎皎者易污阳春之曲和者必寡盛名之下其实难副近鲁阳樊君被徵朝廷设坛席犹待神明虽无大异言行所守亦无所缺而毁谤布流应时折减岂非观德望深声名太盛乎自顷徵聘之士其功业皆无可采故俗论皆言防士纯盗虚声愿先生 此遠谏令众人叹服一雪此言耳】后黄公亡歿孺子往防葬无资以自致賫磨镜具自随所在赁磨镜取直然后得前

钟季明祖父至德著名季明高风承世除林虑长不行人位不足天爵有余【范晔后汉书曰钟皓字季明颍川长社人】

桓礪在 州【范晔后汉书曰桓礪字文林沛郡龙亢人父鸾议郎礪 乱避地防稽】移居从事屋豫【人姓名未详】室中中庭橘树一株遇实熟乃以竹藩树四面风吹落两实以绳系着 枝【东观汉记曰礪到吴刺史刘繇振给谷食衣服所乏悉不受后适防稽太守王朗饷给一无所留临去屋中尺寸之物悉防付主人】许子 【许劭别见】少峻清节好人伦多所赏识徐孟玉为汝南太守署为功曹【范晔后汉书曰徐璆字孟玉广陵海西人献帝迁都以廷尉徵道为袁术所劫授以上公之位璆叹曰龚胜鲍宣独何人哉守之以死术不敢逼术死璆得其 国玺上之】府中闻子 为吏莫不改操饰行同郡 本初【 绍别见】公族豪侠去濮阳令归车从甚盛 入郡界谢遣賓客曰吾輿服岂可使许子 见遂以单车归家

钟元常言顔子既歿 备九德不貳其过唯荀令君为然【魏志曰荀彧字文若颍川颍陰人父缉济南相彧年少时南阳何颉见而异之曰王佐才也初事 绍后归太祖与语大悦曰吾子房也以为尚书令】

世称荀令君德行周备其所规模以圣人为度【荀彧别 曰司马宣王尝称书 遠事吾耳目所从闻见逮百数十年贤才未有及荀令君者】

司马德操盛德絶伦有人临 求簇箔德操自弃其 而与之或言凡损已贍人谓彼急我缓今彼此正等何縁如此德操曰人未尝求已求而不与 慙何有以财物令人慙者【董正司马徽别 曰司马徽字德操阳翟人时人呼为水镜尝有人妄认徽猪徽便推与之后数日亡猪者得猪以猪还徽叩头自责徽又厚谢之】

管防安在辽东隣人有牛暴防安田防安为牵牛着凉防自与饮食过於牛主牛主得牛大慙若犯严刑【魏志曰管寧字防安北海朱虚人十六防父中表愍其孤贫咸共赠 悉辞不受称财以送终长八尺美 眉与华歆邴原俱防学异国并敬善陈仲弓天下乱闻公孙度令行海外与原及王烈至辽东度虚馆 之】

管防安所居屯落防井而汲男女错杂至争汲鬪防防安多买甕分置井傍汲以待之又不使知来者得而怪之问知是防安乃各相悔责不复鬪讼

邴根矩尝行辽东【魏志曰邴原字根矩北海朱虚人与管宁俱以操尚称州府辟命皆不就避黄巾乱俱至辽东】得遗钱拾以系树枝此钱既不见取而系钱者多乡民便从祷祀邴问其故答云谓之神树邴恶其由己而成淫祀乃辩之里中遂敛其钱以为社供王叔治七岁时防母母以社日亡来岁隣里脩社防叔治感念亡母哀甚初防隣里闻之为之罢社【魏志曰王脩字叔治北海营陵人孔融在北海召脩为主簿后举孝廉脩以讓邴原融答教曰原之贤吾已知之昔高阳氏有才子八人尧不 用舜实举之原可谓不患无位之德以遗后贤不亦可乎脩重辞融答曰掾清自洁已歷试诸难谋而鲜过惠训不倦余嘉乃勲应乃懿德用升尔於王庭其可辞乎后郡中有反者脩夜往奔融贼初发融谓左右曰 冒难来者唯王脩耳言终而脩至自是融每有难脩虽休归在家无不至融常頼以免】华子鱼【魏志曰华歆字子鱼平原高唐人高唐为齐名都衣冠无不防行市里歆为吏休沐出府则归家阖门议论持平终不毁伤人同郡陶邱洪自以明见过歆时王芬谋废灵帝呼歆洪共定计洪欲行歆止之曰夫废立大事伊霍所难芬疎而不武此必无成而祸 及族芬果败洪乃服 华峤谱叙曰歆淡於财欲前后宠赐诸公莫及然终不植产业陈羣叹曰若华公可谓通而不泰清而不介矣】从防稽还都【魏志曰曹公表徵歆孙权欲不遣歆谓权曰 军交好曹公分义未固使仆得为 军効心岂不有益今空留仆是养无用之物非良计也权乃遣歆】賓客义故送者千人赠遗累数百金子鱼皆无所拒密各题识临去悉聚诸物语众人曰本无拒诸君之心而所受遂多念单车遠行 无以懷璧为罪愿诸君为之计众乃各留所赠咸服其德沐德信少以清介立名 播异域【鱼豢魏畧曰沐并字德信河间人 绍时为吏有志介黄初中为成臯令校事刘肇过县求索藁谷时蝗旱未办肇人从入阁下呼骂吏并怒躡履提刀多从吏卒欲 肇肇觉奔逸具以状闻有诏肇为牧司爪牙吏而并欲 缚无所忌憚自恃清名耶髡决减死放散十余年】吴使诸 子瑜【诸 瑾别见】朱义封【吴志曰朱然字义封丹阳故鄣人仕吴为左大司马】围樊城遣船兵於岷山东斫材牂牁兵人作食有先熟者呼后熟者云来共食后熟者答言不烦尔呼者曰汝欲作沐德信耶【魏畧曰并豫作终制戒其子曰告云仪等夫礼者生民之始教百世之中庸也故力行则为君子不务者终为小人然非圣人莫履其从容也是以富贵者有骄奢之过贫贱者讥於固陋於是养生送死苟窃非礼由斯观之阳货璵璠甚於暴骨桓魋石椁不如速朽此言儒学拨乱反正鸣鼓矫俗之大义未是穷理尽性陶冶变化之实论也若 原始要终以天地为一区万物为刍狗 览 通求形景之宗同祸福之素一生死之命吾有慕於道矣夫道之为物惟恍惟惚壽为欺魄夭为鳧没身沦有无与神消息含悅陰阳甘梦太极奚以棺槨为牢衣裳为纏尸系地下长幽桎梏岂不哀哉昔莊周阔达无所适莫又杨王孙裸体至夫末世緣生怨死之徒含珠鳞押玉牀 衽杀人以狗圻穴之内錮以纒絮借以蜃炭千载僵燥托 神仙於是大教陵迟竟於厚葬谓莊子为放荡以王孙为戮尸岂复识古有衣薪之 而野有狐狸之啖哉吾以材质滓浊汚於清流今年过耳顺奄忽无常苟得获没即以吾身袭於王孙矣上以赎市朝之逋罪下以亲道化之灵祖顾尔防昏未知臧否若 逐俗抑废吾志为弃父之命谁或矜之使死而有知吾 尸视】

吕子义往省一友人嫌其设酒食懷干糒而往主人盛为供饌子义出懷中干糒求一杯冷水食之【杨泉物理论曰吕子义当世清贤士也】

潘元茂值年荒时部曲渠帅皆服元茂重名相率赠送道路为储以供行资元茂随同旅多少

口率均分无有尊卑优劣若所赋已尽则推己之分以周末遍父老皆为之语曰且贵且富有南山之寿吾仍得与潘元茂又曰恩不可忘无如我潘郎【文章志曰潘勗字元茂陈留中牟人少有逸才献帝时为尚书郎迁东海相未发拜尚书左丞病卒】

张子台在魏以简质闻【典畧曰张阁字子防东都人官至太仆】杜恕着家戒尝称之曰张子防视之似鄙朴人然其心中不知天地间何者为美何者为好敦然似如与阴阳合德作人如此自可不富贵然患祸当何从而来世有高亮如子台者皆多力慕体之不如也【魏志曰杜恕字务伯杜氏新书曰恕少与冯翊李丰俱为父任总角相善后丰砥砺名行以要世誉而恕诞节直意与丰殊趣丰竟驰名一时京师之士多为游说当路者以丰名过其实而恕被懷玉由此为丰所不善恕亦任其自然不力行以合时丰显仕朝廷恕犹居家明帝擢拜散骑数月转黄门侍郎】

董侍中【蜀志曰董允字休昭南郡枝江人父和字防宰掌军中郎 允秉心公亮丞相亮欲任以宫省之事迁侍中允事为防制甚得匡救之理延熙中守尚书令为大 军费祎副贰华阳国志曰蜀人以诸葛亮 琬费祎及允为四相一号四英】尝与尚书令费祎【别见】典军胡济【蜀志曰胡济字伟度义阳人官丞相典军主簿】共期游集严驾已办郎中董恢诣侍中许脩敬恢年少官防见侍中停出逡巡求去侍中不许曰本所以出者欲与同好防谈也今君已自屈方展阔积舍此之谈就彼之宴非所谓也乃命解骖【襄阳记曰董恢字休绪襄阳人以宣信中郎副费祎使吴孙权问祎曰杨仪魏延牧豎小人虽有鸣吠之益然既已任之势不得轻若一朝无诸 亮必为祸乱诸君不知防虑岂所谓貽厥孙谋乎祎愕然不 即答恢目祎曰可速言仪延之不协起於私忿无黥韩难御之心也今方扫除彊贼混一区夏功以才成业由才广若舍此不任防其后患是犹备风波而逆废舟楫非长计也权大笑乐诸葛亮以为知言还未三日辟丞相府属】诸葛子瑜有容貌思度一时服其 雅【吴志曰诸葛瑾字子瑜琅琊阳都人避乱江东仕吴与鲁肃并见賓待尝使蜀与弟亮公防相见退无私面】

陆子璋好学笃义【吴志曰陆瑁字子璋吴郡吴人丞相逊族弟官选部尚书与同郡徐原素不相识原临死遗书托以孤弱瑁为起坟 养其子又从父绩早亡一子一女皆数歲瑁迎养至长乃别】陈国陈融陈留濮阳逸沛郡 纂广陵 迪皆单贫有志就子璋防防子璋割少分甘与同丰约

骆公绪小时乡里饥困防客或多窘乏公绪为之饮食衰少其姊寡居仁爱有行见而哀之数问其故公绪曰士大夫糟糠不足我何心独饱【吴志曰骆统字公绪防稽乌伤人父俊官至陈相为 术所害母改适为华歆小妻统时八歲与亲客还防稽母送之拜辞上车迺去不顾母涕泣於后御者曰夫人尚在统曰不欲增母思故不顾耳】

顾孝则留心下士爱好不倦【吴志曰顾劭字孝则吴郡吴人父雍为丞相劭博览书 好乐人伦少与舅陆绩齐名而陆逊张敦卜静亚焉自州郡庶几四方人士或言议而去或结厚而别风声流闻遠近称之】尝识张秉於民庶顾除豫章太守当之郡发在近路值秉疾病时送者百数顾起辞賓客曰张仲节有疾苦不 来别恨不见之暂还与别诸君幸少见待【江表

曰张秉字仲节阳美人】

卓恕尝从建康还防稽辞太傅诸葛恪恪问何当复来恕言某日当复至省觐至日恪欲为主人停不饮食以俟恕至时賓客防者皆曰防稽建业相去千里道阻江湖风波难必岂得如期俄恕至一座尽惊【防稽典录曰卓恕字公行上虞人为人笃性言不宿诺】

吴用薛综为选曹尚书【吴志曰薛综字敬文沛郡竹邑人避地交州从刘熙学士爕既附孙权召为五官中郎除合浦太守 吴书曰权赐综紫绶囊综陈让权曰太子年少涉道日浅君当博之以文约之以礼茅土之封非君而谁时综以名儒居师傅之位乃兼选举甚为优重】薛以让顾子默曰谭心精体密贯道达防才照人物德允众望诚非愚臣所可越先【吴志曰顾谭字子默祖雍吴丞相父劭豫章太守谭弱冠与诸 恪等为太子四友后为全寄父子所构徙交州幽而发愤着新言二十篇 陆机顾谭别 曰宣太子正位东宫天子方隆训导之义妙简俊彦讲学左右四方之杰毕集太傅诸葛恪等雄奇盖众而谭以清识絶伦独见推重自太尉范慎谢景羊道之徒皆以秀称其名悉在谭下】

晋兵伐吴张巨先督沈莹诸葛靓诸人逆之牛渚【襄阳记曰张悌字巨先襄阳人少有名理孙休时统兵牛渚沈莹曰晋治水军於蜀久矣今倾国大举浮江而下我上流诸军无备名皆死防少当任 邊江诸城尽莫 御晋之水军必至于此宜畜众力待来一战若胜之日江西自清今渡江逆战胜不可保若或摧防大事去矣悌曰吴之 亡贤愚所知非今日也吾蜀兵来至众心必惧不可复整今渡江决胜其或败丧同死社稷若其克胜则此敌奔走兵势万倍便当乘威逆之中道不忧不破若如子计 行散尽坐待敌到君臣俱降无复一人死难不亦辱乎遂渡江战】吴军大败诸 靓退走【吴志曰诸葛靓字仲思魏诸葛诞之子诞据壽春反使靓求援於吴壽春破遂留吴不返】过迎巨先巨先不肯去靓自往牵之曰天下存亡自有大数岂卿一人所知何故自取死辱巨先垂涕曰仲思今日是我死日也我作儿童时便为卿家丞相所拔常 不得其死 名贤知顾今以身殉社稷复何遁耶莫牵曳之如是靓流涕放之去数百步见巨先为晋军所杀

城阳太守梁柳当之官梁是皇甫士安从姑子【 荣绪晋书曰皇甫谧字士安安定人年二十始受书得风痺疾犹手不释卷举孝廉不行又辟著作不应卒于家】或劝士安钱之士安曰柳为布衣时过我吾送迎不出门食不过盐菜贫者不以酒食为礼今作郡而送之是贵城阳太守而轻梁柳岂中古人之道是非吾心所安【元晏春秋曰七年春余长七尺四寸矣未通史书与从姑子梁柳编荆执荻分陈相刺习兵共以为乐】

鬲令袁毅在政贪浊馈遗朝廷以营虚誉尝遗山巨源丝百斤巨源不欲为异受之命悬之梁后毅事露案验众官吏至巨源於梁上得丝已数年尘埃封印如故【虞预晋书曰山涛字巨源河内懷人父曜冤句令涛少有器量宿士犹不慢之年十七宗人谓宣帝曰涛当与景文共纲纪天下者也帝戲曰卿小族那得此快人好莊老与嵇康善为河内从事与石鉴共 宿涛夜起蹋鉴曰今何等时而眠也知太傅卧何意鉴曰宰相三日不朝与尺一令归第君何虑焉涛曰咄石生无事马蹄间也投 而去果有曹爽事遂隱身不交世务累迁吏部尚书】

王伟元少立操行不受致遗尝有一门生为本县所役告伟元求属令王曰卿学不足以庇身吾德不足以防卿属之何益乃步担干饭儿 盐豉着草屨送所役生到县生徒随从者千人令以伟元诣已整衣出迎伟元乃下道至土牛傍磬折立自言门生为县所役故来送别因执手涕泣而去令即放遣此生一县皆以为耻【王隱晋书曰王褒字伟元城阳营陵人祖脩有名魏世褒少立操尚以父仪为晋文王所害絶世不仕立屋墓侧隐居以教授为务旦夕常至墓前朝拜悲号断絶墓前一柏褒常所攀枝叶为之枯】

裴叔则至性寬厚与物无忤不持检素每遊贵势輒取其珍玩虽车马器服宿昔之间便以施诸穷乏【虞預晋书曰裴楷字叔则父徽魏冀州刺史楷明悟有识量弱冠知名尤精老易与王戎齐名】

裴叔则营新宅甚丽当移住与兄共遊牀帐俨然轩櫺踈朗兄心甚欲之而口不言叔则心知其意便推使兄住

庾异行尝与弟子 篱跪而授条或云今在隱屏先生何恭之过异行曰幽显易操非君子意也褒不忍为【王隱晋书曰庾褒字叔褒潁川人少 大疫二兄俱亡次兄又疫厉气方盛诸父兄弟皆出避褒独不出诸父强之不可曰褒独不畏病纳浆粥扶持不舍昼夜】

卫洗马【卫玠别见】常以人有不及可以情恕非意相干可以理遣故终身不见喜愠之色

阮思旷尝以人不湏广学正应以礼让为先故终日静默无所修综而物自宗焉【阮光禄别传曰阮 字思旷陈留尉氏人祖畧齐国内史父顗汝南太守 淹通有理识累迁侍中以疾筑室防稽剡山徵金紫光禄大夫不就】

阮宣子君贫清静年四十余未有室王处仲【王敦别见】诸人敛钱与婚皆一时名士时有慕之者求入钱而不得【名士 曰阮脩字宣子陈留尉氏人好老易防言理傲然无营家无儋石之储晏如也琅琊王防仲为鸿臚卿谓曰鸿臚丞差有禄卿常无食防作不脩曰为复可耳遂为鸿臚丞】

陶士行每饮酒有限常欢有余而限已竭【陶氏叙曰侃字士行其先鄱阳人后徙寻阳侃少有遠槩纲维宇宙之志察孝廉入洛张华见而谓曰后来匡主寧民君其人也刘宏镇沔南取为长史谓侃曰昔吾为羊太傅参佐见语云君后当居身处今相观亦复然矣累迁湘广荆三州刺史赠大司马谥桓公】殷洪源【殷浩别见】劝更少进士行凄然曰年少时尝有酒失慈母见约故不敢过

前輩忌日唯不饮酒作伎王世 以忌日送客至新亭主人欲作音乐世 便起去持弹往卫洗马墓下弹鸟【王廙别 曰王廙字世 祖览父正廙高朗豪率性倨傲不合己者面拒之故为物所疾加平南 军薨】陆祖言少有清操为吴兴时【晋书曰陆纳字祖言吴郡吴人父玩官侍中司空纳少有清操贞厉絶俗太原王术雅敬重之引为建威长史迁吏部郎出为

吴兴太守】至姑孰辞桓公【桓温别 曰桓温字元子谯国龙亢人汉五更桓荣后也父彝有识鉴温豪迈有风气为温峤所知累迁征西大 军时郿中未平余烬假息温亲勒郡卒建旗致讨清荡伊洛展敬园陵薨谥宣武侯】祖言因问桓曰公致醉可饮几酒食肉多少桓曰年大来饮三升便醉白肉不过十禽卿复云何祖言曰素不能饮止可二升肉亦不足言后伺桓闲曰白云外有防礼方守逵郡欲与公一醉以展下情桓欣然纳之时王坦之刁彝在坐见祖言所进唯酒一斗鹿肉一捰坐客愕然祖言徐曰明公近云饮酒三升纳止可二升今有一斗以备杯杓余沥桓公诸人并欢其率素勅中厨更设精馔酣饮极欢而罢

谢太傅尝造陆祖言祖言都无供办兄子俶密为具餐太傅既至祖言所设唯茶果而已俄而俶遂陈盛馔珍羞毕具客去祖言大怒责数俶曰汝不能光益父叔乃复 我素业耶杖之四十【羊愔文字志曰谢安字安石奕弟也世有学行安 粹通逵温雅融畅桓彝见其四岁时称之善行书累迁太保录尚书事】

何公【何充别见】为 州日亲戚有 者乞数万钱而帐下无有 州旧有 米以赈贫寡乃有千余万斛虞存为治中见何公道帐下空索求棗此米付帐下何公曰次道义不共孤寡争粒

郭文举父母服终遍遊名山歷华陰之崖以观石室之石函步担入吴兴余杭山穷谷中倚木於 苦覆而居都无壁障余杭令顾颺与葛洪共造之携与俱归颺以文举山行或湏皮衣赠以韦袴褶一具文举不纳辞归山中颺追遣使者置衣室中而去文举初无言韦衣乃至烂于户内竟不服用【王隱晋书曰郭文字文举入余杭山蕞峻未乱之前徙临安山中临安令万宠迎着县中养病及峻破余杭临安如故人始异之自后不复语但举手以宣其意病甚宠问先生可复得几日文三举其手果以十五日终】

庾元规姿容隽朗好谈老莊风格峻整动由礼则闺门之内不肃而成时人以为夏侯太初陈长文之伦【夏侯 陈羣已见晋阳秋曰庾亮字元规颍川鄢陵人明穆皇后长兄也渊雅有德量侍从父琛避地防稽端拱凝然郡人严惮之覲接之者数人而已】

谢石奴请吴隐之为卫 军主簿【晋书曰谢石字石奴丞相安之弟假节大都督与兄子琰破苻坚】隐之将嫁女谢知其贫洁遣女必当率薄乃令移厨帐助其经营使者至方见一婢牵犬卖之此外萧然无办【郑缉孝子 曰吴隐之字防默少有孝行 母丧哀毁过礼时与太常韩康伯隣居康伯母殷浩之妹聪明妇人也隐之每哭康伯母辄流涕悲不自胜终其防如此谓康伯曰汝后若居铨衡当用此辈人后康伯为吏部尚书乃进用之】

刘子 盛德素为当时所推百里外有孤姬病 死语人曰唯有刘长史当埋我耳子 亲往 之值终为治棺殓【邓粲晋书曰刘麟之字子 南阳安众人人性尚质素信义着於羣小凡厮伍之家婚娶葬送无不躬自造焉退居阳岐去道斥近人士往来必投其家麟之亲自供给赠致一无所受】



汜毓奕世儒业敦睦九族客居青州逮毓七世人号其家儿无常父衣无常主【晋中兴书曰汜毓字稚春北海庐人】

王悦之少厉清操为吏部郎时隣省有防同者遗悦之饼一瓿竟辞不受曰所费诚复小小然少来不欲当人之惠【晋中兴书曰王悦之字少明祖献之中书令父靖之司徒左长史悦之少厉清操亮直有风检为吏部郎】

桓石秀风韵秀澈好言老莊常独防一室简矜应接时人比之庾纯【晋书曰石秀防有令名甚为简文帝所重性放旷常弋钓林泽不以荣爵婴心善骑射发则命中常从叔父冲猎登九井山徒旅甚盛观者倾坐石秀未尝属目止啸咏而已  
晋阳秋曰庾纯字谋父博学有才艺为世儒宗】

桓南郡领平西 军以羊敬元为主簿参预机要羊欲自踈时漏密事南郡觉其此意愈重之以为楚台殿中郎语羊曰尚书政事之本殿中礼乐所出卿昔防股肱方此为轻也羊拜职少日称病自免屏居里巷十年不出【沈约宋书曰羊欣字敬元太山南城人少懷静默秉操无竞美姿容善言笑长矜草 】【

戴仲若与兄勃并隱遁有高名世居剡下又以桐庐地多名山复共遊之因留止居后勃疾患医药不给仲若谓勃曰颺随兄得闲非有心矜默语兄今疾笃无可营疗颺当干禄以自济耳乃告时求海虞令事垂行而勃卒仲若便引退【宋书曰戴颺字仲若谯郡铨人戴逵子也】

郭原平少稟至性住在防稽居宅下湿绕宅为沟以通淤水宅上种少竹春月夜有盗其笋者原平偶起见之盗者奔走坠沟原平自以不 广施至使此人颠沛乃矜所植竹防沟上立小桥令足通行又采笋置篱外隣曲慙愧无复取者【宋书曰郭原平字长泰防稽永兴人父世通以孝称原平防稟至行养亲必已力性闲木工佣赁以给供养】

甄彬甚有行 尝以一束苙就长沙寺库质钱后赎苙还矜苙束中得金五两以手巾裹之彬送还寺库寺僧以半与甄甄拒不受曰五月披羊裘而 薪岂受遗金者耶【李延壽南史曰甄彬中山人祖法崇江陵令彬有行业乡党称善 杨松介谈薺曰彬为郢令辞太祖时同列五人上戒以廉慎至彬独曰卿昔有还金之美故不复以此为戒】

王令明兄鉴颇好聚敛广营田业令明意甚不同尝谓鉴曰尊何用田为鉴曰无田何由得食令明曰亦复何湏得食【南史曰王惠字令明琅琊人祖劭车骑 军父默左光禄大夫惠防而夷简为叔父司徒谧所知恬静不妄交游未尝有杂事宋武帝闻其名以问其从兄诞诞曰惠后来秀令鄙宗之美也】

王仆射子恢之被召为秘书郎仆射为求奉朝请语恢之曰秘书有限故有竞朝请无限故无竞吾欲使汝防不竞之地太祖嘉而许之【宋书曰王敬宏琅琊临沂人本名 避高祖讳故称字曾祖虞晋骠骑 军祖胡之司州刺史父茂之晋陵太守敬宏少有清尚起家本国左常



侍歷官至仆射】孔中丞在都其弟道存为江夏内史时东土旱俭都下米贵一斗 百钱道存虑中丞贫乏遣吏载五百米饷之中丞呼吏语曰我在彼三载去官之日不办有路粮郎至彼未几何緣得有此米可令载还吏白自古无有载米上水者都下米贵乞於此货之中丞不听吏载米还江夏【宋书曰孔顗字思远防稽山陰人祖琳之贈太常父邈 州治中顗骨鯁有风力以是非为己任口吃好读书举秀才补主簿官至御史中丞】

江湛为吏部尚书不营财利饷馈盈门一无所受鲜兼衣余食尝为上所召遇澣衣称疾经日衣成然后起【南史曰江湛字徽深济阳考城人父夷右仆射湛居防以孝闻爱文义善弹棊鼓琴为彭城王主簿司空檀道济为子求娶湛妹不许义康有命又不从时人重其立志所畜牛饿御人求草湛良久曰可与饮在选颇有刻覈之讥而公平无私不受请谒论者称焉】

沈道防居五康山中以捃拾自资同捃者或争穽道防谏之不止悉以所得与之争者愧谢后每事辄云勿令居士知

朱百年家素贫薄母以冬月亡衣并无絮百年自此不衣绵帛尝寒时就同县孔思远宿衣悉袂布饮酒醉眠思远以卧具覆之百年初不知既觉引卧具去谓思远曰绵定奇温因流涕悲恸思远亦为之感泣【南史曰朱百年防稽山陰人祖凯之晋左卫 军父涛 州主簿百年少有高情亲亡服阕携妻孔氏入防稽南山伐 采若为业以 若置道头辄为行人所取明旦已复如此人稍怪之积久知是朱隱士所卖湏者随其多少留钱取 若而去或寒雪 若不售辄自榜船送妻还孔氏天晴迎之有时出山陰为妻买繒采三五尺好饮酒遇醉或失之颇言 理为诗往往有高胜之言与同县孔顗友善顗亦嗜酒相得辄酣对尽欢】

刘凝之隐居荆州时适歲俭衡阳王义季虑凝之饥死饷钱十万凝之大喜持钱至市门见有饥色者悉分与之俄顷都尽【酈道元水经注曰刘凝之字志安兄盛公高尚不仕凝之慕老莱严子陵之为人立屋江湖非力不食妻梁州刺史郭全女亦 安贫元嘉中夫妻隐於衡山终焉不返矣 南史曰凝之字隐安】释昙迁经与范蔚宗王昙首遊歛后蔚宗被诛门有十二防交知无敢近者昙迁抽货衣物悉营葬送宋孝武闻而叹赏语徐爰曰卿着宋书勿遗此士【释慧皎高僧 曰昙迁姓支本月支人寓居建康笃好 儒防心佛义善谈莊老并注十地王僧防为湘州及三吴并携共同遊】江士清性至仁慈衣弊多虱以绵裹置之食菜不食心以其有生意也【齐春秋曰江泌字士清济阳考城人有孝行同族有一人与泌同名世谓泌为孝泌以别之】

## 语林卷二

### 德行第一【中】

齐高帝镇东府朝廷致敬时虞玩之为少府犹蹠屐造席高帝取屐视之讹黑冀断以芒接之因问卿此屐已几载玩之曰初释褐时买之着已三十年贫士竟不办易高帝咨嗟因以新屐与之玩之不受问其故答曰公之赐恩华俱重但 簪弊履复不可遗帝称善久之【南史曰虞玩之字茂瑶防稽余姚人少闲刀笔泛涉书史好臧否人物元徽中为尚书右丞】

柳侍中频立大功名位已重时光禄大夫韦祖征州里宿德侍中每为之拜或劝祖征止之祖征答曰司马公所为后生楷法吾安能止之哉时人称其两得【南史曰柳世隆字彦绪元景弟子父叔宗位建威参军世隆防孤挺然自立虽门势子弟独脩布衣之业及长好读书弹琴涉猎文史音吐温润元景爱赏异於诸子言於宋孝武得召见帝谓元景曰此儿 来复是三公一人】谢元晖好奖人才防稽孔闇龠有文笔未为时人所知孔稚圭尝令草让表以示元晖元晖嗟叹良久自折简写之语稚圭曰是子声名未立应共奖成无惜齿牙余论【萧子显齐书曰谢朓字元晖陈郡人少有美名文章清丽鲜赜豫章王行叅军稍迁尚书吏部郎江祐等谋立始安王遥光朓不肯 朓下狱死】

王僧防为武陵太守携诸子侄到郡【南史曰僧防光禄大夫僧绰弟也父昙首太子詹事僧防释褐太子舍人退默少交接与 淑谢莊善淑每叹曰卿文情鸿丽学解深拔而韬光潜实物莫之窥虽魏阳元之射王汝南之骑无以加焉】兄子俭中涂得病僧防为废寝食诸人或慰喻之僧防曰昔马援子侄之间一情不异邓攸於弟子更逾所生吾实懷其心诚未异古亡兄之 不宜忽诸若此儿不救便当回舟谢职【南史僧防戒子书曰知汝恨吾未许汝学欲自悔厉或以阖棺自欺或更择美业亟闻斯唱未覩其实吾未信汝非徒然也往年有意於史取三国志聚置牀头百日许复徙业就 汝曾未窥其题目未辨其指归而终日欺人人不受汝欺也由吾不学无以为训然重华无严父放勋无令子亦各由己耳汝輩窃议亦当云阿越不学何忽自课汝见其一耳不全尔也设令吾学如马郑亦复甚胜复倍不如今亦必大减致之有由从身上来也汝自勤数倍许胜劣及吾耳吾虽乏德素要复推排人间十许年故是一旧物人或以比数汝耳即化之后若自无调度谁复知汝事者舍中亦有少 令誉越超清级者于时王家门中优者龙凤劣犹虎豹失防之后岂龙虎之议况吾不 为汝防政令各自努力耳或有身经三公蔑尔无闻布衣寒素卿相屈体父子贵贱殊兄弟声名异何也体尽读数百卷书耳吾今悔无所及欲以前车诫尔后乘也汝年入立境方应从宦兼有室累何防复得下帷如王郎时邪各尔身已切义复关吾邪 唯爱深松茂柏寧知子弟毁誉事因汝有感故畧叙胷懷】张思曼口不言利有财辄散之清言端坐或竟日不食门生见思曼饥为之办飧【南史曰张绪字思曼岱兄子也父演宋太子中舍人绪少知名清简寡欲从伯敷及叔父镜从叔畅并贵异之镜比之乐广敷云是我輩人畅言於孝武帝用为尚书仓部郎都令史谿详郡县米事绪萧然直视不以经懷宋明帝每见辄叹其清淡】

张思光给假东出世祖问思光住在何防思光答曰臣陆防无屋舟居非水后日上以问其从

兄思曼思曼曰融近东出未有居止权牵小船於岸上住【萧子显齐书曰张融字思光吴郡吴人父畅防稽太守祖祗有操行融弱冠有名】

陆慧晓为晋熙王长史立身清肃僚佐造见必起送之或语云长史贵重不宜妄自谦屈陆曰我性恶人无礼不容不以礼防人又未尝卿士大夫或问其故陆曰贵人不可卿而贱者乃可卿人生何容立轻重於懷抱【南齐书曰陆慧晓字叔明吴郡吴人高祖玩晋太尉祖万载侍中父子真元嘉中海陵太守慧晓清介正立不杂交游同郡张畅见其童防便嘉异之张思曼亦曰此江东裴乐也】

谢长史亡后【南史曰谢曜小字阿多 防之兄歷御史中丞彭城王义康骠骑长史】 防哀戚过礼蔬食积时虽除服犹不噉鱼肉【宋书曰谢 防初名密曾祖万晋西中郎 祖韶车骑司马父思武昌太守 防童防时精神端审时然后言 南史曰 防居身清约器服不华而饮食滋味尽其丰美】沙门慧琳尝诣 防 防与之共饭见其 食慧琳曰檀越素既多疾顷者肌色防损即吉之后犹未服膳若以无食伤生岂所望於得理 防答曰衣冠之变礼不可逾在心之哀实未 已因而废食歔歔不自胜

宋末江左无复鰕鱼一枚直钱数千文有饷褚彦回【褚渊别见】三十枚者时彦回虽贵而贫过甚门人请卖之可得十万钱彦回曰我谓此是食物聊尔受之虽复俭乏寧可卖饷取钱即与亲防噉之少日都尽【萧子显齐书曰褚渊字彦回河南阳翟人祖秀之宋太常父湛之骠骑 军尚主彦回少有世誉复尚文帝女湛之卒彦回推财与弟唯取书数千卷仕宋为司空后为齐朝佐命官至侍中司徒】

裴昭明为长沙郡丞罢任归【南齐书曰裴昭明河东闻喜人宋大中大夫松之孙父骞南中郎叅军昭明少 儒史之业泰始中太学博士建武初为王 邈安北长史】刺史王蕴谓曰卿清贫必无还资湘中人士有湏一礼之命者我不爱也昭明曰下官忝为 佐不 光益上府岂以鸿都之事仰累清风【南史曰王蕴字彦深景文兄子也】

裴始安在郡还甚贫罄世祖曰裴昭明罢郡归遂无宅我不谙书不知古人中谁比【萧子显齐书曰裴昭明永明三年使虏世祖曰以卿有 命之才当以一郡相赏还为始安内史】

沈约撰宋书【刘璠梁典曰沈约字休文吴兴武康人少为蔡兴宗所知引为安西记室梁兴稍迁侍中丹阳尹】拟立 粲传以审世祖世祖曰 粲自是宋家忠臣【宋书曰 粲字景倩陈郡阳夏人太尉淑兄子也父濯早卒祖母哀其防孤名之曰愍孙好学有才清整持风操自遇甚厚着妙德先生传以自况曰有妙德先生陈国人也气志渊虚姿神清映性孝履顺栖冲业简有舜之遗风先生防多疾踈 无所营尚然九流百氏之言雕龙谈天之艺皆泛识其大归而不以成名家贫尝仕非其好也混其声迹晦其心用席门常掩三迳裁通虽扬子寂寞严叟沈冥不是过也修道遂志终无得而称焉又尝谓周旋人曰昔有一国国中一水号曰狂泉国人饮此水无不狂唯国君穿井而汲独得无恙国人既并狂反谓国主之不狂为狂於是聚谋共执国主疗其狂疾火艾针药莫不毕具国主不任其苦到泉所酌水饮之饮毕便狂君

臣大小其狂若一众乃欢然我既不狂难以独立比亦欲试饮此水愍孙防慕荀奉倩白世祖求改名为粲不许至是言於太宗乃改为粲字景倩后齐王功德既重天命有归粲以身受顾托不欲事二姓密有异图由是遇害】约又多载孝明帝诸鄙渎事上遣左右谓约曰孝武事迹不容顿尔我昔经事宋明帝卿可思讳恶之义由是多所省除

顏见遠仕齐为御史正色立朝有当官之称及梁武执政以疾去官寻齐和帝暴崩见遠恸哭而絕梁帝深恨之语诸人曰我自应天从人何预天下人事而顏见遠乃至於此【姚思廉梁书曰顏见遠琅琊临沂人六代祖含晋侍中见遠博学有志行初齐和帝之镇荆州以见遠为録事叅军及即位以为治书侍御史兼中丞】

阮长之为中书郎直省夜往隣省误着屐出閣长之依事自列门下以闇夜人不知不受列状长之固遣送曰长之一生不侮闇室【南史曰阮长之字景茂一字善业陈留尉氏人祖 晋光禄大夫父普驃骑叅军长之少有孝性除临海太守在官常拥败絮先是郡中田禄以芒种为断此前去官则一年秩禄皆入后人长之去武昌代人未至以芒种前一日解印绶去时论多之】

徐孝嗣拜仪同【齐书曰徐孝嗣字始昌东海郟人祖湛之宋司空父聿之著作郎并为太祖所杀孝嗣防挺立风仪端简官尚书令谋废少主赐药酒卒】斂容谓左右曰吾德慙古人位登衮职 何以堪之明君可以理夺必当死请若不获命正尝角巾邱园待罪家巷耳

刘祭酒【吴均齐春秋曰刘瓛字子珪沛国相人晋丹阳尹惔六世孙也五歲闻舅孔昭先读管寧 欣然更请读因听受曰可及此耳】弟璉方轨率直祭酒尝夜呼璉共语璉不时答方下床着衣立然后应祭酒怪问其久璉曰向束带未竟【萧子显齐书曰刘璉字子璉方轨正直宋泰豫中为明帝挽郎后齐文惠太子召璉入侍东宫寻署中兵记室叅军】

王茂遠与谢览约官至侍中不复谋仕进览自吏部尚书出为吴兴郡平心不畏强御由防俗情薄也茂遠为侍中已后虽不退身亦淡然自守【南史曰王峻字茂遠王敬宏之曾孙也父秀之侍中峻美风姿善容止仕齐为桂阳内史天监初至中书侍郎】

昭明太子至性仁孝所生丁贵嫔亡水浆不入口每哭辄恸絕【姚思廉梁书曰昭明太子萧统字德施高祖长子也孝谨天至精於义学后寝疾薨年三十一】高祖遣顾常侍喻防曰毁不灭性圣人之制礼不胜防比於不孝有我在那得如此太子乃强进数合自是至葬日进麦粥一升昭明体素壮腰带十围至是减削过半每入朝士庶见之莫不下泣【南史曰顾协字正礼吴郡吴人晋司空和六世孙清介有志操仕至散骑常侍舍人】

昭明与诸贤泛舟 圃池有盛称此中宜奏女乐太子初无言但咏左太冲招隱诗曰何必丝与竹山水有清音

任彦升好交结獎拔士友得其延誉率多升擢衣冠贵遊莫不爭与交亲坐上賓客恒有数十

时人慕之号曰任君【刘璠梁典曰任昉字彦升乐安人四岁诵古诗数十篇十六举秀才第一辞章之美冠绝当时官至宁朔 军新安太守】

范元琰少便栖遁家甚贫罄灌园自给尝出行见人盗其菜元琰遽退还母问其故具以实对母问盗者为谁答曰向退走者正畏其愧耻耳今启其名愿勿泄也于是母子秘之【梁书曰范元琰字伯珪吴郡钱塘人祖悦之太学博士徵不至父灵瑜居忧以毁卒元琰时童孺哀慕尽礼亲党异之及长好学博通经史兼精佛义然性谦敬不以所长骄人家贫以园蔬为业】人有涉沟盗范元琰笋者元琰因伐木为桥以渡之盗者大慙一乡无复草窃

明山宾至性笃实家甚贫困尝货所乘车中牛既售受钱山宾语买主曰此牛经患漏蹄治差已久 后脱发无容不相语买主遽追取钱防士阮孝绪闻之叹曰此言足使还淳反朴激薄停浇矣【阮孝绪别见梁书曰明山宾字孝若平原鬲人父僧绍隐居不仕山宾七岁 言理十三博通经 居防尽礼服阌州辟从事史起家奉朝请累迁中书侍郎】明山宾初临青州所部平陆县岁俭启仓出米以贍贫民后刺史检州曹失去簿书以山宾为耗阙有司追责籍其宅入官山宾默不自理更市地造宅【刘璠梁典曰梁昭明太子闻山宾筑室不就令曰明祭酒出抚大藩拥旄推毂揖金拖紫而恒事屡空闻构宇未成今送薄助并贻以诗曰平仲古称奇夷吾昔擅美今则挺伊贤东秦固多士筑室非道傍置宅归仁里庾桑方可系原生今易拟必来三径人 招三径士】

庾子舆少有至性父域卒官巴西子舆奉防归至巴东滠预石瞿塘大滩秋水犹壮子舆抚心长叫其夜五更水忽减退安流南下及度水壮如旧时人为之语曰滠预如幙本不通瞿塘水退为庾公【南史曰庾子舆字孝卿南阳新野人父域有孝行母好 喉域孜孜营求一日防来下子舆幼而岐嶷五岁读孝经手不释卷或曰此书文句不多何用自苦答曰孝者德之本何谓不多】

傅茂远泊然静防不妄交游 司徒【 粲已见】每经其户辄叹曰经其户寂若无人披其帷其人斯在岂得非名贤【南史曰傅昭字茂远北地灵州人晋司 校尉咸七世孙也莅官常以清静为政不尚严肃居朝廷无所请谒普通五年为散骑常侍】

顾常侍清介持操为廷尉正时冬服单薄寺卿蔡子度【蔡廓别见】谓人曰我欲解身上襦与顾郎 顾郎难衣食者竟不敢遗之【顾协已见南史曰协少有志操内弟张率极推重之尝荐于武帝帝问协年率言三十五帝曰北方高凉四十强仕南方卑湿三十便衰如协便为已老但其事亲孝与友信亦不可遗于草泽卿便称勅唤出于是以协为太常博士】

张士简嗜酒踈脱于家务尤所忘怀在新安时遣家僮载米三千斛还吴耗失大半士简问其故答曰雀防耗也士简笑曰壮哉雀防不复研问【南史曰张率字士简吴郡吴人祖永宋征北 军父瓌右光禄大夫率性宽雅十二 属文历黄门侍郎出为新安太守】

高伯恭【魏 魏书曰高允字伯恭勃海蓟人汉太傅褒之后曾祖庆慕容垂司空祖泰吏部

尚书父韬魏道武丞相叅军允少孤夙成有奇度年十余歲祖父防还本郡允推财与二弟而为沙门名法淨未久而罢性好文学担笈 书千里就业博通经史天文术数仕至秘书监】与广平游雅【魏书曰游雅字伯度小名广头广平任人与高允俱知名徵拜中书博士性刚戇好自矜夸凌猎人物高允重雅文学而雅素轻允允性寬不以为恨允 婚于邢氏雅劝允娶其族允不从雅曰人贵河间邢不胜广平游人自弃伯度我自敬广头其贵已贱人皆此】太原张伟【儒林传曰张伟字仲业太原中都人学通诸经儒谨泛纳虽有蒙固伟告喻殷勤曾无愠色常依附经典教以孝弟门人感其仁化事之如父性清雅非法不言大武时与高允等俱辟授博士迁中书侍郎】同业相友雅尝论伯恭曰夫喜怒者有生所不能无前史载卓公寬中文饶洪量 心者或弗之信余与高子遊防四十年未尝见其愠喜之色不亦信哉高子内文明而外柔弱其言呐呐不 出口余尝呼为文子崔公谓余云高生丰才博学一代佳士所乏者矫矫风节耳余亦然之司徒之譴起於纖防及于诏责崔公声嘶股战不 言宗欽已下伏地流汗都无人色高子敷陈事理申释是非辞义清辩音韵高亮明主为之动容闻者无不称善仁及僚友保兹元吉向之所谓矫矫者更在斯乎【魏书曰崔浩与闵湛等同领著作湛等劝浩刊所撰国史于石以彰直笔允闻之谓著作郎宗欽曰闵湛所营分寸之间为崔门万世之祸吾徒无类矣未几难作初浩被 允直中书省景穆召允留宿宫内翌日谓曰入当见至尊吾自导卿脱至尊有问但依吾说既入见景穆言允小心慎密且防贱制由於浩请赦之帝召允谓曰国史皆浩作不允曰太祖记前著作郎邓彦海所撰先帝记及今记臣与浩同作然而臣多於浩帝大怒曰此甚於浩安有生路景穆曰天威严重允迷乱失次耳帝问如东宫不允曰臣罪应灭族不敢虚妄殿下以臣侍讲日久哀臣乞命耳实不问臣不敢迷乱帝谓景穆曰直哉此人情所难临死不移且对君以实贞臣也寧失一有罪宜宥之於是召浩前使人诘惶惑不 对允事事申明皆有条理时帝怒甚勅允为诏自浩以下一百二十八人皆夷五族允持疑不为频诏催切允乞更一见然后为诏诏引前允曰浩之所坐若更有余衅非臣敢知直以犯触罪不至死帝命介士执允景穆拜请帝曰无此人忿朕当有数千口死矣浩竟灭族余皆身死宗欽临刑叹曰高允其殆圣乎】宗爱之任势也威振四海尝召百司於都坐王公以下望庭毕拜高子独升阶长揖由此观之汲长孺可卧见卫青何抗礼之有向之所谓风节者得不谓此乎知人固不易人亦不易知吾既失之於心内崔亦陋之於形外钟期止听於伯牙夷吾见明於鲍叔良有以也【北史曰宗爱不知所由来以罪为阉人歷碎职至中常侍后矫诏立吴王余位居元辅録三省兼总戎禁坐召公卿权恣日甚内外憚之】卢度世以崔浩事逃在高阳郑累家累匿之使者逮累长子累诫之曰君子杀身以成仁汝虽死勿言其子奉命大被拷掠乃至火 其体以死卒无所言【北史曰度世字子迁防聪达有计数与从兄遐俱以学行为时流所重度世官至侍中】

杨津拜司空日当时府主皆自引僚佐有人就津求为幕属津曰此事湏家兄裁之何为见问【北史曰杨津字罗汉 农华陰人兄播华州刺史椿累官太保津至司空家世纯厚并敦义讓兄弟相事有如父子旦则聚於防堂终日相对未尝入内有一美味不集不食防堂间帟幔隔障为燕息之所时就休偃还共谈笑椿年老他防醉归津扶侍还室仍假寝阁前承 安否椿津年过六十并登台鼎津常旦暮叅问子侄罗列阶下椿不命坐津不敢坐椿每近出或日斜不至津不先饭椿还然后共食食则津亲授匙箸味皆先尝椿命食然后食初津为肆州椿在京每四时佳味輒因使次附之若或未寄不先入口一家之内男女百口總服同爨庭无间

言魏世以来唯卢阳乌兄弟及播昆季当世莫逮焉】

翟暹【别见】平居侵晓则与兄弟跪问母之起居出理官政暮归尝食视寝毕然后至外斋对亲宾论事或与沙门谈 理夜久还寝一生不问家产

牛 弟弼好酒而 尝因醉射杀 驾车牛 还宅夫人迎谓曰叔射杀牛 闻之无所怪问直答曰作脯坐定其妻又言叔射杀牛大是异事 言已知颜色自若读书不辍【北史曰牛字里仁安定鹑觚人襁褓时相者见之谓其父曰此儿当贵善爱养之及长 貌甚伟性宽好学博闻开皇初授秘书监大业中进位上大 军】

崔彦 清虚寡欲以简正见称【李百药齐书曰崔劼字彦 清河人父孝伯侍中劼少清虚寡欲好学有家风魏末累迁中书侍郎】初和士开擅朝曲求物誉【北史曰和士开字彦通清都临漳人防聪慧为国子生解悟防疾为同业所尚以倾巧便僻有宠于齐神武仕至尚书左仆射】诸公因此颇为子弟干禄世门之胄多防京官彦 二子并为外任弟廓之从容言曰拱扩幸得不凡何为不在省府之中清华之所而并出外藩有损家代彦 曰吾立身以来耻以一言自达今若进儿与身何异卒无所求

陆云驹 母忧哀慕毁悴殆不胜防至沉笃顿昧时第五弟 遇疾临终谓其兄弟曰大兄疴病如此性至慈爱 死之日不可令大兄知哭泣之声亦不宜闻彻致有感动家人至矜祖载方始告之云驹闻而悲痛一恸便绝【北齐书曰陆邛字云驹洛阳人昆弟六人并魏蓝田公主元氏所生故邢邵尝谓人曰蓝田生美玉岂虚也】

韦孝宽在延州【令狐德棻后周书曰韦叔 字孝宽京兆杜陵人世为三辅着姓孝宽沈敏和正涉猎经史弱冠属萧宝夤作乱诣阙请为前驱拜统军随长孙承业西征每战有功历大司空出为延州总管】兄敬远至州与孝宽相见 还孝宽以所乘马及辔勒与敬远敬远以其华饰心弗欲之笑谓孝宽曰古人不弃遗簪坠屦者恶与之同出不同归吾虽不逮前烈然舍旧录新亦非吾志乃乘旧马以归【后周书曰韦夤字敬远志尚夷简澹于荣利弱冠召拜雍州中从事非其好也谢疾去前后十见征辟皆不应属周文帝经纶王业侧席求贤闻夤养高不仕虚心敬悦遣使辟之备加礼命虽情谕甚至竟不能强】

李德林父校书亡时正严冬单衰徒跣自驾灵輿反 故里时博陵豪族有崔谌休假还乡车服甚盛 赴吊德林从者数十骑稍稍减留比至德林门才余五骑云不得令李生怪人熏灼【隋书曰李德林字公辅博陵安平人父敬族太学博士德林防聪敏数岁诵左思蜀都赋十日便度十五诵五经古今文日数千言 博坟典阴阳纬 无不通涉善属文词覈而理畅隋文帝时为相府属加仪同大 军】

房彦谦虽有禄仕务存俭素恒致屡空怡然自得尝从容独笑顾谓其子 龄曰人皆以禄富我独以官贫所遗子孙唯在清白耳所着文笔恢廓闲雅有古人深致时太原王劼北海高孝基蔣县李纲河东柳彧薛孺皆一时知名之士彦谦并与为友虽冠盖成列而门无杂宾体资



文雅深达政务有识归之【隋书曰彦谦清河东武城人天性颖悟受学于博士尹琳手不释卷遂通涉五经解属文雅有词辩风槩齐广宁王为齐州刺史辟为主簿终司 刺史】薛元敬是薛 兄子武德中为天防府参军兼直记室【刘昫唐书曰薛元敬隋选部侍郎迈子也有文学少与 及族兄德音齐名时人谓之河东三凤武德中为秘书郎太宗召为天防府参军记室】时 与房杜【房 龄杜如晦二人别见】防腹心之寄更相结附元敬谨畏未尝申欸如晦叹曰小记室不可得而亲不可得而踈【唐书曰薛 字伯褒蒲州汾阴人隋内史侍郎道衡子也十二解属文房 龄荐之太宗即日召见授天防府记室参军中说曰 也旷而肃】

温大雅 改葬其祖父箴者曰若葬此地当害兄而福弟大雅曰若得家弟永康我当含笑入地葬讫岁余果卒【刘昫唐书曰温大雅字彦 太原祁人性至孝少好学以才辩知名仕隋东宫学士高祖起义兵引为记室参军掌文翰武德中迁黄门侍郎与弟彦博对居近密当世荣之】

李百药名德之子文行兼绝四海名流莫不宗仰晚年悬车告老怡然自得穿池筑山文酒谭宾以尽平生之志【宋祁唐书曰李百药字重规定州安平人隋内史令德林子也七岁能属文贞观初拜中书舍人官至散骑常侍】

霍王元轨【唐书曰元轨唐高祖第十四子也始封吴王少多才艺太宗尝问羣臣朕子弟中孰贤魏徵曰唯吴王数与臣言未尝不自失上问前代谁比徵曰经学文雅汉之间平也改封霍王】临徐州与防士刘 平为布衣之交或问 平王之所长 平答以无长人问其故平曰夫人有短所以见长至於霍王无所不备吾何以称之

太宗尝赐于志宁张行成高季辅田志宁言臣家自周魏以来世居关中赀业不坠今行成季辅始营产土愿以臣有余赐不足者帝分其田以与二人【唐书曰于志宁雍州高陵人周太师燕文公谨之曾孙大业末为冠氏长时山东盗起弃官归乡里高祖入关率羣从於长春宫迎接高祖甚加礼遇太宗召补记室至尚书仆射张行成定州义丰人少师事河间刘炫炫曰张子体局方正廊庙人也大业末为谒者武德中补殿中侍御史太宗谓房 龄曰古今用人必因媒介 行成者朕自举之官至尚书左仆射高季辅德州蓆人父衡隋万年令季辅少好学兼习武艺贞观初拜监察御史多所弹劾永徽中授光禄大夫行侍中】

河间王次子晦私第有楼下临酒肆其人尝 晦言曰防贱之人虽礼所不及然家有长防不欲外人窥之家迫明公之楼出入非便请从此辞晦即日毁其楼【唐书曰河间王孝恭高祖从父兄子也次子晦累官营州都督以善政闻玺书劳问】

李义琰宅无正寝【刘昫唐书曰李义琰魏州昌乐人常州刺史 道族孙也身長八尺博学多识上元中累迁中书侍郎】弟义璿为市堂材【唐书曰李义璿义琰弟官岐州司功参军】义琰曰以吾为国相甚愧岂可尚营美宇以速祸咎义璿言凡任为丞尉且崇第舍兄位高安可偪下义琰曰事难全遂物不两兴既防贵仕又广居宇非有令德必受其殃卒不许其后



木腐弃之【封氏闻见记曰义琰宅至 迫虽居相位在官清俭竟终于方丈室之内高宗闻而嗟叹勅 作造堂以安灵座焉】

戴至德为尚书右仆射【刘昫唐书曰至德戴胄兄子胄无子以至德为后干封中累迁西防侍郎父子数年间相继知国政人以为荣】时刘仁轨为左【唐书曰刘仁轨汴州尉氏人恭谨好学博涉文史武德初河南道大使任瓌 上表论事仁轨见其起草为改定数字瓌甚异之遂赤牒补息州参军累迁尚书仆射】人有所诉仁轨率优容之至德乃诘究本末理直者密为奏理终不显私恩当时人多不知独称仁轨为解事仆射常更日听讼有一姬诣省至德已 牒姬乃复取曰初以为解事仆射今乃非是至德笑还之人服其长者【韦述唐历曰世称刘乐城与戴至德同为端揆刘则甘言接人以 物誉戴正色拒下推美矜君故乐城之善于今未弭而戴氏之绩无闻焉呜呼高名美称或因邀饰而致遽深仁至行或以韬晦而莫 岂唯刘戴而然盖自古有之矣故孔子曰众好之必察焉众恶之必察焉非夫圣智鲜不惑也】郭元振在太学时家中送资钱四十万防有褻服叩门者自言五世未葬愿假以治防元振举与之无少吝亦不质其姓氏【唐书曰郭元振魏州贵乡人授通泉尉任侠使气不以细务介意前后掠卖所部千余人以遗賓客百姓苦之则天闻召见与语甚奇之累官朔方军大总管】

王义方初拜御史意望殊高忽畧人间细事买宅既数日忽对賓朋指庭中青桐树一防曰此亡酬直賓朋言侍御贵重不知交易树当随宅无别酬例义方曰此嘉树非他物比召宅主付之钱四千【宋祁唐书曰王义方泗州涟水人客于魏孤且窳事母谨甚淹究经术性褻特高自标树不肯造请贵势素善张亮亮抵罪义方贬吉安丞道南海舟师持酒脯请福义方酌水誓曰有如忠获戾孝见尤四维廓氛千里安流神之听之无作神羞时盛夏涛雾蒸涌既祭天云开露人壮其诚显庆元年擢侍御史寻以弹李义府贬莱州司户岁终不调往客昌乐聚徒教授隱居不出】

王义方举明经诣京师客有徒步疲矜道者自言父宦遠方病且革欲往省覲困不 前义方解所乘马遗之不告姓名而去

王义方为魏征【别见】所知征欲妻以夫人之侄王辞不取俄而征薨王乃取女人问其故曰初不附宰相今感知己故也

李峤当则天朝拜相后幸其宅见卧青絁帐赐御用绣罗帐易之峤卧不安席明日奏小时相者谓不当华欲仍用旧帐【刘昫唐书曰李峤赵州贊皇人隋内史侍郎元操从曾孙也代为着姓父镇恶防城令峤早孤事母以孝闻为儿童时梦有神人遗之防笔自是渐有学业弱冠举进士累转监察御史神龙二年代韦安石为中书令】

故事宴集贤院官重者先饮时张说为学士语诸人曰吾闻儒以道相高不以官阀为先后大帝时修史十九人长孙无忌以元舅每宴不肯先举爵长安中与修三教珠英当时学士亦不以品秩为限矜是引觴同饮时伏其有体【刘昫唐书曰张说字道济其先范阳人代居河东

后徙洛阳弱冠对防授太子校书预修三教珠英开元中召说及礼官学士赐宴集贤殿授说集贤院学士】

蘓昌容转 州大都督府长史府据都防多名珍怪产前长史贲取巨万昌容单衣襦被自将【刘昫唐书曰蘓瓌字昌容京兆武功人隋仆射威曾孙也祖防隋鸿胪卿父勗贞观中台州刺史瓌弱冠举进士授豫王府录事参军长史王德贞司马刘祎之皆器重之累迁 州大都督府长史尚书右仆射】

陆象先在蒲州日小吏有罪但诫遣之大吏争白以为可杖象先日人情大抵不相远谓彼不晓吾言必湏责者当以汝为始大吏慙而退象先尝曰天下本自无事但庸人扰之为烦尔第澄其源何忧不简【刘昫唐书曰陆象先本名景初蘓州吴县人天官侍郎元方之子少有器量应制举拜扬州参军歷中书侍郎清淨寡欲不以细务介意言论高遠雅为时贤所服崔湜每谓人曰陆公加於人一等矣太平公主用事宰相萧至忠岑羲及湜等咸倾附之唯象先孤立未尝造谒至忠等伏诛象先独免其难以保防功封兗国公时穷讨至忠枝党象先密有申理全济甚多然未尝言及当时无知之者】

陆象先在官务以寬仁为政司马韦抱真尝言望明公稍行杖罚以立威名不然 下人怠废象先日为政者理则可矣何必严刑树威损人益己以伤仁恕之道元延祖年过四十不仕亲姻强劝之再调春陵丞辄弃官去尝曰人生衣食可适饥饱不宜复有所湏每灌畦掇薪以为有生之役过此吾不思也【宋祁唐书曰延祖元结之父三歲而孤祖仁基曰此儿且祀我因名而字之安禄山反延祖召结戒曰而曹逢世多故不得自安山林勉树名节无近羞辱云卒年七十六门人私謚曰太先生】

元紫芝贫时其兄早亡有遗孤朞月其嫂又防无乳哺之紫芝昼夜哀号抱其子以已乳含之涉旬湏流遂得长大兄子能食其乳方止【刘昫唐书曰元德秀字紫芝河南人性纯朴无緣饰动师古道父为延州刺史德秀少孤贫事母以孝闻开元中游京师不忍离亲每行则自板舆与母诣长安母亡庐於墓所食无盐酪借无茵席刺血画像写佛经久之以孤防牵於禄仕授邢州南和尉佐治有惠政召补龙武参军终鲁山令】

元紫芝为鲁山令有清德门下相与謚为文行先生士大夫高其行不名谓之元鲁山

刺史韦诜休沐日登楼见人於后圃有所瘞藏访之羣吏曰此参军裴寬宅寬义不以苞苴污家适有人以鹿为饔致而去不敢自欺故瘞之诜闻而叹异【刘昫唐书曰裴寬绛州闻喜人裴灌从祖弟父无晦 州刺史寬通署以文词进骑射弹棊投壺特妙景云中为润州参军刺史韦诜为按察使引为判官清干善於剖断诜重其才以女妻之后应防萃举累官礼郎尚书】

杨綰至性沈靖独处一室左右图史凝尘满席澹如也【刘昫唐书曰杨綰字公权华州华陰人祖温玉则天朝国子祭酒父侃醴泉令皆以儒行称綰生聪惠防羣从之中敏识过人及长

好学不倦博通经史九流七畧无不该览尤工文辞藻思清赡而宗尚 理家贫养母以孝闻补太子正字代元载为中书侍郎集贤殿大学士】

杨綰始辅政御史中丞崔寬家族奢侈城南别墅池观堂皇为当时第一即日遣人毁之京兆尹黎干出入从骑御百数省损才留十骑中书令郭子仪在邠州行营方大防除书适至音乐散五之四其他闻风靡然自化者不可胜纪世以比山涛谢安

杨綰知友皆一时名士或造之者清谈终晷未尝及名利有欲干以世务綰言必 遠不敢发词内愧而退大歷中德望日崇天下雅正之士不遠数千里争趋其门段秀实初为营田官泾原大 焦令谌强占民田给与农约熟归其半歲旱令谌索入农往诉秀实秀实署牒免之令谌召农责曰我畏段秀实耶以牒置背上杖击二十輿致庭中秀实泣曰乃我困汝即自裂裳裹疮注药卖已马以代偿淮西 尹少荣骂令谌曰段公廉仁惟一马卖而市谷入汝汝取之不耻汝何能为人令谌大愧流汗曰吾终不可见段公一夕自恨死【刘昫唐书曰段秀实字成公陇州汧阳人祖达左卫中郎父行琛洮州司马秀实性至孝沉厚有断朱泚谋逆时秀实为司农卿泚召秀实议事源休姚令言李忠臣李子平皆在坐秀实戎服与泚并膝语至僭位秀实勃然而起执休腕夺其象笏奋跃而前唾泚面大骂曰狂贼吾恨不斩汝万段吾岂逐汝反耶遂击之泚举臂自捍才中其颞流血匍匐而走凶徒愕然初不敢动秀实曰我不同汝反何不杀我凶党羣至遂遇害焉】

崔刑部【枢】夫人是李西平女【宋祁唐书曰李晟字良器洮州临潭人世以武力仕晟防孤奉母以孝闻身长六尺积功至鳳翔陇右泾原节度使封西平王】西平生日中堂大宴方食有小婢附崔夫人耳语夫人颔之而去有顷复至王问何事夫人言大家昨夜小不安适使人往 王掷箸怒曰我不幸有此女大奇事汝为人妇岂有阿家体 不安不检校汤药而与父作生日吾有此女何用作生日为遽遣走担子归身亦续至崔氏家问疾且拜谢教子女不至姻族闻之无不愧叹【大唐诏令宪宗时诏曰中书舍人崔枢积学懿文守经据古夙夜讲习庶协于中可充皇太子侍读 因话錄曰崔枢夫人治家整肃妇妾皆不许时世妆】

刘敦儒事亲至孝亲心绪不理每鞭人见血则一日悅畅敦儒常敛衣受杖曾不变容【唐书曰敦儒开元史官散骑常侍子 之孙居防毁瘠骨立洛中谓之刘孝子官至兵曹叅军】

李道枢母卢夫人刚严性喜鞭人时道枢名闻已光又在班列往往賓客至门值公方受杖【刘昫唐书曰李道枢赵郡人官侍御史尝乘醉谒中丞独孤朗朗劾之左授司议郎】

李师古防扈【唐书曰师古淄青节度使李纳之子】憚杜黄裳为相未敢失礼命一千吏寄钱数千緡并犗车子一乘亦直千緡使者未敢遽送扈宅门伺 累日有綠輿自宅出从婢二人青衣防嫠言是相公夫人使者遽归以告师古师古折其谋终身不敢改节【刘昫唐书曰杜黄裳字遵素京兆杜陵人登宏辞科杜鸿渐深器重之为郭子仪朔方从事贞元二年为检校司空兼河中尹封邠国公】

李汧公少贫客防梁宋与诸生共逆旅诸生病且死出白金语汧公曰左右无知者幸君以此葬我余则君自取之汧公许之托葬密置余金棺下后其家来谒汧公共啓墓出金付之【刘昫唐书曰李勉字 卿郑王元懿曾孙幼勤经史长而沉雅清峻德宗朝以司徒平章事一日上谓勉曰众人皆言卢杞奸邪朕何不知对曰天下皆知其奸邪独陛下不知所以为奸邪也时人多其正直勉坦率素淡好古尚奇清廉简易为宗臣之表善鼓琴好属诗在相位二十年禄俸皆遗亲党身没无私积其在天官礼贤下士以□巡张叅为判官卒於幕三歲之内每遇宴饮必设虚位於筵次陈膳执酌辞色凄惻论者美之】

李汧公为岭南罢镇归行到石门停舟悉搜家人犀象投江中而去

李约尝江行与一商胡舟楫相次商胡病笃固邀与约相见以二女托之皆有异色又遗一大珠约悉唯唯及商胡死财寶数万约皆籍送官与二女求配始殓商胡时密以夜光含之后亲属来理资物约请官司发掘验之夜光果在墓中【尚书故事曰李约为兵部员外汧公勉之子也识度清旷迥出尘表与主客郎张谔同官每单床清言达旦不寐 因话録曰约以近属宰相子而雅度 机萧萧冲远】阳城年长不肯娶语羣弟曰吾与若孤惇相育既娶则间外姓虽共防而益踈我所不忍羣弟义之亦不娶遂兄弟同防终身【宋祁卓行传曰阳城字亢宗定州北平人好学贫不 得书求为吏 集贤院窃院书读之昼夜不出户六年无所不通去隠中条山与弟堦域常易衣出后为谏议大夫以沮裴延龄相出为道州刺史】

阳城歲饥屏迹不过隣里屑榆为粥讲论不辍有奴都儿化其德亦方介自约或哀其馁与之食不纳后致糠覈数杯乃受

任廸简在李景略幕中【宋祁唐书曰任廸简京兆万年人天德李景畧表佐其军后景畧卒军中请为天德军使】景略尝宴客行酒者误进醯景略用法严廸简不忍其死饮为醕徐以他辞请易之归病略血终不以闻军中服其长者【宋祁唐书曰李景畧幽州良乡人父承悅檀州刺史密云军使景畧以防补幽州府功曹大歷末客河中闔门读书李懷光为朔方节度署巡官官至天德军西受降城都防御使】

李廙为尚书左丞有清德其妹是刘晏夫人晏方秉权尝造廙延至宴室见其门 甚弊乃潜度广狭以羸竹织成 以赠廙三攜至门不敢发言而去

李实尹京时【刘昫唐书曰李实道王元庆 孙以防入仕贞元十九年为京兆尹恃宠强愎不顾文法人皆侧目贬通州长史】甚知韦贯之尝举笏示所知曰此其姓名也与吾同里素闻其贤愿识之而进於上或以语贯之曰子今日诣实明日贺者至矣贯之唯唯数歲中不往官亦不迁【刘昫唐书曰韦贯之本名纯八代祖夔号逍遥公父肇吏部侍郎有重名贯之授秘书郎以尚书右丞平章事自布衣至贵位居室无改易歷重位二十年苞苴寶玉不敢到门沉厚寡言与人交终歲无欸曲未曾伪词以悅人身歿之后家无羨财】

## 语林卷三

### 德行第一【下】

裴晋公为门下侍郎过吏部选人谓同过给事中曰吾徒至此侥幸甚多此辈优一资半级何足问也悉与注定未曾退量【刘昫唐书曰裴度字中立河东闻喜人元和中以门下侍郎充彰义军节度使淮蔡平封晋国公】

王丞相再主文柄【刘昫唐书曰王起字举之王播之弟长庆中钱徽掌贡士为朝臣请托人以为滥诏起与白居易覆试覆落者多徽贬官起代徽为礼部侍郎掌贡二年得士尤精起僻耽嗜学虽官位崇重耽玩无斁夙夜孜孜殆忘寝食书无不览经日靡遗】欲以白敏中为状元【唐书曰敏中字用晦居易从父弟也祖璘 州录事参军父季康溧阳令敏中少孤为诸兄之所训厉长庆初登进士第】病其人与贺防基为友基有文而落拓丞相密令亲知通意俾敏中与基绝复约敏中为具敏中许之既而基果造门左右给以敏中他适基迟留不言而去俄顷敏中跃出呼左右召基悉以实告且曰一第何门不可致奈何轻 至交相与欢醉而寝前人来见之大怒而去具言于丞相丞相曰我比只得白敏中今当更取贺防基矣

李尚书在潭州【刘昫唐书曰李翱字习之凉武昭王之后父楚金贝州司法参军翱防勤儒学博雅好古为文尚气质贞元中授校书郎累官检校户部尚书防州刺史】席上有舞柘枝者颜色忧悴问之是故韦左司爱姬之女【唐诗纪事曰韦应物周逍遥公之后待价生令仪令仪生盩眱生应物其诗言天寶时扈从游幸事疑为三卫建中二年由比部员外郎出刺滁州追赴阙改左司郎中正元初历蕲州罢守寓蕲台永定精舍】李公速命更其舞衣延入与韩夫人相见【夫人韩吏部愈之侄】见其言语清楚宛有冠盖风仪遂于宾榻中选士嫁之舒侍郎闻之赠李诗曰湘江舞罢忽成悲便脱蛮靴出绛帏谁是蔡邕琴酒客魏公怀旧嫁文姬【宋祁唐书曰舒元舆婺州东阳人地寒不与士齿始学即警悟去客江夏节度使郗士美异其秀特数延誉元和中举进士李训用事用为御史中丞月中以本官平章事】柳公权善书公卿赠遗钜万多为主藏竖海鸥龙安所窃别贮杯盂一笥緘縢如故其器皆亡讯海鸥乃曰不测其故公权笑曰银杯羽化耳不复致诘【刘昫唐书曰公权字诚悬幼嗜学十二能赋诗初学王书遍阅近代笔法体势劲媚自成一家当时公卿碑板不得公权手笔人以为不孝外夷入贡皆别署货贝曰此购柳书上都西明寺金刚经碑备有钟王欧虞褚陆之体尤为得意官至太子太师】

杨凭有客徐晦素厚善【唐书曰杨凭字虚受 农人官湖南江西观察使工文辞少 气节与母弟凝凌相爱皆有时名重交游尚然诺与穆质许孟容李鄲王仲舒为友称杨穆许李之友性简傲不能接下人多怨之及历二镇尤事奢侈为李夷简所劾责授临贺尉】凭后得罪姻友惮畏无敢至者独晦送至蓝田【唐书曰徐晦进士擢第登制科为杨凭所荐及凭得罪交亲无敢祖送独晦送至蓝田不数日御史中丞李夷简请为监察晦白夷简曰生平不践公门公何取而见樊防夷简曰闻君送杨临贺不顾犯难肯 国乎由是知名】故相权德舆言君送杨临贺诚厚无乃为累乎晦曰晦自布衣时杨临贺知我厚方兹流播宁忍无言而别

有如公异时为奸佞譖斥晦敢自同路人乎德輿叹其长厚【唐书曰德輿字载之天水畧阳人父臯天寶中祿山使之献俘京师臯察祿山有异志因诈死逃逸由是名闻天下卒谥贞孝德輿四歲能属诗七歲居父防以孝闻十五为文数百篇名声日大后以礼部尚书平章事德輿自贞元至元和三十年间羽仪朝行直亮寬恕动作语言一无外饰蕴借风流为时称向於述作特盛六经百氏防咏渐渍其文雅正而 博王侯 相泊当时名人薨歿以铭记为请者什八九时为宗匠焉】

钱徽在翰林日宪宗尝独召徽有所咨议徽从容言曰他学士皆高选宜与闻机密以广叅决帝称其长者【唐书曰钱徽字蔚章吴郡人父起天寶十年进士 五言诗徽贞元初进士擢第从事戎幕元和初入朝三迁祠部员外郎召充翰林学士】

钱蔚章初贬江州李宗闵杨汝士令蔚章以段文昌李绅私书进呈上必开悟蔚章曰苟无愧心得防一致脩身慎行安可以私书相证耶即令子弟焚去【唐书曰长庆元年钱徽为礼部侍郎宰相段文昌出镇蜀川文昌好学尤喜圖書古画刑部侍郎杨凭兄弟以文学知名家多书画钟王张郑之迹在书断画品者兼而有之凌子浑之尽以献文昌求进士文昌 发面托钱徽继以私书保荐学士李绅亦托举子周汉賓於徽及榜出浑之汉賓皆不中选李宗闵与元稹素相厚善初稹以直道譴逐及还朝大改前志由迳以徽进达宗闵亦急于进取二人遂有嫌隙杨汝士与徽有旧是歲宗闵子壻蘓巢及汝士季弟殷士俱及第文昌李绅大怒赴镇辞日内殿面奏徽所放进士郑朗等艺薄不当在选中穆宗访於元稹李绅二人对与文昌同遂命中书舍人王起主客郎中白居易於子亭重试内出题目孤竹管赋鸟散余花落诗而十人不中选贬徽为江州刺史】

裴公美志操坚正童亂时兄弟同学于济源别墅公美经年不出墅门昼讲经籍夜课诗赋虞人有以鹿为贄者兄弟烹之召公美共食公美曰我等穷生菜食不充今日食肉翌日何继无宜改饌独不肯食【刘昫唐书曰裴休字公美河内济源人祖脩父肃肃生三子俦休侑皆登进士第休累官御史大夫同平章事性寬惠不尚皁察而吏民畏服善为文长於书翰家世奉佛休尤深於释典太原鳳翔近名山多僧寺视事之隙遊踐山林与义学僧讲求佛理中年后不食荤血常斋戒屏嗜欲香炉贝典不离斋中咏歌賛呗以为法乐与尚书紆于 皆以法号相字时人重其高洁而鄙其太多以语嘲之休不以为忤唐语林曰裴相兄弟三人俱有盛名世谓侑不如俦俦不如休】

柳仲郢先为牛奇章辟客后李卫公【李德 别见】知其无私奏为京尹仲郢谢曰自言不期太尉恩獎及此仰报盛德敢不如奇章公门馆卫公不以为嫌仲郢常感卫公之知大中朝李氏无祿仕者仲郢领盐铁特取卫公兄子从质为推官知蕪州院令以祿利贍南宅时令狐绹为宰相不悅仲郢与绹书曰任安不去尝自愧於昔人吴咏自裁亦何施於今日李太尉受责既久其家已空遂絕蒸尝诚深痛惻绹深叹美即与从质正员官【牛僧孺李德裕令狐绹并别见 刘昫唐书曰柳仲郢字谕 公綽之子官天平军节度使礼法自持私居未尝不拱手内斋未尝不束带三为大镇廐无名马衣不薰香退公布卷不舍昼夜九经三史一钞魏晋南北史再钞手钞分门三十卷号柳氏自备又精释典瑜伽智度大论皆再钞自余佛书多手记

要义小楷精谨无一字肆笔撰尚书二十四司箴韩愈柳宗元深赏之】

司空表圣甚为王重荣父子所重【宋祁唐书曰司空圖字表圣河中虞乡人累官中书舍人昭宗召拜兵部侍郎以疾固自乞防选洛阳柳璨希贼意诛天下才望助防王室诏圖入朝圖阳堕笏意趣野耄璨知无意於世乃听还圖居中条山王官谷遂隱不出王重荣父子重之数致饋遗不肯受】尝为重荣作碑赠素绢千匹表圣致虞乡市中人得取之一日都尽【刘昫唐书曰王重荣太原祁人父纵河中骑 重荣累功至河中节度使天子走鳳翔与李克用谋定王室重荣之功居多】

王凝清脩重德冠絕当时每就寢息必叉手而卧虑梦寐或见先灵【唐书曰王凝字致平年十五两经擢第着京师六冈铭为文士所称至性坚正仕至宣歙观察使】

赵光逢两登廊庙四退邱园百行五常不欺暗室缙绅咸仰以为名教主【孔平仲续世说曰后唐赵光逢幼嗜典故动循规检弟光 为平章事时谒问於私第语及政事他日光逢署其户曰请不言中书事其端默如此】

朱梁革命唐旧臣李涛朱葆光顏尧数人挈家南渡寓于潭州每正旦与至日必序立於南岳祠前北望号恸殆二十年后唯李涛北归葆光遂家衡山【宋史曰李涛字信臣京兆万年人唐敬宗子郇王十一世孙父元 作监朱梁革命元以宗室惧祸挈涛避地湖南依马殷署涛衡阳令文苑 曰朱葆光其先京兆人唐亡挈家南渡寓潭州】

李后主 北邙故吏张昺后官河南每清明亲拜其墓哭之甚哀李氏子孙陵替昺常分俸贍给【司马文正公涑水记闻曰张洎为举人时张昺在江南已通洎每求见称从表侄孙既及第称侄稍贵称弟及秉政不复论中表以庶僚遇之昺怨洎入骨国亡俱仕中国洎作钱俶谥议云亢而无悔昺奏駁之洎广引经 自解乃得免】江南李氏时有县令钟离君与隣县许令为姻女 出适买一婢从嫁一日其婢执箕帚治地堂前熟视竄防惻然泪下钟离君怪问之婢泣曰幼时我父於此穴地为毬窝道我戯剧歲久而穴防未改钟离君惊问其父婢曰我父乃两政前县令身死家破我遂落民间更卖为婢钟离君呼牙侖问之复咨於老吏具得其实遽以书抵许氏曰吾买得前令之女义不可久辱当辍奩筐先求壻嫁之更一年别为吾女营办许答书曰蘧伯玉耻独为君子君何自專仁义愿以前令之女配吾子君女当别求良配於是前令之女遂归许氏

南唐后主薨太宗诏侍臣撰碑时有与徐 争名欲中伤之因言知吴王事迹莫若徐 太宗诏 为之 遽请对泣曰臣旧事李煜陛下容臣存故主之义乃敢奉诏太宗许之 为碑但推言气数已尽天命有归有曰东隣遭祸南箕扇疑投杼致慈亲之惑乞火无里媪之谈始劳因垒之师终后涂山之防太宗览读叹赏每对宰臣称 忠义【马令南唐书曰徐 字鼎臣魏泰东轩笔録曰 尝作吴王挽词三首其一曰倏忽千龄尽防 万事空青松洛阳陌荒草建康宫道德遗文在兴衰自古同受恩无补报反袂泣涂穷其二曰土德承余烈江南广旧恩一朝人事变千古信书存哀挽周原道铭旌郑国门此身虽未死寂寞已销魂太宗得而览之



尤加叹异】

徐鼎臣归朝后坐事出陝右柳开时为州刺史开性豪颇不加礼【王圣涂澠水燕谈錄曰河南柳先生开以高文苦学为世宗师后进经其题目翕然名重於世】又开事多不法朝廷命郑文寶治罪文寶素师事鼎臣开诣鼎臣求解鼎臣曰彼昔为弟子然时异事背尚安能必其心开再拜力恳鼎臣许之顷文寶至首不见开即屏从者步趋入巷诣鼎臣许覲省立於庭下鼎臣徐徐下座文寶拜竟陞自西阶通温清复降拜鼎臣乃邀文寶上立谈道旧且戒文寶以持节之重而闲慢废弃后勿复来文寶力询其所欲言鼎臣曰柳开甚相畏文寶默出其事立散文寶敦尚风义世皆称之【王偁东都事畧曰郑文寶字仲贤仕南唐为校书郎以文知名李煜归朝举进士卒官兵部员外郎】

张齐贤为江南转运日尝家宴一奴窃银器数事于懷中文定自下熟视不问尔后文定三为宰相门下厮役往往皆得班行此奴竟不霑禄奴乘间自言某事相公最久凡后於某者皆得官相公何独遗某因泣下不止文定惘然语曰我欲不言尔乃怨我尔忆江南日盗吾银器数事乎我懷之三十年不以告人虽尔亦不知也吾备位宰相进退百官志在激浊清安敢以盗贼荐耶念汝事吾久今予汝钱三百千汝其去吾门下自择所安奴震骇泣拜而去【吴防厚青箱杂记曰张齐贤洛阳人少家贫父死无以有河南县史某甲为办棺殓公深德之遂长兄事之虽贵不替后遣普密荐齐贤於太宗太宗未用普具列其事谓陛下若擢齐贤则齐贤他日感恩当过於此太宗大悅未几擢为相】

李丞相有一仆逋金十千一夕遁去其女十歲有美姿自系一券於带愿卖宅中以偿丞相祝夫人曰当如己子育之於室训教妇德俟长求夫嫁之请夫人亲为结缡务在明洁夫人如所教及笄择一壻具奩归之女范坚白其二亲后归旧京感公刻骨丞相病夫妇割股作羹及薨服衰三年【王称东都事畧曰李沆字太初洺州肥乡人父炳侍御史沆好学沉厚寡言器度宏遠咸平初拜平章事卒赠中书令谥文靖】

李文靖为相專以方严重厚镇服浮躁尤不乐人论说短长胡秘监谪商州久未召尝与文靖同为制诰闻其拜参政以啓贺之诋前居职罢去者云吕参政以无功为左丞新参政以酒失为少监辛参政非才谢病优拜尚书陈参政新任失防退归两省其誉文靖甚力文靖慨然不乐命小吏封置别篋曰吾岂真优於此是亦适遇耳乘人之后而讥其非吾所不为况欲一已而短四人乎终为相秘监不复用【王称东都事畧曰胡旦字周父渤海人举进士第一后防明以秘书监致仕雋辯强敏少有大志退老汉上虽防明犹令人读经史凭几听之未尝少辍所著有汉春秋帅要畧唐乘等书】

王文正以清德事真皇上特敬重一日御宴陈设鲜华文正顾视意色不悅上觉其如此至中休命左右以旧陈设易之【孔平仲谈苑曰王旦字子明为翰林学士尝奏事下殿真宗目送之曰与朕致太平者斯人也拜平章事外抚四夷内和百姓官吏得职天下富庶颂声洋溢旦之力也】



王魏公有弟傲不可训一日逼冬至祠家庙列百壶於堂弟皆击破之家人惶骇魏公忽自外入见酒流满路不可行公无一言但摄衣步入其后弟忽感悟为善西蜀乱后官府多不挈家以行张忠定知益州单骑赴任是时一府官属惮张严峻莫敢蓄婢使张不欲絶人情遂自买一婢以侍巾帨自此官属稍稍置姬张在蜀四年被召还阙呼婢父母出赏以嫁仍是防女【朱文公五朝名臣言行録曰张咏字复之濮州人官至工部尚书谥忠定】

侍郎家【宋史曰 堂字希鲁常州宜兴人官至尚书礼部侍郎清修纯飭遇事毅然不屈贫而乐施好学工文延誉晚进至老不倦尤嗜作诗有吴门集二十卷】有杨文公与王魏公【王旦已见】一帖用半幅 有折防其略云昨夜有进士 堂携所作文来极可喜不敢不布闻谨封拜呈蕲子瞻曰夜得一士旦而告人察其情若喜而不寐者世言文公为魏公客公经国大谋人所不知者独文公得与观此帖不特见文公好贤乐士之急且得一士必亟告之其补於公者亦多矣片 折封尤见前人至诚相与简易平实不为虚文安得复有隠情皆可为后法【王称东都事畧曰杨亿字大年建州浦城人七歳善属文十一以童子召对试诗赋五篇下笔立成太宗叹异以为秘书省正字歴官翰林学士谥曰文】

韩许公在中书日尝见天下诸路有职司捃拾官吏小过辄顔色不恚曰今天下太平主上之心虽虫鱼草木皆欲得所夫仕者大则望为公卿次则望为侍从职司其下亦望京朝幕职奈何辄之於圣世【五朝名臣言行録曰韩亿字宗魏其先真定人事仁宗官至参政封许国公】

孙明复年四十犹不娶【东都事畧曰孙复字明复晋州平阳人举进士不中居泰山之阳学春秋着尊王发防不惑 注不为曲说以乱经其言简易得经之本义为多鲁多学者自石介以下皆以弟子事之】李迪知其贤欲以兄子妻之明复初尚犹豫石介与诸弟子请曰公卿不下士久矣今丞相不以先生贫贱欲托以子宜因以成丞相之贤明复乃听【东都事畧曰李迪字复古濮州鄆城人少从柳开学为古文开曰此公辅器也后举进士第一直史馆真宗朝为相 石介别见】韩魏公为相每见文字有攻人隠恶必手自封记不令人见【韩忠献家传曰公讳琦字穉圭相州人天圣五年仁宗临轩试进士公名在第二时唱名第一甲方终太史奏日下五色云见左右从官皆贺后相英宗神宗两朝赠魏国忠献王】

宋朝引试率在八月中韩魏公当国日二蕲 就试黄门忽卧病魏公辄奏上曰今歳召制科之士惟蕲轼蕲辙最有声望今闻蕲辙偶病未可试如此人兄弟中一人不得就试甚非众望欲展限以俟上许之黄门病中魏公数使人问讯既闻全安方引试比常例展二十日自后试科目并在九月后相国吕防仲语及科目何故延及秋末东坡为吕言之吕曰韩忠献其贤如此深可慕尔

范文正在睢阳【文正公年谱曰公讳仲淹字希文蕲州人仁宗朝官至参知政事谥文正】遣其子尧夫於姑蕲取麦五百斛尧夫时尚少还次丹阳见石曼卿【别见】问寄此久近曼卿言已两月三防在浅土欲 之北归无可与谋尧夫以所载舟与之单骑自长芦捷径而去到家拜起侍立良久文正曰东吴见故旧乎曰曼卿为三防未举留滞丹阳时无郭元振莫可

告者文正曰何不以麦舟付之尧夫曰已付之矣【五朝名臣言行錄曰范纯仁字尧夫文正公次子以恩补官相哲宗】

欧阳公下士后代罕比【东都事畧曰欧阳脩字永叔吉州卢陵人举进士试国子监礼部皆第一仁宗朝知制诰帝常目之曰如欧阳脩者何防得来后以观文殿学士太子少师致仕】作河北转运使过滑州访刘義叟於陋巷中義叟时为布衣人未有知者【曾巩刘義叟别曰義叟字仲更泽州人通经史百家之学国朝典故财赋刑名兵械钟律皆所究知举进士不第欧阳公荐授大理评事】

欧阳公为翰林学士日常有空头门状数十纸随身或见贤士大夫称道人物必问其所居书填门状先往见之果如所言便为延誉未尝以位貌骄人

张安道与欧阳文忠素不相能安道守成都日文忠为翰林蘓明允父子自眉州走成都 求知於安道安道曰吾何足为重乃为作书办装使人送至京师谒文忠文忠得明允父子所著书亦不以安道所荐为嫌大喜曰后来文章当在此即极力推挽天下高此两人【五朝名臣言行錄曰张方平字安道宋城人中茂材异等及贤良方正直言极諫科事仁宗英宗神宗位至参政卒謚文定】

赵叔平与欧阳公同在館赵重厚寡言公意轻之公知制诰日韩范在中书以赵为不文除天章阁待制赵不以屑意防公甥女淫乱事觉语连公时疾韩范者皆欲文致公罪云与甥乱上怒狱急羣臣无敢言赵乃上言脩以文章为近臣不可以闺房暧昧之事轻加污蔑臣与脩踪迹素疎脩之待臣亦薄所惜者朝廷大体耳书奏上不悅人皆为之惧赵澹然如平日【吴防厚青箱杂记曰赵槩字叔平为人寛厚长者留滞内相十余年晚始大用参两大政】

张文定公【张方平已见】平生未尝不衣冠而食尝暑月与其壻王巩同饭命巩褫带公衫防自如巩顾见不敢公曰吾自布衣诸生 遇至此一饭皆君赐也享君之赐敢不敬乎子自食某之食虽褫衣无害也【东都事畧曰王旦子素謚懿敏为吏敢击断时称其才诸子中巩知名巩字定国从蘓軾学 为文除秘书省正字坐軾累贬賓州】石守道为举子时寓学於南都固穷苦学世罕其比【孔平仲谈苑曰石介字守道兗州人文章学术天下宗师学者呼为徂徠先生】王侍郎【洙】闻其勤约尝以盘餐遗之守道谢曰甘脆者亦某之愿但日享之则可若止脩一餐则明日何以复继朝享膏粱暮厌麤粝人之情也某所以不敢当赐王大嗟重之【东都事畧曰王尧臣应天府虞城人都官负外洙之子翰林学士洙之犹子也】

罗可以疎放自适尝有窃刈其园中蔬者可适遇见因蹶足避草间以俟其去又有攘杀其鸡者可携壶就之其人慙悚服罪可执其手曰与子幸同里间不能烹鸡以待子我诚自愧乃设席呼其妻孥环坐尽醉而归终不语人人由是相诫无犯【墨客挥犀曰罗可沙阳之硕儒也性度寛宏辞学赡丽尝预乡荐见黜於礼部遂慨然不复进取以疎放自适】

庞相判太原日司马温公【别见】适倅并州一日被檄巡邊温公因便宜命诸 筑堡於穷

鄙而不以闻后为西羌所败杀一副 朝廷深讶庞公擅兴诘责不已庞公既素重温公畧弗自言久之遂落使相以观文殿学士罢归庞公益默不一语温公用是得免【五朝名臣言行錄曰庞籍字醇之单州人中进士第相仁宗】

赵清献既谢政归唯居高斋不复与家人相接子弟晨昏一至以二净人一老兵为役早不茹荤以一净人治膳於外日轮一僧伴食玉泉师三五日一过之晚乃畧取鲋脯於家老兵扫除事已即去唯一净人执事其傍暮以风鑪置大铁汤餅可贮斗水及列盥漱之具则净人亦去公燕坐至初夜就寝鸡鸣净人治佛室香火三击磬公乃起自以餅水頰面趋佛室暮年尚日礼百拜诵经至辰时【宋史曰赵抃字阅道衢州人官至参知政事卒谥清献 叶石林避暑錄曰赵清献在钱塘州宅之东消暑堂堂后旧据城闌为屋五间下瞰虚白堂不甚高大而最据一州之胜谓之高斋后治第衢州临大溪其傍不遠数步亦有山麓屹然而起即作别館其上亦名高斋既归唯居此館】范氏自文正公贵显以清苦俭约称于世子孙皆守其家法忠宣【范纯仁已见】正拜后尝留晁美叔同匕箸美叔退谓人曰丞相变家风矣或问之晁答曰盐防棊子上有肉两簇岂非变家风乎闻者大笑【朱弁曲洧旧闻曰晁端字美叔晁之道之父官秘书监】

司马温公未有子清河郡君为置一妾一日使盛饰入书室中公畧不顾妾思所以动之取一帙问曰中丞此是何书公拱手正色答曰是尚书妾逡巡而退【东都事畧曰司马光字君实陕州夏县人位至丞相忠信孝友恭俭正直出於天性自少及老语未尝妄其好学如饥之嗜食於财利纷华如恶恶臭诚心自然天下信之於学无所不通音乐律歷天文书数皆极其妙卒赠温国公谥文正】

陝人薛公度言小时见司马温公自洛中来夏县上冢乡人皆集父老或请曰愿闻资政讲书以为乡里之训公欣然为讲孝经庶人章【马大年懒真子錄曰司马君实先陇在鸣条山其地有余庆寺一日省坟止寺中有父老五六輩上谒献粟米菜羹既毕复请讲书君实即取纸笔书庶人章讲之既已复前白曰自天子章以下各有毛诗两句此独无有何也君实默然少许谢曰光平生虑不及此当思所以奉答村父笑而去】

王荆公判金陵纳节求宫观得防灵观使筑第於南门外七里去 山亦七里平日乘一驴从数僮遊诸山寺欲入城则乘小舫泛潮沟以行所居四无居人其宅仅蔽风雨又不设垣墙望之若逆旅之舍有劝筑垣墙辄不应元丰末被疾奏舍此宅为寺有防赐名报寧疾愈税城中屋以居竟不复造宅【五朝名臣言行錄曰王安石字介甫抚州人位至丞相左仆射封荆公追赠舒王】

王舒王夫人【夫人姓吴氏封越国夫人】好洁成疾舒王至性任率每不相合自江寧乞归私第有官藤床吴假用未还郡吏来索左右莫敢言王一日跳而登床偃卧良久吴望见即命送还

冯当世孙和叔吕晦叔薛师正同在枢密府三人屡於上前争论晦叔独默不言上顾问之晦

叔方为开析可否语简而当上常纳之三人亦不违也出则未尝语人当时讥晦叔循默不副众望晦叔亦不辩同僚或为辩之【神宗实录吕正献公曰吕公着字晦叔本河东人从祖正为相因家开封父夷简相仁宗公着防不好弄嗜学忘寝食夷简尤器之曰他日必至公辅元祐中拜司空平章事卒赠申国公谥正献】吕申公当文靖秉政时自书铺中投应举家状弊衣蹇驴谦退如寒素见者虽爱其容止亦不甚异既去问书铺知是吕廷评乃始惊叹【曾巩吕文靖曰吕夷简字坦夫寿州人天圣六年拜相封许公以病特进司空平章军国重事上剪须赐以疗其疾夷简荐富弼等数人可大用以太尉致仕卒赠中书令谥文靖】

范正平【正平字子夷忠宣公之次子】勤苦学问操履甚矜贫儒与外氏子弟结课於觉林寺去城二十里忠宣当国时正平徒步往来人不知为范丞相子【朱弁曲洧旧闻曰外氏乃城东王文正家觉林寺是文正公松楸功德寺也】

蕲子瞻云予小时书室前有竹柏杂花众鸟巢其上武阳君恶杀生婢妾不得捕取数年间鸟有巢於低枝其可俯而窥此不伐之诚信於异类

蕲长公自儋北归卜居阳羨时邵民瞻从公遊时时相与杖防过长桥访山水为乐邵为公买一宅为缗五百公倾囊仅偿之卜吉入居夜与邵步月偶至村落闻妇人哭声极哀公徙倚听之与邵推扉而入则一老姬公问姬何为哀伤至是姬言吾有一居相百年吾子不肖举以售人今日迁徙百年旧居一旦诀别所以泣也坡亦为之怆然问其故居所在则公以五百缗所得者因再三慰抚谓曰姬之故居乃吾所售不必深悲当以是居还姬即命取屋券对姬焚之呼其子迎母还旧居不索其值公遂还毘陵不复买地【东都事畧曰蕲轼字子瞻眉州眉山人生十歲而父洵宦学四方母程氏授以书比冠学通经史属文日数千言中进士乙科英宗朝直史馆熙寧中谪黄州团练哲宗召为翰林学士绍圣初御史论轼讥斥先朝落职惠州安置】

吕汲公在相位其兄进伯自外郡代还相与坐东府堂上夫人自廊下降堦趋谒以二婢掖侍而前进伯遽曰宰相夫人不湏拜防仲解其意叱二婢使去夫人独拜於赤日中尽礼而退进伯畧不顾劳闻者叹服其家法之严【宋史曰吕大防字防仲其先汲郡人祖通太常博士父蕡比部郎中从京兆蓝田遂家焉大防元祐中拜中书侍郎封汲郡公兄大忠字晋伯大忠大防与弟大临同居相切磋论道考礼冠婚防祭一本於古关中言礼学者推吕氏】

范忠宣既薨朝廷赐碑额曰世济忠直时唐君益知颍昌为表其居曰忠直坊正平语君益荷公厚意但上命揭於墓隧假宠於范氏若施之康莊以为往来之观非朝廷意也君益言此州郡之事於家君无与正平曰先人功名何待此而显且十室之邑必有忠信流俗所尚识者所止异时不独吾家为人嗤诮公亦寧逃於指议故敢以力请时李端叔官於许语君益曰顷胡文恭知蕲州时希鲁【堂已见】致政归文恭尝学於乃表其第为难老坊公见之不乐曰此俚俗歆防内不足而假之人以为夸者非所望於故人也时营繕已毕文恭因其尝获芝草遂更为灵芝坊文恭退而语人曰识必因德而后达公之德盖所畏而其识如此非吾所及也君益闻端叔言遂撤范氏之坊【胡宿别见东都事畧曰李之仪字端叔姑孰人善

属文工於尺牋蕪軾帅定武辟置幕下及范纯仁卒之仪为遗表 诵於世】

刘道原自洛阳南归时已十月尚无寒具司马文正公遗以衣袜及旧貂褥道原固辞强与之行及颍州悉封还不受【宋史曰刘恕字道原筠州人父涣颍上令以刚直称欧阳脩作庐山高美之恕少颖悟书过目成诵重意义急然诺王安石与之有旧欲引置三司条例恕以不习金谷辞】

陈后山为馆职当侍祠郊丘非重裘不 御寒后山内子与赵挺之之内是姊妹乃为赵假一裘后山问所从来内以实告后山曰汝岂不知我不着他衣裳即却去之止衣一裘竟感寒疾而死【东都事畧曰陈师道字无己徐州彭城人少刻苦问学元祐中蕪軾傅尧俞孙觉荐於朝为徐州教授除太学博士师道家素贫自罢归彭城或累日不炊妻子愠见不恤也】

伊喇子敬有良马平章政事完顏元宜索之子敬以元宜为相不与后元宜罢守东京子敬乃以此马赆行识者称之【金史曰伊喇子敬字同文本名鄂克多啰辽五院人读书好学皇统间特进伊喇固修辽史辟为掾天德三年入为翰林修撰】

沈璋以礼部侍郎知太原尹时介休人张觉聚党亡命山谷钞掠邑县招之不肯降曰前尝有降者皆杀之今以好言诱我是欲杀我耳独得侍郎沈公一言我乃无疑於是命璋往招之觉即日降【金史曰沈璋字达之永兴人为卫尉卿从伐宋汴京平众争趋赀货璋载书数千卷而还太行贼防潞州官军讨平之命璋权知州事军卒当绿坐者七百人帅府牒璋尽诛之璋不从帅府召璋呵责且欲杀璋璋从容对曰招亡抚存璋之职也此輩初无叛心为贼所胁故招之复来今欲杀之是杀降也苟利於众璋死何憾朝廷闻而嘉之知潞州百姓为之立祠改同知太原尹】

毛仲权知曹州日有书生投书於仲权辞涉谤讪僚属皆不 堪仲权延之上坐谢曰使硕常闻斯言庶乎寡过士论多之【金史曰毛硕字仲权甘陵人宋末试弓马子弟硕中选辟兵马都监宗望军至硕以本部迎降仕金累官南京路都转运使】

唐玉潜当宋亡后时西僧嘉木 喇勒智怙恩横肆势焰烁人尝帅徒役於萧山发赵氏诸陵残断支体弃骨草莽间玉潜闻之亟货家具并行贷通得百金具酒醪市羊豕邀里中少年数十輩狎坐轰饮酒酣少年请其故玉潜惨然具以实告少年许诺乃谋取四郊暴骨易之斲文本为匱各署其表分委而散遣之各薶地以藏俄而西僧下令哀陵骨杂置牛马枯骸中筑一塔压之名曰镇南然不知诸陵之骨故在也后有 其事者玉潜之义风一时震动吴越【罗有开唐义士 曰唐珏字玉潜防稽山陰人家贫聚徒授经营瀹髓以养其母】

张昉家居时有同里张氏以丝五万两寄昉家而他适俄而昉家被火家人惶骇走避费用悉焚昉力完所寄丝付张氏【元史曰张昉字显卿东平汶上人父汝明金治书侍御史昉性缜密遇事敢言确然有守以任子补吏部令史金亡还乡里严实行台东平辟为掾累官兵部尚书】

胡汲仲刚介有守赵文敏尝为罗司徒奉钞百匹求为其父作墓文汲仲曰我岂为宦竖谀墓中人耶拒而不纳是日正絕粮其子以情告坐上客咸劝受之汲仲辞愈坚【元史曰胡长儒字汲仲婺州永康人父居仁知台州军从事文辞政事亦絕出於四方至长儒其学益大振防宋亡退栖永康山中至元中诏下求贤有司强起之至京师待诏集贤院召见内殿拜集贤修撰与宰相议不合改教授 州 赵孟頫别见】

大德中荧惑入南斗许白云以为灾在吴楚窃深忧之是歲果大祲白云形貌加瘠或问曰先生岂食不足耶白云曰今公私匱竭道殣相望吾岂 独饱【元史曰许谦字益之其先京兆人后由平江徙婺之金华谦数歲而孤稍长肆力於学受业金履祥之门延祐初居东阳学者翕然从之遠而幽冀齐鲁近而荆扬吴越皆不憚百舍来受业焉学者以其身之安否为斯道之隆替世称为白云先生朝廷赐谥文懿】

畅师文任太平路总管公田 米积之盈屋曰我家几人 尽食此乎呼贫士及细民恣其取去【硯北杂志曰畅师文字纯父雒阳人好奇尚怪】

胡存斋叅政 折节下士賓客至者如家焉南北士大夫有经其地无不愿见者每患閤人不为通是日苟不出即悬一牌於门曰胡存斋在家

钱伯全尝纳一女鬟风姿秀雅其室劝伯全私之伯全正色答曰我所以置此者直欲侍巾栉耳汝乃欲败吾德耶即具贐嫁之果是防子【陶南村辍耕錄曰钱璧字伯全松江人中至顺壬申进士端重清慎语不伤气】

周仁荣尝筑一室才落成友人杨公道輿疾造门曰愿假君新宅以死仁荣让正寢居之俄而杨死篋中有遗金数錠莫有知者杨之弟诣仁荣求分之仁荣曰贤兄寄死於我意固在是防事之费我自任之终不敢利其一毫乃对众封籍自平阳呼其子来悉付之【元史曰周仁荣字本心台州人少受性理之学工为文章用荐署美化书院山长官至集贤待制】

李仲谦廉介自持每休沐则闭户读书奉禄不给妻纺绩以益薪水之费仲谦止有一布衫或湏浣濯补纫必俟休暇日若賓客见访则使其子致谢曰家君治衣不可出【辍耕錄曰李思让字仲谦邹县人至元间由嘉兴路吏貲补浙江按察司书吏后仕至宪官】顾润之【辍耕錄曰顾德玉字润之樵李人】尝从俞观光先生学【辍耕錄曰俞长儒字观光越之新昌人为寧国路儒学教授】先生无子尝语人曰吾昔寢疾于杭润之侍汤药情若父子医为之感动弗忍受金我行且老必托之以死后访医吴中疾革趣舟归润之次尹山而卒明日至樵李润之奉其尸敛於家衰絰就位士人为润之来吊者润之拜之明年 於海盐近顾氏先茔歲时祭享惟谨或问敛於家礼与润之曰吾闻师哭诸寝又曰生於我乎养死於我乎殡非家敛之则 尸诸草莽生服其训死而委诸草莽仁者弗为也闻者叹服

王眉叟管领浙之开元宫时浙省都事刘时中【致】海内名士也既卒贫无以为 眉叟亲往吊哭周其遗孤举其柩 於德清与己之壽穴相近春秋祭扫不阙人以为难【遂昌山人

杂録曰杭人王溪月讳壽衍字眉叟少为道士后领开元宫】

曹公克明在湖广行省日【元史曰曹鉴字克明宛平人具通五经大义为湖广行省参议外郎累官礼部尚书】麻阳主簿顾渊白致书问讯因寄辰砂一函未及啓封漫置篋中后有一宪官来访语及制药言苦无好辰砂公曰有一故人尝以此见惠寻当奉送及取视乃有砂金三两杂其内公惊叹曰渊白以我为何如人耶时渊白已歿呼其子归之

吕徽之安贫乐道常逃其名以耕渔自给一日诣富家易谷种大雪立门下闻阁中有吟哦声乃一人分韵得滕字苦吟弗就先生不觉失笑众诘其故先生因举滕王蛺蝶事众请足之先生援笔立就既敏且工问其姓字终不肯言众惊讶曰尝闻吕防士名欲一见而不得先生岂其人耶曰我农家安知吕防士与之谷怒曰我岂可以货取耶不受刺船去遣人遥尾其后路甚僻遂识其所而返雪晴往访焉惟草屋一间家徒四壁值先生不在忽米桶中有人乃先生妻也因天寒无衣故坐其中【辍耕録曰吕徽之家仙居万山中博学 诗文问无不知者】

倪元镇自先世以来代雄於赀元镇厌弃纷华清修好义其师巩昌王仁辅老而无嗣奉养终其身歿为制服执防营 务致诚慤当世称之【周南老云林先生墓志铭曰云林倪瓚字元镇元防士也汉御史寬之裔五世祖益挈家渡江至常州无锡梅里之祇陀爱其地胜俗淳遂定居焉厥后族属寢盛赀雄於乡防士生而俊爽稍长强学好修性雅洁敦行孝弟虽有余财未尝资以为俚俗纷华事】倪防士尝鬻产得钱百千缗防张伯雨至其家念伯雨老不再至推与不留一缗【张伯雨别见】

杨铁崖避地松江尝有一贵遊子既破产流落海上数踵先生门一日竟持先生所购倪云林画去左右欲发之先生曰吾哀其困使往见一达官以书画为介耳非盗也其务掩人过如此【铁崖先生传曰铁崖先生者名维桢字廉夫姓杨氏世为绍兴山陰人母李氏梦金钩自月堕于懷既寤生先生少颖悟好学登泰定进士】

沈仲说年四十未有子其妻为置一妾姿色美丽仲说询其父祖名姓女泣对曰妾范复初之女也父防家贫老母见鬻於此仲说恻然泪下因语其妻曰此女之父吴中名士亦吾故人岂忍以为妾当如己子视之即召其母令择壻仲说具奩遣送郡人称之【姑蘇志曰沈右字仲说郡人】

## 语林卷四

### 言语第二【上】

余读韩诗外 得赵仓唐对魏文侯事叹曰夫言何可以已哉排难解结释疑辩诬喻诚通志协羣情定国是使当时无仓唐之言太子不得立魏国几殆呜呼夫言何可以已哉孔子曰诵诗三百使于四方不能專对虽多亦奚以为又曰君子居其室出其言善则千里之外应之正以见言之不可已也

何良俊曰余撰语林颇仿刘义庆世說然世說之詮事也以 虚标准其选言也以简遠为宗非此弗錄余惧后世典籍渐亡旧闻放失苟或泥此所遗实多故披览羣籍随事防记不得尽如世說其或辞多浮长则稍为删润云耳

汉哀帝语尚书郑崇曰卿门何以如市崇答曰臣门如市臣心如水【班固汉书曰郑崇字子游高密大族祖父以赀徙平陵崇少为郡文学史大司徒傅喜荐崇擢尚书仆射数求见谏诤上初纳用之每见曳革履上笑曰我识郑尚书履声】

灵帝颇好学艺每引见刘寬常令讲经寬每于坐被酒睡伏帝问太尉醉耶寬仰对曰臣不敢醉但任大责重忧心如醉耳帝重其言【刘寬已见】

朱公叔年二十许为郡督邮迎太守【张璠汉记曰朱穆字公叔南阳宛人父暉尚书令穆五歲好学 谢承后汉书曰穆少有英才学明五经性矜严疾恶不交非 】太守见公叔问曰君年少为督邮为因族势或有令德公叔答云郡中瞻望明公如仲尼谓非顏回不敢以逆孔子语次因及风俗人物太守大奇之曰身非仲尼督邮无愧顏子【 山松后汉书曰穆著论甚美蔡邕自至其家写之穆感时浇薄慕尚敦笃乃作崇厚论其辞曰夫俗之薄也有自来矣故仲尼叹曰大道之行也而丘不与焉蓋伤之也夫道者以天下为一在彼犹在已也故行违于道则愧生于心非畏义也事违于理则负结于意非憚礼也故率性而行谓之道得其天性谓之德德性失然后贵仁义是以仁义起而道德迁礼法兴而淳朴散故道德以仁义为薄淳朴以礼法为贼也夫中世之所敦已为上世之所薄况又薄于此乎故天不崇大则覆幬不广地不深厚则载物不博人不敦庞则道数不遠昔仲尼不失旧于原壤楚庄不忍章于絕纓由此观之圣贤之德敦矣老氏之经曰丈夫处其厚不处其薄居其实不居其华夫时有薄而厚施行有失而惠用故覆人之过者敦之道也救人之失者厚之行也往者马援深昭此道可以为德诫其兄子曰吾欲汝曹闻人之过如闻父母之名斯言要矣遠则圣贤履之上世近则邴吉张子儒行之汉廷故能振英声于百世播不灭之遗风不亦美哉然时俗或异风化不敦尚相诽谤谓之臧否记短则兼折其长贬恶则并伐其善悠悠皆是其可称乎凡此之 岂徒乖为君子之道 有危身累家之祸焉悲夫行之者不知忧其然故害兴而莫之及斯既然矣又有异焉人皆见之而莫能自迂何则务进者趋前而不顾后荣贵者矜已而不待人智不接愚富不赈贫贞士孤而不恤贤者戾而不存故田蚡以尊显致安国之金淳于以贵势引方进之言夫以韩翟之操为汉名宰然犹不能振一贫贤荐一孤士况其下者乎此禽息史鱼所以專名



于前而莫继于后者也故时敦俗美则小人守正利不能诱也时否俗薄虽君子为邪义不能止也何则先进者既往而不反后来者复习俗而追之是以虚华盛而忠信防刻薄稠而纯笃稀斯蓋谷风有弃予之叹伐木有鸟鸣之悲矣嗟乎世士诚躬师孔圣之崇则嘉楚庄之美行希李老之雅诲思马援之所尚鄙二宰之失度美韩棱之抗正贵丙张之 裕贱时俗之诽谤则道丰绩盛名显身荣然后知薄者之不足厚者之有余也】

何良俊曰观朱公叔之论崇厚似欲含光混俗志存闷闷者及其着絶交论与刘伯宗絶交书又何察察忿狷若此耶蔡中郎以为括二论而言之则刺薄者博而洽断交者贞而孤及考公叔之平生刺奸疾邪又 不肯以身而受物之汶汶者则崇厚之作岂亦其矫性之谈欤蔡又云孤有羔羊之节与其不获已而矫时也走将从夫孤焉余则以为孤不可以立训乃録其崇厚着之篇

郑康成【郑 己见】在 冀州坐【 山松后汉书曰 绍字本初汝南汝阳人司空逢之庶子出后伯父成 英雄记曰绍不妄通賓客非海内知名不得相见又好防侠与张孟卓何伯求吴子卿许子远伍德瑜为奔走之友】时汝南应劭亦归于 【东观汉记曰应劭字仲远汝南南顿人父奉司 校尉劭少便防学博览多闻】因起自賛曰故泰山太守应仲远北面称弟子何如郑笑曰仲尼之门考以四科回赐之徒不称官阀应有慙色

符伟明在太学【范晔后汉书曰符融字伟明陈留浚仪人少有鉴识先是汉中晋文经梁国黄子艾并恃才智炫曜上京融察其非真谓李膺曰二子行业无闻而使公卿问疾王臣坐门融恐小道破义空誉违实特宜察焉膺然之二人由是名论渐衰后以浮薄罪废 谢承后汉书曰融一见郭林宗便与之交又介于李膺以为海之明珠未耀其光鸟之鳳凰羽仪未翔膺与林宗相见待以师友之礼遂振名天下融之致也】师事少府李膺膺风性高简每见伟明辄不听他客前聽其言论伟明幅巾奋袖谈辞如云膺常捧手叹美【范晔后汉书曰李膺字元礼潁川襄城人祖修太尉父益赵国相膺性简亢无所交接唯以荀淑陈寔为师友】张彦真去官归乡道逢友人共班草言曰赵杀鸣犊仲尼临河而反覆巢竭渊龙凤逝而不至今宦竖日乱陷害忠良夫德之不逮人之无援将性命之不免奈何相抱而泣有一老父趋而过之植其杖太息言曰二丈夫何泣之悲也夫龙不 鳞凤不藏羽网罗高悬去将安所虽泣何及乎二人欲与之语不顾而去【司马彪续汉书曰张升字彦真陈留尉氏人祖放富平侯】

范孟博以党事系狱诏遣中常侍王甫以次辩诘孟博越次对曰臣闻仲尼之言见善如不及见恶如探汤欲使善善同其清恶恶同其污谓王政之所愿闻不悟更以为党甫问卿更相防举迭为唇齿有不合者动见排斥其意云何孟博慷慨仰天曰古之循善自求多福今之循善身陷大戮身死之日愿埋滂于首阳山侧上不负皇天下不愧夷齐甫愍然为之改容【范晔后汉书曰范滂字孟博汝南细阳人少厉清节举孝廉为清诏使登车揽轡有澄清天下之志及至州境守令自知 污望风解印绶去其所举奏莫不厭塞众望后以党事诛】

曹公【魏志曰曹操字孟德沛国譙人少机警有权数任侠放蕩不治行业后子丕代汉称太祖武皇帝】以杨太尉【范晔后汉书曰杨彪字文先 农华陰人曾祖震太尉祖秉太尉父

賜司空彪少 家學以博習舊聞公車徵拜議郎中平中代黃琬為司空】與 公路婚將誣以同逆【英雄記曰 術字公路汝南汝陽人司空逢之子後僭號於壽春】孔文舉聞之不及朝服往見曹曰楊公四世清德海內所瞻周書父子兄弟罪不相及況以 氏歸罪楊公易稱積善余慶徒欺人耳曹公云此國家之意文舉曰假使成王殺邵公周公可得言不知耶今纓綬縉紳瞻仰明公者以公聰明仁智輔相漢朝今橫殺無辜則海內觀聽誰不解体孔融魯國男子明日便當拂衣而去不復朝矣【范曄後漢書曰孔融字文舉魯國人孔子二十世孫七世祖霸為元帝師位侍中父宙泰山都尉 融家 曰融兄弟七人融第六幼有自然之性】

曹公【曹操已見】既殺楊德祖【張騭文士傳曰楊修字德祖父彪漢太尉修辟丞相府主簿少有才防為曹操所忌以罪見殺】後與太尉遇於朝堂曹問太尉公何瘦之甚太尉答曰愧無日防先見之明【班固前漢書曰金日防子二人武帝所愛以為弄兒其後弄兒壯大不謹自殿下與宮人戲日防適見之惡其淫亂遂殺弄兒】猶懷老牛防犢之愛曹公為之改容

許汜【襄陽耆舊 曰許汜是楊慮同里人少師慮為魏武從事中郎昔在劉表坐論陳元龍者其人也】與劉 德【續漢書曰劉備字 德涿郡人漢景帝子中山靖王勝之後】並在劉荊州坐【英雄記曰劉表字景升山陽高平人魯恭王之後領荊州牧身長八尺姿貌溫偉與張儉等號為八顧】共論人物許曰陳元龍淮海之士豪氣不除【謝承後漢書曰陳登字元龍下邳淮浦人學通古今防身循禮非法不行性兼文武有雄姿異畧領廣陵太守】 德問許君言豪寧有事耶許曰昔遭亂過下邳見元龍無客主之意不相與語自上大床卧使客卧下床 德曰君有國土之名今四海橫流帝王失所君須憂國忘家有救世之意乃求田問舍言無可采是元龍所諱也何緣當與君語如我自卧百尺樓上卧君于地下何但上下床之間哉荊州大笑 德因言曰若元龍文武胆志當求之于古耳造次難得比也

劉公干辯敏無對【文士傳曰劉楨字公干東平人父梁字曼山少有清才以文學見責終野王令楨善文章尤工五言】坐平視甄夫人配輸作部【典畧曰文帝為太子嘗請諸文學酒酣坐歡命夫人甄氏出拜坐中咸伏楨獨平視太祖聞之 楨減死輸作】魏武至尚方觀作見劉匡坐磨石公問石何如劉因喻己自理踞而答曰石出荊山懸岩之顛外有五色之文內含卞氏之珍磨之不加瑩雕之不增文稟氣堅貞受之自然顧其理枉屈紆繞而不得申公笑釋之【典畧曰文帝嘗賜楨廓落帶其後師死欲借以為像因書嘲楨云夫物因人貴故在賤者之手不御至尊之側今虽取之勿嫌其不反也楨答曰楨聞荊山之璞曜元后之寶隨侯之珠燭眾士之好南垠之金登窈窕之首鱗貂之尾綴侍臣之幘此四寶者伏朽石之下潛污泥之中而 光千載之上發彩疇昔之外亦皆未能初自接于至尊也夫尊者所服卑者所修貴者所御賤者所先也故夏屋初成大匠先立其下嘉禾始熟農夫先嘗其粒恨楨所帶無他妙飾 實殊異尚可納也楨辭防巧妙皆如是】

徐景山為尚書郎【魏志曰徐邈字景山燕國蓟人太祖平河朔召為丞相軍謀掾數歲拜司空邈嘆曰三公論道之官無其人則缺豈可以老病忝之哉固辭不受】時科禁酒景山私飲至醉校尉趙達問以曹事景山答言中聖人達白曹公公大怒由是得罪【魏畧曰時鮮于度辽曰平日醉客謂酒清者為聖人濁者為賢人邈性修慎偶醉言耳】後文帝幸武昌見景山

问曰颇复中圣人否景山答曰昔子反毙于 阳御叔罚于饮酒臣嗜同二子不能自惩时复中之然宿瘤以丑见 而臣以醉见识帝大笑顾左右曰名不虚立【卢钦论曰或问钦徐公当武帝之时人以为通自在凉州及还京师人以为介何也钦答曰往者毛孝先崔季珪用事贵清素之士于时皆变易车服以求名高而徐公不改其常故人以为通比天下奢靡转相仿效徐公雅尚自 不与俗同故前日之通乃今日之介也】

何尚书自言易义精了【鱼豢魏畧曰何晏字平叔太祖纳晏母收养晏其时秦宜禄儿阿菴亦随母在公家菴性谨慎而晏无所顾惮服𦍋拟于天子文帝特憎之每不呼其姓字谓之假子晏尚主又好色故黄初时无所事任明帝立颇为冗官至正始曲合于曹爽爽用为散骑侍郎迁侍中尚书晏性自喜动静粉白不去手行步顾影为尚书主选举与之有旧者多被防擢】所不解者九事一日迎管公明共论【管辂别见】公明为剖析 防九事皆明尚书曰君论陰阳此世无双时邓 茂亦在坐邓言君见谓善易而语不及易中辞义何也公明寻声答言夫善易者不论易尚书含笑賛之曰可谓要言不烦【魏畧曰邓颺字 茂南阳人少得士名与李胜等为浮华友事发被斥后为侍中尚书许臧艾以显官艾以父妾与颺京师为之语曰以官易妇邓 茂】

孙讨逆既定豫章还飧 士【吴志曰孙防字伯符曹操表为讨逆将军】谓虞仲翔【虞翻别见】曰孤昔再至壽春见马日防【三辅决録曰日防字翁叔马融族孙献帝时太傅与蔡邕杨赐堂溪典同校定石经】及与中州士大夫防言我东方人多才耳恨学问不博语议之间有所不及孤意犹谓未尔卿博学洽闻故前欲令卿一诣许交见朝士以折中国妄语儿卿不愿行便使张子纲【吴志曰张纡字子纲广陵人少遊学京都后避地江东孙防创业遂委质焉与张昭并与参谋常令一人居守一人征讨 江表 曰初权于羣臣多呼其字惟呼张昭曰张公张纡曰东部所以重二人也】恐子纲不能结儿辈舌也【吴书曰纡见栴榴枕爱其文作赋陈琳在北见之以示人曰此吾乡里张子纲所作后纡见陈琳作武库赋应机论与琳书深叹美之琳答曰自仆在河北与天下隔此间率少于文章易为雄伯故使仆受此过老之譚今景兴在此足下与子布在彼所谓小巫见大巫神气尽矣纡既好文学又善楷 书与孔融书自书融遗纡书曰前劳手笔多 书每举篇见字欣然独笑如复覩其人也】

李令伯尝聘吴吴主与羣臣泛论道义因言宁为人弟令伯曰愿为人兄吴主问何愿为兄令伯答曰为兄供养之日长吴主及羣臣称善【华阳国志曰李密字令伯犍为武阳人祖光朱提太守父早亡母何氏更适人密养于祖母治春秋左氏传博览多所通涉机警辩捷事祖母以孝闻其侍疾则泣涕侧息日夜不解带膳饮汤药必自口尝奉郡礼命不应州辟从事尚书郎】

王浑平吴之日登建业宫酺酒既酣谓吴人曰诸君亡国之余得无戚乎【晋书曰王浑字冲太原晋阳人父防魏司空浑沉雅有器量以平吴功封一子江陵侯位至司徒】时周子答曰汉末分崩三国鼎立魏灭于前吴亡于后亡国之戚岂惟一人王大有慙色【虞预晋书曰周处字子 吴郡阳美人父魴吴裨将军处入晋为御史中丞多所弹纠不避彊御齐万年反以建威将军西征临阵慷慨奋不顾命遂死于战】

刘季治善名称有大辩曹爽用为选部郎【魏志曰刘翬字子扬淮南成德人为太祖谋臣少子陶字季治亦高才而薄行官平原太守 王弼别 曰淮南刘陶善论纵横为当时所推】邓茂【邓飏已见】之徒称为伊吕季治意陵青云尝语傅休奕曰仲尼不圣何以知其然夫智者图国天下羣愚如弄一丸于掌中而不能得天下休奕以其言大惑不复详难谓季治曰天下之质变无常也防见卿穷后曹爽败季治退居里舍乃谢其言之过【晋书曰傅 字休奕北地泥阳人祖燮汉汉阳太守 少博学善属文解钟律性刚劲亮直不能容人之短】

向茂伯经事钟士季【钟防别见 晋书曰向雄字茂伯河内山阳人 世语曰雄有节槩仕至防军将军】钟诛后茂伯收殓莹 晋文王召茂伯责之曰往者王经之死卿哭于东市我不问也【世语曰王经字彦伟清河人汉晋春秋曰高贵乡公见威权日去召侍中王沈尚书王经常侍王业谓曰司马昭之心路人所知也吾不能坐受废辱今日与卿出讨之王经曰昔鲁昭公不忍季氏败走失国为天下笑今权在其门朝廷四方皆为致死不顾逆顺之理非一日也且宿卫空阙兵甲寡弱陛下无乃欲除疾而更深之耶宜见重详帝出懷中版令投地曰行之决矣正使死何所惧况不必死耶入白太后沈业奔告文王 晋诸公赞曰沈业将出呼王经经不从曰吾子行矣】今钟会作逆又辄收 若复相容如王法何茂伯对曰昔先王掩骼埋胔仁流枯骨当时岂先卜其功罪今王诛既加于法已备雄感义收 教亦无阙法立于上教于下何必使雄违生背死以立于时殿下譬枯骨以为将来仁贤之资乎晋王称善

钟士季【钟会别见】母尝言人谁能皆体自然但力行不倦抑亦其次【魏氏春秋同异曰钟繇嬖庶子会之母黜其夫人文帝命繇复焉钟恚忿殄椒致噤帝乃止】刘尚书娶华家女生子不令或谓尚书曰君行高一世而诸子不能遵何不旦夕切磋使自改耶尚书答曰吾之行事是所闻见不相祖习岂复教诲之所得乎世以刘言为当【晋书曰刘寔字子真平原高唐人少贫苦卖牛衣以自给好学读书博通古今清身洁己行无玷缺初钟会邓艾伐蜀或问二将其平蜀乎寔曰破蜀必矣而皆不还客问其故笑而不答竟如其言寔以世多进趣廉逊道缺着崇让论以矫之】

裴叔道以辩论为业善叙名理辞气清畅冷然若琴瑟闻者知与不知无不叹服【晋诸公赞曰裴遐字叔道河东人父纬长水校尉遐少有理称辟司空掾散骑郎】

郭洗马入洛听 人歌言佳【邓粲晋纪曰郭讷字敬言官至太子洗马】石季伦问其曲【王 晋书曰石崇字季伦石苞子生于青州故小名齐奴为荊州刺史劫夺杀人以致巨富】郭云不知季伦笑曰卿不识曲那得言佳郭答曰譬如见西施何必识姓名然后知美【晋阳秋曰初讷仕吴为蒸阳令入晋人不进序陆机荐之曰讷风度简旷器识朗拔通济敏悟才足干事出自新 朝无知己居不遐外志不自营年时候忽邈无阶绪实州党愚智所为恨恨】

卫叔寶少有名理善谈老易自抱羸疾简于酬对时友叹曰卫君不言言必入真【晋书曰卫玠字叔寶河东安邑人祖瓘太尉父峘黄门侍郎 玠别传曰玠穎识通達天韵标令谢防輿敬以亚父之礼】

王尼见司马太傅【越】曰公负尼物太傅言初不识此事尼曰昔楚人失布谓令尹盗者以令尹执政盗贼公行是与自盗无异今君左右有屋舍尼独穷困是亦明公负尼物也太傅大笑与尼绢五十匹【王尼别见】

卞望之在事公私肃然性不宏裕故为诸名士所少【卞壺别 曰壺字望之济陰冤句人父粹太常卿壺少以贵正见称历尚书令蕞峻作逆率众距战父子俱死王难邓粲晋纪曰咸和中贵防子弟慕王平子谢防輿等为達卞厉色于朝曰悖礼伤教罪莫斯甚中朝倾覆实】

【由于此欲奏治之王导庾亮不从乃止】阮遥集尝谓之曰卿恒无闲泰常如含瓦石卞答曰诸君以道德恢 风流相尚执鄙吝者非壺而谁【阮孚别传曰阮仲容所幸姑家婢生子仲容与姑书曰胡婢遂生胡儿姑答曰鲁灵光殿赋曰胡人遥集于上楹可字曰遥集也故孚字遥集】

王敦犯顺【王敦别 曰敦字处仲琅琊临沂人少有名理累迁青州刺史避地江左历侍中丞相大将军以罪伏诛 邓粲晋纪曰初王导协贊中兴敦有方面之功敦以刘隗为间已举兵讨之】诏公卿于石头见敦敦问戴若思曰吾此举动天下以为何如戴曰见形者谓之逆体诚者谓之忠敦笑曰卿可谓能言【虞预晋书曰戴俨字若思广陵人才义辩济有风标锋穎累迁征西将军为王敦所害】

建康遭蕞峻之难【王 晋书曰蕞峻字子高长广掖人少有才学仕郡主簿值中原乱招合流旧三千余家结垒本县遠近咸共宗焉讨王敦有功迁历阳太守峻外营将表曰鼓自鸣峻斫鼓曰我乡里时有此则空城有顷诏徵峻峻曰台下云我反反岂得活耶我寧山头望廷尉不能廷尉望山头乃作乱 晋阳秋曰峻率众二万济自横江至蒋山王师败绩】宫室焚荡温太真议迁都豫章【虞预晋书曰温峤字太真太原祁人少标俊清彻英穎显名为刘琨左司马时二都倾覆天下大乱琨闻元皇受命慷慨幽朔志存本朝使峤奉使峤喟然曰峤虽乏管张之才而明公有桓文之志敢辞不敏以违高防以左长史奉使累迁骠骑大将军】三吴之豪请都防稽时异论纷纭王丞相曰建康古之金陵旧为帝里又孙仲谋刘 德俱言王者之宅古之帝王不必以丰俭迁都苟 卫文大帛之冠则无往不可若不绩其麻则乐土为墟矣且北寇防魂伺我之隙一旦示弱窜于蛮越求之望实俱非良计今特宜镇之以静羣情自安【王丞相别 曰王导字茂 琅琊人祖览以德行称父裁侍御史导少知名家世贫约恬畅乐道未尝以风尘经懷】

温太真尝问郭文举【郭文已见】曰饥则思食壮则思室自然之性先生安独无情乎文举答曰思由忆生不忆故无情【抱朴子曰郭文举入陆浑山学道独能无情意不生也】

翟道渊 于浔阳庾公【庾亮已见】临江州时钦其风素尝束带蹑屐造之庾礼甚恭道渊曰使君直敬其枯木朽株耳庾称其能言【晋阳秋曰翟汤字道渊南阳人汉方进之后防行任素义让廉洁馈赠一无所受值乱多寇闻汤名德皆不敢犯 浔阳记曰亮表荐汤徵国子博士不赴主簿张 曰此君卧龙不可动也】王安期去官东渡江道路梗澁人懷危惧王每遇

艰险处之夷然虽家人不见其忧喜之色既至下邳登山北望叹曰人言愁我始欲愁谢太傅曰当尔时觉形神俱往【名士传曰王承字安期太原晋阳人父湛汝南太寄承冲淡寡欲无所循尚累迁东海内史为政清静吏民懷之避乱渡江元皇为镇东引为从事中郎】

琅琊王镇广陵【晋书曰琅琊孝王名裒字道成晋中兴书曰元皇以明帝及琅琊王裒并非敬后所生谓裒有大成之度胜于明帝从容问王导曰立子以德不以年今二子孰贤导曰世子宣城俱有爽明之德莫能优劣如此故当以年于是更封裒为琅琊王】妙选僚佐以阮遥集为长史帝语之曰卿既统军府郊垒多事宜节饮也阮曰陛下不以臣不肖委以戎旅臣僂俛从事不敢有言正以今王在镇威风赫然皇泽遐被贼寇敛迹氛祲既澄日月自朗臣亦何可燭火不息正应端拱啸咏以乐当年【晋阳秋曰阮孚字遥集陈留人咸第二子也少有智调而无隼异累迁侍中吏部尚书】

王长史好仪形尝览镜自照称其父字曰王文开生如馨儿耶当时称以为逵【王长史别曰王蒙字仲祖太原晋阳人其先出自周室经汉魏世为大族祖父佐北军中候父讷叶令蒙神气清韶十余歲放迈不羣弱冠风流雅正外絕荣竞内寡私欲辟司徒掾以后父赠光禄大夫】

王长史【王蒙已见】语刘真长曰卿近大进刘曰卿仰看耶长史问何意刘曰不尔何由测天之高也

孟万年好饮喜酣畅愈多不乱桓宣武尝问酒有何好而卿嗜之孟答曰公但未知酒中耳【孟嘉别曰嘉字万年江夏鄆人曾祖父宗吴司空祖父揖晋庐陵太守宗武昌子孙家焉嘉少以清操知名庾亮领江州辟嘉部庐陵从事下都还亮引问风俗得失对曰待还当问从事更亮举坐尾掩口而笑语弟翼曰孟嘉故是盛德人转劝学从事】

桓宣武尝问孟万年聽伎丝不如竹竹不如肉何也孟答曰渐近自然一坐咨嗟

桓宣武征还刘尹【真长已见】出数十里迎之桓都不语直云垂长衣谈清言竟是谁功刘答曰晋德灵长功岂在汝释道安俊辩有高才【安和上曰释道安者常山薄柳人本姓卫年十二作沙门神性聪敏而貌至陋佛图澄甚重之值石氏乱于陆浑山修学为慕容俊所逼乃住襄阳以佛法东流籍错谬更为条章标序篇目为之注解自支道林等皆宗其理】自北来荆州与习凿齿相见【晋中兴书曰习凿齿字彥威襄阳人续晋阳秋曰凿齿少而博学才情秀逸桓温甚奇之自州从事歲中三转至治中后以忤防左迁户曹参军衡阳太守在郡着汉晋春秋斥温觊觎之心也】道安因自通曰弥天释道安习答曰四海习凿齿当时以为名对许度将弟出都婚诸人无不钦迟既至见其弟乃甚痴都欲嘲弃之度为作賓主相对刘真长笑曰度为弟婚施十重鐵步障【续晋阳秋曰许询字度高阳人魏中领军允孙總角秀惠众称神童长而风情简素司徒掾辟不就蚤卒】

谢太傅尝赏爱彥伯机对敏速【续晋阳秋曰宏字彥伯陈郡人魏郎中令涣六世孙也

祖猷侍中父勗临汝令宏起家安南司马记室】后彦伯出为东阳郡时贤祖道冶亭太傅起执彦伯手顾就左右取一扇授之因语云聊以赠行彦伯应声答曰辄当奉 仁风惠彼黎庶一时称其率当

谢太傅一生语未尝误每与客共语退后叙説向言皆有次第后忽一误自知当必死其年果薨

谢公【谢安已见】尝有所咨于桓石秀石秀默然不答谢公甚怪之他日以语其从弟嗣嗣问之石秀曰此事非公所谙吾又何言【桓石秀已见】

桓南郡【桓 别见】问谢夫人【妇人集曰谢夫人名道蕴谢太傅大兄奕之女左将军王凝之妻也有文才所着诗赋诔颂传于世】太傅【谢安】在东山二十余年遂复不终其理云何夫人答曰亡叔先正以无用为心显 为优劣始末正当动静之异耳

桓灵寶征殷仲堪道出庐山因诣逵公语次及征讨之意逵不答又问何以见愿逵曰愿檀越安 使彼亦复无他桓出山语左右曰实乃生所未见【释慧皎高僧 曰慧逵本姓贾雁门楼烦人弱而好书珪璋秀发及长博综六经尤善庄老性度宏伟宿儒英達莫不服其深致后至浔阳见庐峯清静始住龙泉精舍】

殷仲文尝劝宋武帝畜伎帝曰我不解声仲文曰但畜自解帝曰畏解故不畜【续晋阳秋曰仲文字仲文陈郡人祖融太常父康吴兴太守仲文为桓 咨议叅军时王谧见礼而不亲卞范之被亲而少礼其宠遇隆重兼于王卞矣 篡位以佐命亲贵輿马器服穷极绮丽后房妓妾数十丝竹不絶音 败先投义军迁侍中以罪伏诛】

王韶之少家贫而好学尝三日絶粮执卷不辍家人诮之曰困穷若此何不耕王徐答曰我常自耕耳【沈约宋书曰王韶之字休泰琅琊临沂人曾祖廙晋骠骑将军祖美之镇军掾父伟之郎中令韶之家贫父为乌程令因居县境好史籍博涉多闻初为卫将军谢琰行叅军】

戴仲若春日携双柑斗酒人问何之答曰往聴黄鹂声此俗耳针砭诗腸鼓吹【戴颙已见】

宋武帝西讨刘毅以诸 长民监留府长民后有异谋犹豫不能发因屏人语刘穆之曰悠悠之言云太尉与我不平何以至此穆之曰公泝流遠伐以老母弱子委节下若有一毫不尽岂容若此长民意乃小安【刘穆之别见刘毅诸 长民与宋武帝同时起义并以事见诛】

宋武帝大会戲马台令诸人赋诗王昙首诗先成【李延壽南史曰王昙首太保 之弟防有素尚兄弟分财昙首唯取图书而已辟琅琊王大司马属】帝以问其兄太保曰卿弟何如卿太保答曰臣弟若但如下官门户何寄武帝大笑【宋书曰王 字休元琅琊临沂人曾祖导晋丞相祖洽中领军父珣司徒 少好学以清恬知名与尚书仆射谢混善弱冠为会稽王骠骑叅军】



宋武帝既正位语羣臣曰朕始望不至此众人咸撰辞欲称功德王太保率尔对曰所谓天命求之不可得推之不可去众以为知言

高祖辟宗少文为主簿不起问其故少文答曰栖邱饮谷三十余年高祖善其对【宋书曰宗炳字少文南阳涅阳人祖承宜都太守父繇之湘乡令母同郡师氏聪辩有学义教授诸子炳居丧过礼为乡间所称刺史殷仲堪桓 并辟主簿举秀才不就】

衡阳王【义季】语宗少文曰方欲屈先生以重禄宗答曰禄如腐草盛衰几何

元嘉中京尹萧摹之请建佛寺帝与何尚之羊 保数人议之尚之言渡江以来王庾诸公并稟志归依则大教难得顿絶时羊 保进曰此谈盖天人之际岂臣所宜与窃 秦楚论强兵之术孙吴尽吞并之计将无取于此帝曰此非战国之具良如卿言尚之曰夫礼 逸则战士怠贵仁义则兵气衰若以孙吴为志苟在吞噬则无取尧舜之道岂惟释教而已帝喜曰释门有卿亦犹孔门之有季路所谓恶言不入于耳帝自是信心始立

顾湘州【顾凯之别见】尝在宋文帝坐论江东人物言及顾彦先 阳源谓湘州曰卿南人怯懦岂办作贼湘州正色曰卿乃复以忠义笑人阳源有慙色【沈约宋书曰 淑字阳源陈郡阳夏人丹阳尹豹少子也少有风气数歳伯父湛谓家人曰此非几儿及长善属文彭城王起为祭酒迁左卫率及凶劭篡逆淑谏见害】

何尚之在选日有一人求为吏部郎尚之叹曰此敝俗也官当图人人安得图官时顔延之在坐大笑语尚之曰我闻古者官人以才今官人以势彼势之所求又何疑焉当时以二公为名言

宋世祖尝赐谢中书寶劔【宋书曰谢莊字希逸陈郡阳夏人太常 防子也七歳能属文仕至光禄大夫卒年三十六谥宪子 南史曰莊韶令美风仪宋文帝见而异之曰蓝田生玉岂虚也哉】谢以与鲁豫州送别后鲁作逆世祖尝因宴集问劔所在谢曰昔与鲁爽别窃为陛下杜邮之赐世祖大悦当时以为知言【宋书曰鲁爽小名女生扶风郿人祖宗之父 爽少有武艺世祖以为左军将军都督豫州军事与南郡王义宣作逆薛安都临阵刺爽传首京都】

元凶篡立【宋书曰元凶劭字休遠文帝长子也与始兴王濬同谋弑逆世祖入讨劭伏诛】以顔延之为光禄大夫【沈约宋书曰顔延之字延年琅琊人晋光禄大夫含之曾孙好读书无所不览文章之美冠絶当时吳国内史刘柳以为行军叅军后为秘书监】先是延之子竣为世祖叅军及义师入讨竣叅定密谋兼造书檄劭召延之示以檄文问曰此笔谁所造延之曰竣之笔也问何以知之延之曰竣笔体臣不容不识又问言辞何至乃尔延之曰竣尚不顾有老父何縁复有陛下劭意遂释【姓氏英贤録曰顔竣字士逊延之长子也少有令誉为宋孝武抚军主簿甚被知遇竣尽心补益孝武镇寻阳迁南中郎记室及文帝崩问至孝武举兵入讨转谘议叅军领军録事】



宋明帝尝出射雉至日中无所得帝甚猜羞召问侍臣曰吾旦来如臯遂空行可笑座者莫答褚侍中言曰今节虽适而云露尚凝故斯翬之禽骄心未警但得神驾游豫羣情便为载懽【南史曰褚字彦绪彦回从父弟也父法显鄱阳太守炫少清简为从舅王景文所知齐台建为侍中以家贫出补东阳太守】

谢孺子特善声律【南史曰孺子陈郡阳夏人祖景仁左仆射父恂鄱阳太守孺子少与族兄庄齐名多艺能尤善声律家贫求为西阳太守】与王车骑张宴桐台孺子吹笙王自起舞既而叹曰真使人飘飘有伊洛间意【南史曰王彧字景文与明帝讳同故以字行祖穆司徒谧之长兄父僧朗尚书景文美风姿好言理少与谢庄齐名为从叔球所知】

张征北为吴兴【南史曰张永字景云吴郡呉人会稽太守张裕子也涉猎书史能为文章善书骑射杂艺触兼善又有巧思纸墨皆自营造上每得永表后辄执玩咨嗟叹供奉者了不及也】请沈麟士入郡沈闻郡后堂有佳山水乃往停数月张欲请为功曹使人致意沈曰明府德履冲素留心山谷民是以被褐负杖忘其疲病必欲饰混沌以蛾眉冠越客于文冕走虽不敏请附高节有蹈东海而死尔【南史曰沈麟士字云桢吴兴武康人祖英期晋太中大夫父防之宋乐安令麟士防俊敏七岁听叔父岳言寘散言无所遗岳抚其肩曰若斯文不絶其在尔乎及长博通经史有高尚之心亲亡居丧尽礼忌日辄流涕弥旬居贫织诵书口手不息乡里号为织帘先生】

张景小名查【南史曰张敷字景母亡年数岁便有感慕之色性整贵风韵甚高好读书兼属文论父邵使与高士宗少文谈系象往复数番少文每欲屈握麈尾叹曰吾道东矣于是名价日重宋武帝闻其美召见奇之曰真千里驹也以为中军参军】父茂宗小名梨【南史曰张邵字茂宗会稽太守裕之弟晋琅琊内史后仕宋终吴兴太守】宋文帝尝戏之曰查何如梨景答曰梨为百果之宗查何可比

齐高帝时魏人南伐至淮而退帝问何意忽来忽去时未有应者张思光【张融已见】在下坐抗声言曰以无道而来见有道而去公卿叹以为佳

柳侍中【柳世隆已见】盛事坟典张思曼语之曰观君举措当以清名遗子孙耶柳曰一身之外亦复何须子孙不才将为争府如其才也不如一经

良俊按裴昭明亦载此事未应二人同时并有斯语

江夏王【铎】在南徐州与行事王文和别驾江祐【王文和未详江祐别见】并相交款后文和被徵为益州置酒告别文和流泪言曰下官少来未尝作诗今日违恋不觉文生于情王仲宝闻之曰江夏可谓善变素丝者也【南史曰江夏王铎字宣颖齐高帝第十二子也性方整五岁好学书十岁便能属文出为南徐州刺史常忽忽不乐作修栢赋以见志】张宝积为湘州行事时萧颖胄在江陵宝积乘腰舆诣之举动自若颖胄问何至之晚答曰本朝危乱四海横流既不能为比干之死实未忍为防子之去是以至晚颖胄深以为善【南史曰宝积张

稷第六弟也永元中为湘州行事萧颖胄用为相府谘议】释僧钟南游京邑住中兴寺【梁释慧皎高僧 曰释僧钟姓孙鲁郡人十六出家居贫履道尝出壽春譙郡公请讲百论导公往聽之谓人曰后生可畏真不虚矣】永明初魏使李道固来聘防于寺内帝以钟有辩才勅令酬对往复移时言无失措日影小晚钟不食道固问何以不食钟曰古佛道法过中不飡道固曰何为声闻耶钟答曰应以声闻得度者故现声闻当时以为名对

褚彦宣少秉高节常非从兄彦回身事二代闻彦回拜司徒叹曰彦回少立名行不意披猖至此门户不幸乃复有今日之拜使彦回作中书郎而死不当是一名士耶名德不昌遂令有期颐之壽【褚渊已见 南史曰褚炤字彦宣彦回从父弟也父法显鄱阳太守炤少有高节除国子博士以一目眇不拜】

世祖在东宫日尝于 圃宴集沈率数劝褚司徒酒【南史曰沈文季字仲達吴兴武康人父庆之侍中文季以寬雅正直见知沈攸之反齐高帝用为太子右卫率】司徒甚不平启世祖曰沈文季谓渊经为其郡数加渊酒沈率曰惟桑与梓必恭敬止岂如明府亡国失土不识枌榆【讥司徒事二姓】

褚司徒甚重殷长史【南史曰殷叡陈郡人王奂壻也奂败伏诛】尝语之曰诸殷自荆州以来无出卿右殷斂容答曰殷族衰悴诚不如昔若此防为虚固不足降此防为实弥不可闻周彦伦清贫寡欲终日常蔬食虽有妻子独处山舍【南齐书曰周顒字彦伦汝南安城人晋仆射顒七世孙祖虎头负外常侍父恂归乡相顒少为族祖朗所知解褐海陵国侍郎转著作撰起居注】卫将军王俭尝问彦伦曰卿山中何所食彦伦答曰赤米白盐綠葵紫蓼【南齐书曰王俭字仲寶琅琊临沂人祖昙首父僧绰俭生而僧绰遇害为叔父僧防所养数歲袭爵豫章侯拜受茅土流涕呜咽防有神彩専心笃学手不释卷仕至中书监】

文惠太子【齐书曰文惠太子长懋字云乔小字白泽世祖长子也】尝问周彦伦菜食何味最佳彦伦曰春初早韭秋末晚菘

周彦伦少往外氏臧车骑【质】家得卫峘散 书法学之甚能文惠太子使彦伦书 圃茅斋壁国子祭酒何 以倒薤书求就彦伦换之彦伦笑曰天下有道丘不与易也

宗敬防答府召云何为谬伤海鸟横斤山木【南史 逸 曰宗测字敬防一字茂深南阳涅人炳之孙也家居江陵性静退不乐人间】

齐世祖幸豫章王东田宴【南齐书曰豫章文献王嶷字宣俨太祖第二子寬仁 雅有大成之量太祖特钟爱焉】诸王咸在独不召武陵王【南史曰武陵昭王暉字宣照太祖第五子也刚穎雋出工奕碁】豫章曰风景殊美今日甚忆武陵上乃呼之武陵至便射屡发命中顾谓四坐曰手如何帝神色甚怪豫章曰阿五常日不尔今可谓仰借天威帝遂释然

永明末京邑人士盛为文章谈义皆凑竟陵王西邸【南齐书曰竟陵文宣王子良字云英世

祖第二子也】刘士章为后进领袖机悟多能【南史曰刘绘字士章彭城安上里人刘勔子也初为齐高帝行参军仕梁转大司马从事中郎】时张思光周彦伦【张融周顒并已见】并有言工张音防缓韵周辞致绮捷士章言吐又顿挫有风气时人为之语曰刘绘贴宅别开一門

何义方言不虚妄蓋其天性【梁书良吏传曰何远字义方东海郟人】每戲语人曰卿若得我一妄语则谢卿一縑众共同之终莫能得

梁高祖遣王领军【杲】聘何子季领军曰今君遂当邈然絕世犹有致身理不何曰卿但以事见推吾年已五十三月食四斗米不尽何容得有宦情昔荷圣王眄识今又旌賁甚愿一詣闕但比腰脚大恶此心不遂耳阮居士尝与吴郡范元琰同徵不起【梁书曰阮孝绪字士宗陈留尉氏人父彦之宋从事中郎孝绪少懷栖遁屏居人外非定省未尝出戶家人莫见其面亲友因呼为居士】陈郡 峻语之曰往者天地闭贤人隐今世路已清而子犹懷栖遁耶居士曰昔周德虽兴夷齐不厌 蕨汉道方盛黄绮无间山林为仁由己何關人世【梁书曰孝绪着高 上自炎黄终于天监之末分为三品又著论云夫至道之本贵在为无圣人迹存乎拯弊弊拯由迹迹用有乖于本本既无为有为非道之至然不垂其迹则世无以平不究其本则道实交丧丘旦将存其迹故宜权晦其本老莊但明其本亦宜深抑其迹迹既可抑数子所以有余本方见晦尼丘是故不足非得一之士闕彼明智体之之徒独懷鉴识然圣已极照反创其迹贤未居宗更言其本良由迹须拯世非圣不能本实明理在贤可照若能体兹本迹悟彼抑扬则孔庄之意其过半矣】

阮居士尝曰非志骄富贵但性畏庙堂 使麀防可 何以异夫骐驎

王季文【南史曰王份字季文琅琊人祖僧朗宋尚书右仆射父粹黄门侍郎份歷官侍中丹阳尹】兄子肃在北屡引魏人来侵疆场【南史曰王奂字道明景文兄子也为雍州刺史加都督与宁蛮长史刘兴祖不睦擅自杀之台徵不就裴叔业于城内起兵攻奂斩之奂长子融融弟琛于都弃市琛弟肃乘并奔魏】世祖尝因侍坐从容问季文曰近有北信不季文敛容答曰肃既近忘坟栢寧遠忆有臣

王侍中【王份】尝因侍宴高祖问羣臣朕为有为无侍中答曰陛下应万物为有体至理为无

萧引书法適逸陈宣帝尝指其署名语诸人曰此字笔势翩翩似鸟之欲飞引答曰此乃陛下假其羽毛耳【南史曰萧引字叔休南兰陵人曾祖思话祖惠休父介并有名引方正有器度聰敏博学善属文仕梁位西昌侯主簿侯景之乱南奔岭表北还拜尚书金部侍郎】

徐孝穆【徐陵别见】使魏魏人授館宴賓是日甚 主客魏收嘲孝穆曰今日之 当由徐常侍来【北史曰魏收字伯起小字佛助钜鹿下曲阳人少机警不持细行随父在边好习骑射后折节读书精力不辍以文华显除太学博士至中书监】孝穆从容答曰前王肃至此为

魏始制礼仪今我来聘使卿复知寒暑【北史曰王肃字恭懿琅琊临沂人父奂齐雍州刺史肃少聪辩涉猎经史颇有大志位秘书丞父奂为齐武帝所杀肃自建业来奔孝文虚衿待之引见问故肃辞义敏切辩而有礼帝甚哀恻之官散骑常侍 州刺史】

## 语林卷五

### 言语第二【下】

蘓珍之小时随父在边尝谒东荆州刺史曹芝芝戲问曰卿欲官不珍之答曰设官求人非人求官芝异其对【北史曰蘓琮字珍之长乐武强人父备魏卫尉琮随父在边东荆州刺史曹芝署为长流叅军齐文防引为刑狱叅军每加劳勉】

魏恺辞青州长史魏帝放还家禁不复用沉废积年后遇杨愔于路防自披陈杨曰发诏授官皆由圣防非选曹所悉公不劳见诉恺应声曰虽复零雨自天终待云兴四岳公岂得言不知杨欣然曰此言极为简要更不须多数日用为霍州刺史【北史曰恺自散骑常侍迁青州长史固辞文宣大怒曰何物汉子与官不就时帝已失德朝廷为之惧恺容色坦然帝曰死与长史任卿所择答曰能杀臣者陛下不受长史者愚臣帝谓杨愔曰何虑无人苦用此汉放还永不须收由是沈废积年】

卢子友情性恬和萧然有闲放之致与琅琊王衍陇西李壽之情好相得尝语王曰昔太邱道广许子将知而不顾 生性情钟士季过而絶言吾处季孟之间去其太甚王以为然【魏书曰卢懷仁字子友涉学有辞性恬静萧然有闲雅致歷 农郡守不之任卜居陈留界所着诗赋铭颂二万言撰中表实録二十卷】

刘献之博观众籍人有从之学者辄曰人之立身虽百行殊涂準以四科要惟德行为首子若能入孝出悌忠信仁让不待出户天下自知傥不能然虽复多闻博识不过为土龙乞雨 惑将来其于立身之道何益乎由是学者高其行义不敢造门【北史曰刘献之博陵饶阳人少孤贫雅好诗 博观众籍逼举孝廉至京称病而还孝文幸中山徵典校书献之喟然叹曰吾不如莊周散木遠矣因以疾辞】魏佛助【魏收小字己见】盛誉卢思道以询祖为不及询祖曰见未能高飞者借其羽毛知逸势冲天者剪其翅翮【北齐书曰卢思道字子行聪爽俊辩通脱不羈年十六中山刘松为人作碑以示思道思道读之多所不解乃感激读书师事邢子才后复为文示松松不能甚解乃喟然叹曰学之有益岂徒然哉因就魏收求异书数年间才学兼着然不持操行好轻侮人天保中魏史成思道多所非毁由是再被答辱落泊不调杨遵彦荐于朝解褐司空行叅军兼散骑侍郎】

卢询祖甚有口辩好臧否人物尝语人曰我昨东方未明过和氏门外见二陆两潘森然与槐柳齐列【当谓和士开言士开当权文士皆辐凑其门也】

卢询祖才辩机敏邢子才尝戲之曰卿少年才学富盛戴角者无上齿恐君不壽卢答曰询祖初闻此言实懷恐惧见丈人苍苍在 差以自安邢大赏其敏贍【李百药齐书曰邢劭字子才河间邺人魏太常贞之后十歲能属文雅有才思聪明强记日诵万言少在洛阳与时名胜専以山水遊宴为娱尝因霖雨读汉书五日畧能遍记后饮譔既倦广寻经史五行俱下一览便记无所遗忘文章典丽既贍且速年未二十名动衣冠官至国子祭酒】

卢询祖初拜大夏男有宿德朝士戲之曰大夏初成卢即应声曰且得燕雀相贺【李百药齐书曰卢询祖范阳涿人祖父伟封大夏男父恭道早卒询祖袭爵有术学文辞华美为后生之俊举秀才官司徒记室】

北使李谐至南梁武与之游歷偶至放生处帝问曰彼国亦放生否谐答曰不取亦不放帝大慙【李谐别见郡国志曰润州长命洲梁武帝放生处】

琅琊王肃在南时好茗饮 过北又好羊肉酪浆尝云羊陆产之宗鱼水族之长羊比齐鲁大 鱼比邾莒小国唯茗饮不中与酪浆作奴【北人呼茗饮为酪奴】

贾思伯至性谦和倾身礼士虽在街道停车下马接诱恂恂曾无倦色客有调思伯曰公今貴重宁能不骄思伯曰衰至便骄何常之有当时以为雅言【北史曰贾思伯字仕休齐郡益都人与弟思同师事北海陰鳳业竟无资酬之鳳质其衣物时人为之语曰陰生读书不免痴不识双凤脱人衣思伯累迁中书侍郎为孝文所知】

杜之松在河中【唐诗纪事曰杜之松贞观中为河中刺史】尝请王无功讲礼无功答曰吾不能揖让 君门谈糟粕弃醇醪也【刘昫唐书曰王绩字无功绛州龙门人少与李播吕才为莫逆之交大业中授扬州六合县丞弃官结庐河渚以琴酒自乐尝躬耕东臯时人号东臯子或过酒肆动经数日往往题壁作诗多为好事者讽咏临终遗命薄 殯自为墓志】王世充平后【唐书曰王世充字行满本姓支西域胡人颇涉经史尤好兵法开皇中拜仪同后僭位国号郑建元开明】蕞世长以汉南归国高祖责其后服世长顿首曰自古帝王受命为逐鹿之喻一人得之万夫斂手岂有获鹿之后忿同猎之徒问争肉之罪【唐书曰蕞世长雍州武功人祖彤后魏散骑常侍父振周宕州刺史世长十余歲上书言事周武帝召问读何书对曰读孝经论语问何所言曰孝经云为国者不侮于鰥寡论语云为政以德武帝善其对令于兽门館读书王世充僭号署行台仆射与世充兄子 烈镇防阳洛阳平世长首劝 烈归降】

总章中高宗将幸凉州时陇右虚耗议者以为非便高宗语侍臣曰五载一巡此蓋典礼朕欲幸凉州中外咸谓非宜何也众未有对详刑大夫来公敏曰陛下巡幸凉州式宣王略求之故实未 令典但随时度义臣下窃有所疑伏以高丽虽平扶余尚梗西道经略兵犹未停且陇右诸州人户寡少供待车驾备拟稍难臣闻中外实有窃议

潘师正居嵩山逍遥谷高宗召问所须师正对曰臣所须者茂松清泉山中不乏【唐书曰潘师正赵州贊皇人少以孝闻大业中度为道士师事王知遠清淨寡欲居嵩山积二十年但服松叶饮水而已卒赠体元先生】

田游岩频召不出高宗幸嵩山亲至其门游岩野服出拜仪止谨朴帝问先生比佳否游岩对曰臣所谓泉石膏肓烟霞痼疾【唐书曰田游岩京兆三原人初补太学生后罢归遊太白山遇林泉会意留连不能去母及妻子并有方外之志同游山水二十余年后入箕山就许由庙

东筑室而居帝后营奉天宫游岩先居宫侧特令勿毁仍题曰处士田游岩宅】

天后尝召徐有功责之曰公比断狱多失出何耶有功答曰失出臣小过好生陛下大德【唐书曰徐有功国子博士文远孙也举明经除蒲州司法参军为政宽仁不行杖罚吏人感其恩信递相约曰 犯徐司法杖者众斥罚之由是终于代满不戮一人】

魏元忠既复官因侍宴天后问曰卿累负谤铄何耶对曰臣犹鹿也罗织之吏如猎者苟须臣肉作 尔【刘昫唐书曰魏元忠宋州宋城人本名真宰以避则天母号改焉志气倜傥不以举荐为意累年不调后上封事高宗叹异之累官侍中为宗楚客所诬贬务州尉】

宗徵嵩山隐士卢鸿三诏乃至及谒见不拜但磬折而已帝问其故鸿对曰臣闻老子云礼者忠信之薄不足可依臣鸿敢不忠信奉见【唐书曰卢鸿一字浩然范阳人徙家洛阳少有学业善籀 楷 于嵩山开元初备礼再徵不至后一赴召至东都将还山赐 居之服并草堂一所恩礼甚厚】 蕞昌容拜仆射【蕞瓌已见】当时拜官例许进食名为烧尾昌容独无所进将作大匠宗晋卿曰拜仆射竟不烧尾岂不喜耶【宋祁唐书曰宗晋卿楚客弟其先南阳人兄弟并坐奸赃流岭外】昌容奏曰臣闻宰相主调阴阳代天理物今粒食踊贵百姓不足臣见宿卫兵至有三日不食者臣愚不称职不敢烧尾【封氏闻见记曰凡新羊入羣为诸羊所触不相亲附火烧其尾则定故初拜官朋僚合宴谓之烧尾贞观中太宗尝问朱子奢烧尾事子奢以此为对】

贺知章拜礼部侍郎兼集贤学士【刘昫唐书曰贺知章会稽永兴人太子洗马德仁族孙少以文词知名陆象先在中书引为太常博士开元中张説为丽正殿修书使奏请知章及徐坚赵冬曦同撰六典累年不就后转礼部侍郎加集贤院学士】时源乾曜与张説同在政府【张説已见 唐书曰源乾曜相州临漳人隋比部侍郎师之孙父直心高宗时司刑太常伯坐事流岭南乾曜开元中官至黄门侍郎】乾曜问张曰贺公久着盛名今日一时两加荣命足使学者光耀然学士与侍郎何者为美张曰侍郎自皇朝以来为衣冠之华选自非望实兼美无以居之然终是具负之吏又非往贤所慕学士懷先王之道为缙绅轨仪蕴 班之词彩兼游夏之文学始可处之无愧二美之中此实为最

宗尝问吴筠道法筠答曰道法之精无如老子五千文其诸枝辞蔓説徒丧笔札耳【刘昫唐书曰吴筠鲁中儒士少通经善属文性高洁不柰流俗入嵩山依潘师正为道士开元中南防金陵访道茅山久之东遊天台在剡与文士为诗酒之会所着歌篇 于京师 宗遣使徵之既至与语甚悦令待诏翰林】

张曲江语人曰学者常想曾次吞云梦笔头涌若耶溪量既并包文亦浩瀚【刘昫唐书曰张九龄字子壽一名博物曾祖君政韶州别驾因家始兴九龄防聪敏善属文十三以书干刺史王方庆大嗟赏之曰此子必能致遠 宗在东宫举文藻之士亲加防问九龄对防高第迁右拾遗累官中书令】

李揆致仕居东都杜司徒罢淮海入洛见之言及事事第一之說揆曰若道門戶門戶自有所承官职遭遇尔今形骸凋悴看即下世一切为空何第一之有【唐书曰李揆字端卿陇西成纪人秦府学士 道 孙秘书监成裕之子聪敏好学善属文乾元初兼礼部侍郎揆以主司取士多不考实徒峻其隄防深昧求贤之意请于庭中设五经诸史及切韵本于床引贡士谓之曰大国选士但务得才经籍在此请恣寻检由是数月之间美声上闻未及毕事迁中书侍郎揆美风仪善奏对每有敷陈皆符献替肃宗赏叹之曰卿門地人物文章皆当代第一故时人有头头第一之說】

李约琴道酒德诗调皆高絕一时平生不近粉黛多蓄古器尝得古鐵一片击之清越养一猿名山公初至金陵于府主李锜坐屡贊招 寺之胜一日锜宴于寺中明日谓曰十郎尝夸招 寺昨游宴细看何殊州中约笑曰某所赏者疎野耳若遠山 翠幕遮古松用防物褻腥膻洩鹿掄泉音乐乱山鸟声实不如在叔父防也【李约已见】

卢杞与冯盛相遇于道各携一囊杞发盛囊有墨一枚杞大笑盛正色曰天峯煤和针鱼脑入金溪子手中録离骚古本如公止提绦纹刺三百为名利奴顾当孰胜已而搜杞囊果三百刺【刘昫唐书曰卢杞字子良故相懷慎之孙父奕御史中丞安祿山防洛阳奕遇害杞以門防解褐率府兵曹徵为御史中丞时尚父子仪病百官造问皆不屏姬侍杞至子仪悉屏去独几待之家人问故子仪曰杞形陋而心险左右见之必笑若此人得权即吾族无 矣及居紕弹之地论奏称防迁御史大夫旬日为門下侍郎】

宪宗尝问赵相曰人言卿在荊州毬場草生何也赵对曰死罪有之虽然草生不妨毬子往来上为之启齿【刘昫唐书曰赵宗儒字秉文父彙秘书少监宗儒授校书郎贞元中迁给事中与崔损同拜平章事罢为右庶子端居守道德宗嘉之迁吏部侍郎召见劳之曰知卿閉關六年故有此拜】

柳诚悬【柳公权已见】性晓音律不好奏乐人问之答曰闻乐令人骄怠

白居易语人曰吾已脱去利名枷鎖开清高門戶但连龔子母丹不知何日成耳【刘昫唐书曰白居易字乐天太原人北齐五兵尚书建之仍孙祖隤父季庚世敦儒业居易聰慧絕人贞元十四年高郢擢升甲科授校书郎元和中为集贤校理文辞富 尤精诗笔所着歌诗意存讽赋箴时之病 政之阙士君子多之往往流闻禁中章武納諫思理渴闻说言召入翰林为学士】

陆羽问张志和孰与往来志和曰太虚为室明月为烛与四海诸公共处未尝少别何有往来【宋祁 逸 曰陆羽字鸿渐一名疾字季疵复州竟陵人不知所生有僧得诸水濱既长以易自筮得蹇之渐曰鸿渐于陆其羽可用为仪乃以陆为氏名而字之 苕溪自称桑苎翁闔門著书或独行野中诵诗击木裴徊不得意或恸哭而归时谓今接輿也 唐诗纪事曰张志和字子周婺州人母梦枫生腹上而产志和十六擢明经肃宗时贬南浦尉不复仕居江湖自称烟波钓徒着元真子兄 龄 其遁世为筑室越州东郭与陆羽往还李德裕称志和 而有



名显而无事不穷不達严光之比云】

文宗喜经术【唐书曰文宗讳昂穆宗第二子寶曆二年敬宗遇害乙巳即位于宣政殿 唐诗纪事曰帝尝谓左右曰若不甲夜视事乙夜观书何以为人君每试进士多自出题所司进所试披览吟咏终日忘倦常延学士于内庭讨论经义较量古今令宫女侍茶汤饮饌李训讲周易时方盛夏命取水玉腰带辟暑犀如意赐训曰如意与卿为谈柄读高郢无声乐赋白居易求 珠赋谓之 祖】宰相李石因言施士句春秋可读帝曰朕尝见之穿凿之学徒为异同学者如浚井得美泉而已何必劳苦旁求然后为得【刘昫唐书曰李石字中玉陇西人机辩有方畧尤精吏术文宗自李德裕宗闵朋党相倾宿素大臣疑而不用意在新进孤立石自戸部侍郎平章事 李肇国史补曰大歷已后専学者有施士句春秋】

杨嗣复进门下侍郎建言宜省官属文宗言无乃滯才乎嗣复对曰才者自异汰去糝滓菁华乃出【唐书曰杨嗣复字继之仆射于陵子也七歲能为文与牛僧孺李宗闵权德輿皆贡举门生情义相得进退取舍多同开成二年以戸部侍郎平章事】

高贞公郢在中书九年家无制草或问前辈皆有制集公何独焚之答曰王言不可存于私室【唐书曰高郢字公楚渤海蓆人九歲通春秋能属文登茂才异行科授华陰尉尝以鲁不合用天子礼乐乃引公羊 着鲁议累官中书侍郎】明宗不豫冯道【已见】入问疾道言寢膳之间尤宜调谨因指御前果实曰如食桃不康他日见李思戒

周祖请冯道诣徐州册湘陰公为汉嗣道曰侍中由 乎周祖设誓道曰莫教老夫谬语令为谬语人

江南李昇问道士王栖霞何道可致太平栖霞对曰王者治心治身乃治家国今陛下尚未能去饥嗔饱喜何论太平宋后自 中称叹以为至言【司马光通鉴曰凡唐主所赐予栖霞皆不受栖霞常为人奏章唐主欲为之筑坛辞曰国用方乏何暇及此俟焚章不化乃当奏请耳】宋太祖从周世宗南征有人譖于世宗言太祖有重车数乘世宗遣人伺之果有笼篋令引入行在开视唯书数千卷世宗召太祖谕之曰卿为朕将帅辟疆宇当坚甲利兵何用书为太祖谢曰臣无奇谋上賛圣德滥膺寄任常恐不迨所以聚书观览欲广闻见增智虑也世宗善其对

太祖召见道士证 【王圣涂澠水燕谈録曰镇阳道士证 博学多识道行清洁太祖北征时召见之】 年九十形气不衰帝欲留居建隆观 曰帝都纷华非野人所宜处上访以养生之术 曰养生之术不过清心练气耳帝王之道则异于此老子曰我无为而民自化我无欲而民自正轩辕帝尧享国延年率由此道帝甚嘉之

宋祖草昧思求异人诏田微君诣公车会父丧不赴【皇朝 苑曰田微君名告字象宜笃学好文理致高古尝学诗于希夷平居寡薄志在经世太祖诏诣公车奔父丧不至淳化中韩丕言于天子召赴阙诏书入门而卒】田东游过濮止王元之舍元之勉进其道后得水 于济

南明水将终焉【司马温公涑水纪闻曰王禹偁字元之济州人少善属文举进士知长洲县太宗召直史馆才周歲遂知制诰禹偁性刚狷数忤权贵改翰林学士后落职知黄州】致书徐常侍【徐 已见】质其去就徐答曰负鼎叩角顾庐筑岩各由其时不失其道在我而已何常之有田遂决高蹈之计

真宗召陈 至京师士大夫多求其言 曰优游之所勿从恋得意之所勿再往【魏泰东轩笔録曰陈 字图南有经世之才生唐末厌五代之乱入武当山学神仙导养之术能辟谷或一睡三年后 于华山】

防莱公镇大名北使至语防曰相公望重何故不在中书防曰主上以朝廷无事北门鎖钥非準不可【寇莱公遗事曰公讳準字平仲华州人太宗幸魏公年十六以父陷蕃上书行在辞色激昂举止无畏上壮之命有司记姓名后二年进士及第防以贵显】

丁崖州虽险诈然亦有长者言真宗尝怒一朝士再三语之丁辄退缩不答上作色曰如此叵耐问辄不应丁进曰雷霆之下臣更加一言则齏粉矣真宗欣然嘉纳【东都事畧曰丁谓字公言初字谓之蕲州人尝以文谒王禹偁禹偁称其文比之韩柳其名大振真宗朝拜相以擅移皇堂贬崖州司户 东轩笔録曰丁谓有才智然多希合天下以为奸邪及稍进用即启真宗以神仙之事作玉清昭应宫耗费国帑不可胜纪】

范文正【已见】一日见王沂公言宰相当显防人物自丞相当国门下未见一人沂公曰司諫不思耶若恩尽归已怨将谁归范公恍若自失【王沂公笔録曰公讳曾字孝先青城人自发解南省廷试皆为首冠中山刘子仪戲语之曰状元试三場一生吃着不尽公正色曰曾平生之志不在温饱仁宗朝为相封沂国公】

范文正尝问琴理于崔遵度崔曰清丽而静和润而遠琴书是也【王君玉国老谈苑曰遵度为太子谕德方正清素尤精于琴着琴箴】

宋景文言为文是静中一业【东都事畧曰宋祁字子京与兄庠同试礼部奏名第一章献曰弟可先兄乎乃以郊为第一而祁为第十脩唐书成拜翰林学士承防謚景文 欧阳公归田録曰宋郊与弟祁自布衣时名动天下当时称为二宋】

宋景文言庄周云送君者皆自厓而返君自兹遠每读至此令人萧寥有遗世之意

邵康节尝言善人固可亲未能知不可急合恶人固可疎未能遠不可急去【道学名臣言行録曰邵雍字尧夫其先范阳人三十来游于洛葬亲伊川遂为河南人嘉祐中诏举遗逸留守王拱辰荐授将作监簿熙寧初中丞吕诲复荐补颍州团练推官称疾不之官卒赠秘书省著作謚康节】

欧阳公尝问一僧曰古之高僧有去来翛然者何今世之鲜也僧曰古人念念在定慧临终安

得而乱今人念念在散乱临终安得而定公深然之

司马文正公云登山有道徐行则不困措足于实地则不危【邵氏闻见録曰公不喜肩輿虽山行亦乘马路险则杖防以行】

程正叔【吕氏童防训曰小程先生名颐字正叔举进士不中不复试元祐初正献公与司马温公同荐遂召用侍讲禁中旋又罢去贬涪州元符还洛卒于家学者谓之广平先生后居伊阳又谥伊川先生】语其兄明道曰【道学名臣言行録曰程颢字伯淳河南人生而神气秀异异于常儿逾冠举进士吕公着荐授太子中允卒官宗正寺丞学者称为明道先生】吾兄弟近日说话太多明道曰使见吕晦叔则不得不少见司马君实则不得不多

王荆公谓吕晦叔【吕公着已见】曰汉元晚节刘向数上防切谏疑太犯分晦叔曰有贵戚之卿【邵氏闻见録曰吕晦叔王介甫同为馆职当时阁中皆名士每评论古今人物治丧众人之论必止于介甫介甫之论又为晦叔止也一日论刘向当汉末言天下事反复不休或以为知忠义或以为不達时变议未决介甫来众问之介甫卒对曰刘向强聒人耳众意未满晦叔来又问之则曰同姓之卿欤众乃服】

王荆公作相裁损宗室恩数宗子相率马首陈状云均是宗庙子孙那得不看祖宗面荆公厉声曰祖宗亲尽亦须祧迁何况贤辈于是皆散去

王荆公居钟山日与金华俞秀老过故人家饮罢小憩水亭顾水际沙间有馔器数件皆黄白物意吏卒所窃使人问之乃小儿适聚于此食枣栗尽弃之而去荆公谓秀老曰士欲任大事阅富贵如羣儿作息乃可耳【叶梦得石林诗话曰俞紫芝字秀老 州人少有高行不娶得浮屠心法所至翛然而工于诗王荆公居钟山秀老数相往来公尤爱重之】

嘉祐初李仲昌议开六漯河荆公时为館职颇右之既而功不成仲昌以 败刘侍读戲荆公曰要当如宗人夷甫不与世事可也荆公答曰天下之事所以易坏而难合者正以诸贤无意如鄙宗夷甫也但仁圣在上故公家元海未敢防扈耳【刘原父行状曰公讳敞字原父 州临江人学问广博无书不通自浮屠老子以及山经地志陰阳卜筮医药天文畧皆究知尝斋太乙宫与内弟王钦臣夜语曰歲星往来虚危间色甚明盛以吾观之当有兴于齐者歲余英宗以齐州防御入继大统】

王荆公尝问张文定孔子去世百年生孟子亚圣自后絶无人何也文定言岂无只有过孔子上者公问是谁文定言江南马大师汾阳无业禅师雪峯岩头丹霞云门是也公暂闻意甚不解乃问何谓文定曰儒门淡薄收拾不住皆归释氏耳荆公欣然叹服后举似张天觉天觉抚几叹以为佳

济南监镇宋保国出观荆公华严解东坡曰华严有八十一卷今独其一何也保国云公言此佛语至深妙他皆菩萨语耳东坡曰予于藏经中取佛语数句杂菩萨语中复取菩萨语数句

杂佛语中子能识其非是乎曰不能也东坡曰予昔在岐下闻河阳猪肉甚美使人往市之使者醉猪夜逸去贸他猪以偿客皆大诧以为非他产所及既而事败客皆大慙今荆公之猪未败耳若一念清净墙壁瓦砾皆説无上妙法而云佛语深妙菩萨不及岂非梦中语耶保国称善【陶朱新録元祐党人碑有宋保国名姓】东坡性不忍事尝云如食中有蝇 之乃已【扞虱新话曰公尝自言性不慎语言与人无亲踈辄输写肝胆有所不尽如茹物不下必吐尽而已而世或记防以为怨咨蓋实录也】

东坡在儋耳因试笔尝自书云吾始至南海环视天水无际凄然伤之曰何时得出此岛耶已而思之天地在积水中九州在大瀛海中中国在少海中有生孰不在岛者覆盆水于地芥浮于水蚁附于芥茫然不知所济少焉水涸蚁即径去见其 出涕曰几不复与子相见岂知俯仰之间有方轨八達之路乎念此可为一笑苏长公自黄移汝道出金陵见介甫甚款长公曰某欲有言于公介甫色动意长公辩前日事长公曰某所言天下事介甫色定长公曰大兵大狱汉唐灭亡之兆祖宗以仁厚治天下正欲革此今西方用兵东南数起大狱公独无一言乎介甫举两指示长公曰二事皆惠卿后之某在外安敢言长公曰在朝则言在外则不言事上之常礼耳上所以待公者非常礼公岂得以常礼自处介甫厉声曰某须説又言出在安石口入在子瞻耳蓋介甫畏惠卿恐长公泄之也介甫又语长公人须是知行一不义杀一不辜而得天下弗为乃可长公曰今之君子争减半年磨勘虽杀人亦为之介甫笑而不言杨次公留心释教尝因上殿神考颇问佛法杨并不详答直云佛法实亦有助吾教既归人言圣主难遇次公平日所学如此今乃唯唯何也杨曰朝廷端欵明辩吾惧度作导师【文苑 曰杨杰字次公无为人少有名于时元祐中为礼部员外郎自号无为子】王介甫尝见举烛因言佛书有日月灯光明佛灯光岂得以配日月吕吉甫曰日昱乎昼月昱乎夜灯光昱乎昼夜日月所不及其用无差别介甫大以为然【东都事畧曰吕惠卿字吉甫泉州晋江人为集贤校勘王安石领制置三司条例司以惠卿为检详安石去位荐为叅知政事】刘道原【刘恕已见】不信浮屠説以为必无是事尝曰人如居逆旅一物不可乏去则尽弃之何得赍以自随

蒋之奇既贵项上大赆每忌人视之为六路大漕至金山寺僧了元【即佛印】与蒋相善一日见蒋即手扞其赆蒋心恶之了元徐曰冲卿在前颢叔在后蒋大喜【朱彧可谈曰慈圣后尝梦神人语云太平宰相项安节神宗密求诸朝臣无有此人从之吴冲卿为上相瘰疬生颈间一日立朝项上肿如拳后见之告上曰此真项安节也东都事畧曰蒋之奇字颖叔常州宜兴人少游欧阳公之门为部使者十二任六典会府所至以治辩称官至观文殿学士】

冯当世晚年好佛【东都事畧曰冯京字当世鄂州江夏人初隽迈不羣举进士自乡选至廷对俱第一宰相富弼京之妇翁也京知制诰日韩琦为相京数月不一见琦谓其傲以语弼弼使往见之京曰公为宰相而京不妄诣公者乃所以重公也岂傲哉官叅知政事谥文简】知并州日以书寄王平甫曰并门歌舞妙丽闭目不窥日以谈禅为上平甫答曰若如所论未達禅理闭目不窥已是一重公案东坡与刘贡父防语及不获已之事贡父曰充 至义之尽也东坡曰贡父乃善读孟子欵【魏泰东轩笔録曰刘攽字贡父博学有俊才然滑稽喜谑玩亦屡以犯人】

蘓子瞻云歲行盡矣風雨淒然紙窗竹屋燈青熒熒時于此間得少佳 一日舉似劉貢父貢父曰前數句是夜行迷路誤入田螺精家中來

李公擇云余嘗雪中過范堯夫【已見】于西府先有五客在坐予因眾人論說民間利害公甚喜書室中無火坐久寒甚公命溫酒來與坐客各舉兩大白公曰說得通透後令人心神融暢【東都事畧曰李常字公擇南康軍建昌人幼力學舉進士調宣州觀察推官方重自持人畏憚之】

東坡謂晨飲為澆書李黃門謂午睡為攤飯

東坡嘗謂劉壯與曰三國志注中好事甚多道原【劉恕已見】欲脩之而不果君不可辭也壯與曰端明曷不為之坡曰某虽工于語言也不是當行家【徐度却掃編曰劉義仲字壯與劉道原子也道原以史學自名義仲世其家學】

劉壯與常摘歐陽公五代史之訛誤為糾繆以示東坡東坡曰往歲歐陽公著此書初成王荊公謂余曰歐陽公脩五代史而不脩三國志非也子盍為之余固辭不敢當夫為史者網羅數十百年之事以成一書其間豈能無小得失余所以不敢當荊公之托者正畏如公之徒掇拾其後耳

元祐中北敵使劉霄入賀蘓公與狄咏館伴錫燕回始行公馬小蹶劉即前訊曰馬驚無苦否公應曰銜勒在御虽小失無傷也

蘓長公云元豐六年十月二日夜解衣欲睡月色入戶欣然起行念無與樂者遂至承天寺尋張懷民懷民亦未寐相與步于中庭庭中如积水空明水中藻荇交橫蓋竹栢影也何夜無月何處無竹栢但少閑人如吾兩人耳

蘓長公云久在江湖不見偉人前在金山見滕元發乘小舟破巨浪來相訪出船巍然使人神聳

文潞公帥長安【五朝名臣言行錄曰文彥博字寬夫汾州人位至丞相封潞國忠烈公 趙萊公錄曰寶元中河東闕漕使堂上議難得可任者章郇公言縉紳間說文彥博磊落有稱呂許公曰恨不識也可召來面詢之明日召至許公嘆曰此大有福人何所任用不可自殿中侍御史遷待制不出十年出將入相】見石才叔所藏褚遂良聖教序墨迹愛玩不已令子弟臨一本休日宴僚屬出二本令坐客別之客盛稱公臨本為真才叔不出一語以辯笑后潞公云今日方知蒼舒孤寒【王明清玉照新志曰石蒼舒字才叔雍人也與山谷遊從尤妙筆札家蓄圖書甚富】黃太史云士大夫三日不讀書則理義不交于胷中便覺面貌可憎語言無味【山谷年譜曰公諱庭堅字魯直分寧人治平丙午赴鄉舉詩題出野無遺賢廬陵李詢讀先生詩中兩句云渭水空藏月傳岩深鎖烟击節稱賞云此人不惟文理冠場異日當以詩名擅四海遂膺首選歷官著作佐郎兼史館】

晏景初请一僧住院僧辞以穷陋不可为景初曰高才固易耳僧曰巧妇安能作无麪汤饼乎景初曰有麪则拙妇亦办矣僧慙而退【宋史曰晏敦复字景初丞相殊之曾孙少学于程颐】岳武穆尝入见帝从容问曰卿得良马不武穆答曰臣有二马日啖刍豆数斗饮泉一斛然非精洁即不受介而驰初不甚疾比行百里始奋迅自午至酉犹可二百里褫鞍甲而不息不汗此其受大而不苟取力裕而不求逞致远之材也不幸相继以死今所乘者日不过数升而秣不择粟饮不择泉揽辔未安踊跃疾驱甫百里力竭汗喘殆欲毙然此其寡取易盈好逞易穷弩钝之材也帝称善曰卿今议论极进【章穎南渡十将传曰岳飞字鹏举相州汤陰人少负气节沈厚寡言性刚直天资敏悟强记书尤好左氏春秋及孙吴兵法生而有力未冠能引三百斤弩八石学射于周同能左右射同死朔望必鬻衣具酒肉诣同塚奠而泣引同所赠弓发三矢乃酹父知而义之】

虞雍公既却逆亮于采石还至金陵谒叶枢密【义问】时张忠定【焘】及幕属冯校书【方】洪检详【迈】在坐相与劳问毕天风欲雪因留郊饮酒方行警报沓至亮惩前防将改图洲坐上皆恐叶四顾久之酌卮醪以前日冯洪二君虽参帷幄实未履行阵舍人威名方新士卒相望勉为国家卒此勲业雍公受之起立曰某去则不妨然记得一小话敢为都督诵之昔有人得一鼈欲烹而食之不忍当杀生之名乃炽火使釜水百沸横篠为桥与鼈约曰能渡此则活汝鼈知主人以计取之勉力爬沙仅能一渡主人曰汝能渡桥甚善更为我渡一遭我欲观之仆之此行无乃 是乎席上皆笑雍公竟如镇江亮不克渡而弑自此简上知驯致魁柄

金国与西夏议和翰林待制冯延登为使时李献甫以书表官从行夏使有口辩延登不能折往复数日至以歲币为言献甫不能平从旁进曰夏国与我和好百年今易君臣之名为兄弟之国兄输弟币寧有据耶使者曰兄弟且不论宋歲输吾国币二十五万正典故具在金朝必欲脩旧好非此例不可献甫作色曰使者尚忍言耶宋以歲币饵君家而赐之姓岸然以君父自居夏国君臣无一悟者诚谓使者当以为讳乃今公言之使者果能主此议以从赐姓之例弊邑虽歲捐五十万献甫请以身任之夏使语塞和议乃定【金史曰李献甫字钦用献能从弟也博通书传尤精左氏及地理学为人有干局心所到则絶人遠甚时人称其精神满腹兴定五年登进士第歷咸阳簿累官镇南节度副使】

中统初许鲁斋应召赴都曰【元史曰许衡字平仲懷之河内人幼有异质七歲入学授章句稍长嗜学如饥渴往来河洛间从姚枢得伊洛程氏之书益大有得中统元年世祖即位召至京师】道谒刘静脩先生静脩言公一防而起无乃太速许答曰不如此则道不行后至元中徵静脩至以为贊善大夫未几辞去及召为翰林学士复以疾辞或问之答曰不如此则道不尊【元史曰刘因字梦吉保定容城人天资絶人三歲识书日记千百言七歲能属文落笔惊人及得程朱之书一见能发其防性不苟合家虽甚贫非其义一介不取家居教授师道尊严尝爱诸 孔明静以脩身之语表所居曰静脩】

元宪宗时以 克萨勒为防事官之长其位在三公之上犹汉之大将军也既拜命出帐殿外欹橐坐熊席其僚列坐左右者四十人 克萨勒问曰主上以我长此官诸公其为我言当以

何道守官众皆默然有夏人果斡居下坐进曰夫扎尔古齐之道犹宰之刳羊也解肩者不使伤其脊在持平而已防克萨勒闻之即起入帐内众不知所为皆咎果斡失言既入乃为帝言之帝召果斡命之步曰是可用之才也果斡由是知名【元史曰防克萨勒察罕扎拉尔氏祖绰鄂父诺海并事烈祖 克萨勒事睿宗恭谨过其父宪宗在藩邸深知之】胡汲仲先生言终今之世无善治之日

元明善尝副一防古大臣出使交趾濒还国王赉以兼金防古受之明善独不受国王曰彼使臣已受矣公何固辞明善曰彼所以受者安小国之心我所以不受者全大国之体国王叹服

吴定翁尝言曰士无求于世惟求无愧于世人以为名言【元史曰吴定翁字仲谷临川人其先宋初自金陵来徙定翁防戢俨如成人清修文雅与孙辙齐名而最善为诗辟荐相望而终不起程钜夫贻之书曰临川士友及门者踵相接也何相望足下耿耿如玉人而不可得见乎】

富珠哩翀在翰林日尝进讲罢上顾问曰三教何者为最优翀对曰释如黄金道如白璧儒如五谷上曰若尔则儒为贱耶翀对曰黄金白璧无亦何妨五谷于世其可一日阙哉上大説【元史曰富珠哩翀字子翬其先隆安人状貌魁梧不妄言笑其学一本于性命道德而记问宏博异言僻语无不淹贯文章简奥典雅学者仰为表仪论者谓许衡之后能以师道自任者惟耶律有尚及翀而已】

至正中徵处士托音巴延杜本张瑾为翰林待制或议以为擢用太峻左丞相特穆尔达实曰士无求于朝廷而朝廷有求于 士当时以为名言

# 语林卷六

## 政事第三

孔子曰政寬則民慢慢則糾之以猛猛則民殘殘則施之以寬此因子產遺訓故言承敝易變之道大率如此余觀孔子雅言及古稱循吏炳煥竹素者何嘗用猛哉太史公曰奉法循理亦可以為治何必威嚴哉斯言是矣善哉劉真長之言曰古之善政司契而已豈不以敦本正源鎮靜流末乎此語可着令甲苟用此道雖聖人之篤恭 默何以加諸

卓茂為密令有人詣茂言亭長受其米肉茂問此人亭長為從汝求乎將平居自以恩意遺之人曰往遺之耳茂曰遺之而受何故言耶人曰竊聞賢明之君使人不畏吏吏不取人今我畏吏是以遺之吏既卒受故來言耳茂曰凡人所以貴於禽獸者以有仁愛知相敬事今鄰里長老尚致饋遺此乃人道所以相親吏顧不當乘威力強請求耳凡人之生羣居雜處故經紀禮義以相交接汝獨不欲脩之寧能高飛遠走不在人間耶人曰苟如此律何故禁之茂笑曰律設大法禮順人情今我以禮教汝汝必無怨以律治汝何所措其手足乎一門之內小者可論大者可殺也且歸念之于是人納其訓吏懷其恩【酈道元水經注曰卓茂字子康南陽宛人溫仁寬雅恭而有禮人有認其馬者茂與之曰若非公馬幸至丞相府歸我遂挽車而去後馬主得馬謝而還之任黃門郎遷密令舉善而徵口無惡言教化大行道不拾遺蝗不入境百姓為之立祠享祀不輟矣東觀漢記曰茂恬暢樂道雅實不為華貌行已在清濁之間自束髮至白首與人未嘗有爭】

孔君魚為姑臧長清儉逼下有讖之者答曰奮身處脂膏不能自潤【東觀漢記曰孔奮字君魚扶風茂陵人守姑臧長時天下亂河西獨安前長居官數月即致貲產奮在姑臧四歲財物不增惟老母極膳妻子但食葱菜】

鄭尚書在淮陰【范曄後漢書曰鄭 字巨君會稽山陰人從淮陰太守四遷為尚書令】消息繇賦政不煩苛郡中大旱自出行春隨車致雨白鹿方道俠轂而行【謝承後漢書曰 問主簿黃國曰鹿為吉為凶國拜賀曰聞三公車輻画作鹿明府必為宰相】

龐仲達為漢陽太守【司馬彪續漢書曰龐參字仲達河南緱氏人官至太尉】郡人任棠有奇節 居教授仲達到先 之棠不交言但以薤一大本水一盂置戶屏前自抱孫兒伏于戶下主簿白以為倨仲達思其防意良久曰棠是欲曉太守水者欲吾清防大本薤者欲吾擊強宗抱兒當戶欲吾開門恤孤也嘆息而還仲達在職抑強助弱果以惠政得民任延為會稽都尉時年十九迎官驚其壯及到靜泊無為唯先遣饋禮祠延陵季子【范曄後漢書曰任延字長孫南陽宛人年十二為諸生學于長安明詩易春秋顯名太學學中號為任聖童更始中以大司馬屬拜會稽都尉】

延叔堅舉孝廉為平陽侯相到官表糞遂之墓立銘祭祠擢用其后于畎畝之間【延篤別見】



陈昭公守广汉入为大司农【范曄后汉书曰陈宠字昭公沛国洨人祖咸哀平间尚书宠性周密每事务于宽厚由广汉太守入为大司农后为司空虽 法律而兼通经书号为任职相】帝问在郡何以为理昭公顿首谢曰臣任功曹王涣以简贤选能主簿谭显拾遗补阙臣奉宣诏书而已帝大悦【范曄后汉书曰王涣字稚子广汉鄆人少好侠尚气晚更改节敦儒习尚书读律令为太守陈宠功曹当职割断不避豪右宠风声大行涣由此显名州举茂才为洛阳令谭显后亦知名安帝时为豫州刺史】 司徒为河南尹政号严明然未尝以 罪鞠人常言曰凡学仕者高则望宰相下则希守牧锢人于圣世尹不忍为也闻者皆感激自励【安已见】

汝南太守宗资任功曹范滂【范滂已见 谢承后汉书曰宗资字叔都南阳安众人家代为汉名臣资少在京师学孟氏易欧阳尚书举孝廉拜议郎补汝南太守署范滂为功曹委任政事推功于滂不伐其美任善之名闻于海内】南阳太守成瑨亦委功曹岑晊【谢承后汉书曰成瑨少修仁义以清名见称举孝廉拜郎中迁南阳太守郡多豪强中官磐牙境界瑨下车振威严以检摄之时桓帝乳母外亲张子禁恃势不畏法网功曹岑晊劝使捕子禁付宛狱笞杀之桓帝徵瑨下狱死范曄后汉书曰岑晊字公孝南阳 阳人有高才郭林宗朱公叔皆与为友李膺王畅称其有干国器虽在】

【间里慨然有董正天下之意】二郡为之语曰汝南太守范孟博南阳宗资主画诺南阳太守岑公孝 农成瑨但坐啸宗叔都【宗资已见】在汝南请范孟博为功曹范在职严整疾恶人有行违孝弟不轨仁义者皆扫迹斥逐不与共朝显荐异节搜防幽陋天下称之

范孟博外甥西平李颂是公族子孙行义为乡里所弃中常侍唐衡以颂属汝南太守宗资资用为吏时孟博在功曹心非其人寝而不召资怒责书佐朱灵灵仰谢曰范滂清裁犹以利办齿腐朽今日寧受笞死而滂不可违资乃止【谢承后汉书曰宗资责问书佐朱灵灵以告滂滂曰笞教当言颂则滂之姊子岂不乐其升进緣颂污秽小人不宜玷尘清朝不敢以位私人是以不召】

陈仲举为乐安太守【司马彪续汉书曰陈蕃字仲举汝南平輿人举孝廉除郎中母忧去官周景辟从事以諫争不合投 而去后李固表荐徵拜议郎 范曄后汉书曰李固为青州刺史名有威政属城闻风皆自引去蕃独以清绩留 续汉志曰乐安本名千乘和帝更名乐安】郡人周孟玉清洁之士【张璠汉纪曰周璆字孟玉临济人有美名】前后太守礼命皆不至独仲举能致焉仲举大加宠异字而不名特置一榻去则悬之【 山松后汉书曰璆为乐城令逍遥无事县中大治去官徵聘不至陈蕃为太守璆来置榻去悬之】

陈仲举在乐安郡县民赵宣 亲而不闭埳隧止居其中行服积二十年乡邑称孝州郡数礼请之仲举就与相见言次问及妻子宣有五子皆服中所生仲举怒曰圣人制礼贤者俯就不肖企及且祭不欲数以其易渎故也况乃寝宿 藏孕育其中诳时惑众诬污 神乎遂致其罪

孔文举【孔融已见】在北海时教高密令曰志士邓子然告困焉得爱釜庾之间以伤烈士之心与豆三斛后乏复言孔文举为北海相有一人遭父防哭泣墓侧色无憔悴文举刑之又一人母病瘥思食新麦家中无有乃盗邻家熟麦以进文举特加赏异曰无有来谢勿复盗也【秦子曰夫盗而不罪者以为劝于养母也哭而见杀者以为哀而不实也】

胡威少有志尚厉操清白父质临荆州威自京都省之家贫无车马童仆威自驱驴单行见父停廐中十许日告归临辞质赐绢一匹为道路费威跪问曰大人清严不审于何得此质曰是吾俸禄之余故以为汝粮耳威受而去【晋阳秋曰胡威字伯虎淮南人父质荆州刺史以忠清显】

胡质在荆州其子威省覲告归每至客舍自放驴取樵爨炊食毕复随旅进道质帐下都督阴赍粮要之因与为伴每事相助经营又进少饭威疑密加诱问知是都督谢而遣之后以白质质杖都督一百除其吏名裴潜为兖州时尝作一胡牀及去留以挂壁【魏志曰裴潜字文行河东人避乱荆州刘表待之賔礼潜私谓王粲司马芝曰刘牧非霸王之才而欲以西伯自处其败无日矣遂南渡适长沙】

王夷甫【王衍别见】为元城令终日清谈而县务自理

陶公【陶侃已见】明识过人临荆州时勅武昌道上种柳人有窃之植于其家陶见而识之问何以盗官柳种子时以为神

王丞相善于因事初过江帑藏空竭唯有练数千端丞相与朝贤共制练布单衣一时士人翕然竞服练遂涌贵乃令主者卖之端至一金

王丞相【王导已见】薨后庾季坚代相网密刑峻【晋书曰庾冰字季坚兄亮以名德流训冰雅素垂风诸弟相率莫不好礼为世论所重亮常以冰为庾氏之寶】殷洪乔出行遇收捕者于途【殷氏谱曰殷羡字洪乔父识镇东司马羡仕至光禄勳】慨然叹曰丙吉问牛喘似不尔【班固汉书曰丙吉为相尝出逢清道羣鬪者死伤横道吉过之不问前行逢人逐牛牛喘舌吉止驻使骑吏问逐牛行几里矣掾吏谓丞相前后失问或以讥吉吉曰民鬪相杀伤长安令京兆尹职所当禁歲竟丞相课其殿最奏行赏罚而已宰相不亲小事非所当于道路问也方春少阳用事未可太牛近行用暑故喘此时气失节恐有所伤害也三公典调和陰阳职所当忧是以问之掾吏乃服以吉知大体】

殷光禄【殷羡】尝从容谓庾季坚曰卿辈自是纲目不失皆是小道小善耳至如王公【王导已见】故能行无理事谢太傅每叹咏此唱

东海王越临兖州以江应元为别驾委以州事【江氏家传曰江统字应元时太傅从事中郎庾子嵩以风韵见重雅敬君德每云当今可以为司徒充民望者江生其人也】与应元书曰昔王子师【王允已见】为豫州未下车辟荀慈明下车辟孔文举【荀爽孔融二人并已见

】贵州人士有堪应此者不应元举郗鉴为贤良阮脩为直言程收为方正时称其得人【郗鉴别见阮脩已见晋书曰程收济北人】

刘尹在郡为政清整门无杂宾时百姓好讼官长诸郡往往为相举正刘曰夫居下讪上此弊道也古之善政司契而已岂不以敦本正源镇静流末乎君虽不君下安可以失礼此风不革百姓将往而不反遂寝不问【刘尹别 曰刘惔字真长沛国萧人汉氏之后有雅裁虽草门陋巷晏如也歷侍中丹阳尹为政务镇静信诚风尘不能移也】

孙安国【孙盛已见】为长沙太守颇营资货桓温遣部从事至郡察知之重其高名不时即劾盛与温牋辞防放荡称州遣从事观采风声进无威鳳来仪之美退无鹰鹯 击之用徘徊湘川将为怪鸟温得牋复遣从事按之 贿狼籍檻车收盛到州舍而不罪【何法盛晋中兴书曰孙盛字安国太原中都人为秘书监笃尚好学自少及长手常不释卷既为史官乃着三国晋阳秋】

何良俊曰小人黷货固惟其常苟求廉洁自将正当责之贤者桓元子当察举之寄实宜矫厉頽流使属城聴采以彰轨物今孙盛 贿狼籍乃独以名高不劾及以放荡致隙始复按之罪状既明又舍而不问将使小人因之有辞而中才犹或自沮求之举措俱为失据晋于是为失政刑矣

吴 之【已见】为广州刺史此地包带山海珍异所出一篋之寶可资数世前后刺史遂多黷货未至州二十里地名石门有水曰贪泉饮者懷无厌之欲隐之既至语所亲曰不见可欲使心不乱越崖丧廉吾知之矣乃至泉所酌而饮之因赋诗曰古人云此水一防懷千金试使夷齐饮终当不易心在州逾厉清操帷帐器服皆付外库常食不过菜及干鱼

顾觊之除山陰令山陰剧邑民户三万前令昼夜不得休事犹不举觊之御繁以约县用无事昼日垂帘门庭闲寂宋世称山陰务简而理诸郡莫及【宋书曰顾觊之字伟仁吴郡吴人高祖谦晋陆机姊夫祖崇大司农父黄老司徒左西掾觊之初为郡主簿谢晦为荆州以为卫军叅军爱其雅素深相知待】

孔思遠【孔觊已见】在郡性至真素不尚矫饰遇得寶玩服用不疑而他物麤败终不改易时吴郡顾觊之亦志崇俭素宋世并称清约

孔思遠代庾徽之为御史中丞庾性豪侈服玩甚华思遠衣冠器用莫不麤率时兰台令史并三吴富人初有轻之之意后见思遠蓬首缓带风貌清严便重迹屏气莫敢欺犯【南史曰庾徽之字景猷潁川 陵人卒官南东海太守】

孔思遠使酒仗气每醉弥日不醒为后军府长史虽醉日居多而晓明政理醒时判决未尝有壅众咸曰孔公一月二十九日醉胜世人二十九日醒

刘损为吴郡太守至阊门便入泰伯庙时庙室頽毁垣墙不修损怆然曰风猷尚可彷彿衡宇一何摧頽即发教整葺【南史曰刘损字子騫卫将军毅从父弟也父镇之以毅贵显退居京口未尝应召毅甚畏惮每还京口不敢以羽仪入镇之门损赠太常】

张景山歷三府谘议事举情得多无异同或问景山主上既防执事多门君每能辑和公私云何致此景山曰古人言一心可事百君我为政端平待物以礼悔吝之事何由而及明闇短长更是才用之多少耳【南史曰张岱字景山吴郡吴人张裕子也州辟从事迁东迁令时殷冲为吴兴太守谓人曰张东迁亲贫须养所以栖迟下邑然名器方显终当大至后为司徒西曹掾】

沈瓚之在丹徒性至疎直自以廉洁不事左右浸润日至遂鎖系尚方【南史曰沈瓚之吴兴武康人为丹徒令以清廉抵罪邱寂之叹曰清吏真不可为也政当处季孟之间】瓚之自言愿一见天子上召问复欲何陈答曰臣坐清所以获罪上曰清复何以得罪言无以承奉要人上问要人为谁瓚之以手板四面指曰此赤衣诸贤皆是后上知其无罪复除丹徒令吏人之瓚之戲语曰我今重来当以人肝代米不然清名不立何敬叔在政清约不通问遗尝歲俭夏节忽榜门受饷共得米二千八百石悉取以代贫人输租【齐春秋曰何敬叔为长城令在县清廉不受馈】

傅琰为山陰令有卖针卖糖二老姥共争团丝来诣琰琰树团丝令鞭之密视有鐵屑乃罚卖糖者

刘 明甚有吏能歷建康山陰令政常为天下第一【南史曰刘 明临淮人官至司农卿】后傅翽代为山陰问 明曰愿以旧政告新令尹 明答曰我有奇术卿家谱所不载【孔平仲续世說曰傅僧祐及子琰琰子翽为令并着奇绩时云诸傅有理县谱子孙相 不以示人】临别当以相示既而言作县令唯日食一升饭而不饮酒此第一防也

傅翽居官有名为吴令时往别建康令孙廉廉因问曰闻丈人发奸摘伏惠化如神何以至此傅答曰惟勤而能清清则宪纲自行勤则事无不理宪纲自行则吏不能欺事自理则物不凝滞廉深服其言【南史曰傅翽北地灵州人祖僧祐山陰令父琰为建康山陰令并着能名二县谓之傅圣翽位至骠骑谘议】

顾宪之为建康令剖断明决人称神宰权要请托长吏贪残据法直绳无所阿纵性又清俭强力为政甚得民和故都下饮酒得防者辄呼为顾建康言其清醇也【南史曰顾宪之字士思吳郡吴人祖觐之湘川刺史宪之官尚书吏部郎中宋时觐之尝为吏部于庭列植嘉树谓人曰吾为宪之植耳至是宪之果为此职】

傅常侍【傅昭已见】为临海郡临海先有 岩前后太守皆自封固專收其利常侍曰周文之囿与百姓共之大可喻小教令勿封

安成王初临江州【南史曰安成康王秀字彦達梁文帝第七子仕齐太子舍人梁朝建封安成郡王时诸王并下土建安安成尤好人物世以二安方之四豪秀精意学术搜集经记招学士刘孝标使撰 苑书未毕而已行于世秀于武帝布衣昆弟及为君臣小心畏敬过于疎贱帝益贤之】前刺史取陶徵士曾孙为里司安成叹曰陶潜之德岂可不及后嗣即日辟为西曹

王纶之为豫章下车日祭徐孺子许子将墓图画陈蕃华歆谢鲲像于郡朝堂【南史曰王纶之字元章王敬 之曾孙为安成王记室叅军偃仰召防退居僚末 粲闻而叹曰贵防居此位者不以文记为高自纶之始厯侍中出为豫章太守】孔光禄除晋陵太守清白自守妻子并不之官唯以单船临郡所得秩俸随即分贍孤寡郡中号曰神君曲阿富人殷绮见光禄居处俭素乃饷以衣襁一具光禄曰太守身居美禄何为不能办此但百姓未周不容独享温饱劳卿厚意幸勿为烦【南史曰孔奂字休文防稽山陰人曾祖琇之江夏内史祖臻太子舍人父防孙无锡令奂仕齐为建康令梁武受禅除晋陵太守太建中为吏部尚书甚有鉴裁详练百氏凡所甄拔诸人莫不悦服】

郎世业泛涉典籍清慎无所营尝语人曰仕官之所木枕亦不须作况过于此唯颇令人写书樊子蓋曾遗之书曰在官写书亦是风流罪过世业答曰观过知仁斯亦可矣【三国典畧曰郎基字世业中山新市人鲁郡太守智之孙】

宋世良为清河太守狱内稻生桃树 蒿亦满每日门庭虚寂无复诉讼时谓之神门及代去有老人丁金刚曰老人年九十记三十五政府君非惟善政过人清亦彻底今失贤者人何以济【北史曰宋世良字元友西河介休人魏孝庄时拜清河太守才识闲明尤善政术在郡未几声问甚高】

蘓琮为清河太守清慎无私有沙门道研求谒意在理债琮每见则谈问 理道研无由启口弟子问其故道研曰每见府君径将我入青云间何由得论地上事遂焚其券【蘓琮已见】

高仆射【高颀别见】每以盘盛粉置于卧侧思得一公事辄书其上至明则记录入朝行之

杨昉为左丞时字文化及子孙理资防朝廷以事隔两朝其家亲族亦众多为言者所司理之至于左司昉未详其案状诉者以道理已成无复疑滞勃然逼昉昉曰适朝退未食食毕当详案诉者言公云未食亦知天下有累年羈旅诉者乎昉遽命案立批之曰父杀隋主子诉隋资生者犹配遠方死者无宜更叙时人深赏之负半千调武阳尉值歲旱劝令殷子良发粟賑民子良不从及子良谒州半千悉发之下賴以济刺史大怒囚半千于狱会薛元超持节河南让太守曰君有民不能恤惠出一尉尚何罪耶半千遂得释【薛元超别见殷子良未详 江几隣嘉祐杂志曰白水县尧山民掘得志石是负半千墓云十八代祖疑自梁入魏本姓刘彭城人以其雅正似伍员遂赐姓员 刘昉文苑 曰员半千本名余庆晋州临汾人少与齐州何彦先同师王义方义方嘉重之义方卒半千与彦先皆制服丧毕而去上元初授武阳尉睿宗朝至崇文館学士】

宋广平爱民惜物朝野归美人咸谓有脚阳春【刘昫唐书曰宋璟邢州南和人其先自广平徙焉璟少耿介有大节博学工文翰弱冠举进士累转凤阁舍人当官正色则天甚重之 宗朝累官尚书右丞相封广平郡公】

宗尝赐酺三日上御五凤楼观者喧溢乐不得奏金吾白挺如雨不能遏止上患之高力士奏河南丞严安之为理严为人所畏请使止之上从之安之至以手板绕塲画地曰犯此者死于是三日指其画以相戒无敢犯者【封氏闻见记曰严安之为赤县尉力行猛政】

裴耀卿勤于政事夜阅案牒昼决狱讼常养一雀每夕自更初有声至漏尽则急鸣裴呼为知更雀【刘昫唐书曰耀卿户部尚书守真子也少聪敏解属文弱冠拜秘书正字补相王府典籤睿宗在藩甚重之与掾邱悦文学韦利器更直以备顾问府中称为学直后迁京兆尹寻拜黄门侍郎充转运使】

李林甫奸邪陰贼妬嫉贤能至于善守章程深得宰相之体当时虽正直之士多被搆害而寻常仕进者各获其分至开成间人犹呼为李右座而不名【刘昫唐书曰林甫高祖从父弟叔良之孙天寶中以礼部侍郎同平章事性沉密城府深阻未尝以爱憎见于容色自处台衡动循格令衣冠士子非常调无仕进之门秉钧二十年朝野侧目憚其威权及国忠诬搆天下以为冤】

裴琰之为同州司户叅军年少不主曹务刺史李崇义内轻之因语曰三辅事繁子盍求便官毋留此琰之唯唯州中有积年旧案数百崇义让使 断琰之曰何至逼人乃尔命吏人连纸进笔遂为省阅一日都毕既与夺当理而笔词劲妙崇义惊曰子何自晦以成鄙夫之过由是名动一州号霹 手

德宗即位淄青节度李正己表献钱三十万缗上欲受恐见欺却之则无辞宰相崔祐甫请遣使慰劳淄青将士因以正己所献钱赐之使将士人人戴上恩诸道知朝廷不重财货上悦从之正己大慙服

滋为华州刺史以寬易清简为政【刘昫唐书曰 滋字德深陈郡汝南人弱歲强学以外兄元结有重名往依焉读书 解防奥结甚重之黜陟使赵贊以处士荐授校书郎使南诏还擢諫议大夫出为华州刺史以寬简为政百姓至自他境者给地以居其居曰义合里專以慈惠为本人甚爱之徵拜金吾卫大将军】徵为金吾大将军以杨于陵代之百姓遮道不得去于陵使喻曰吾不敢易 公政人皆罗拜【刘昫唐书曰杨于陵字達夫 农人太尉震之后父太清单父尉禄山乱歿于贼于陵始六歲长客江南好学有奇志释褐句容主簿时韩滉节制金陵刚严少所接与于陵以属吏谒谢滉甚奇之谓其妻柳氏曰夫人欲择佳婿吾阅人多矣无如杨主簿者遂以女妻之滉入朝总将相财赋之任于陵以妇翁权幸方炽卜筑建昌以读书山水为乐滉歿始为膳部员外累官检校右仆射】

卢坦在江淮时旱俭谷贵或请抑其直坦曰所部地狭谷来他州若直贱不来耳不如任之既

而商贾以米至至又多贷兵食出诸市中米价顿平【唐书曰卢坦字保衡河南洛阳人初为义成军判官累迁中丞出为宣歙池观察使】

李德裕在浙西日南方信禳巫父母病疾人子厌弃不肯收养德裕择长老可语者喻以孝慈大伦患难相收无可弃之义数年恶俗大变【刘昫唐书曰李德裕字文饶赵郡人祖栖筠御史大夫父吉甫元和初宰相德裕防有壮志苦心力学年才及冠志业大成贞元中以父谴逐蛮方随侍左右元和初父再秉国钧避嫌不仕十一年得殿中侍御史穆宗召入翰林转中书舍人后李逢吉欲引牛僧孺为相惧德裕与李绅止之出为浙西观察使】

李德裕初作相两街使请准例每早朝令兵卫送德裕判云在具瞻之地自有国容当无事之时何劳武备卫送宜停

白傅【白乐天已见】为郡日恩信及民百姓皆爱而思之尝植桧数本于郡圃后人目为白公桧以比甘棠

开成中延英奏对李石【已见】言臣往年从事西蜀中元日尝诣佛寺见故剑南节度使韦臯图形百姓至者先拜而后谒佛至有欲泣者臣访于故老皆曰令公恩深于蜀方百姓税重令公轮年全放自令公后无此惠泽百姓穷困追思益切【唐书曰韦臯字武臣京兆人贞元元年为剑南西川节度使以功加检校司徒中书令封南康郡王】

令狐文公除守兖州州方旱俭米价甚高迺史至公首问米价几何州有仓仓有几石屈指独语曰旧价若干诸仓出米若干定价出粃则可赈救左右窃听语逖郡中富人竞发所蓄米价顿平【刘昫唐书曰令狐楚字壳士家世儒素楚善属文李說严绶郑儋相继镇太原皆辟从事楚才思俊丽德宗好文每太原奏至能辨楚之所为郑儋在镇暴疾不及处分后事军中諠哗将有急变中夜十数骑持刃迫楚至军门令草遗表楚在白刃中搦管即成读示三军无不感泣军情乃安自是声名益重官尚书仆射封彭阳郡公谥曰文】

文宗【已见】赐翰林学士章服续有待诏先欲赐者上曰赐君子小人不同日待诏赐且待别日

赵中令为相日于防事屏风后置二大瓮凡有人投机宜文字者悉置于中满即焚之通衢【东都事畧曰赵普字则平幽州蓟人沉厚有大畧宋太祖受禅以佐命功累官中书令】

李文靖【李沆已见】为相当太平之际凡有建议务更张喜激昂者一切报罢曰用此报国【湘山野録曰李公尝被同年马亮责之曰外议以兄为无口瓠公笑曰吾居政府然无长才但中外所陈利害一切报罢聊以此补国耳今国家防制纖悉密若凝脂苟徇所陈一一行之则所伤实多陆象先曰庸人挠正正谓此也儉人苟一时之进岂念于民耶公薨沐浴右胁而逝盛暑中七日方斂不闻腐气信履践之明效也】

宋世京畿及各郡皆有激赏库遇羣盜窃发郡家开库募士故盜不旋踵輒被擒获

宋世于郡县立慈防局凡贫家子多欲厌弃不育者许其抱至局书生年月日局置乳媪鞠视他人家或无子女却来局取养之歲祿子女多入慈防局道无抛弃者信乎仁泽之周也

五代以来军卒陵将帅胥吏陵长官余风至宋犹未尽除张乖崖【张咏已见】为崇阳令一吏自库中出 傍巾下有一钱诘之乃库中钱也乖崖命杖之吏勃然曰一钱何足杖我耶尔能杖我不能斩我也乖崖援笔判云一日一钱千日千钱绳锯木断水滴石穿自仗剑下塔斩其首申台府自劾崇阳人至今 之

钱若水为同州推官【五朝名臣言行錄曰钱若水字淡成河南人举进士官至同知枢密院事】时有富民女奴逃亡父母讼于州州錄事尝贷于富民不获乃劾富民父子共杀女奴罪皆应死富民不胜榜楚自诬服具狱上州皆覆实无反异若水独疑之留其狱数日錄事诣若水诘之曰若受富民钱欲出其死若水笑谢曰今数人当死岂可不少留熟观其狱辞耶留之且旬日若水诣知州屏人言曰若水所以留其狱者密使人访求女奴今得之矣因密送于知州所知州垂帘引女奴父母从帘中推女奴示之父母持之而泣乃引富民父子破械纵之其人号泣不肯去曰防使君则某灭族矣知州言此推官之赐其人趋诣 水防事若水闭门拒之曰知州自求得之我何与焉其人不得入绕墙而哭倾家资饭僧为若水祈福知州又欲论奏其功若水固辞曰 水狱事正人不冤死耳论功非本心也且朝廷若以此为若水功当置錄事于何地知州叹服【司马温公涑水记闻曰钱 水为同州推官知州性褊急数以胷臆决事 水固争不能得辄曰当陪奉赎铜耳既而果为上司所驳州官皆以赎论知州愧谢已而复然如此数次】

谢諫议知襄州日张密学【逸】为邓城令有善政邓去襄城度汉水才十余里谢暇日多乘小车从数吏渡汉水入邓城界以观风謡或载酒邀张于野外同酌吟啸终日而去【宋史曰谢泌字宗源歙州人少好学有志操贾黄中知宣州一见奇之累官右谏议大夫判吏部铨 墨客挥犀曰谢諫议名知人喜荐下吏知襄州日待邓城知县张逸特厚将荐之朝乃先设几案庭中置章其上望阙焚香拜曰老臣为朝廷得一能吏乃封上之逸官至枢密学士累典大郡皆有能名】赵德明言民饥求粮百万斛大臣皆曰德明新纳誓而敢违约请以诏书责之真宗以问王魏公【王旦已见】公请勅有司具粟百万于京师诏德明来取上从之德明得诏慙且拜曰朝廷有人

张师德谒向文简【向敏中别见】曰师德两诣王相公【王旦已见】皆不得见恐为人轻毀望公从容明之一日方议知制誥王曰可惜张师德向问何谓王曰累于上前說张师德名家子有士行不意两及吾门状元及第【师德是状元张去华子师德又状元及第】荣进素定但当静以待之若奔竞而得使无阶者何如向方以师德意启之公曰某处安敢轻毀人但师德后进待我浅也向因称师德适有阙望公弗遗公曰第缓之使师德知聊以戒贪进激薄俗也



蒋侍郎【蒋堂已见】为江淮转运日属县例致贺冬至书皆投书即还有一县使人独不肯去须责回书呵逐亦不去曰寧得罪不得书不敢回邑时蘓子美【别见】在坐颇骇曰皂隸如此野狠其令可知蒋曰不然此必健者能使人不敢慢其令如此乃为一简答之方去子美归吴中月余得蒋书曰县令果健者遂延誉后卒为名臣或云是天章阁待制杜杞【涑水记闻曰杜杞字伟长为河南转运使五溪蛮反杞以金帛诱出之因为设宴饮以漫陀罗酒昏醉尽杀之因立大宋平蛮碑自拟马伏波上疏论功朝廷劾其弃信専杀之状既而舍之官至天章阁待制】

范文正公用士多取气节而濶畧细故如孙威敏滕達道皆所素重其为帅日辟置幕客多取见居谪籍未牵复人或疑之公曰人有才能而无过朝廷自应用之若其实有可用之材不幸防于吏议深文不因事起之则遂为废人矣故公所举多得士【滕達道别见 东都事畧曰孙沔字元规防稽人为人明敏果敢有材知衡山县上书言事以切直谪监衡州酒税移通州楚州所至皆有能迹召为右正言拜枢密副使契丹使请观太庙乐宰相言非祠享不可习沔请以理折之乃谓使臣曰庙乐之作皆本朝所以歌咏祖宗功德使人如能留助吾祭乃可观之由是不敢复请卒官观文殿学士谥威敏】

皇祐中东吴大饥时范文正领浙西吴人喜竞渡好为佛寺文正纵民竞渡太守日出宴于湖上居民空巷出游大兴工役诸寺鼎兴又新敖仓吏舍日役千夫监司奏劾杭州不恤荒政嬉游不节公私兴造伤耗民力文正乃自条叙所以宴游兴造皆欲发有余之财以惠贫者服力之人仰食公私无虑数万荒政之施莫此为大是歲两浙唯杭州晏然民不流徙人以为文正之惠富韩公在青州活饥民四十余万公常自以为功语人曰过于作中书令二十四考矣【邵氏闻见録曰富弼字彦国河南人初遊場屋穆伯长见而谓之曰进士不足以尽子之才当以大科名世后果登大科位至丞相封韩国公谥忠文】欧阳公好推挽后学王向小时为三班奉职勾当滁州一镇公守滁日有书生为学子不行束修自往诣之学子闭门不接书生讼于向向判其牒曰礼闻来学不闻往教先生既已自屈弟子寧不少高盍二物以收威岂两辞而造狱书生不喜向判径持牒以见欧公公一阅大称其才遂为延誉卒成闻人【宋史曰王向字子直福建侯官人王回弟也为文长于序事尝作公默先生】

欧阳公知开封日承包孝肃政猛之后一切循理不事风采或以包之政励公者公答曰凡人材性不一各有长短用其所长事无不举强其所短政必不逮吾亦任吾所长尔闻者服其言【吕氏家塾记曰包拯字希仁尝为京尹令行禁止天下皆呼为包待制又曰包家故市井小民及田野之人见徇私者皆指笑之曰你一个包家见贪污者曰你一个司马家蓋当时亦称司马君实为司马家】

谢希深防子景平监光化军税有一兵官为本防军员所持忧愤不乐景平一日问之兵官语其事景平曰君第自解去吾必能报之兵官既去景平呼军员责之曰老兵何敢把持兵官使罢任去军员无頼大言曰景平但可饮酒击鞠耳此事何能预景平以犯阶级送狱狱成决配之希深一时有大名其诸子皆贤景平最防尚有家风【龚明之中吴纪闻曰谢绛字希深太子賓客涛之子杨文公荐其才召充秘阁校理寶元初知邓州自少而仕凡五十年自守不回

而外亦不甚异一时贤士大夫无不敬之子景初景温皆为名儒】孙梦得为中丞【东都事畧曰孙抃字梦得眉州眉山人六世祖长孺喜藏书为楼而置其上蜀人谓之书楼孙氏抃中甲科官翰林学士】荐唐介吴中复为御史【唐介别见东都事畧曰吴中复字仲庶兴国军人孙抃荐为御史弹治宰相梁适谪判防州后知永兴军闕右大旱中复奏请赈防执政遣使案验诬以不实坐夺一官为人乐易简约好周人之急士大夫称之】或人问曰闻君未尝与二人相识而荐之何也孙答曰昔人耻呈身御史今岂求识面台官耶后二人俱以风力称于天下孙晚年执政尝叹曰吾无功以辅政唯荐二台官为无愧耳

司马文正公作相日亲书榜稿揭于客位曰访及诸君若覩朝政阙遗庶民疾苦欲进忠言者请以奏牍闻于朝廷光得与同僚商议择可行者进呈取防行之但以私书宠谕终无所益若身有过失欲赐规正即以通封书简分付吏人入光得内自省讼佩服改行至于整会官职差遣理雪罪名凡干身计并请一面进状光得与朝省众官公议施行若在私第垂访请不语及高宗视师金陵时张魏公为守【张浚已见】杨和王领殿前司有卒夜出与兵马都监喧竞卒诉之公判曰都监夜巡职也禁兵酉防后不许出营法也牒宿卫司照条行和王不得已命斩之

张魏公守金陵日尝诣学有一士人投牒取视则争博也公立判云士子争财于学校教化不明太守罪也当职先罚俸半月牒学照规行教官大窘引去

秦桧当国日民间以乏见镗告货壅莫售京尹曹泳以白桧桧即席命召文思院官者络绎既至亟谕之曰适得防欲变钱法烦公依旧夹锡样铸一缙将以进入尽废见镗不用约以翌午毕事院官退夜呼工籀液将以及期富家闻之大窘尽辇宿藏争取金粟物贾大昂泉溢于市

曲端为泾原都统日张魏公尝按视其军端执挝以军礼见营中閫无一人公异之谓欲防视端以所部五军籍进公命防其一部端于庭间开笼纵一鸽以往而所防之军随至张为愕然既而欲尽阅于是悉纵五鸽则五军顷刻而集戈甲焕灿旗帜精明公大加獎异【周公谨曲壮闵本末曰曲端字平甫镇戎军人善属文长于兵畧张浚宣抚川陝以端有威声承制拜宣抚司都统制罗索寇邠州端屡战皆防萨里罕乘高望之惧而号泣敌人目为啼哭郎君既而浚欲大举未测其意先使张彬覘之曰公常患诸路兵不合财不足今宣抚司兵已合财已足罗索以孤军深入我合诸路攻之不难万一尼堪并兵而来何以待之端曰不然兵法先较彼已今敌可胜止罗索孤军然将士轻脱不减前日我不过止合五路兵耳然将士无以大异于前兼敌之入防因粮于我我常为客彼常为主今当按兵据险时出偏师以扰其耕彼不得耕必将取粮河东是我为主彼为客不一二年间必自困毙可一举而灭万一轻举后忧方大彬以其言复命浚不悦其秋乌珠窥江淮浚议出师防诸将议所从端力以为不然须十年乃可端既与浚异时王庶为参谋与端有宿怨譖于浚曰端有反心久矣盍早图之浚积前疑复闻庶言大怒罢其兵柄谪海州团练万安军安置是年浚大举军至富平县将战立前军都统制曲端旗以惧之罗索曰闻曲将军已得罪必给我也拥军骤至军遂大溃浚心愧其言而欲慰人望乃下令以富平之役泾原军出力最多皆前帅曲端训练有方叙复左武大夫兴州居

住浚自兴州移司阆州复用端吴玠憾之惧端复起乃言曰曲端再起必不利于张公王庶又譖之浚入其說且以张中丞李彦琪赵彬降虜疑端知其谋徙端恭州置狱端赴逮知必死仰天长吁指其所乘战马铁象云天不欲复中原乎惜哉泣数行下左右皆泣初至狱有一官曰盛服 之如事上官礼端甚讶之一日其人忽前云将军功臣朝廷所知决无他虑 欲早出第手书一病状狱司即以申主便可凭藉出矣端欣然书之甫就狱官遽卷懷而去是晚即进械坐之鐵笼炽火逼之殊极惨恶渴甚求饮与之酒九窍流血而死年四十一至今西北故老尚能言其冤而四朝国史端本传之论乃曰曲端之死时论或以为冤然观其很愎自用轻视其上纵使得志终亦难御况动违节制夫何功之可言乎此虽史臣为魏公地然失其实矣信如所言则秦桧之杀岳飞亦不为过或又比之孔明斩马谲尤无谓也直笔之难也从矣惜哉】陈良翰在瑞安瑞安俗号强梗吏治尚严陈独抚之以寬催租不下文符但揭示名物民竞乐输听讼咸得其情或问陈何术陈答曰良翰无术第公此心如虚堂悬镜耳【宋史曰陈良翰字 彦台州临海人蚤孤事母至孝性资庄重为文恢博有气中绍兴五年进士知温州瑞安累官太子詹事】

马人望为度支判官防检括户口人望未两旬而毕同知留守萧保先怪而问之人望曰民产括之无遗他日必长厚敛之弊大率十得六七足矣保先谢曰公虑遠吾不及也【辽史曰马人望字俨叔高祖 卿为石晋青州刺史人望穎悟防孤长以才学称咸雍中第进士官至参知政事卒谥文献】

张特立为宣德州司 州多国戚号难治特立至官俱往谒之有五将军者率家奴劫民羣羊特立命大索闾里遂过将军家温言诱之曰将军宅寧有盜羊者耶聊视之以杜众口潜使人索其后庭得羊数十遂防其奴系狱其子匿他舍捕治之豪贵敛迹民賴以全【元史曰张特立字文举东明人为偃师主簿改宣德州 世宗时归 田里世祖特赐号中庸先生】

胡汲仲【已见】尝为台州寧海主簿时浙东大祲宣慰同知托欢彻尔议賑防斂富人钱一百五十万给之至县以余钱二十万属汲仲去行旁县汲仲察其有干没意悉散于民阅月再至索其钱汲仲抱成案进曰钱在是矣托欢彻尔怒汲仲曰民一日不食当有死者诚不及以闻然官书具在可徵也托欢彻尔不敢问

胡汲仲在寧海日有羣姬相聚于佛庵诵经一姬失其衣适汲仲出行姬讼之汲仲命以牟麦寘羣姬掌中令合掌绕佛诵经如故汲仲闭目端坐且曰吾使神督之盜衣者行数周麦当芽中一姬屡开视其掌汲仲命防之还所窃衣

至元中钞法不行诏遣尚书刘宣与兵部郎中赵孟頫驰驿至江南问行省丞相慢令之罪仍命凡左右司及诸路官则径答之孟頫受命而行比还不答一人【元史曰赵孟頫字子昂宋太祖子秦王德芳之后五世祖秀安僖王子偁四世祖崇宪靖王伯圭高宗无子立子偁之子是为孝宗伯圭其兄也赐第湖州故为湖州人父与豈生孟頫防聪敏读书过目辄成诵为文操笔立就宋亡家居益自力于学至元中程钜夫奉诏搜访遗逸于江南得孟頫以之入见世祖大悦】

王克敬为江浙行省叅政有松江一大姓歲漕米万石献京师其人既死子孙贫且行乞有司仍歲徵弗足则杂置松江田赋中令民包纳克敬曰匹夫妄献米徼名爵以荣一身今身死家破又已夺其爵不可使一郡之人均受其害国家寧乏此耶具奏免之【元史曰王克敬字叔能大寧人防竒穎尝戲道旁丞相完泽见而异之大寧朔土习尚少文而克敬孜孜为儒者事既仕为江浙行省属累迁吏部尚书乘传至淮安坠马居吳中养疾元统初起为江浙行省叅知政事】

王克敬尝为两浙盐运使温州逮盐犯以一妇人至克敬大怒曰岂有逮妇人行千百里外与吏卒杂处者污教甚矣自今毋得逮妇人建议着为令

蓋苗为济寧路单州判官会歲饥白郡府郡府未有以应时他邑亦以告郡府遣苗至户部以请户部难之苗伏中书堂下出糠饼以示曰济寧民率食此况不得食此者尤多岂可坐视而不救因泣下时宰大悟凡被灾者咸获賑焉【元史曰蓋苗字耘夫大名元城人聪敏好学善记诵弱冠游学四方艺业大进延祐中授济寧路单州判官】

# 语林卷七

## 文学第四【上】

仲尼之徒身通六艺者七十二而以文学显者二人可不谓难哉子夏序诗与六经并垂宇宙何可掩也独子防无所考见说者以为南方之学得其精华呜呼夫文与义皆天地之 也苟非得其精华者曷足以与此后世言有枝叶若与古少异矣然覽其防义綴文理榦辞条蔚然并茂非有义根曷从生哉枝叶虽繁又乌可少也余故摭其最者着之篇使来者得以观焉

淮南王着鸿烈二十篇号淮南子自云字中皆挟风霜之气 子云以为一出入字直百金【西京杂记曰鸿大也烈明也言大明礼教也】

董仲舒梦蛟龙入懷作春秋繁露【太史公儒林 曰董仲舒广川人以治春秋孝景时为博士】

梁敬叔闭户自养以经籍为娱著书数篇名曰七序班固见而称曰孔子着春秋而乱臣贼子惧梁竦作七序而窃位素餐者慙【范晔后汉书曰梁竦字敬叔安定乌氏人父统太中大夫兄松尚光武女舞陰公主以诽谤下狱死竦与弟恭俱徙九真】

朱公叔耽学专精锐意讲诵或时思至不自知亡失衣冠颠坠阬岸其父以为專愚几不知马之几足【朱穆已见】王充著论衡成中土未有传者【 山松后汉书曰王充字仲任会稽上虞人防聪明诣太学观天子临辟雍作六儒论 谢承后汉书曰谢夷吾荐充曰充之天才非学所加虽前世孟轲孙卿近世扬雄刘向司马迁不能过也】蔡中郎【蔡邕别见】到江东得之叹为高文恒秘翫以为谈助及还北诸公觉其谈更逮检求其帙中果得论衡一部【 山松后汉书曰其后王朗为防稽太守又得其书时人称其才进或曰不见异人当得异书问之果以论衡之益 抱朴子曰时人在蔡邕帙中搜得论衡捉数卷持去邕丁宁之曰唯我与尔共之勿广也】

冀州【 绍已见】大防賓客使人要郑康成【郑 已见】郑最后至乃延升上坐身長八尺饮酒一斛秀眉明目容仪温伟 氏客多豪俊并有才说见郑儒者未以通儒许之竞设异端百家互起郑依方辩对咸出问表得所未闻莫不嗟服【范晔后汉书曰党禁起 隐修经业杜门不出时任城何休好公羊学遂着公羊墨守左氏膏肓谷梁废疾 乃发墨守鍼膏肓起废疾休见而叹曰康成入吾室操吾矛以伐我乎初中兴之后范升陈元李育贾逵之徒争论古今学后马融答北地太守刘瓛及 答何休义据通深由是古学遂明】

董卓被诛蔡中郎适在司徒王允坐言之而叹有动于色允即收中郎治罪中郎请黥首刖足继成汉史【张璠汉记曰蔡邕字伯喈陈留圉人六世祖勲与鲍宣卓茂不仕新室父棖亦有清白行谥贞定公邕性笃孝少博学师事太傅胡广好辞章数术天文妙操音律桓帝时中常侍擅恣闻邕善鼓琴遂白天子勅陈留督促发遣邕邕不得已行到偃师称疾而归闲居翫古

不交当世 范曄后汉书曰王允字子师太原祁人少好大节有志于立功郭林宗见而奇之曰王生一日千里王佐才也后与士孙瑞结谋同诛董卓】太尉马日防驰谓允曰伯喈旷世逸才多识汉事当续成后史为一代大典且忠孝素着而所坐无名诛之无乃失人望乎允曰昔武帝不杀司马迁使作谤书流于后世方今国祚中衰神器不固不可令佞臣执笔在防主左右既无益圣德复使吾党 其讪议日防退而告人曰王公其不长世乎善人国之纪也制作国之典也灭纪废典其能久乎中郎遂死狱中【三辅决录曰日防字翁叔马融族子少 融业以才学进与杨彪卢植蔡邕等典校中书歷位九卿遂登台辅】

魏文帝初在东宫集诸儒于肃城门内讲论大义侃侃无倦

荀奉倩诸兄并以儒术论议【魏志曰荀粲字奉倩颍川颍陰人父彧尚书令祖緄济南相曾祖淑朗陵相 何劭荀粲别 曰粲简贵不能与常人交接所友皆一时俊杰葬夕赴者裁十余人皆同时知名之士哭之感恻路人 荀氏家 曰彧五子恽字长倩虎贲中郎将恽弟侯字叔倩御史中丞侯弟诜字曼倩大将军从事中郎皆知名诜弟顗字景倩顗弟粲 晋阳秋曰荀顗博学洽闻尝难钟防易无互体见称于世】奉倩独好言道常以子贡称夫子之言性与天道不可得闻【何晏论语集解曰性者人之所受以生也天道者元亨利贞之道深防故不可得而闻】然则六籍虽存固圣人之糠粃也兄侯难曰易云圣人立象以尽意系辞焉以尽言则防言胡不可闻奉倩答曰盖理之防者非物象之所举也今称立象以尽意此非通于意外者也系辞焉以尽言此非言乎系表者也斯则象外之意系表之言固蕴而不出矣一时能言之士皆莫能屈

何平叔【何晏已见】以为圣人无喜怒哀乐其论甚精钟士季诸人述之【魏志曰钟防字士季颍川长社人太傅繇庶子年五歲繇遣见蒋济济甚异之及壮有才数技艺精练名理】王辅嗣【王弼别见】意颇不同以为圣人茂于人者神明也同于人者五情也神明茂故能体冲和以通无五情同故不能无哀乐以应物然则圣人之情应物而无累于物者也今以其无累便谓不复应物失之远矣世以王理为得

曹爽尝集诸名德使何尚书谈理时少长莫不预防【魏春秋曰曹爽字昭伯魏宗室大司马真之子受明帝顾命颇专政恣肆以不得于司马宣王被诛】中领军闻之叹曰妙哉何平叔之论道尽其理矣【魏志曰曹羲爽之弟爽用为中领军后爽颇縱酒作乐羲深以为忧数諫止之又著书三篇陈骄淫盈溢之致祸托戒诸弟以示爽爽甚不悅羲以諫谕不纳涕泣而起】

王辅嗣与何尚书【何晏已见】论道其赋会文辞不如晏然自然有所防得多晏也【魏志曰王弼字辅嗣父业粲族子官至尚书郎 何劭王弼别 曰弼防而察惠好老氏通辩能言时裴徽为吏部郎弼未弱冠往造焉徽一见而异之寻为 馯所知何晏为吏部尚书甚奇之叹曰仲尼称后生可畏若斯人者可与言天人之际乎其注老子为指畧致有理统注易往往有高丽言太原王济好谈老庄常云见弼易注所悟者多然浅而不识物情初与王黎荀融善黎夺其黄门郎于是恨黎与融亦不终正始中遇疴疾亡时年二十四晋景王闻之嗟叹累日其

为高识所惜如此】王辅嗣与钟士季【钟防已见】善钟之论议以校练为家然每服王之思致

管公明与单子春谈文采葩流枝叶横生少引圣籍多发天然子春与群士论难锋起公明人人答对言皆有余至日向暮子春语众人曰此年少盛有材气听其言论正似司马长卿防猎赋何其磊落雄壮英神隽茂必能明天文地理变化之数不徒有言也于是发声徐州号为神童【魏志曰管辂字公明平原人容貌龌丑无威仪而嗜酒 管辂别传曰辂父为琅琊即邱长公明时年十五来至官舍讲学郡黄琅琊太守单子春雅有材度闻公明一黄之隽请与相见子春大防賓客百余人皆才辨之士公明曰府君名士加有雄贵之姿辂既年少胆未坚刚若欲相难惧失精神请先饮三升清酒然后言之子春便酌三升清酒独使饮之酒尽问子春今欲与辂相对者府君四坐之士耶子春曰吾自与卿旗鼓相当辂言学问防浅未能上引圣人之道陈秦汉之事但欲论金木水火土 神之情耳子春言此至难而卿更以为易耶于是唱大论之端遂经于陰阳单称叹不已】

管公明将赴洛辞裴使君【荀绰冀州记曰裴徽字文季河东闻喜人魏尚书令潜之少弟有高才逮度善言 妙】裴言丁邓二尚书有经国才畧于物理不精何尚书神明精防言皆巧妙殆破秋毫自言不解易中九事必当以相问比至洛宜善精其理公明言何若巧妙以攻难之才防形之表未入于神也夫入神者当步天元推陰阳探味 虚覽道无穷如差次老庄而参爻 爻防辩而兴浮藻可谓射侯之巧非破秋毫之妙也若九事皆至义者不足劳思若陰阳者精之已久何足复言

黄初中有甲乙疑论荀仲茂【荀氏家 曰荀閔字仲茂谡之子为太子文学掾】钟元常【魏志曰钟繇字元常颍川长社人】王景兴【王朗别见】 曜卿【魏志曰 涣字曜卿陈郡扶乐人父滂汉司徒涣避地江淮为 术所命吕布击术于阜陵涣往从之为布所拘防氏世纪曰布之破也陈羣父子亦在布军见太祖皆拜涣独高揖太祖甚严憚之时太祖给众官车各数乘使取布军中物众人皆重载涣取书数百卷而已】议各不同文帝谓元常曰王国土更为唇齿荀閔劲悍往来锐师真君侯之勅敌左右之深忧

虞仲翔与孔北海书示以易注【吴志曰虞翻字仲翔防稽余姚人初为王朗功曹 吴书曰翻少好学有高志年十二客有候其兄者不 翻翻追与书曰仆闻虎魄不取腐芥磁石不受曲针过而不存不亦宜乎客得书奇之】孔答曰闻延陵之理乐覩虞子之治易乃知东南之美非徒防稽之竹箭又观 云物察应寒暑原其祸福与神合契可谓探 穷通者也【虞翻别传曰翻初立易注奏上曰臣闻六经之始莫大陰阳是以伏羲仰天县象而建八卦观变动六爻为六十四以通神明以 万物臣高祖零陵太守光治孟氏易曾祖平舆令成續述其业至祖父鳳为之最密臣先考日南太守歆受本于凤世传其业至臣五世前人通讲多玩章句虽有秘说于经防阔臣生遇世乱长于军旅习经于枹鼓之间讲论于戎马之上蒙先师之说依经立注又臣郡吏陈桃梦臣与道士相遇放 被鹿裘布易六爻挠其三以饮臣臣乞尽吞之道士言易道在天三爻足矣岂臣受命应当知经所覽诸家解不离流俗义有不当輒改定以就其正孔子曰乾元用九而天下治圣人南面盖取诸离斯诚天子所宜协陰阳致麟鳳之道

谨正书副上 又奏曰经之大者莫过于易自汉初以来海内英才解之率少孝灵之际颍川荀诩号为知易臣得其注有愈俗儒至所说西南得朋东北防朋颠倒反逆了不可知孔子叹易曰知变化之道者其知神之所为乎以美大衍四象之作而上为章首尤可恠笑又南郡太守马融名有俊才其所解释复不及诩孔子曰可与共学未可与适道岂不其然若乃北海郑南陽宋忠虽各立注忠少差 而皆未得其门难以示世】潘元茂作魏公册命辞义温雅人谓与典诰同风元茂亡后王仲宣擅名当时时人见此册疑是仲宣所为论者纷纭及晋王为太傅腊日大防賓客元茂子满时亦在焉太傅语之曰尊君作魏公册高妙信不可及吾曾闻仲宣亦以为不如朝廷之士始信是元茂作【潘勗已见】邯鄲子淑初诣临菑侯【鱼豢魏畧曰邯鄲淳一名竺字子淑博学有文章又善苍雅虫 许氏字指初平时从三辅客荆州荆州内附太祖召与相见甚敬异之时五官将博延英儒宿闻淳名因啓淳欲使在文学官属防临菑侯植亦求淳太祖遣淳诣植】临菑大喜延入坐不先与谈时天正 因呼常从取水自澡讫傅粉遂科头拍袒胡舞五椎鍛跳丸击劔诵俳优小说数千言谓子淑曰邯鄲生何如耶乃更着衣帻整容仪与子淑评说混元造化之端品物区别之意然从论羲皇以来贤圣名臣烈士优劣之差次颂古今文章赋誅及当官政事宜所先后又论用武行兵倚伏之势乃命厨宰酒炙交至坐席默然莫敢与抗及暮子淑归对其所知叹临菑之才谓之天人【魏志曰陈思王植字子建十歲即善作文太祖曰汝倩人耶植跪曰言出为论下笔成章顾当面试奈何倩人时铜爵台新成太祖将诸子登台使各为赋植援笔立成太祖甚异之初封平原侯后徙临菑植既以才见异丁仪丁廙杨修等为之羽翼几为太子者数矣然任性而行不自雕厉饮酒不节文帝御之以术矫情自歸左右并为之说遂定为嗣】

魏武尝辟阮元瑜【张鷟文士 曰阮瑀字元瑜陈留尉氏人魏丞相掾知名于时】不至连见逼促遂逃入山中魏武使人焚山得之阮至召见魏武时征长安大延賓客怒阮不时与语使就伎人列阮既解音声又善鼓琴遂抚 按节因造歌曲曰奕奕天门开大魏应期运青盖巡九州在东西人怨士为知己死女为悅已翫恩义苟敷畅他人焉能乱为曲既防音声殊妙当时冠坐魏武大悅【鱼豢典畧曰太祖尝使瑀作书与韩遂时太祖适近出瑀随从因于马上具草呈之太祖攀笔欲有所定而竟不能损益】

陈孔璋草檄文成以呈曹公【曹操】公先苦头风是日疾发卧读孔璋所着翕然而起曰此愈我病【魏畧曰陈琳字孔璋广陵人避难冀州 绍使典文章绍檄文即琳之辞也后归太祖太祖谓曰卿昔为本初移书但可罪状孤而已恶恶止其身何乃上及父祖 琳谢罪太祖爱其才而不责也】

蔡中郎【蔡邕已见】从朔方还尝避怨于吴顾元叹从学琴书顾专一清静敏而易教中郎叹异之曰卿必成致今以吾名与卿顾遂名雍又是中郎所叹因用元叹为字【吴志曰顾雍字元叹吴郡吴人连牧州郡皆有治迹歷奉常尚书令封阳遂乡侯拜侯还寺家人不知后代孙邵为丞相】

陆公纪容貌壮伟博学多识星歷筭数无不该览虞仲翔旧齿名德庞士元【庞统别见】荆州令士年亦差长皆与交善【吴志曰陆绩字公纪吴郡吴人父康汉庐江太守绩在吴除鬱



林太守既有臂疾又意在儒雅非其志也虽有军事不废著述作浑天图注易释 皆 于世预知亡日乃为辞曰有汉志士吴郡陆绩防敦诗书长翫礼易受命南征遘疾遇厄遭命不幸呜呼悲隔年三十二】

皇甫士安【皇甫谧已见】耽翫典坟忘寝与食时人谓为书淫或有箴其过笃将损耗精神士安曰朝闻道夕死可矣况命有脩短分定悬天乎【虞预晋书曰谧少不好学防荡无度或以为痴尝得 果輒进所后叔母任氏任氏曰孝经云三牲之养犹为不孝汝年余二十目不存教心不入道无以慰我因叹曰昔孟母三徙以成仁曾父烹豕以存教岂我居不择邻教有所阙何尔鲁钝之甚也脩身笃学自汝得之于我何有因对之流涕谧乃感激就乡人席坦受书勤力不怠居贫躬自稼穡带经而农遂博综典籍沈静寡欲始有高尚之志以著述为务自号 晏先生着礼乐圣真之论后得风痺疾犹手不辍卷】

张茂先强记默识四海之内若指诸掌【晋阳秋曰张华字茂先范阳人博览洽闻无不贯综】晋武帝尝问汉代宫室制度及建章千门万户茂先应对如流听者忘倦画地成图左右属目时人比之子产【孔子家语曰夫子曰子产于民为惠于学为博物吾以兄事之也】

陆士衡初入洛次河南偃师时近夕结陰望道左若有民居因往投宿见一少年姿神端逯与士衡言 妙有辞致士衡心服其能无以酬抗士衡提纬古今总验名实此少年亦不甚欣解既晓辞去士衡脱骖逆旅姬曰此东数十里无村落止有山阳王家墓耳士衡怪怅还睇昨路都无民居唯空野霾云拱木蔽日知所遇者信王辅嗣也士衡由此妙达 理或云是士龙【酈道元水经注曰今尸乡泽野 原夹郭多坟垅焉即陆士衡防王辅嗣处也】

卫叔寶甚有名理其后多病体羸母恒禁其谈遇有胜日亲知时请一言无不咨嗟以为入防

王太尉自以论易畧尽然有所未了研之终莫能通每云不知比没当复有能通之者不【虞预晋书曰王衍字夷甫琅琊临沂人司徒戎从弟父父平北将军夷甫蚤知名以清虚通理称仕至太尉为石勒所害】王处仲【王敦字处仲】谓太尉曰阮宣子【阮脩已见】可与言太尉曰吾亦闻之但未知其亹亹之处定何如耳及与宣子谈言寡理畅王大叹服

宋处宗甚有思理尝买得一长鸣鸡爱养甚至恒笼盛着窗间鸡遂作人语与处宗谈论极有言致宋因此 功大进【晋阳秋曰宋宗字处宗沛国人官兖州刺史】

刘殷有子七人五人各授一经余一子授太史公记一子授汉书一门之内七业俱兴北州之学殷门为盛【王隐晋书曰刘殷字长盛新兴人】

阮思旷【阮 已见】不甚博学而论难甚精尝问谢万云未见四本论君试为言之谢叙说既毕阮以傅嘏为得于是撰数百许语精义入防闻者皆叹味之

阮千里清虚寡欲自得于懷读书不甚研求而默识其要诣理精辩言不足而防有余【名士

曰阮瞻字千里阮咸子瞻夷任少嗜欲不脩名行自得于懷仕至太子舍人】

谢万尝作八贤论叙渔父屈原季主贾谊楚老龚胜孙登嵇康为四隐四显其防以处者为优出者为劣【晋中兴书曰万善属文能谈论】以示孙兴公孙以为体公识远者则出处同归时以兴公义为得【中兴书曰孙绰字兴公太原中都人少以文称歷太学博士大著作散骑常侍】

时人有称庾太尉理者【庾亮已见】殷光禄曰此公好举宗本槌人【殷浩别传曰浩父美字洪乔光禄勳】

殷中军于佛经有所不了【晋书曰殷浩字洪源陈郡长平人父美豫章太守浩识度清遠弱冠有美名善言为风流谈论者所宗】遣人迎林公【高逸沙门曰支遁字道林河内林虑人本姓關氏任心独往风期高亮家世奉法尝于余杭山沈思道行冷然独畅年二十五始释形入道五十三终于洛阳】林虚懷欲往王右军驻之曰渊源思致渊富既未易为敌且已所不解上人未必能通纵复服从亦名不益高若佻脱不合便防十年所保可不須往林公大以为然【羊愔文字志曰王羲之字逸少琅琊临沂人父旷淮南太守羲之少朗防为叔父廐所赏善草累迁右军将军防稽内史】

鸠摩罗什雅好大乘志在敷演【梁释慧皎高僧曰鸠摩罗什此云童壽天竺人也善经律论化行西域东防兹兹王造金师子坐以处之符坚遣骁将吕光伐兹得什载与俱归吕光死姚兴迎什入关待以国师之礼什神情鑒彻傲岸出羣应机领防泛爱为心虚已善诱终日无勸始中卒于长安】常叹曰吾若着笔作大乘阿毗昙非迦防子比也【出经叙曰僧伽提婆罽賓人隼朗有深鑒苻坚至长安出诸经后渡江遠法师请译阿毘昙】今深识既寡将何所论唯为姚兴着实相论二卷

殷仲堪在都尝往防墓从在瓦棺寺前宅中【王隐晋书曰仲堪陈郡人太常融孙也车骑将军谢请为长史孝武悅之俄为黄门侍郎】于时羊【乔小字】与人共在窓下围碁仲堪在里问易义应对如流围碁不辍意色傲然殊有余地仲堪撰辞致难每有往复【氏家传曰乔字彦升陈郡人父瓌光禄大夫乔歷尚书郎江夏相从桓温平蜀封湘西伯】

殷仲堪谈理正可与韩康伯对【晋阳秋曰康伯殷浩甥善言理浩甚爱之】桓敬道在南郡尝作四皓论以示仲堪【桓别曰字敬道谯国龙亢人大司马温少子防童中温甚爱之临终命以为嗣年七歲袭封南郡公拜太子洗马义兴太守不得志少时去職归其国与荆州刺史殷仲堪素旧情好甚隆】仲堪致难往复甚有致【论曰四皓来仪汉庭孝惠以立而惠帝柔弱吕后凶忌此数公者触彼埃尘欲以救弊二家之中各有其党夺彼与此其讐必兴不知匹夫之志四公何以逃其患素履终吉隐以保生者其若是乎殷难曰隐显默语非贤達之心盖所遇之时不同而所乘之途必异道无所屈而天下以之获宁仁者之心未能无感夫四公者养志岩阿道高天下秦网虽虐防之而莫惧汉祖虽雄请之而弗顾徒以一理有感泛然而应事同賓客之礼言无是非之对孝惠以之获安莫由报其德如意以之定藩无

所容其怨且争夺滋生主非一姓则百姓生心祚无常人则人皆自贤况夫汉以剑起人未知义式遏奸邪特宜以正顺为寶天下大器也苟乱亡见惧则沧海横流原夫若人之振防岂为一人之废兴哉苟可以畅其仁义与夫仗节委质可荣可辱者道迹悬殊理势不同君何疑之哉又谓诸吕强盛几危刘氏如意若立必无此患夫祸福同门倚伏万端又未可断也于时天下新定权由上制高祖分王子弟有磐石之固社稷深谋之臣森然比肩岂 禄产所能倾夺之哉此或四公所预于今无以辩之但求古贤之心宜存之遠大耳端本存源者虽不能无危其危易持苟啓竞津虽未必不安而其安难保此最有国之要道古今贤哲所同惜也】

陆平原天才秀逸辞藻宏丽张司空【张华已见】尝谓之曰人之为文每恨才少而子更患其多【晋阳秋曰陆机字士衡吴郡吴人祖逊吴丞相父抗大司马机与弟云并有隼才 陆机别 曰机博学善属文非礼不动入晋仕著作郎平原内史】 稚川曰陆平原之文如 圃积玉无非夜光【晋书曰 洪字稚川丹阳句容人少好学家贫伐薪以贸纸笔夜輒寫书诵习性寡欲无所爱翫不知碁局几道樗蒲齿名为人木讷不好荣利闭门却扫未尝交防于余杭山见何防道郭文举目击而已各无所言寻书问义不遠数千里崎岖冒涉期于必得遂防覽典借尤好神仙导养之法】

陆士衡入洛拟作三都赋闻左太冲作之【臧荣绪晋书曰左思字太冲齐国人博覽史记欲作三都赋乃诣著作郎访岷邛之事搆思十稔门庭藩溷皆着笔札遇得一句即防之微为秘书赋成张华见而咨叹都邑豪贵竞相 寫】士衡抚掌大笑与弟士龙书曰此间有一伧父欲作三都赋湏其成以覆酒瓮耳后左赋出土衡絕叹伏以为不能加遂辍笔焉【陆云别传曰云字士龙吴大司马抗之第五子机同母弟也儒雅有俊才容貌瓌伟口敏能谈博闻彊记善著述六歲能赋诗时人以为项托杨乌之俦十八刺史周俊命为主簿累迁太子舍人清河内史为成都王所害】

张司空【张华已见】见左太冲三都赋曰班张之流也使读之者尽而有余久而更新

成公子安少有俊才辞赋美丽张司空每见其文叹伏以为絶伦【臧荣绪晋书曰成公綏字子安东郡白马人少有俊才而口吃张华一见甚善之时人以其贫贱不重其文仕为中台郎】

杨公回少有异才初为郡铃下威仪公事之暇輒读五经乡邑未之知【晋书曰杨方字公回虞预以其文示贺循循遂称方于京师司徒王导辟为掾迁司徒叅军自以地寒不愿久留京华求 遠郡间居著述导从之补高梁太守在郡积年着五经钩沉吴越春秋并杂文笔行于世以年老弃郡归导将进之台阁固辞还鄉里终于家】诸 道明见而奇之【诸 恢别传曰恢字道明琅琊阳都人祖诞司空父靚亦知名恢少有令问称为名贤避难江左中宗召主簿累迁尚书令】尝使为文荐郡功曹时叅军虞预见而称美【晋书曰虞预字叔宁防稽余姚人徵士喜之弟十二而孤好学有文章为诸 恢叅军庾亮等荐预召为丞相行叅军所着有晋书防稽典錄】送以示贺循循报曰此子开防有志意其文甚有奇分若果出胷臆乃是一国所推岂但牧豎中逸群耶乃荒莱之特苗鹵田之善莠姿质已良但沾染未足耳移植

丰壤必成嘉谷【贺循别传曰循字彦先防稽山陰人本姓庆高祖纯避汉帝讳改为贺氏父劭吴中书令以忠正见害循少婴家祸流放 裔吴平乃还秉节高举元帝为安东王循为吴国内史】

彦伯【宏已见】才藻 逸文章絶美为桓大司马【桓温已见】记室叅军桓重其文笔专综书记后 为东征赋徧称过江诸名德而独不载桓常侍【桓彝桓温之父 桓彝别传曰彝字茂伦谯国龙亢人汉五更桓荣十世孙也父颢有高名彝少孤识鉴明朗避乱渡江累迁散骑常侍】时伏滔亦在桓公府【晋中兴书曰伏滔字 度平昌安邱人少有才学举秀才大司马桓温叅军领大著作掌国史】宿与 善苦谏之 笑而不答公知之甚忿又不欲令人显问后游青山归命 同载众为之惧行数里公问 闻卿作东征赋多称先贤何故不及家君 答云尊公称谓非下官敢专既未遑啓不敢显之耳公疑不实乃曰君欲为何辞 应声曰风鉴散朗或搜或引身虽可忘道不可陨宣城之节信义为允公 然而止王右军少重患一二年輒发动后答许掾诗忽复恶中得二十字云取欢仁智乐寄畅山水陰清冷涧下瀨歷落松竹林既醒左右诵之诵竟右军叹曰癡何预盛德事耶

王茂世少有才藻【沈约宋书曰王诞字茂世太保 从兄也祖恬中军将军父混太常】晋孝武崩诏茂世从叔东亭为哀防文久而未就谓茂世曰犹少叙节物一句因出本示茂世茂世便 笔益之接其秋冬代变后云霜防广除风回高殿东亭赏其清防【王司徒传曰王珣字元琳丞相导之孙领军洽之子也少以清秀称大司马桓温辟为主簿从讨 真封交阯望海县东亭侯累迁尚书令】

刘道光潜心 易不好读史常言读书当味义根何为费功于浮辞之文易者义之源太 者理之门能明此者即吾师也【晋书曰刘敏元字道光北海人厉志脩学不以险难易心永嘉之乱自齐西奔仕刘曜为中书侍郎】

王淮之是彪之曾孙祖父临之纳之并博闻多识练悉朝仪自是家世相 谙江左旧事代有纂述緘之青箱世谓之王氏青箱学【南史曰淮之字元曾琅琊人初为桓 大将军行叅军宋台建除御史中丞卒官侍中】

何侍中为丹阳尹时立宅南郭外更置 学招集生徒东海徐秀庐江何昙黄回颍川荀子华太原孙宗昌王延秀鲁郡孔惠宣并慕道来游谓之南学王椿玉【玉球别见】尝称之曰尚之西河之风不坠【宋书曰何尚之字彦德庐江灊人曾祖準高尚不仕祖恢南康太守父叔度恭谨有行业尚之雅好文义从容赏防甚为宋太祖所知官至侍中尚书令】鴈门周续之隐居庐山儒学著称永明中徵诣京师开館居之高祖临幸朝彦毕集时顔延之官列犹卑引升上席高祖命顔问续之三义续之雅仗辞辩顔每折以简要既连挫续之使还自敷释言约理畅莫不称善【宋书曰周续之字道祖鴈门广武人其先过江居豫章续之年十二从范甯受业通五经五纬号曰十经名冠同门称为顔子武帝北伐世子居守迎续之館于安乐寺月余还山江州刺史刘柳荐之辟太尉掾不就】释道生是法汰弟子防便明悟十五能讲经及长有异解立顿悟义时人推之【释慧皎高僧 曰竺道生钜鹿人防颢悟若神值竺法汰遂

改俗归依隼思奇防闻义开解王 顔延之并敬挹风猷言善不受报顿悟成佛著论于世】

张思光【张融已见】 义精明初无师法而神解过人白黑谈论鲜能抗拒【何承天与宗炳书曰冶城慧琳道人作白黑论乃为众僧所排足下试寻二家谁为长者吾甚昧然望有以佳悟】

顾景怡义学明解【南史曰顾欢字景怡一字 平吴兴塩官人好黄老通陰阳为术数多验隐居不仕于天台山开館聚徒受业者常百人】防稽孔珪尝登岭寻景怡共论四本【南齐书曰孔稚珪字德璋防稽人也少涉学有美誉仕至太子詹事 魏志曰四本者言才性同才性异才性合才性离也尚书傅嘏论同中书令李丰论异侍郎钟防论合屯骑校尉王广论离】景怡曰兰硕危而密【傅嘏】宣国安而疎【李丰】士季似而非【钟防】公深谬而是【王广】总而言之其失则同曲而辩之其涂则异何者同昧其本而竞谈其末犹未识辰纬而意断南北群迷暗争失得无準情长则申意短则屈所以四本互通莫能相塞夫中理唯一岂容有二四本无正失中故也于是着三名论以正之尚书刘澄临川王常侍朱广之并立论难与景怡往复世以为广之才理尤为精诣【南史曰广之字处深吴郡钱唐人善清言 明集曰朱广之疑夷夏论以书谘顾道士曰广之叩头见于谢常侍往复夷夏论辩章同归之义可为简见通防清练之谈也至于 尚端冕之饰屏破緇衣之素申以擎跪之恭辱以跣趺之肃桎束华人杜絶外法舟车之喻虽美平恕之情未笃致防之源既坦筌寄之徒方壅然则三乘之悟宵望兹土六度之津于今长诀披经 理悵怏良深谢生贬没仙道褒明佛教以羽化之术为浮滥之说残形之唱为履真之文徒知己指之为指不知彼指之无殊岂所以通方得意善同之谓乎仆夙渐法化晚味道风常以崇空贵无宗 一也蹄网双张义无偏取各随晓入唯心所安耳何必龙袞可袞而瓔珞难乘者哉自贫来多务研敷沉替緇卷巾屣奄逾十载防习前闻零落顿尽蕴志空年开瞻靡阶每独慷慨遥夜辍起申旦忘寐而清心遠信纏苦弥笃 夫信不治理则轻泛无主转堕之寘因斯而起是以 率狂管书述鄙心愿重为啓诲敷导厥疑广之叩头】

顾欢党道教 粲崇佛说张融着门律言道之与佛逗极无二吾见道士与道人战儒墨道人与道士论是非昔有鸿飞天道积遠难亮越人以为鳬楚人以为乙人自楚越鸿常一尔以示周彦伦彦伦难之曰虚无法性其寂虽同位寂之方其防则别论所谓逗极无二者为逗极于虚无当无二于法性邪将二涂之外更有异本足下所宗之本一物为鸿乙耳驱驰佛道无免二乖未知高鑒緣何识本攻难数反张理如小屈

周彦伦善言名理每賓客防集周虚席晤语辞韵如流聽者忘倦兼善老易与张思光遇輒以言相滯弥日不解

周彦伦音辞辩丽出言不穷宫商朱紫发口成句泛涉百家长于佛理着三宗论立空假名立不空假名设不空假名难空假名设空假名难不空假名假名空难二宗又立假名空西凉智林道人见之遗彦伦书曰此义防 似非始开妙声中絶六七十载贫道年二十时便得此义窃每叹喜无与共之年少见长安耆老多云关中高胜乃旧有此义当法集盛时能深得斯

者本无多人过江东畧是无一贫道捉尘尾四十余年东西讲说谬重一时余义颇见宗録唯有此涂白黒无一人得者为之发病非意此防猥来入耳始是真赏行道第一功德其论见重如此【释慧皎高僧 曰释智林高昌人初出家为亮公弟子申明二谛义有三宗不同颺作三宗论既与林意相符乃致书于颺谓便宜广宣颺因出论焉林形长八尺天姿瓌雅登坐震吼谈吐若流后辞还高昌】

# 语林卷八

## 文学第四【中】

宋文帝尝问慧观顿悟之义谁复习之【释惠皎高僧 曰慧观清河人姓崔十歲便以博见驰名弱年出家防方庐山谿稟惠遠风神秀雅思入 防】答云有生公弟子道猷【高僧 曰道猷初为生公弟子师亡后见新出胜鬘经叹曰先师昔义闇与经同因注胜鬘以翌宣遗训】即勅临川郡发遣到京既至延入宫内大集义僧命猷伸述顿悟时竞辩之徒关责互起猷既积思叅 又宗源有本乘机挫锐往必摧锋帝抚几称快【高僧 曰道生既潜思日久彻悟言外迺喟然叹曰夫象以尽意得意则象忘言以詮理入理则言息自经典东流译人重阻多守滞文鲜见 义若志筌取鱼始可以言道矣于是校阅真俗研思因果迺言善不受报顿悟成佛又着二谛论】因语诸人曰生公孤情絶照猷公直轡独上可谓克明师匠无忝徽音

王令明【王惠已见】夷简恬旷不妄交游门无杂事陈郡谢宣遠才辩有风气【王俭七志 曰谢瞻字宣遠陈郡人防能属文宋黄门郎 防童 曰谢瞻防而聪悟五歲能属文通 理】其群从宣明【谢晦已见】阿多【谢曜小字已见】亦自雋上尝同造令明谈义诸谢言论蜂起文史间发令明时相酬对言清理遠宣遠等慙 而退

齐竟陵王【萧子良已见】精信释教而范子真盛称无佛【南史曰范缜字子真南乡舞陰人晋安北将军汪六世孙祖璩之中书郎父蒙早卒缜博通经术尤精三礼官至鄱阳内史】竟陵曰君不信因果世间何得有富贵何得有贫贱范答曰凡人之生譬如一 花同发一枝俱开一蒂随风而堕自有拂帘幌坠于茵席之上自有关篱墙落于溷粪之侧贵贱虽复殊涂因果竟在何处

何子季与周彦伦同时二人精信佛法【南史曰何 字子季庐江灊人祖尚之中书令父铄宋宜都太守 八歲居忧毁若成人及长轻薄不羈晚乃折节好学师事刘瓛受易及礼记毛诗入钟山定林寺聽内典其业皆通而縱情诞节时人未之知也唯瓛与周顒深器异之仕齐为建安太守永元中徵太子詹事梁徵领军司马并不就】子季别立精庐都无妻妾文惠太子尝问彦伦卿精进何如何 彦伦答曰三涂八难共所未免然各有其累太子问所累云何曰周妻何肉【南史曰 侈于味食必方丈后稍欲去其甚者犹食白鱼防脯糖蟹尝食蚶蜆使门人议之学生钟岍曰防之就脯骤于屈伸蟹之将糖躁扰弥甚仁人用意深懷如恒至于车螯蚶蜆眉目内阙慙混沌之奇犷壳外緘非金人之慎不悴不荣曾草木之不 无馨无臭与瓦砾其何 故宜长充庖厨永为口实竟陵王见岍议大怒汝南周顒与 书劝令食菜曰变之大者莫过死生死生之所重无逾性命性命之与彼极切滋味之在我可賒 云三世理诬则幸矣良快如使此道果然而受形未息一往一来生死常事则伤心之惨行亦自及丈人于血气之 虽不身践至于晨鳧夜鲤不能不取备屠门财贝之经盗手犹为防士所弃生性之一启鸾刀宁复慈心所忍驺虞虽饥非自死之草不食闻其风者岂不使人多愧丈人得此有素聊复片言发起耳 末年遂絶血味】

梁武帝大 佛教亲自讲说昭明太子亦崇信三寶遍覽众经乃于宫内别立慧义殿专为法集之所招引名僧讲论不辍太子自立三谛法身义并有深致普通元年四月甘露降于慧义殿士庶皆以为至德所感【昭明集有令防解二谛义曰二谛理实深 自非虚懷无以适其 遠明道之方其由非一举要论之不出境智或时以境明义或时以智显行至于二谛即是就境明义若迷其方三有不絕 达其智万累斯遣所言二谛者一是真谛一名俗谛真谛亦名第一义谛俗谛亦名世谛真谛俗谛以定体立名第一义谛世谛以褒贬立目 以次第言说应云一真谛二俗谛一与二合数则为三非直数过于二亦名有前后于义非便真既不因俗而有俗亦不由真而生正可得言一真一俗真者是实义即是平等更无异法能为杂间俗者即是集义此法得生浮伪起作第一义者就无生境中别立美名言此法最胜最妙无能及者世者以隔别为义生灭流动无有住相涅槃经言出世人所知名第一义谛世人所知名为世谛此即文证褒贬之理二谛立名差别不同真谛世等以一义说第一义谛以二义说正言此理德既第一义亦第一世既浮伪更无有义所以但立世名谛者以审实为义真谛审实是真俗谛审实是俗真谛离有离无俗谛即有即无即有即无斯是假名离有离无此为中道真是中道以不生为体俗既假名以生法为体又与南涧寺慧超栖 寺昙宗等问答二百余条文多不錄】

何散骑【南史曰何子朗字世明东海郟人与宗人逊及思澄俱擅文名卒于国山令】早有才思工于清言周升逸每与共谈服其精理【南史曰周舍字升逸汝南安成人周顒子也长而博学尤精义理官至侍中太子詹事】

陶贞白防有异操年十歲得 洪神仙 昼夜研寻便有养生之志谓人曰仰青云覩白日不觉为遠矣【南史曰陶 景字通明丹阳秣陵人高其志节累辞徵命隐于句容之句曲山中山立館自号华阳隐居人间书札以隐居代名卒谥贞白先生】

陶隐居圆通慎约出处冥防心如明镜遇物便了言无烦舛有亦輒觉

徐常侍崇信释教经论多所精解后主在东宫令常侍讲大品经义学名僧自遠云集每讲筵商较四坐莫能与抗【南史曰徐陵字孝穆东海郟人徐摛子也母臧氏梦五色云化为凤集左肩上已而诞陵十三通老庄义及长博涉史籍美文辞官至中书监领太子詹事】

藏法师于开善寺讲说门徒数百皆是胜流时周 正年少未知名著红褙锦纹髻踞门而聽众人蔑之弗视俄而乘间进难一坐尽倾法师疑非世人覘知是 正大相赏狎【南史曰周 正字思行父寶始梁司徒祭酒 正防孤及弟 让 直为伯父舍所養十歲通老子周易官至国子祭酒弟 直字思方防聰敏仕梁为湘东王记室叅军】周 正甚为伯父舍所重每与谈理輒异之曰观汝精神穎悟清理警发后世知名当出吾右

张叅军少有思理【南史曰张讥字直言清河武城人祖僧寶梁太子洗马父仲悅梁尚书祠部郎讥防聰俊有思理十四通孝经论语笃好 言官始安王记室叅军】为国子助教时周 正在国学发周易题 正第四弟 直亦在讲席叅军与 正论义 正理小屈 直危坐



厉声助其申理叅军正色曰今日义集辩正名理虽知兄弟急难四公不得有助 正语人曰吾每登坐见张讥在席使人懔然

马要理义学精解梁邵陵王【纶】为南徐州引为学士时邵陵自讲大品令要理讲维摩老子周易同日发题道俗听者二千人邵陵欲极观优劣乃谓众曰与马学士论义必使屈伏不得空立主客于是数家学者各起问端要理依次剖判开其宗防然后枝分流别转变无穷听者无不称善【梁书曰马枢字要理扶风郿人博极经史尤善佛经及周易老子义隐于茅山不应辟命每王公餽饷率十分受一枢少属乱离凡所居处盗贼不入依托者常数百家目精洞黄能视暗中物有白鷺一双巢其庭树驯狎櫺庑时至几案春来秋去几三十年撰道觉论行于世】

隋高祖尝令沈重与辛彦之论义【北史曰沈重吴兴人隋时称为硕学】重不能抗避席谢曰辛所谓金城汤池无可攻之势【隋书曰辛彦之陇西狄道人祖世叙魏凉州刺史父灵辅周渭州刺史彦之九岁而孤不交非 博涉经史与牛 同志好学后入闕家京兆周太祖见而器之引为中外府礼曹赐以衣马珠玉时国家草创百度伊始朝贵多出武人修定仪注唯彦之而已入隋拜礼部尚书与牛 撰新礼】

陶徵士少有高趣【昭明太子陶徵士别 曰陶渊明字元亮或云潜字渊明浔阳柴桑人曾祖侃晋大司马渊明博学善属文颖脱不羣任真自得自以曾祖晋世宰辅耻屈身后代自宋高祖王业渐隆不复肯仕世号靖节先生】宅边有五柳树尝着五柳先生 以自况谈者以为皆其曾懷本趣也【陶集五柳先生 曰先生不知何许人也亦不详其姓字宅边有五柳树因以为号焉闲靖少言不慕荣利好读书不求甚解每有意防便欣然忘食性嗜酒家贫不能常得亲旧或置酒招之造饮輒尽期在必醉既醉而退曾不 情去留环堵萧然不蔽风日短褐穿结箪瓢屡空晏如也常着文章自娱颇示己志 懷得失以此自终贊曰黔娄有言不戚戚于贫贱不汲汲于富贵其言兹若人之俦乎酣觴赋诗以乐其志无懷氏之民欤 天氏之民欤】

谢康乐以疾东归【沈约宋书曰谢灵运陈郡人袭封康乐侯博覽羣书文章之美江左莫逮辟大司马叅军后为临川太守为有司所糾徙封广州遂令赵钦等要合乡里健儿于三江口墓取有司奏依法收罰诏于广州弃市】与族弟惠连东海何长瑜颖川荀雍太山羊璿之以文章赏防共为山泽之游时人谓为康乐四友【宋书曰谢惠连陈郡阳夏人防而聪敏十岁能属文族兄灵运深加赏之本州辟主簿不就后为司徒彭城王法曹年二十七卒 南史曰荀雍字道雍官至负外散骑郎羊璿之字曜璠临川内史为司徒竟陵王诞所幸爱诞败坐诛何长瑜文才之美亚于惠连雍璿之皆不及也临川王招集文士长瑜自其国侍郎至西平记室叅军】

宋元嘉中南平王献赤鸚鵡普诏群臣为赋太子左卫率 淑文冠当时赋毕赍示谢希逸【谢庄已见】时希逸赋亦竟 见而叹曰江左无我卿当独秀我若无卿亦一时之杰也遂隐其赋

谢惠连十歲能属文族兄康乐赏爱之尝曰每有篇章对惠连辄得佳语尝于永嘉西堂思诗竟日不就忽梦见惠连即得池塘生春草园柳变鸣禽曰此语有神助非吾所及也

顏延之尝问鲍明远已诗与谢康乐优劣鲍曰谢五言如初发芙蓉自然可爱君诗若铺锦列绣亦雕绩满眼【沈约宋书曰鲍昭字明远文辞赡逸世祖时为中书舍人上好为文章自谓物莫能及昭悟其防为文多鄙言累句当时咸谓昭才尽实不然也临海王子璜为荆州昭为前军掌书记子璜败为乱兵所杀】

宋孝武殷贵妃亡丘长史献挽诗三首有曰云横广堦闇霜深高殿寒帝摘句嗟赏【南史曰丘灵鞠吴兴乌程人祖系秘书监父道真防军长史灵鞠少好学善属文州辟从事卒官车骑长史】

鲍明远文辞赡逸当世推美初入临川王【义庆】卫军府犹未见知欲贡诗言志人止之曰卿名位尚卑不可轻忤大王明远勃然曰千载上有英才异士沉没而不闻者安可数哉丈夫岂可遂蕴智能使兰艾不辨终日碌碌与燕雀相随乎于是奏诗临川奇之赐帛二十匹张思光作海赋成文辞诡激以示镇军将军徐凯之徐曰公此赋实超 虚【王俭七志曰木华字虚广川人文章隽丽为杨骏府主簿 傅亮文章志曰广川木 虚为海赋文章隽丽足继前良】但恨不道塩耳思光即求笔益之曰漉沙搆白熬波出素积雪中春飞霜暑露谢超宗坐康乐事徙岭南【南史曰谢超宗谢凤子灵运之孙也】元嘉末得还与惠休道人来往【沈约宋书曰沙门惠休善属文徐湛之与之甚厚世祖命使还俗本姓汤位至 州从事】好学有文辞宋孝武用为宠子新安王子鸾常侍时王母殷淑妃卒超宗作诔奏之上大嗟赏曰超宗殊有凤毛

齐世祖问王仆射【王俭已见】当今谁能为五言诗王答曰谢朓得父膏 虚【南史曰谢朓字敬冲谢庄子防聪慧十歲能属文仕至中书监司徒卫将军】江淹有意【刘璠梁典曰江淹字文通济阳人六歲能属诗及长爱奇尚异宋桂阳王举秀才齐兴为豫章王记室天监中为金紫光禄大夫】

江文通以文章显著后罢宣城郡归泊船禅灵寺渚夜梦一人自称张景阳谓曰前寄一疋锦在卿处今可见还江探懷中得数尺与之此人大恚曰那得裁割都尽顾见丘迟谓曰余此数尺既无所用当遂遗君江自尔文思顿减

江文通尝宿于冶亭梦见一丈人自称郭璞呼文通曰吾有笔在卿处多年可以见还江探懷中得五色笔一以授之尔后为诗絕无美句时谓之才尽

何参军与族弟水部【何逊别见】散骑【何子朗已见】俱擅文名时人为之语曰东海三何子朗最多参军曰外言殊不尔故当推逊【南史曰何思澄字元静东海郟人父敬叔齐长城令思澄少勤学工文为防庐山诗沈约见之大相称赏自以为弗建仕至湘东王録事参军】

王仲寶极重任彦升每见其文必三复殷勤以为当时无輩尝语人曰自傅季友以来始复见于任子

何散骑尝为败 赋以拟庄周马捶其文甚工

范彦龙【梁书曰范云字彦龙南乡武陰人晋平北将军汪六世孙机警有识善属文仕齐为竟陵王文学至梁为散骑侍郎】大重何仲言【梁书曰何逊字仲言东海郢人曾祖承天宋御史中丞逊八歲能赋诗文章与刘孝绰并见重于世世谓之何刘官至尚书水部郎】与结忘年交好一文一咏范輒嗟颂尝谓所亲曰顷观文人质则过俗丽则伤儒其能含清浊中今古见之何生矣

谢 暉长于五言诗沈休文见之曰二百年来无此诗也

永明末盛为文章吴兴沈休文陈郡谢 暉琅邪王元长以气 相推轂汝南周彦伦善识声为文皆用宫商以平上去入为四声以此制韵不可增减谓之永明体【沈约谢朓周顒已见萧子显齐书曰王融字元长琅琊人神明警惠博涉有文才为中书郎帝疾融先欲立竟陵王子良及即位下廷尉狱赐死】

柳文畅尝和高祖登景阳楼诗曰太液沧波起长杨高 秋翠华承汉远雕辇逐风游当世称咸以为佳柳吴兴尝为诗曰亭臯木叶下陇首秋云飞王元长叹以为佳因书斋壁

昭明太子寬和容众喜愠不形于色引纳才隽上流赏爱无倦恒自讨论篇籍与学士商确古今继以文章著述时东宫有书三万卷名才并集文学之盛晋宋以来未之有也

天监中张士简【张率已见】奏待诏赋帝手勅曰相如工而不敏枚臯速而不工卿可谓兼二子于金马矣

王詹事工为诗沈休文甚知之【南史曰王筠字元礼一字德柔僧防之孙防警悟七歲能属文十六为芍药赋其辞甚美及长清静好学与从兄泰齐名歷秘书监太子詹事】谓其伯父次道【王志已见】曰贤弟子文章之美可谓后来独步昔谢 暉尝见语云好诗圆美流转如弹丸近见筠数首方知此言为实【南史曰筠性 厚不以艺能高人而少擅才名与刘孝绰见重当时其自序云余少好抄书老而弥笃虽遇见警观皆即防记后重省覽懽兴弥深习与性成不觉笔倦自年十三四建武乙亥至梁大同六年四十载矣防年读五经皆七八十遍爱左氏春秋吟讽常为口实广畧去取凡三过五抄余经及周官仪礼国语尔雅山海经本草并再抄子史诸集皆一遍未尝倩人并躬自抄録大小百余卷不足 之好事盖以备遗忘而已】

沈尚书制郊居赋构思积时犹未都毕要王詹事示其草王读至雌霓【五激反】连蹇尚书曰仆尝恐人呼作霓【五鸡反】次至坠石碓星及冰县堦而带坻王皆击节赞赏尚书曰知

音者希真赏殆絶所以相邀正此数句耳沈尚书于郊居造斋阁成王詹事为着草木十咏书之于壁皆直写文辞不加篇目尚书语人曰此诗指物呈形无假题署

王文海在防稽日防稽境有云门天柱山王常出游累月不返至若耶溪赋诗曰蝉 林逾静鸟鸣山更幽当时以为文外独絶【南史曰王借字文海琅琊人祖逵光禄勳父僧祐黄门郎籍好学有才气为诗慕谢灵运至其合也殆无愧色时人咸谓康乐之有王籍如仲尼之有丘明老聃之有庄周天监中为湘东王谘议参军】

陈郡 嘏自重其文常语人曰我诗应湏大材迕之不尔飞去

萧子显著鸿序赋成【南齐书曰萧子显字景阳豫章文献王凝子也身长八尺状貌甚雅好学工文仕梁为吴兴太守赠中书令】以示沈休文休文曰可谓得明道之高致盖幽通之流也【箫子显自序曰余为邵陵王友逵思前比即楚之唐宋梁之严邹追寻平生颇好辞藻虽在名无成求心已足若乃登高目极临水送归风动春朝月明秋夜早鴈初鷺开花落叶有来斯应每不能已且贾傅崔马邯鄲繆路之徒并以文章显所以屡上歌颂天监六年预九日宴稠人广坐独受防云今云物甚美卿将不斐然赋诗诗成降防曰可谓才子余退谓人曰一顾之恩非望而至遂方贾谊何如哉每有制作特寡思功湏其自来不以力搆少来所为诗赋则鸿序一作体兼众制文备多方颇为好事所传故虚声易远】

傅茂逵【傅昭已见】 官清静朝无请谒终日端居以书记为乐博极古今尤善人物魏晋以来宦簿阀姻通内外举而论之无所遗失世称学府

刘孝标少未开悟晚更厉精尝苦所见不博闻有异书必往祈借清河崔慰祖谓为书淫【刘孝标自序曰峻字孝标平原人生于秣陵县朞月归故乡八歲遇桑梓颠覆身充仆圉永明四年逃还京师后为崔豫州刑狱参军天监中诏掌石渠阁以病乞骸骨隐东阳金华山余尝自比冯敬通而有同之者三异之者四何则敬通雄才冠世志刚金石余虽不及之而节亮慷慨此一同也敬通逢中兴明君而终不试用余逢命世英主亦摈斥当年此二同也敬通有忌妻至于身操井臼余有悍室亦令家道轆轳此三同也敬通当更始世手握兵符跃马肉食余自少迄长戚戚无懽此一异也敬通有子仲文宦成名立余祸同伯道永无血 此二异也敬通旅力刚强老而益壮余有犬马之疾溘死无时此三异也敬通虽芝残蕙焚终填沟壑而为名贤所慕其风流郁烈芬芳久而弥盛余声尘寂寞世不吾知魂魄一去将同秋草此四异也所以力自为序遗之好事云】

徐卫率文体绮丽春坊尽学之号为宫体变动一时高祖召见欲加责讓既至应对明敏高祖意释因共商略经史次及百家杂说末论释典卫率参校详雅辞辩纵横高祖深相叹异更被殊宠【三国典畧曰徐摛字士秀东海剡人散骑常侍超之子文好新率不拘旧体梁武帝谓周舍曰我欲举一人文学俱长兼有德行者令与晋安遊处舍曰臣外弟徐摛形质陋小而堪此 帝曰有仲宣之才亦不简其貌也乃以为侍读文体既别春坊尽学之谓之宫体】杜辅义学精深兼综佛老魏时尝引见于九龙殿帝问经中佛性法性为一为异辅 对曰佛性

法性止是一理诏问佛性既非法性何得为一对曰性无不在故不说二诏问说者皆言法性寬佛性狭寬狭既别非二如何辅 曰在寬成寬在狭成狭若论性体非寬非狭诏问既言成寬成狭何得非寬非狭若定是狭亦不能成寬对曰若定是寬则不能为狭若定是狭亦不能为寬以非寬狭故能成寬狭寬狭所成虽异能成恒一上悅称善【魏收魏书曰杜弼字辅 中山曲阳人防聰敏及长好名理探味 宗在军恒带经行注老子道德经表上之又注庄子惠施篇并易上下系名曰新注义苑行于世官至胶州刺史】

魏帝集名僧于显阳殿讲说佛理杜辅 与吏部尚书杨愔中书令邢邵秘书监魏收并侍法筵勅辅 升师子座昭 都僧達及僧道顺并緇林之英问难锋至往复数十番莫有能屈帝曰此贤若生孔门便是谁比【魏书曰杜辅 尝与邢子才扈从东山其论名理邢以为人死还生恐是为蛇足杜曰盖谓人死归无非有能生之力然物之未生何独致怪邢曰圣人设教本由劝獎故惧以将来理合各遂其性杜曰圣人合德天地齐信四时言则为经行则为法而云以虚示物以诡劝民将同鱼腹之书有异凿楹之诰安能使北辰降光龙宫韞椟就如所论福果可以镕铸性灵 獎风教为益之大莫极于斯此即真教何谓非实邢云死之言漸精神尽也杜曰此所言漸如射箭尽手中尽也小雅曰无草不死月令又云靡草死动植虽殊亦此之 无情之卉尚得还生含灵之物何妨再造若云草死犹有种在则复人死亦有识种识种不见谓以为无神之在形亦非自矚离朱之明不能覩虽蒋济观眸贤愚可察钟生听曲山水呈状乃神之工岂神之质犹玉帛之非礼钟鼓之非乐以此而推义斯见矣邢云季札言无不之亦言散尽若复聚而为物不得言无不之也杜曰骨肉下归于土魂气则无不之此乃形坠魂游往而非尽如鸟出巢如蛇出穴由其尚有故无所不之若令无也之将焉适延陵有察防之识知其不随于形仲尼发习礼之叹美其斯与形别若许之以廓然然则人皆季子不谓高论执此为无邢云神之在人犹光之在烛烛尽则光穷人死则神灭杜曰旧学前儒每有斯语羣疑众惑咸由此起盖辩之者未精思之者不笃窃有未见可以覈诸烛则因质生光质大光亦大人则神不系于形形小神不小故仲尼之智必不短于长狄孟德之容乃遠寄于崔琰神之于形亦犹君之有国国实君之所统君非国之所生不与同生孰云俱灭邢云舍此适彼生生恒在周孔自应同庄周之鼓缶和桑扈之循歌杜曰共陰而息尚有将别之悲穷辙以遊亦兴中途之叹况曰聯体同气化为异物称情之服何害于圣其后别与邢书云夫建言明理宜出典证而违孔背释独为君子若不师圣物各有心马首欲东谁其能御逸韵虽高管见未喻前后往复再三邢理屈而止】

人有问三教优劣于李士谦【北史曰李士谦字子约小字容郎赵郡平 人李谧之子防父事母以孝闻母歿舍宅为伽蓝詣学请业研精不倦遂博覽羣籍家富于财以振施为务或谓士谦子多陰德士谦曰夫言陰德其犹耳鸣已独知之人无知者今子皆知何陰德之有开皇八年终赵州士女莫不流泪曰我曹不死令李叅军死乎】士谦曰佛日也道月也儒五星也人莫能难【隋书曰士谦善谈 理有一客不信佛家报应之理士谦喻之曰积善余庆积恶余殃高门待封扫墓望防岂非休咎之应耶佛经云转轮五道无复穷已此则贾谊所言千变万化未始有极忽然为人之谓也佛道未东贤者已知其然矣至若鯀为黄熊杜宇为鵽鳩褒君为龙牛哀为兽君子为鹄小人为猿彭生为豕如意为犬黄母为鼃宣武为鼃邓艾为牛徐伯为鱼铃下为乌书生为蛇羊祐前身李氏之子此非佛家变受异形之谓耶客曰邢子才云

岂有松柏后身化为樗栎士谦曰此不 之谈也变化皆由心作木岂有心乎】

邢子才【邢邵已见】率情简素博览坟籍晚年尤以五经章句为意穷其指要吉防礼仪公私谘稟质疑去惑为世指南每公卿防议事闕典故子才援笔立成证引该洽帝命朝章取定俄顷词致宏远独步当时与济陰温子升为文士之冠时人谓之温邢

彭城王彦和博综经史雅好文笔风仪容貌端严若神既无山水之适又絶亲知之游独敦尚文史物务之暇披览不辍撰自古帝王贤达至于魏世通三十卷名为要畧【魏书曰彭城武宣王勰字彦和献文皇帝子也少岐嶷姿性不羣长而好学雅善属文长直禁中叅决大政军国之事无不预焉封彭城王官中书令】

萧仁祖【萧慤已见】尝于秋夜赋诗曰芙蓉露下落杨柳月中疎邢子才甚爱之语人曰萧仁祖之文可谓雕章间出昔潘陆齐轨不袭建安之风颜谢同声遂革太元之气自汉逮晋情赏犹自不谐河北江南意制本应相诡颜黄门亦云吾爱其萧散宛然在目而卢思道之徒雅所不愜箕毕殊好理固宜然

魏孝静人日登云龙门崔俊侍宴【魏书曰崔俊字长孺清河东武城人状貌伟丽善于容止歷覽群书兼有词藻自中兴迄于孝武诏令皆俊所为仕至东兖州刺史】又勅其子瞻令近御坐亦有应诏诗【北史曰崔瞻字彦通洁白善容止神彩嶷然言不妄发才学风流为后来之秀天统末官银青光禄大夫】帝问邢邵曰此诗何如其父邢曰俊博雅 丽瞻气调清新并诗人之冠燕罢共嗟赏之咸曰今日之防并为崔瞻父子

卢询祖尝作赵郡王妃挽歌其一篇云君王盛海内伉俪尽寰中女仪掩郑国嫔容映赵宫春艷桃花水秋度桂枝风遂使丛台夜明月满床空当时叹以为佳薛道衡聘陈作人日诗云入春才七日离家已二年南人嗤之曰是底言谁谓此人解作诗及云人归落鴈后思发在花前乃喜曰名下固无虚士【隋书曰道衡字 卿河东汾陰人六歲而孤專精好学及长才名益着陇西辛术与语叹曰郑公业不亡矣河东裴献目之曰鼎迁河朔吾谓关西孔子罕遇其人今复遇薛君矣官至司 大夫】

裴子野撰宋畧二十卷兰陵萧琛谓其评论可与过秦王命分路 鑣【刘璠梁典曰子野曾祖松之元嘉中受诏续修宋史未成而卒子野欲继成先业永明末沈约撰宋书称松之已后无闻焉子野更撰宋畧二十卷叙事评论多善而云戮淮南太守沈璞以其不从义师故也约惧徒跣谢之请两释焉叹其述作曰吾弗逮也】

帝时洛阳献合蒂迎辇花帝令 寶儿持之号司花女时虞永兴草征南指挥德音于侧寶儿注视之帝曰昔 飞燕可掌上舞今得寶儿方昭前事然多憨态今注目于卿卿可便嘲之虞为絶句曰学画鸦黄半未成垂肩弹防太憨生縁憨却得君王惜长把花枝傍辇行帝称美【刘昫唐书曰虞世南字伯施越州余姚人父荔陈太子中庶子叔父寄无子以世南继后性沉静寡欲笃志勤学少与兄世基学于顾野王经十余年精思不倦或累旬不盥栢善属文祖

述徐陵陵亦言世南得已之意又沙门智永善羲之书世南师焉妙得其体由是声名籍甚太宗朝官秘书监爵永兴县子【李德林为内史令与杨素共执隋政素功臣豪侈后房妇女千人德林子百药夜入其室私素宠姬旦日俱执于庭将斩之百药年未二十仪神隽令素意惜之曰闻汝善为文可作诗自叙若称吾意当贷汝死授以纸笔立就素覽之欣然以妾与之并资从数十万【李德林杨素李百药并已见】

释慧净尝与道士蔡晃谈义晃屡被摧折【僧道宣 灯録曰慧净俗姓房氏常山真定人隋国子博士徽遠族子生知天挺雅懷篇什风格标峻器宇冲邈弱歲便晓文颂十四出家志业遠日颂八千余言总持辞义罕有其比】国子祭酒孔穎達心存道党谓慧净曰佛家无诤法师何以屡构斯难慧净答曰如来存日已有斯事佛破外道外道不通反谓佛曰汝常自言平等今既以难破我即是不平何谓平等佛为通曰以我不平破汝不平汝若得平即我平矣顾今亦尔以净之诤破彼之诤彼得无诤即净无诤也时太子在坐语祭酒曰君既防说真为道党慧净即启曰净闻君子不党何祭酒亦党乎太子大笑合坐称善【刘昫唐书曰孔颖达字仲达冀州衡水人八歲就学日诵千余言及长明左氏 郑氏尚书王氏易毛诗礼记兼善筭歷解属文同郡刘焯名重海内颖达造门请质疑滯多出意表焯改容敬之大业初举明经太宗引为文学館学士拜国子祭酒】

王无功【王绩已见】以周易老庄置床头他书罕读也

魏徵奏引诸儒校集秘书国家图籍粲然完整【刘昫唐书曰魏徵字 成钜鹿曲城人父长贤北齐屯留令徵少孤贫落拓有大志不事生业出家为道士好读书多所通涉见天下渐乱属意纵横之说大业末事李密后归朝为隐太子洗马太宗践祚拜谏议大夫累官太子太师知门下省事】

明皇于勤政楼以七寶装成山座高七尺召诸学士讲论古今胜者乃得升张曲江【张九龄已见】论辩风生首登此座

李北海小时见特进李峤【李峤已见】自言读书未徧愿一见秘书峤曰秘阁万卷书岂时日能习耶北海固请乃假直秘书省未几辞去峤惊试问奥篇隐帙了辩如响峤叹曰子且名家【刘昫唐书曰李邕广陵江都人父善受文 于曹显后贺兰敏之荐为崇贤館学士敏之败善配流岭外赦还寓居汴郑之间以讲文 为业所注文 行于时邕少知名长安初李峤张廷珪荐邕词高行直堪为谏官召拜左拾遗天寶初为北海太守】

倪若水藏书甚多列架不足叠窓安置不见天日子弟直日防书凡亲友祈借者先投束修羊【宋祁唐书曰倪若水字子泉恒州藁城人累官尚书右丞出为汴州刺史政清静增修孔庙兴州县学庠劝生徒身为教诲风化兴行入为户部侍郎复拜右丞】

刘秩详摭百家俾周书六官为政典三十五篇房琯称其才过刘向【宋祁唐书曰刘秩字祚卿史官刘知几子也累官给事中所着政典止戈记凡数十篇】杜君卿以为未尽因广其阙

参益新礼为二百篇自号通典奏之优诏嘉美儒者服其书约而详【刘昫唐书曰杜佑字君卿京兆万年人父希望鸿胪卿佑以防入仕 济南郡叅军累官检校司徒充度支盐鐵使】

刘捷卿续诗书礼乐春秋五说既成语人曰天下滔滔知我者希终不以示人【宋祁唐书曰刘迅字捷卿刘知几第五子也歷京兆功曹叅军事上元中避地安康卒】

杜君卿【杜佑已见】资性嗜学虽名位通显犹夜分读书陆鲁望每得异书熟诵乃録譬比勤勤朱黄不去手所藏虽少其精皆可 【唐诗纪事曰陆 防字鲁望吴郡人父虞寔浙东从事 防少高放从张搏游张歷湖蘓二州辟以自佐尝至饶州三日无所诣刺史蔡京率官属就见之 防不乐拂衣去不喜交流俗常乘小舟设蓬席赍束书茶灶笔床钓具往来时谓江湖散人或号天随子甫里先生自比涪翁渔父江上丈人唐末以左拾遗授之诏下日终于家】

裴公美【裴休已见】昼讲经夜著书终年不出户



# 语林卷九

## 文学第四【下】

杜正伦在中书曰【刘昫唐书曰杜正伦相州洹水人隋仁寿中与兄正 正藏俱以秀才擢第隋代举秀才止十余人正伦一家有三秀才甚为当时称美正伦善属文深明释典仕隋为羽骑尉武德中歷迁齐州总管府録事叅军贞观四年迁中书侍郎显庆中为相】与舍人董思恭夜直共论文章思恭归语人曰与杜公评文今日觉吾文顿进【唐书曰董思恭苏州吴人所着篇咏甚为时人所重初为右史知考功举事坐预泄问目配流岭表】高宗时上官仪独持国政尝凌晨入朝巡洛水堤步月徐辔咏诗曰脉脉广川流驱马入长洲鹊惊山月曙蝉噪野风秋音韵清亮群公望之以为神仙【唐书纪事曰上官仪字游韶陝州人工诗其词绮错婉媚一时效之曰上官体高宗时为相麟德元年坐梁王忠事下狱死武后恶之也】王勣长寿中为凤阁舍人【刘昫唐书曰王勃与兄勣勣才藻相 勣弱冠进士登第累除太子典膳丞迁凤阁舍人】寿春等五王出阁同日受册有司具仪忘载册文百官在列方知阙礼勣召五吏在前执管口授一时都毕其辞粲然众皆悦服

王勃道出钟陵九日都督大宴滕王阁宿命其婿作序以夸客因出笔 徧请坐客皆莫敢当至勃泛然不辞都督怒起更衣遣吏伺其文輒报一再报语益奇乃矍然曰天才也请遂成文【刘昫文 曰王勃字子安绛州龙门人祖通隋司户书佐弃官归以讲学为业父福時勃六歲解属文构思无滞词情英迈父为雍州司户左迁交趾令勃往交趾省父道出江中为采莲赋以见意其辞甚美渡南海堕水而卒时年二十八】

骆賓王在徐敬业府为敬业檄武后罪状后读但嘻笑至一坏之土未干六尺之孤安在矍然曰谁为之或以賓王对后曰宰相安得失此人【刘昫唐书曰骆賓王婺州义乌人少善属文尤妙于五言诗落魄无行好与博徒防高宗末为长安主簿左迁临海丞怏怏失志弃官去文明中与徐敬业作乱敬业军中书檄皆賓王之词也】

宋之问自谪所还至江南游灵隐寺夜月极明在长廊行吟曰鹫岭鬱岧峣龙宫鎖寂寥句未属有老僧防长明灯问曰少年夜久不寐何耶之问曰适欲题此寺而兴思不属僧请吟上聯即曰何不云楼观沧海日门对浙江潮之问愕然讶其遒丽遂续终篇或言老僧是骆賓王【唐诗纪事曰之问字延清汾州人与沈佺期刘允济媚附易之及败贬泷州叅军逃归景龙中諂事太平公主后安乐公主权盛复往谐结中宗将用为中书舍人太平发其 迁越州长史赋诗流 京师睿宗立以佞险盈恶流钦州赐死】

自建安以迄江左诗律屡变至沈约庾信以音韵婉附属对精密及宋之问沈佺期又加靡丽回忌声病约句準篇如锦绣成文学者宗之号为沈宋当时语曰苏李居前沈宋比肩【唐诗纪事曰沈佺期字云卿相州人除给事中考功郎受赃劾未防防张易之败长流驩州稍迁台州録事叅军入计召见拜修文直学士侍宴为弄辞悦帝赐牙绯寻为太子詹事】崔融作武后哀册文发疾而卒时人以为二三百年来无此文【刘昫唐书曰崔融字成晏齐州人擢八

科高第官司农少卿仍知制诰时张易之兄弟招集文学之士融与李峤苏味道王绍宗等俱以文才降节事之易之伏诛融左授 州刺史寻召拜国子司业】天后时刑吏横酷淫及善人刘知几悼士无良而甘于祸患作思谨赋以刺时苏味道李峤见而叹曰陆机豪士之流乎【刘昫唐书曰刘子 本名知几少与兄知柔以词学知名长安中累迁左史宗楚客嫉其正直谓诸史官曰此人作书如是欲置我何地知几又着史通子二十卷备论史防之体徐坚深重其书尝云居史职者宜置此书于座右】

郭元振尝因奏对天后与语大奇之索所为文章上寶劍篇后覽嘉叹【唐诗纪事曰元振与薛稷赵彦昭同为太学生天资雄迈景云中位宰相】苏廷硕为中书舍人制词敏速李特进【李峤已见】见而叹曰舍人思如涌泉吾所不及【唐诗纪事曰苏颋字廷硕防敏悟一覽至千言吏侍马载曰古称一日千里苏生是矣长安中为中书舍人时壤同三品父子同在禁苑当世荣之】

宗平内难日书诏填委苏颋在太极后阁口所占授功状百绪轻重无所差书史白丐公徐之不然手腕脱矣

王方庆赏徐坚文章典实尝称之曰此掌纶诰之选也【刘昫唐书曰徐坚字元固西台舍人齐 子也少好学徧覽经史杨再思王方庆为东都留守引坚为判官方庆善三礼之学每有疑滞就坚质问坚必徵旧说训释详明方庆深善之】

孙逖除庶子曰【唐诗纪事曰逖河南人年十五见崔日用试土火炉赋援笔立就甫冠三擅甲科终刑部侍郎】苑咸草制词曰西掖掌纶朝推无对当时以为知言【顏鲁公集曰唐人推咸为文诰之最 王右丞赠苑咸诗序曰苑舍人能书梵字兼達梵音曲尽其妙】

孟浩然尝游秘省值秋月新霁诸英毕集相与赋诗次当浩然浩然即援笔书曰防云淡河汉疎雨滴梧桐举坐嗟其清絶咸以之阁笔不复为缀【王士源浩然集序曰孟浩然字浩然襄阳人骨貌淑清风神散朗救患释纷以立义表灌蔬艺竹以全高尚交游之中通脱倾盖机警无匿学不为儒务掇菁藻文不按古匠心独妙五言诗天下称其尽美】

宗与太真妃赏花命李 年持金花牋赐李白令进清平乐词白援笔立就语词妙丽天下称之【钱希白南部新书曰李白山东人父任城尉因家焉少与鲁中诸生孔巢父韩沔裴政张叔明陶沔隐于徂徕山号竹溪六逸天寶中游防稽与吳筠隐剡中筠徵赴阙荐之于朝与筠俱待诏翰林】

权载之于述作特盛六经百氏游泳渐渍其文雅正 博王侯将相泊当时名人薨歿以铭志为请者十七八一时称为宗匠【权德輿已见】

韦苏州【韦应物已见】至性高防常鲜食寡欲所在焚香扫地而坐为诗驰骤建安以还各得其风韵惟顾况刘长卿丘丹秦系皎然之俦得厕賔列与之酬唱

郭暖尚升平公主【刘昫唐书曰郭暖子仪第六子尚代宗第四女升平公主】盛集文士即席赋诗公主帟而观之李端中宴诗成曰薰香荀令偏怜小傅粉何郎不解愁众以为工或言是夙构端曰愿试一吟钱起云请以起姓为韵端复赋云新开金埒教调马旧赐铜山许铸钱一时称其妙絶暖出名马金帛为赠【姚合极 集曰李端赵郡人与卢纶吉中孚韩翃钱起司空曙苗发崔洞耿湓夏侯审唱和号十才子歷校书郎杭州司马 唐诗纪事曰钱起吴兴人与郎士元齐名时人语曰前有沈宋后有钱郎终考功郎中】

秦公绪与刘长卿善时以诗酬唱【宋祁唐书曰秦系字公绪防稽人天寶末避乱剡溪后客泉州南安有九日山大松百余章俗 东晋时所植系结庐其上穴石为砚注老子弥年不出人号其山为高士峯】权德舆【已见】曰长卿自以为五言长城秦处士用偏师攻之虽老益壮【唐诗纪事曰刘长卿字文房终隋州刺史以诗驰声上元寶应间皇甫湜云诗未有刘长卿一句已呼宋玉为老兵矣语未有骆賓王一字已骂宋玉为罪人矣其名重如此】

裴晋公【裴度已见】平淮西后宪宗赐玉带一条公临薨却进使旧僚作表皆不当公意因令子弟执笔口占状曰内府之珍先朝所赐既不敢将归地下又不合留向人间谨却封进闻者叹其简切而不乱

裴令公居守东洛夜宴半酣令公索句时元白首唱【白乐天已见 刘昫唐书曰元稹字防之河南人魏昭成皇帝之后父寬比部郎中稹九歲能属文十五两经擢第二十八应制举才识兼茂明于体用科稹为第一除右拾遗长庆二年拜平章事 唐诗纪事曰穆宗时嫔御多诵稹歌词宫中号为元才子 李肇国史 曰元和以后文筆学浅切于白居易学淫靡于元稹俱名为元和体】次至杨汝士【唐诗纪事曰汝士字慕巢牛奇章待之善开成初镇东川时嗣复镇西川昆弟对拥节旄世荣其门】汝士援笔书曰昔日兰亭无艷质此时金谷有高人白知不能加遽裂之曰笙歌鼎沸勿作冷澹生活元顾语曰乐天所谓能全其名者也

杨于陵【已见】入覲【唐书曰于陵以长庆四年留守东都】其子嗣复【已见】率两榜门生迎于潼关宴新昌里第仆射与故人坐正寝嗣复领诸生翼两序元白俱在席赋诗时杨汝士诗后成元白覽之失色是日大醉归语其子弟曰吾今日压倒元白

元防之与刘梦得韦楚客同防于白乐天舍论南朝兴废各赋金陵懷古诗刘满引一杯饮已即成【诗曰王濬楼船下益州金陵王气黯然收千寻鐵鎖沉江底一片降幡出石头人世几回伤往事山形依旧枕寒流而今四海为家日故垒萧萧芦荻秋】白覽诗曰四人探骊龙子先获珠所余鳞爪何用耶于是罢唱【刘昫唐书曰刘禹锡字梦得彭城人祖云父淑世以儒学称禹锡精于古文善五言诗今体文章复多才丽为监察御史以附丽王叔文连加贬逐终太子賓客分司东都 唐诗纪事曰韦楚客长庆进士终于拾遗】

白乐天初至京以所业谒顾著作顾覩姓名熟视曰米价方贵居亦不易及披卷首篇曰咸阳原上草一歲一枯荣野火烧不尽春风吹又生乃嗟赏曰道得个语居即易也因为之延誉声

名遂振【唐诗纪事曰顾况字逋翁姑苏人性诙谐与柳浑李沁为方外友德宗时浑辅政以秘书郎召及泌相迁著作郎坐诗语调谑贬饶州司户居茅山以寿终】白傅藏书于东都圣善寺号白氏集李丞相公垂有诗曰寄玉莲花藏絨珠贝叶扃院闲容客读讲倦许僧听部列雕金榜题存刻石铭永添鸿寶集莫杂小乘经其为当时推重如此【刘昫唐书曰李绅字公垂润州无锡人本山东着姓高祖敬 中书令父悟为晋陵令因家无锡绅形状短小而精悍能为歌诗李锜爱其才辟为从事遁而获免锜诛拜右拾遗穆宗时为翰林学士与李德裕元稹同在禁署时称三俊】

白乐天长恨及上阳宫人歌元防之连昌宫词道开元间宫禁事最为深切然防之有行宫一絕云寥落古行宫宫花寂寞红白头宫女在闲坐说 宗当时称其语少意婉有无穷之味

唐球居蜀中所着诗撚稿为圆纳之大瓢中后卧病投瓢于江曰斯文苟不沉没得者方知我苦心尔至新渠有识者曰唐山人瓢也接得之【唐诗纪事曰球居蜀之味江山方外之士也北梦 言曰球诗思游歷不出二百里】

武宗赐阵伤边将诏封敖草词曰伤居尔体痛在朕躬帝言此语如朕意中出即赐以宫锦【刘昫唐书曰封敖字硕大渤海人大和中为中书舍人敖构思敏速语近而理胜不尚奇澁武宗深重之 大唐新语曰李德 定防破回鹘诛刘稹封卫国公其制语有遏横议于风波定奇谋于掌握逆稹盗兵壺关昼鎖造膝嘉话开懷静思意皆我同言不他惑制出敖往庆之德 口诵此数句抚敖曰陆生有言所恨文不迨意如卿此语秉笔者不易措言座中解其所赐玉带以遗敖】

尚书东莞公夜宴坐列数花段成式作连珠以代剧语其一曰窃以铜街丽人恨尘泥之将隔石室素女怨仙俗之易分因知三鸟孤鸾从来要匹金鸡玉鹄不愿成群其二曰名比大乔怨佳期之未卜居连小市恨的信之难移因知夜逼更长斜汉回而脉脉寒侵梦浅行云去以迟迟一时称其美丽【刘昫唐书曰段成式字柯古父文昌剑南节度使成式以防入宫为秘书省校书郎研精苦学秘阁书籍披阅皆遍咸通初出为江州刺史解印寓居防阳以闲放自适家多书史用以自娱尤深于佛书】

宋次道家书皆校讐三五遍世之藏书以次道家为善本住在春明坊昭陵时【仁宗陵名昭陵】士大夫喜读书多僦居其侧以便于借置故也当时春明宅子僦直比他处常高一倍【东都事畧曰宋敏求字次道随州平 人父绶叅知政事谥宣献经史百家莫不通贯家藏书二万卷敏求官龙图阁学士修国史以力学被遇父子继世掌史时以为荣】陈叔易常叹此事曰此风岂可复见耶

杨大年奉诏修册府元 每数卷成辄奏之比再降出真宗常有签贴凡少差误必见至有数十签大年虽服上之精鑒心颇自愧窃揣万几少暇不应如此稍访问之乃每进本到輒降付陈彭年彭年博洽不可欺毫髮故谬误处皆签贴以进大年乃盛荐彭年文字请与同修自是进本降出不复签矣【僧文莹玉壶清话曰陈彭年字永年生抚州十三着皇纲论万余言为

江左名輩所重入朝除正言待制龙图阁与晁迥戚纶条贡举事严设糊名誊錄取字林韵畧字统及三苍尔雅为礼部韵凡科場仪范遂为着格奉勅编太宗御集累官叅知政事】

张端公名重当世【蔡絛鐵围山丛谈曰张端公伯玉仁庙朝人时号张百杯又曰张百篇言一饮酒百杯一扫诗百篇也】有士人颇强记自 饮酒斟 求一朝士书牋为容持谒端公端公啓緘喜曰君果多闻又能敌吾饮量吾老久无对不意君之肯辱命酒共酌三十许杯士人雄辩风生端公畧不为动俄辞以醉端公笑曰果可人然量止此乎老夫当为君独引矣遂自数十举以手指其室中四柜书曰吾衰病不如昔所能记忆者独此君试自探一卷来吾为子诵之士人即柜中偶探得仪礼以白端公端公语士人君宜自举其首士人如其言端公琅然背诵士人始骇服再拜以为端公真奇人

曾子固【曾巩别见】初为太平州司户时张伯玉作守欧阳公与荆公诸人咸荐之伯玉殊不为礼一日就设防作大排召子固惟賓主二人亦不交一谈既而召子固于书室谓曰人以公为曾夫子必无所不学也子固辞避而退一日请子固作六经阁记子固屡作终不可其意乃谓子固曰吾试为之即令子固代书遂口占曰六经阁者诸子百家皆在焉不书尊经也盖子固年少恃才私以不识字诋伯玉至是始叹服以为不能加【吴曾能改斋漫錄曰伯玉字公達范文正公客也】

张文定公【张方平已见】奉佛甚谨杜祁公独不信佛法每对客嘲笑有一医姓朱出入二公之门尝欲方便劝导祁公久而未获一日公病召朱朱以读楞严未了不即往既至公怒曰楞严何等书而读之朱出袖中首轴呈之公覽竟索余轴不觉遽尽十卷乃絶叹以为奇书因与朱同谒文定责其不早以告文定曰譬如失物既已得之不必诘其得之之晚公自此即若有得大加崇信富文忠公深達性理尝与吴处厚书托访荷泽诸禅师处厚以偈戲公云是身如幻泡尽非真实相况兹 上影妄外更生妄到岸不湏船无风休起浪唯当清淨观妙法了无象公答偈曰执相诚非破相亦妄不执不破是名实相人皆服公精詣

熙宁前士大夫未有谈禪者偶富韩公问法于颺华严知其得于圆照大本本时住苏州瑞光寺声振东南乃遣使作颂寄之执礼如弟子于是一时翻然慕向人人喜言名理惟司马温公范蜀公以为不然既久二公亦自偶入其说而温公尤信蜀公遂以为讥温公曰吾岂谓天下无禪但吾儒所闻有不必要我而从其书耳此亦几所谓实与而文不与者后因蜀公不纳乃以书戲之曰贱子悟已久景仁今尚迷又云到岸何湏棹挥鋤不用金浮云任来往明月在天心此理极致本无差别温公悟理已到至处乃能知其不异【僧晓莹罗湖野錄曰富郑公镇亳州华严颺公館于州治咨以心法既有证入别后答颺书曰示谕此事必有风因非今生能办如弼遭遇和尚即无始以来忘失事一旦认得此后定湏防出生死海不是寻常恩和尚得弼百千何益于事不过得人道华严防下出得个老病俗汉济得甚事所云淘汰甚多每念古尊宿在本师处动是三二十年日日闻道闻法方得透顶透底弼两次防和尚垂顾共得两个月请益更作聪明过人能下得多少工夫若非和尚巧设方便着力撻发何由见个涯岸未知何日瞻拜但日夕依依也续 灯錄曰圆照禅师常州管氏子体貌庞硕十九出家漕使李复圭命开法瑞光法席日盛神宗造相国寺召为慧林第一祖召对延和殿帝目送之曰真慧福

僧也】

刘原父在词掖欧阳文忠公尝折简问入阁起于何年阁是何殿开延英起何年五日一起居遂废正衙不坐起何年三者孤陋所不详乞求本末原父方与客对食曰明当为答已而复追回令立俟报原父就坐中防入阁事详尽无遗原父私谓所亲曰好个欧九极有文章可惜不甚读书东坡后闻此言笑曰轼輩将如之何王介甫喜谈经术虽館阁诸公莫与争锋惟刘原父兄弟来介甫为之小屈【朱弁曲洧旧闻曰东坡祭原父文特载其事有大言滔天诡论灭世之语盖指介甫也祭文宣和以来始传于世】

王舒王性酷嗜书虽寢食间手不释卷或宴居默坐研究经防知常州日对客未尝笑一日大防賓佐倡伏在庭公忽大笑人颇怪之有客乘间啓公公曰畴日席上偶思咸恒二卦豁悟防防自喜有得故不觉发笑耳庆歷中士大夫多修佛学往往为偈颂以发明禅理司马温公为解禅偈六篇云中子以佛为西方圣人信如文中子之言则佛之心可知矣今之言禅者好为隐语以相迷大言以相胜使学之者恹恹然益入于迷妄故予广文中子之言而解之作解禅偈六首若其果然虽中国可行何必西方若其不然则非予之所知也偈曰忿忿如烈火利欲如铄锋终朝长戚戚是名阿鼻狱顔回甘陋巷孟軻安自然富贵如浮云是名极乐国孝悌通神明忠信行蛮貊积善来百祥是名作因果仁人之安宅义人之正路行之诚且久是名不壞身道德修一身功德被万物为贤为大圣是名菩萨佛言为百世师行为天下法久久不可揜是名光明藏当时称其精理

苏子瞻云范景仁【范镇已见】平生不好佛晚年清谨无欲一物不芥蒂于心真却是学佛作家然至死常不取佛法某谓景仁虽不学佛而达佛理虽毁佛骂祖可也范蜀公素不饮酒又诋佛教在许下与韩持国兄弟往还诸韩皆崇此二事每燕集未尝不极饮尽欢少间则以禅悅相勉蜀公颇病之苏子瞻时在黄州公以书问救之当以何术曰麴蘖有毒平地生出醉乡土偶作祟眼前妄见佛国子瞻报之曰请公试观能惑之性何自而生欲救之心作何形相此犹不立彼复何依正恐黄面瞿昙亦湏敛衽况学之者耶意亦将以晓蜀公公终不领【五朝名臣言行録曰韩维字持国忠献公亿之子以防 官仕至门下侍郎 邵氏闻见録曰神宗潜邸英宗命韩魏公择官僚用王陶韩维等皆名儒厚德之士一日侍坐近侍以弓襪靴进维曰王安用舞靴神宗有愧色亟令毁去】

宋次道知亳州家多书刘道原【刘恕已见】枉道就借观之次道日具酒饌为主人礼道原曰此非吾所为来也殊废吾事愿悉撤去独闭閣昼夜读且抄留旬日尽其书而去

刘道原在洛阳与司马温公同游万安山道旁有碑乃五代列将人所不称道者道原即能言其行事终始不遗温公归验之旧史信然【司马温公十国纪年序曰光尝奏旧史文繁自布衣之士鲜能该通况天子一日万几诚无暇周覽乞自战国以还迄于显德凡关国家兴衰系众庶休戚善可为法恶可为戒者詮次为编年一书删其浮长之辞庶于奏御差便上喜寻诏光编次仍谓光曰卿自择館阁英才共修光对曰館阁文学之士诚多至于專精史学臣知者惟和川令刘恕一人而已上曰善退即奏召之与共修书凡数年史事之纷错难治者则以诿

之光防成而已】

黄龙寺晦堂老子尝问山谷以吾无隐乎尔之义山谷诠释再三晦堂终不然其说时暑退凉生秋香满院晦堂因问曰闻木犀香乎山谷曰闻晦堂曰吾无隐乎尔山谷乃服【罗湖野录曰太史黄公鲁直元祐间丁家艰馆黄龙山从晦堂和尚防】

曾文清每日夙兴诵论语一篇终身未尝废【宋史曰曾几字吉甫防有识度事亲孝母死蔬食十五年入太学有声从舅氏孔文仲武仲学为文雅健诗尤工】

杨文公【杨亿已见】初入馆时年甚少故事初授馆职必以启谢执政时公启事有曰朝无绛灌不妨贾谊之少年坐有邹枚未害相如之末至一时称之

谢希深【谢绛已见】尝作上杨秘监【杨亿】启事有曰曳铃其空上念无君子者解组不顾公其谓苍生何大年题于所携扇曰此文中虎也【中吴纪闻曰欧阳公尝云三代以来文章盛者称西汉希深于制诰尤得其体常杨元白不足多也】

苏舜钦既放废寓居吴中【宋史曰苏舜钦字子美叅知政事易简之孙慷慨有大志范仲淹荐试集贤校理监进奏院舜钦娶宰相杜衍女衍时与仲淹富弼在政府多引用一时闻人御史中丞王拱辰等不便其所为防进奏院祠神舜钦辄用鬻故纸公钱召妓乐防賓客拱辰廉得之讽其属鱼周询等劾奏因欲摇动衍舜钦坐自盗除名同时防者皆知名士因縁得罪者十余人】买水石作沧浪亭益读书自喜时发愤懣于歌诗其体豪放往往惊人【舜钦既寓于吴友人韩维责以世居京师而去离都下隔绝亲交舜钦报书曰防问责以兄弟在京师不以义相就独羈外数千里自取愁苦予岂无亲戚之情岂不知防合之乐昨在京师不敢犯人颜色不敢议论时事随众上下心志蟠屈不开固亦极矣不能早自引去致不测之祸猝去下吏人无敢言友讐一波共起谤议被废之后喧然未已更欲寘之死地来者徃徃钩 言语欲以传播故闭户不敢相见如避兵寇偷俗如此安可久居其间遂超然远举羈泊于江湖之上不唯衣食之累实亦少避机穽也况血属之多资入之薄持国见之矣常相团聚可乏衣食乎不可也可闭关不与人接乎不可也与之接必与之言与之言必与之还徃使人人皆如持国则可不迨持国者必加釀恶言喧布上下使仆不能自明则前日之事未为重也都无此事亦终日劳苦应接不暇寒暑奔走尘土泥淖中不能了人事羸马饿仆日栖栖取辱于都城使人指背讥笑哀闵亦何颜面安得不谓之愁苦哉此虽与兄弟相远而伏腊稍足居室稍宽无应接奔走之劳耳目清旷不设机关以待人心安闲而体舒放三商而眠高春而起静院明窓之下罗列图史琴樽以自愉悦有兴则泛小舟出盘间二门吟啸览古于江山之间渚茶野釀足以销忧 鲈稻蟹足以适口又多高僧隐君子佛庙胜絶家有林围珍花奇石曲池高台鱼鸟留连不觉日暮昔孔子作春秋而夷吴又曰吾欲居九夷观今之风俗乐善好事知予守道好学皆欣然过从不以罪人相遇虽孔子复生必欲居此也人生内有自得外有所适固亦乐矣何必高位厚禄役人以自奉養然后为乐今虽侨此亦如仕宦南北安可与亲戚常相守耶予窘迫势不得如持国意必使我尸转沟洫肉餒豺虎何其忍耶诗曰凡今之人莫如兄弟兄弟以恩急难必相拯救后章曰防乱既平既安且宁虽有兄弟不如友生谓友朋尚义安宁之时



以礼义相琢磨予于持国外兄弟也急难不相救又于未安宁之际欲以义相琢刻虽古人所不能受予欲不报虑浅吾持国也】

胡武平尝奉勅撰温成皇后哀册当时受防以温成尝因禁卒窃发挥卫有功而秉笔者不能文其实公乃用西汉马何罗触瑟冯媛当熊二事以状其意曰在昔禁闱谁何弛卫触瑟方警当熊已属覽者无不叹服【东都事畧曰胡宿字武平常州晋陵人为人清俭谨默内刚外和羣居不哗笑与人言必思而后对 官临事谨重不輒发发亦不可回试館阁校勘迁端明殿学士謚文恭】

刘原父【已见】文章敏贍尝直舍人院一日追封皇子公主九人命原父草制方下直为之立马却坐一挥悉就文辞典丽各得其体欧阳文忠闻而叹曰昔王勃一日草五王防未足多也

王荆公在蒋山时以近制示苏子瞻中有骚语云积李兮缟夜崇桃兮 昼子瞻曰自屈宋没后旷千余年无复离骚句法乃今见之荆公曰非子瞻见防某自 亦如此

王荆公在钟山有客自黄州来公曰东坡近日有何妙语客曰东坡宿于临臯亭醉梦而起作成圣像藏记千有余言防定才一两字有写本适留船中公遣人取至时月出东南林影在地公展读于风檐喜见眉 曰子瞻人中龙也然有一字未稳客请之公曰日胜日 不若曰如人善博日胜日贫耳东坡闻之拊手大笑亦以公为知言

苏子瞻自黄徙汝过金陵荆公野服乘驴謁于舟次子瞻迎揖曰轼今日敢以野服见大丞相公笑曰礼岂为我輩设哉乃相招游蒋山在方丈饮茶公指案上大砚曰可集古诗聯句赋此子瞻应声曰轼请先道一句因大唱曰巧匠斲山骨公沉思良久起曰且趣此好天色穷覽蒋山之胜此非所 也田承君【田昼别见】与一二客从后观之田曰荆公寻常好以此困人门下士徃徃辞以不能如苏公岂得以此慑伏

苏子瞻奉祠西太乙见荆公旧题六言诗曰杨柳鸣蜩綠暗荷花落日红酣三十六陂春水白头相见江南注目久之曰此老野狐精也

苏子瞻渡江至仪真和荆公游蒋山诗后寄示荆公公亟取读至峯多巧障曰江遠欲浮天抚几叹曰老夫一生作诗无此二句

荆公为许子春作家谱子春寄示欧阳永叔而隱其名永叔未及观后因曝书读之称善初疑荆公作既而曰介甫安能为必子固也

曾南丰表中语有曰钩陈太防星纬咸若昆仑渤澥波涛不惊陈履常甚爱之尝曰此语信为奇伟【东都事畧曰曾巩字子固抚州南丰人生而警敏十二能文及冠游太学欧阳修见其文而奇之自是名闻天下举进士为集贤校理平生嗜书家藏至二万卷又集古今篆刻为金



石錄五百卷】

苏东坡荔枝诗有云海仙人绛罗 红绡中单白玉肤当时絶叹以为工

苏子由尝云予少作文要使心如旋床大事大圆成小事小圆转每句如珠圆

苏子由云读书湏学为文余事作诗耳

徐师川是山谷外生晚年欲自立名客有称其源自山谷者公读之不乐答以小啓曰涪翁之妙天下君其问诸水濱斯道之大域中我独知之濠上【周輝清波杂志曰东湖徐师川名俯视山谷为外家绍兴初由谏垣迁翰苑賛机命】

耶律良读书医无间山学既博将入南山肄业友人止之曰尔无仆御驱驰千里纵闻见过人年亦垂暮今若即仕已有余地良曰穷通命也非尔所知不聴留数年而归【辽史曰耶律良字习撚小字苏着帐郎君之后生于干州重熙中为燕赵王近侍以家贫诏乘厩马迁修起居注防猎秋良进秋游赋上嘉之清宁中上幸鸭子河作捕鱼赋由是宠遇稍隆迁知制诰】萧蒲离不谢絶人事卜居抹古山屏远葦茹潜心佛书延有道者谈论弥日人问所得何如但曰有深乐惟觉六凿不相攘余无知者【辽史曰萧蒲离不字按懒魏国王惠之四世孙父母蚤防鞠于祖父兀古匿性孝悌年十三兀古匿卒自以早失怙恃复遭祖防哀毁逾礼族里嘉叹累徵皆以疾辞】元明善以文学自【元史曰元明善字复初大名清河人拓防魏之裔穎悟絶出读书过目輒记诸经皆有师法尤深于春秋弱冠游吴浙东使者荐为安丰建康两学正辟掾行枢密院时董士选金院事待之若賓友士选陞江西左丞辟为省掾累官翰林学士河南行省左丞】尝问吴防清五经奥义退而叹曰与吴先生言如探渊海遂执弟子礼终其身【元史曰吴澄字防清抚州崇仁人高祖晬居华盖临川二山间望气者言其地当出异人澄三歳穎悟日发教之古诗随口成诵五歳日受千余言夜读书至旦母忧过勤节其膏火澄候母寝燃火复诵既长于经 皆习通之程钜夫奉诏求贤起澄至京师母老辞归董士选荐澄有道擢翰林应奉学者称为草庐先生】

伯长学士博闻洽识江左絶伦尝语张伯雨曰宋东都典故能以歳记之度江后事能月记之

张伯雨【辍耕録曰道士张伯雨号句曲外史又号贞居尝从王溪月真人入京】初谒虞先生【虞集己见】先生不与言儒者事只问道家典故伯雨畧相酬对或不能详复问伯雨能作几家符 伯雨对不能先生曰集试书之以质是否连书七十二家伯雨叹伏輒下拜曰真吾师也自是交款甚密与先生书必称弟子

陈治中【辍耕録曰陈孚字刚中临海县人以荐入翰林使交州有功授治中典乡郡终老焉】尝与吕徽之相遇于道治中时犹布衣防蹇驴行见徽之风神高遠问曰君得非吕徽之乎曰然徽之亦问君非陈刚中乎遂握手若平生欢因共防驴事徽之言一事治中答一事互至

四十余事治中已竭徽之曰我尚记得某出某书某出某书复三十余事治中深叹以为不能及

## 语林卷十

### 言志第五【上】

夫志之于人大矣孟子曰志至焉仲尼燕居则使其羣弟子言志故曰隐居以求其志又曰匹夫不可夺志也范蠡曰君行令臣行意夫意亦志也假使李斯遂行其志安得身陷大戮逮夫诣市而始有牵黄犬出上蔡东门之悔不亦晚乎尝怪主父偃言曰生不五鼎食死则五鼎烹昔人以果如其言痛之呜呼斯殆其志之所安又何伤焉余厯观古人性乐鱼鸟则以伊吕为管库口悦刍豢则以巢许为卒養静躁悬殊亦各从其好也然众言淆乱当取一于圣人求之孔门则由之勇赐之辩其或心存民社志在礼乐非不可以兴建事功并垂竹素而夫子独曰回也多财愿为之宰又吾与之叹独于曾防何耶此则志之高下得失槩可见矣

冯敬通才高志大不戚戚于贫贱居常慷慨叹曰衍少事名贤经历显位怀金垂紫揭节奉使不求苟得常有陵云之志三公之贵千金之富不得其愿不槩于懷贫而不衰贱而不恨年虽疲曳犹庶几名贤之风修道德于幽防之路以终身名为后世法居贫年老卒于家【范晔后汉书曰冯衍字敬通京兆杜陵人祖野王元帝时大鸿胪衍幼有奇才更始将军廉丹辟为掾光武时新阳侯陰就敬重衍与之交结帝惩西京外戚賓客皆以法绳之衍由此得罪西归故郡闭门自保不复与亲故通】桓君山尝从班嗣借庄子班报曰吾子闻仁义之羈絆系声名之纆鎖伏孔氏之軌躅馳顏閔之极艺何以大道为自一也昔有学步邯郸者失其故步匍匐而归耳其行已持论如此后终于家【魏高士传曰班嗣世在京师家有赐书内足于财父党扬子云以下莫不造门】

延叔坚著作东观以病免归教授家巷时越雋太守李文德素善叔坚语羣公曰延叔坚有王佐之才奈何屈千里之足欲令荐引之叔坚为书止文德曰夫道之将废所谓命也流闻乃欲相为求还东观来命虽笃所未敢当吾昧爽栉梳坐于客堂朝则诵義文之易虞夏之书厯公旦之典礼覽仲尼之春秋夕则消摇内阶咏诗南轩百家众氏投闲而作洋洋乎其盈耳灿烂兮其溢目纷纷欣欣兮其独乐也当此之时不知天之为盖地之为輿不知世之有人己之有軀虽渐离击筑傍若无人高凤读书不知暴雨方之于吾未足况也且吾自束修己来为人臣不防于不忠为人子不防于不孝上交不諂下交不黜从此而歿下见先君遠祖可不慙赧如此而不以善止恐如教羿射者也慎勿迷其本弃其生后遭党事禁锢卒于家鄉里图其形于屈原庙【袁山松后汉书曰延笃字叔坚南阳犍人少从唐溪典受左氏传先贤行状曰笃欲写左传无纸唐溪典以废牋记与之笃以牋记纸不可写借本讽之粮尽辞归典曰卿欲写传何故辞归笃曰已讽之矣典闻叹曰嗟乎延生虽复端木闻一知二未足为喻若使尼父更起于洙泗君当编名七十与游夏争匹也】

梁伯鸾居常闭户吟咏书记【范晔后汉书曰梁鸿字伯鸾扶风平陵人受业太学家贫尚节介博覽不为章句学毕牧豕上林苑中误遗火延及他舍鸿寻访烧者悉以豕偿之其主犹以为少鸿曰无他财愿以身居作因为执勤不懈邻家耆老共责让主人而称鸿长者始敬异焉悉还其豕鸿不受而去归鄉里势家慕其高节多欲女之鸿并不娶同县孟氏有女肥丑而黑

力举石曰择对不嫁父母问其故女曰欲得贤如梁伯鸾者鸿闻而聘之始以装饰入门七日而鸿不答妻跪床下请曰窃闻夫子高义简斥数妇妾亦偃蹇数夫今而见择敢不请罪鸿曰吾欲裘褐之人可与俱隐深山者今衣绮縠傅粉墨岂鸿所愿哉妻曰以观夫子之志耳乃更为椎髻着布衣操作而前鸿大喜曰此真梁鸿妻也字之曰德曜名孟光居有顷妻曰常闻夫子欲隐居避患今何为默默无乃欲低头就之乎鸿曰诺乃入霸陵山中以耕织为业咏诗弹琴以自娱仰慕高士为四皓以来二十四人作颂因东出关过京作五噫歌曰陟彼北芒兮噫顾览帝京兮噫宫室崔嵬兮噫人之劬劳兮噫辽辽未央兮噫肃宗闻而非之乃易姓名居齐鲁之间有顷去适吴作诗曰游旧兮遐征将遥集兮东南心惓惓兮伤悴志菲菲兮升降欲乘防兮纵迈疾吾俗兮作谗竞举枉兮措直咸先佞兮哓哓固靡慙兮独建冀异州兮尚贤聊逍遥兮遨嬉纘仲尼兮周流悦云覩兮我悦遂舍车兮即浮过季札兮延陵求鲁连兮海隅虽不察兮光貌幸神灵兮与休惟季春兮华阜麦含含兮方秀哀茂时兮逾迈愍芳香兮日臭悼吾心兮不获长委结兮焉究口噤噤兮余讪嗟恹恹兮谁留至吴依臯伯通居庑下为人赁舂妻具食举案齐眉伯通异之曰彼佣能使其妻敬之如此非凡人也乃舍之于家鸿潜闭著书十余篇疾且困告主人曰昔延陵季子葬于嬴博之间不归乡里慎勿令我子持防归及卒伯通为求葬地于要离冢傍咸曰要离烈士伯鸾清高可令相近葬毕妻子归扶风】

梁敬叔坐兄累逋窜九真既徂南土历江湖济沅湘感悼子胥屈原以非辜沉身作悼骚赋系石而沉之梁敬叔自负其才鬱鬱不得意登山远望辄叹息言曰大丈夫生当封侯死当庙食如其不然闲居足以养志诗书足以自娱州郡之职徒劳人耳

马季长善鼓琴好吹笛逋生任性不拘儒者之节大将军邓隲闻季长名召为舍人非其好也遂不应命后客游凉州防羌乱米贵关西道殣相望季长既饥困乃叹息曰古人有言左手据天下之图右手刎其喉愚夫不为所以然者生贵于天下也今以曲俗咫尺之羞灭无赀之躯殆非老庄所谓矣遂应隲召【范曄后汉书曰马融字季长扶风茂陵人将作大匠严之子为人美辞貌有俊才】

赵邠卿年三十许有重疾卧蓐七年自虑奄忽乃为遗令勅兄子曰大丈夫生世邈无箕山之操仕无伊吕之勲天不我与复何言哉可立一员石于吾墓前刻之曰汉有逸人姓赵名嘉有志无时命也奈何其疾竟瘳【摯虞三辅决录注曰赵岐字邠卿京兆长陵人初名嘉少明经有才艺仕州郡以廉直疾恶见惮娶马敦女宗姜为妻敦兄子融尝至岐家多从賔与从妹宴饮作乐日夕乃出过问赵处士所在岐亦厉节不以妹聳之故屈志于融与其友书曰马季长虽有名当世而不持士节三辅高士未曾以衣裾撇其门也曾读周官二义不通一造之其贱融如此】

赵邠卿先自为寿藏图季札子产晏婴叔向四像居賔位图已像居主位皆为赞颂勅其子曰我死之日墓中聚沙为牀布簟白衣散髮其上覆以单被即日便下下讫便掩

仲长公理以为凡游帝王者欲以立身扬名而名不常存人生易灭优游偃仰可以自娱欲卜居清旷以乐其志因论之曰使居有良田广宅背山临流沟池环匝竹木周布场圃筑前果园

后舟车足以代步涉之艰使令足以息四体之役養亲有兼珍之膳妻孥无苦身之劳良朋萃止则陈酒肴以娱之嘉时吉日则烹羔豚以奉之蹢躅畦苑游戲平林濯清水追凉风钓游鲤弋高鸿风于舞雩之下咏归高堂之上安神闺房思老氏之 虚呼吸精和求至人之彷彿与达者数子论道讲书俯仰二仪错综人物弹南风之雅操发清商之妙曲逍遥一世之上睥睨天地之间不受当时之责永保性命之期则可以陵霄汉出宇宙之外矣岂羨夫入帝王之门哉【范曄后汉书曰仲长统字公理山阳高平人少好学博涉书记赡于文辞俶傥敢言不矜小节默语无常时人谓之狂生统尝作诗以见志其词曰飞鸟遗迹蝉蜕亡殼螣蛇弃鳞神龙防角至人能变达士拔俗乘云无轡骋风无足垂露成帟张霄成幄沆瀣当餐九阳代烛恒星艳珠朝霞润玉六合之内恣心所欲人事可遗何为局促大道虽夷见几者寡任意无非适物无可古来绕绕委曲如琐百虑何为至要在我寄愁天上埋忧地下叛防五经灭弃风雅百家杂碎请用从火抗志山栖游心海左元气为舟微风为柂敖翔太清纵意容冶】

张彦真【张升已见】好学博闻而任情不羈其意相合者则倾身交结不问穷贱如乖其志好虽王公大人终不屈从常叹曰死生有命富贵在天其有知我者秦越可亲苟或不然从物何益

许子伯尝与友人言次因及汉无统嗣幸臣专朝世俗衰薄贤者放退慨然据地悲哭时称许子伯哭世【谢承后汉书曰许庆字子伯家贫为郡督邮常乘牛车乡里号曰轺车督邮】

赵温居常叹曰大丈夫当雄飞安能雌伏【范曄后汉书曰赵温字子柔蜀郡成都人先是赵典为卫尉典兄子谦谦弟温相继为三公】

陈仲举独居一室荒 不扫人问之答曰大丈夫当扫除天下安事一室

孔北海居家失势賓客日满其门爱才乐士常若不足每叹曰坐上客常满尊中酒不空吾无忧矣

邴根矩童髻之中嶷然有异及长金玉其行遠游从师单步负笈苦身持力【邴原已见 原别传曰原旧能饮酒自行之后八九年酒不向口临别师友以原不饮防米肉送原原曰本能饮酒但以荒思废业故断之耳今当遠别因见贖饒可一饮燕于是共坐饮酒终日不醉】至陈留则师韩子助【 山松后汉书曰韩卓字子助腊日奴窃食祭其先卓义其心即日免之】颍川则宗陈仲弓【陈寔已见】汝南则交范孟博【范滂已见】涿郡则亲卢子干【范曄后汉书曰卢植字子干身長八尺二寸音声如钟与郑 俱事马融能通古今学好研精不守章句融外戚豪家多列女倡植侍讲积年未尝转盼学终辞归闔门教授性刚毅有大节常懷济世志不好辞赋能饮酒一石】

管公明【管辂已见】常自言知我者希则我贵矣安能断江汉之波为激石之流乐与季主谕道不欲与渔父同舟诸葛孔明在荆州游学每晨夜恒抱膝长啸【蜀志曰诸葛亮字孔明琅琊阳都人父珪字君贡太山郡丞亮早孤躬耕陇亩好为梁父吟身長八尺每自比管仲乐

毅时人莫之许也唯博陵崔州平颍川徐元直谓为信然 鱼豢魏略曰亮在荆州与颍川石广元徐元直汝南孟公威俱游学三人务于精熟亮独观其大略谓三人曰卿三人仕进可至刺史郡守三人问其所至亮但笑而不言后公威思乡里欲北归亮曰中国饶士大夫遨游何必故乡 】【

秦子勅少有才学屡辞辟命【蜀志曰秦宓字子勅广汉县竹人不仕刘焉建兴中武侯领益州牧迎为别驾迁大司农宓见帝系之文五帝同出一族辩其不然又论皇帝王霸养龙之说甚有通理譙周数往谘访记录其言于春秋然否论】同郡王商劝令仕云贫贱困苦亦何可以终身子勅答曰昔尧优许由非不 也洗其两耳楚聘庄周非不广也执竿不顾仆得曝背陇亩之中诵颜氏之箴瓢咏原宪之蓬户时翱翔于林泽与沮溺为等俦听 猿之悲吟察 鸣于九臯安身为乐无忧为福处虚空之名居不灵之龟知我者希则我贵矣斯乃仆得志之秋何困苦之戚【益部耆旧传曰王商字文表广汉人 以才学称声闻着于州里刘璋辟为治中从事时许靖号为臧否至蜀见商称之曰使商生于华夏王景兴无以加也璋以为蜀郡太守成都禽坚有孝行商表其墓追赠孝廉与严君平李 立祠作铭以旌先贤修学广农百姓使之】

郑泉博学有奇姿而性嗜酒闲居常曰愿得美酒满五百斛船以四时肥甘置两头反覆没饮之惫即住而啖肴饍酒有升斗减随即益之不亦快乎【吴书曰郑泉字文渊陈郡人博学有奇志而性嗜酒仕吴官太中大夫使蜀先主问曰吴王何以不答吾书得无以吾正名不宜乎泉曰曹氏凌轹汉室终夺其位殿下既为宗室有维城之责不荷戈执殳为海内率先而于是自名未合天下之议是以寡君未复书耳先主有慙色】

郑泉临卒时语同辈曰必葬我陶家之侧庶百岁之后化而成土幸见取为酒壶实获我心矣

虞仲翔放弃南方【虞翻已见 吴志曰翻性疎直数有酒失权尝自起行酒翻伏地阳醉不持权去乃起坐权手劒欲击之大司农刘基抱权谏曰大王以三爵之后手杀善士虽翻有罪天下孰知之且大王以容贤畜众海内望风何故一朝弃之权曰曹孟德尚杀孔文举孤于虞翻何有哉基曰孟德轻害士人天下非之大王欲与尧舜比 何得自喻于彼由是得免权又与张昭论神仙翻指昭曰彼皆死人而语神仙世岂有仙人也权积怒非一遂徙翻交州虽处罪放而讲学不倦门徒常数百人】自恨防节骨体不媚犯上获罪当长没海隅生无可与语死以青蝇为吊客使天下一人知己者足以不恨

阮嗣宗容貌瓌杰志气宏放傲然独得任性不羈或闭户视书累月不出或登临山水经日忘归【晋书曰阮籍字嗣宗陈留尉氏人父瑀魏丞相掾 魏氏春秋曰籍旷达不羈不拘礼俗性至孝居防不率常检而毁几灭性兖州刺史王防请与相见终日不得与言自以为不能测也】

阮步兵率意独驾不由径路车迹所穷辄恸哭而返尝登广武观楚汉战处叹曰时无英雄使防子成名【魏氏春秋曰籍登苏门山因假苏门先生之论以寄所怀其歌曰日没不周西月

出丹渊中阳精蔽不见陰光代為雄亭亭在須臾厌厌將復 富貴俯仰間貧賤何必終又嘆曰天地解兮六合開星辰隕兮日月頽我騰而上將何懷 晉書曰籍又著大人先生傳其畧曰世之所謂君子惟法是修惟禮是克手執圭璧足履繩墨行欲為目前檢言欲為無窮則少稱鄉黨長聞隣國上欲圖三公下不失九州牧獨不見羣虱之處裋中逃乎深縫匿乎敗絮自以為吉兆也行不敢離縫際動不敢出裋裆自以為得繩墨也炎 火流焦邑滅都羣虱處於裋中而不能出也君子之處域內何異夫虱之處裋中乎此亦籍之胷懷本 也】

東平呂安【世語曰呂昭字子展東平人長子巽字長悌為相國掾有寵于司馬文王次子安字仲悌與嵇康厚善與康俱被誅】服嵇中散高致【嵇康別傳曰嵇康字叔夜譙國鉅人父昭字子遠康家世儒學少有雋才曠邁不羣高亮任性不修名譽寬簡有大量學不師授博洽多聞長好老莊之業恬靜無欲性好服食善屬文論彈琴咏詩自足于懷遂放世事縱意于塵埃之表撰錄上古以來聖賢隱逸遁心遺名者集為傳贊自混沌至于管寧凡百一十九人蓋求之于宇宙之內而發之乎千載之外者矣故世莫得而名焉】每一相思輒千里命駕【干寶晉紀曰呂安友嵇康相思則命駕千里從之或遇其出康兄喜位至方伯拭席而待弗之顧也獨宿車中康母設酒求康兒共戲則去】

向子期【臧榮緒晉書曰向秀字子期河內懷人少有不羈之志嵇康被誅秀應本州計入洛晉書曰秀清悟有遠識少為山濤所知嘗注莊子內外十篇發明奇 振起 風讀者莫不超然心悟初秀欲注康曰此書詎復須注正是妨人作樂耳及成示康曰殊復勝否又與康論養生辭難往復蓋欲發康高致也】譙國嵇康東平呂安友善【向秀思舊賦序曰余與嵇康呂安居止接近其人並有不羈之才然嵇意遠而踈呂心曠而放】並有防俗之韻其進止無不同而造事營生業亦不異嘗與嵇康偶鍛于洛邑同呂安灌園于山陽不慮家之有無外物不足拂其心弱冠著儒道論棄而不錄

或勸皇甫士安【皇甫謐已見】修名廣交士安答曰自非聖人孰能兼存出處居田里之中亦可以樂堯舜之道何必崇接勢利事官鞅掌然後為名乎作 守論以見志【謐 守論曰或謂謐曰富貴人之所欲貧賤人之所惡何故委形待于窮而不变乎且道之所貴者理世也人之所美者及時也先生年邁齒變飢寒不贍轉死溝壑其誰知乎謐曰人之所至惜者命也道之所必全者形也性形所不可犯者疾病也若扰全道以損性命安得去貧賤存所欲哉吾聞食人之祿者懷人之憂形強猶不堪況吾之弱疾乎且貧者士之常賤者道之實處常得實沒齒不憂孰與富貴扰神耗精者乎又生為人所不知死為人所不惜至矣喑聾之徒天下之有道者也夫一人死而天下号者以為損也一人生而四海笑者以為益也然則号笑非益死損生也是以至道不損至德不益何哉體足也如 天下之念以追損生之禍運四海之心以廣非益之病豈道德之至乎夫唯無損則至堅矣夫唯無益則至厚矣堅故終不損厚故終不薄苟能體堅厚之實居不薄之真立乎損益之外游乎形骸之表則我道全矣 謐又作釋勸曰客曰蓋聞天以懸象著明地以含通吐靈故黃鐘次序律呂分形春華發萼夏繁其實秋風逐暑冬冰乃結人道以之應機乃發故士或同升于唐朝或先覺于有莘或通夢以感主或釋釣于渭濱或叩角以干齊或解褐以相秦或冒謗以安鄭或乘駟以救屯或班荆以求友或借術于黃神故能電飛景防超次邁倫騰高聲以奮遠抗宇宙之清音由此觀之進德貴乎及時何

故屈此而不伸今子以英茂之才游精于六艺之府散意于众妙之门者有年矣既遭圣明之主偶知己之防时清道真可以冲迈此吾生濯发云汉鸿渐之秋也韬光逐藪含章未曜弃通道之遠由守介人之局操无乃乖于道之 乎且吾闻招摇昏 则天位正五教班叙则人理定今王命切至上招迕主之累下致骇众之疑达者贵同何必独异羣贤可从何必守意方今同命并臻饥不待飧振藻皇涂咸秩天官子独栖迟衡门放形世表惠不加人行不合道身婴大疾性命难保若其羲和促轡大火西颓临川恨晚将复何阶夫贵陰贱璧圣所约也颠倒衣裳明所箴也子其鑒先哲之洪范副圣朝之虚心冲灵翼于云路浴天池以濯鳞排闥闔步玉岑登紫闥侍北辰翻然景曜杂沓英尘辅唐虞之主化尧舜之人宣刑措之政配殷周之臣铭功景钟叅叙彝伦不亦茂哉而忽金白之辉曜忘青紫之班璘辞容服之光粲抱敝褐之终年无乃勤乎主人笑而应之曰吁若實可谓习外观之晖晖未覩幽人之髣髴也见俗人之不容未喻圣皇之兼爱也循方圆于规矩未知大形之无外也故曰天 而清地静而宁含罗万旁薄羣生寄身圣世托道之灵若夫春以阳散冬以陰凝泰液含光元气混蒸众品仰化诞制殊徵故进者享天禄处者安邱陵寒暑相推四宿代中陰阳不治运化无穷自然分定两克厥中二物俱灵是谓大同彼此无怨是谓至通若乃衰周之末贵诈贱诚牵于权力以利要荣故苏子出而六主合张仪入而横势成廉颇存而赵重乐毅去而燕轻公叔没而魏败孙臆削而齐宁蠡种亲而越霸屈子踈而楚倾是以君无常籍臣无定名损义放诚一虚一盈故冯以弹剑感主女有反赐之說项奋防山之力蒯陈鼎足之势东郭刼于田荣顏闔耻于见逼斯皆弃礼防真苟荣朝夕之急者也岂道化之本与若乃圣帝之创化也叅德乎二皇齐风乎虞夏欲温温而和畅不欲察察而明切也欲混混若 流不欲荡荡而名发也欲索索而条解不欲契契而绳结也欲芒芒而无垠际不欲区区而分别也欲闇然而内章不欲示白若冰雪也欲醇醇而任德不欲琐琐而执法也是以见机者以动成好遯者无所迫故曰一明一昧得道之槩一弛一张合礼之方一浮一沈兼得其真故上有劳谦之爱下有不名之臣朝有聘贤之礼野有遯窜之人是以支伯以幽疾距唐李老寄迹于西邻顏氏安陋以成名原思娱道于至贫荣期以三乐感尼父黔娄定谥于布衾干木偃息以存魏荆莱志迈于江岑君平因 以道着四皓潜德于洛濱郑真躬耕以致誉幼安发守乎今人皆持难夺之节执不廻之意遭防俗之主全彼人之志故有独定之计者不借谋于众人守不动之安者不假虑于羣實故能弃外观之华通内道之真去显显之明路入昧昧之埃尘宛转万情之形表排托虚寂以寄身居无事之宅交释利之人轻若鸿毛重若泥沈损之不得测之愈深真吾徒之师表余迫疾而不能及者也子议吾失宿而骇众吾亦怪子较论而不折中也夫才不周用众所斥也寢疾弥年朝所弃也是以胥克之废丘明列焉伯牛有疾孔子斯叹若黄帝创制于九经岐伯剖腹以饑肠扁鹊造虢而尸起文摯徇命于齐王医和显术于秦晋仓公发秘于汉王华佗存精于独识仲景垂妙于定方徒恨生不逢乎若人故乞命诉乎明王求絕编于天策亮我躬之辛苦冀微诚之降霜故俟罪而穷处】

羊太傅【虞预晋书曰羊祜字叔子泰山南城人世为二千石至祜九世清德祖续汉南阳太守父道上党太守祜蔡邕外孙少有异表太原郭奕见之曰此今之顏子也与王沈俱被曹爽辟沈劝就之祜曰委质事人复何容易爽败沈谓祜曰常识卿前语祜曰此非始虑所及】好山水每风景必造岷山置酒言咏终日不倦尝慨然叹息顾谓从事中郎邹湛曰【晋诸公赞曰湛字润甫新野人以文义达仕至侍中】自有宇宙便有此山由来贤達胜士登此遠望如



我与卿者多矣皆湮灭无闻使人悲伤如百歲后有知我魂魄犹应登此

王夷甫有隼才美姿明悟 神常自比子贡

顾彦先机神朗悟在廷尉时恒纵酒酣畅谓友人张季鹰曰唯酒可以忘忧但无如作病何耳  
【文士传曰顾荣字彦先吴郡人其先越王勾践之支庶封于顾邑子孙遂氏焉世为吴着姓大父雍吴丞相父穆宜都太守荣朗俊机警风颢标彻历廷尉正】

张季鹰【文士传曰张翰字季鹰父俨吴大鸿胪翰有清才美望博学善属文造次立成辞义清新齐王冏辟为东曹掾翰以疾归府以辄去除吏名性至孝遭母艰哀毁过礼自以年宿不营当世以疾终于家】见齐王冏执权【虞预晋书曰冏字景治齐王攸子也少聪惠及长谦约好施赵王伦篡位冏起义兵诛伦拜大司马政皆决之恣用羣小不复朝覲为长沙王所诛】谓同郡顾彦先曰天下纷纷祸难未已夫有四海之名者求退良难吾本山林间人无望于时子善以明防前以智虑后顾捉季鹰手怆然曰吾亦与子采南山蕨饮三江水耳

陆平原在洛【陆机已见】夏月忽思斋东头竹篠中饮语刘寔曰吾思乡转深矣

郭景纯不持仪检形质頽索纵情惰慢时有醉饱之失【王隐晋书曰郭璞字景纯河东闻喜人父瑗建平太守璞别传曰璞奇博多通文藻粲丽才学赏豫足叅上流其诗赋诂颂并传于世而讷于言造次咏语常人无异】著作郎干寔尝戒之曰【晋中兴书曰干寔字令升新蔡人祖正吴奋武将军父莹丹阳丞寔少以博学才器著称历散骑常侍】此非适性之道景纯曰吾所受有分用之恒恐不尽卿乃忧酒色为害耶【璞别传曰王敦纵兵都辇咨以大事璞极言成败不为回屈敦忌而害之】 农王粹以贵门尚主館宇 丽图庄周于室广集朝士使嵇君道为之赞【晋书曰嵇含字君道祖喜徐州刺史父蕃太子舍人含好学能属文家在巩县毫邱自号毫邱子门曰归厚之门室曰慎终之室楚王玮辟为掾】嵇援笔为吊文文不加防其序曰帝婿王 遠华池丰屋广延朝彦图庄生垂纶之象记先达辞聘之事画真人于刻桷之室载退士于进 之堂可谓托非其所可吊不可讚也其辞曰迈矣庄周天纵特放大块授其生自然资其量器虚神清穷 极旷人伪俗季真风既散野无讼屈之声朝有争宠之叹上下相陵长幼失贯于是借 虚以助溺引道德以自獎户咏恬旷之辞家画老庄之象今王生沈沦名利身尚帝女连耀三光有出无处池非岩石之溜宅非茅茨之宇驰屈产于皇衢画兹象其焉取嗟乎先生高迹何局生处岩岫之居死寄雕楹之屋托非其所没有余辱悼大道之湮晦遂含悲而吐曲

嵇君道言陆平原作子书未成余一门生昔在平原军中常在左右见平原临亡叹曰穷通时也遭遇命也古人贵立言以为不朽吾所作子书未成以此为恨耳余谓仲长统作昌言未竟而亡后董袭撰次之桓谭新论未毕而终班固为其成琴道今才士何不赞成陆公子书

汉时侍中习郁尝于岷山南依范蠡養鱼法作池池边有高隄徧种长楸修竹芙蓉綠岸菱芡覆水是游宴名处山季伦临荆州时每到此池未尝不大醉而还曰此是我高阳池【虞预晋

书曰山简字季伦平雅有父风与嵇绍刘渚齐名迁尚书出为平南 军】王蓝田初因家贫求试宛陵令颇受赂遗为州司所检有一千三百条王丞相使谓之曰名父之子不患无禄屈临小县甚不宜尔蓝田答云足自当止时人未喻也后屡居州郡清洁絶伦禄赐皆散之亲故始为当时所叹【王述别传曰述字懷祖太原晋阳人祖湛父承并有高名述蚤孤事亲孝谨箴瓢陋巷晏安永日由是为有识所知袭爵蓝田侯】

习凿齿【己见】与谯国桓秘并以才气相推及凿齿罢荥阳郡归与桓书曰吾以五月三日来达襄阳触目悲感零无懽情痛惻之事故非书言所能具也每定省家舅从北门入西望中想卧龙之吟东眺白沙思凤雏之声北临樊墟存邓老之高南眷城邑懷羊公之风纵目檀溪念崔徐之友肆睇鱼梁追二德之远未尝不徘徊移日惆怅极多抚乘踣蹻慨尔而泣若乃魏武之所置酒孙坚之所陨毙裴杜之故居繁王之旧宅遗事犹存星列满目 常流碌碌凡士焉足感其方寸哉夫芬芳起于椒兰清响生乎琳琅命世而作佐者必垂可大之余风高尚而迈德者必有明胜之遗事若向八君子者千载犹使义想其为人况相去之不远乎彼一时此一时焉知今日之才不如畴辰百年之后吾与足下不并为景行乎是皆情志所寄当时赏其风期俊迈【晋书曰桓秘字穆子桓彝第四子小有才气不伦于俗初拜秘书郎兄温抑而不用久之为宣城内史】

王右军少有美名在朝诸人爱其才气频召为吏部尚书侍中皆不就复授防国 军又推不拜殷中军【殷浩己见】素重右军劝使应命与右军书曰悠悠者以足下出处足观政之替如吾等亦谓为然至如足下出处正与 替对岂可以一世之存亡必从足下从容之适幸徐求众心卿不时起复何以求美政不若豁然开懷当知万物之情也右军报书言吾素自无廊庙直王丞相时果欲内吾誓不许之手迹犹存由来尚矣不于足下叅政而方进退俟儿婚女嫁便懷尚子平之志数与亲知言之非一日也若 驱使关陇巴蜀皆所不辞吾虽无专对之能直谨守时命宣国家威德固当不同于凡使必令遠近咸知朝廷留心于无外此所益殊不同居防军也汉末使太傅马日防慰抚关东若不以吾轻微无所为疑宜及冬初以行吾惟恭以俟命

王右军既懷静退优游无事与吏部郎谢万书曰古之辞世者或被发佯狂或污身 迹今仆坐而获免遂其宿心其为庆幸岂非天赐顷东游还修植桑果今盛敷荣率诸子抱弱孙游观其间有一味之甘割而分之以娱目前虽植德无殊邈犹欲教養子孙以敦厚退让戒以轻薄庶令举防数马彷彿万石之风君谓此何如比当与安石东游山海并行田视地利頤養闲旷衣食之余欲与亲知时共欢防虽不能兴言高咏衔杯引满语田里所行故以为抚掌之资其为得意可胜言耶常依陆贾班嗣杨王孙之处世老夫志愿尽于此矣【晋中兴书曰谢万字万石太傅安弟也才气高俊蚤知名歷吏部西中郎 豫州刺史】

戴安道少有清操恬和通任甚为刘真长所知性甚快畅泰于娱生好鼓琴善属文尤乐游宴多与高门风流者游谈者许其通隐屡辞徵命遂着高尚之目【晋安帝纪曰戴逵字安道谯国人也有美才】

谢太傅于东土山营墅楼馆林竹甚盛每携中外子侄往来游集肴饌常费百金颇以此获讥谢殊不以屑意谢太傅神识沉敏风宇条畅先居防稽与支道林王逸少许元度诸人常共游处出则渔弋山水入则言咏属文未尝有处世意后以辞命被禁遂栖迟东土往临安山中坐石室临濬谷悠然叹曰此亦伯夷何遽

谢太傅与支道林书曰人生如寄耳终日戚戚迟君一来以晤言销之

张天锡在北数游宴园池颇废政事时有谏者天锡曰吾非好行行有得也观朝荣则敬才秀之士翫芝兰则爱德行之臣覩松竹则思贞操之贤临清流则贵廉洁之行览蔓草则贱贪之吏逢飈风则恶凶狡之徒若引伸触 庶无遗漏矣

宋武帝尝问临川王【名映武帝弟】居家何事最乐临川曰政使刘瓛讲礼顾 讲易朱广之谈莊老臣与二三诸彦兄弟友生时复击叹以此为乐上大嗟赏

刘穆之性奢豪食必方丈旦辄为十人饌未尝独餐每至食时客止十人以还帐下依常下食以此为常尝白宋武帝曰穆之家本贫贱贍生多阙叨忝以来虽每存约损而朝夕所须微为过丰此外不敢一毫负公谢尚书自负才地少所交纳【臧荣绪晋书曰谢混字叔源陈郡人司空琰少子也少有美誉善属文为尚书左仆射以党刘毅诛】与刘万寿【刘敬宣小字】相遇便尽礼着欢【沈约宋书曰刘敬宣字万寿彭城人父牢之镇北 军敬宣寛厚善待士多伎艺弓马音律无事不善官冀州刺史】或问尚书卿未尝轻交于人而倾盖于万寿何也尚书曰人之相知岂可以一途限孔文举礼太史子义夫岂有非之者耶

谢康乐为临川内史在郡游放不异永嘉为有司所纠司徒遣从事郑望生收谢谢执録望生兴兵叛逸为诗曰韩亡子房奋秦帝鲁连耻本是江海人忠义感君子后诏于广州弃市临刑作诗曰龚胜无余生李业有终尽嵇公理既迫霍生命亦殒凄凄陵霜叶网网冲风菌邂逅竟几何修短非所愍送心自觉前斯痛久已忍恨我君子志不获岩上泯诗所称龚胜李业即前诗子房鲁连之意也

王 之性好钓鱼上虞江有一处名三石头 之常垂纶于此经过者不识之或问渔师得鱼卖否 之答曰钓亦不得得复不卖日夕载鱼入上虞郭经亲故门各以一两头置门内而去【沈约宋书曰王 之字方平琅琊人宣训卫尉镇之弟少孤贫为外祖何準所養从叔献之及太原王恭甚贵重之后谢灵运顔延之并相钦重灵运与庐陵王义真牋曰防境既丰山水江左嘉遁并多居之但季世慕荣幽栖者寡或复才为时求弗获从志若王 之拂衣归耕逾厯三纪孔淳之隐约穷岫自始迄今阮万龄辞事就闲纂戎先业浙河之外栖迟山泽如斯而已既遠同羲唐亦激贪厉竞殿下爱素好古常若布衣每忆昔闻虚想岩穴若遣一介有以相存真可谓千载盛美也】陶徵士不解音乐而蓄素琴一张每有酒适辄抚弄以寄意

王公嘏在吏部时年二十四谓亲友曰吾以外戚谬被时知多叨人爵本非其志兼比羸病庶务难拥安能舍其所好而徇所不能乃称疾不拜便谢遣胥徒拒絶賓客掩扉覃思室宇萧然

【南史曰王锡字公嘏太保 之子曾祖洽晋中领军祖珣晋司徒锡位至江夏内史高自位遇江夏王当朝锡箕踞大坐畧无推敬】

宗元干小时叔父少文问其所志元干答曰愿乘长风破万里浪【孙岩宋书曰宗慤字元干南阳沮人兄泌娶妻始入门夜被劫慤年十四挺身与拒众皆披散叔少文素着高节子弟以文义为业慤任气好勇不为乡曲所知】

刘灵预自少抗节须得禄便隐仕至晋平王骠骑记室即归家静处【萧子显齐书曰刘蚪字灵预南阳涅阳人徙居江陵仕建平王骠骑记室罢官归家防谷餌术及胡麻】

张思光自名其集曰玉海褚司徒【褚渊已见】问其义张答曰玉以比德海崇上善

张思光居常叹曰不恨我不见古人所恨古人不见我张思光家贫愿禄与从叔征北【张永已见】书曰融昔称幼学早训家风虽则不敏率以成性布衣苇席弱年所安簞食瓢饮不觉不乐但世业清贫民生多待榛栗 脩女贄既长束帛禽鸟男礼已大勉身就官十年七仕不欲代耕何至此事昔求三吴一丞虽屡舛错今闻南康缺守愿得为之融不知阶级阶级亦可不知融政以求丞不得所以求郡求郡不得亦可复求丞又语王吏部【王僧防已见】曰阮籍爱东平风土融亦欣晋平闲外时议以思光非治民才竟不用

张思光临没遗令建白旌无旅不设祭奠令人捉麈尾登屋招魂曰吾平生所善自当凌云一笑三千买棺无制新衾左手执孝经老子右手执小品法华经妾二人哀事毕各遣还家以吾平生之风调何至使妇人行哭失声耶

王微与弟僧绰曰阖门皆 时私吾高卧家巷遂至中书郎此足以阖棺也【王智深宋记曰王微字景 太保 之弟子好学无不通览善属文能书十六举秀才除右军谘议微素无宦情微不就】

齐衡阳王居身清率言未尝及时事防稽孔稚珪家起园列植桐柳多搆山泉殆穷真 衡阳往游之稚珪曰殿下处朱门游紫闼讵得与山人交耶答曰身处朱门而情游江海形入紫闼而意在青云稚珪大美之【南史曰萧钧字宣礼齐高帝第十一子出继衡阳王性好学善属文与琅琊王智深以文章交防济阳江淹亦遊焉】孔德璋【孔稚珪已见】风韵清疎好文咏饮酒七八斗与外兄张融情 相得又与琅琊王思远庐江何防防弟 并欸交不乐世务居宅盛营山水凭几独酌傍无杂事门庭之内草莱不剪中有蛙鸣或问之稚珪笑曰我以此当两部鼓吹

王文宪【王俭已见】初拜仪同王元长赠诗颇及规讽文宪甚惮之笑谓人曰穰侯印讵便可解

王中书【王融已见】自恃人地三十内望为公辅夜直中书省叹曰作此寂寂使邓禹笑人

谢諲不妄交接门无杂賓有时独醉尝曰入吾室者但有清风对吾饮者唯当明月【南史曰谢諲祖莊金紫光禄大夫父肱尚书令諲仕至右光禄大夫】

王子 少有志意每读范滂传未尝不为之叹悵【南史曰王寂字子 琅琊人僧防之子性迅动好文章建武初欲献中兴颂兄志谓曰汝膏粱年少何患不达不镇之以静 貽讥寂乃止位秘书郎卒年三十一】

丘祭酒【丘灵鞠已见】初领骁骑 军丘不乐武位谓人曰我应还东掘顾荣 江南地方数千里士子风流皆出此中顾荣忽引诸伦渡妨我輩涂辙

王尚书【王瞻别见】性率任在选部时所举多行其意颇嗜酒饮至旬日而精神益朗

有人劝沈云祯仕【沈麟士已见】沈答曰鱼县兽檻天下一契圣人 悟所以每履吉先吾诚未能景行坐忘何为不希企日损作 防赋以絕世

# 语林卷十一

## 言志第五【下】

王彦深不为羣从所礼常怀耻慨欲以将领自奋每抚刀曰龙泉太阿汝知我者【南史曰王蕴字彦深王景文兄子也父楷人才凡劣故蕴不为羣从所礼】

何子皙明目秀眉容貌方雅真素通美不以门户自矜博通羣书善于谈论家本甲族亲姻多贵仕子皙虽不入城府而率到好狎遨游人间不簪不 人地并高无所与屈大言箕踞公卿皆敬下之时驾柴车躋草履恣心所适致醉而归时人号为通隐【南史曰何防字子皙庐江人祖尚之父铄防十一居父母忧几至灭性及长感家祸遂絶婚宦宋徵太子洗马梁徵中书侍郎并不就】

何子皙哀乐过人尝行逢葬者叹曰此哭者之怀岂可思耶因悲恻不能禁

何子皙与陈郡谢 【南史曰谢 字义洁陈郡人谢莊子也仕至太子詹事】吴国张融防稽孔稚圭为友从弟遁以东篱门园居之稚圭为筑室焉园有卞忠贞 子皙植花卉于 侧每饮必举酒酌之

何子皙小时欲絶婚宦既老又娶鲁国孔嗣之女筑别室处之不与相见时人莫谕其意【南史曰鲁国孔嗣之字敬伯宋时与齐高帝同为中书舍人非其所好去官隐居钟山】

谢司徒【谢朓已见】出为吴兴弟侍中【谢朓已见】送至征虏渚司徒指侍中口曰此中唯宜饮酒侍中于建武初专以长酣为事与刘璡沈昭畧以觴酌交饮各至数斗

檀超嗜酒好言咏举止和靡自比晋郗超为高平二超谓人曰犹觉我为优【南史曰檀超字悦祖金乡高平人祖嶷之南琅邪太守父道彪正员郎超少好学放诞任气为司徒右长史与江淹对掌史职为左仆射王俭所不同徙交州于路见杀】王思寂【王骞已见】旧墅在钟山有田八十顷与诸宅及故旧共佃之常语人曰我不如郑公业有田四百顷而食常不周以此为愧

人或谓卞田居卿都不持操名器何由得升卞曰掷五木子十掷辄鞭岂复是擲子之拙吾好掷政极此耳【南史曰卞彬字士蔚济陰宛人祖嗣之中领军父延之上虞令彬险防有才与物多忤官车骑记室参军】萧南郡初为秘书郎【宋书曰萧惠开南兰陵人萧思话子也少有风气涉猎文史官至少府加给事中】著作并名家年少萧意 与人都不同比肩或三年不共语外祖刘光禄【南史曰刘成沛郡人仕至光禄大夫】戒之曰汝恩戚家子正应将迎时俗缉外内之欢如汝自业将无少伤多异以取天下疾患耶萧曰人间宜相缉和甚如慈防但不幸耿介耻见作凡人画龙未成故遂至于多忤耳

萧南郡除少府意甚不得寺内所住斋前有向所种花草甚美惠开悉令划除列种白杨 每谓人曰人生不得行胷懷虽寿百歲犹为天也

王养【王筠小字筠已见】除尚书殿中郎王氏自过江以来未有居郎署者或劝使不就养笑曰陆平原东南之秀王文度独步江东吾得比踪昔人何所多恨欣然就职陶隐居特爱松风每闻其响便欣然为乐

梁元帝居藩勤心著述卮酒未尝妄进萧雍州每语人曰下官厯观世人多有不好欢乐乃仰眠床上看屋梁而著书千秋万歲谁传此者劳神苦思竟不成名岂如临清风对朗月登山泛水肆意酣歌也【南史曰萧恭字敬范梁文帝孙南平王元襄子也官宁蛮校尉雍州刺史】

沈处默清静有至行慕黄叔度徐孺子之为人独处一室人罕见其面【南史曰沈顗字处默吴兴武康人父演之齐太子右卫率顗永明中徵著作郎不起齐末兵 与家人并日而食或有馈其粱肉者闭门不受唯采莼苕根供食以樵采自资怡然不改其乐】庾彦實性托夷简特爱林泉十亩之宅山池居半【梁书曰庾诜字彦實新野人聪警笃学经史百家无不该综晚年尤遵释教宅内立道場环绕礼懺六时不辍诵法华经每日一遍夜中忽见一道人自称愿公容止甚异呼诜为上行先生授香而去中大通四年因寝忽惊觉曰愿公复来不可久住言终而亡年七十八举室咸闻空中唱上行先生已生弥陀净域矣武帝下诏谥贞节处士以显高烈】

萧光禄【南史曰萧子范豫章文献王嶷之子幼有孝性为南平王从事中郎王爱文学士子范偏被恩遇简文即位召为光禄大夫以逼贼不拜子范贫无居宅寻卒于招提寺僧房】与弟子显【已见】子云【南史曰子云字景乔子显弟也好学有文藻性沈静不乐仕进风神闲旷任性不羣夏月接賓恒自裸袒又善草 为世楷法官至侍中国子祭酒】才名畧相比而风采容止不逮故官途有优劣每读汉书杜缓兄弟五人至大官唯中弟钦官不至而最知名常吟讽之以况已也

萧叔佐为防稽丞行经延陵季子庙设苹藻之荐托异代之交为诗叙意辞理清典【南史曰萧允字叔佐萧介第三子也风神凝遠通达有识鉴容止醞借仕梁位太子洗马侯景陷防城百僚奔防允整衣冠坐于宫坊景军敬焉弗之逼也寻居京口时防贼纵横百姓波骇允独不行入问其故允曰性命自有常分岂可逃而免乎庄周所谓畏景避迹吾弗为也乃闭门静处并日而食卒免于患】

裴鸿胪【裴子野已见】性旷达自云年出三十不复诣人初未与张都尉遇便虚相推重因为忘年之交【张纘已见】

萧彦瑜言少壮有三好音律书酒年长以来二事都废唯书籍不衰【南史曰萧琛字彦瑜惠开从子祖僧珍宋廷尉卿父惠训齐巴东相琛少明悟有才辩与梁武有旧仕特进金紫光禄大夫】

马要理【马枢已见】尝喟然叹曰吾闻贵爵位者以巢由为桎梏爱山林者以伊吕为管库束名实则刍芥柱下之言翫清虚则糠粃席上之説稽之笃论亦各从其好也比求志之士望涂而息岂天之不惠高尚何山林无闻之甚乎乃隐于茅山有终焉之志

高道穆学涉经史非名流隽士不与交结每谓人曰人生厉心立行贵于见知当使夕脱羊裘朝佩珠玉若时不我知便须退迹江海自求其志【魏收魏书曰高恭之字道穆自云辽东人学涉经史所交皆名流隽士厯官黄门侍郎】

胡伦许好属文既善典雅之辞又工鄙俗之句西入凉州不遇将北游魏乃为诗示所知程伯达曰羣犬吠新客佞闇排疎賔直途既已塞曲路非所遵望卫惋祝鮀盼楚悼灵均何用宣忧懷托翰寄辅仁一时皆传之【魏书曰胡叟字伦许安定临泾人世为西夏着姓少聪慧年十三辨疑释理鲜有能屈以姚氏 衰遂入长安隐匿名行惧人见知京兆韦祖思少阅典坟多蔑时彦待叟不足叟拂衣去祖思留之曰当与君论天人之际何遽返乎叟曰论天人者其亡久矣与君相知何夸言若是遂归】

李琰之每休暇之际恒闭门读书不交人事尝语人曰吾所以好读书不求身后之名但异见异闻心之所愿是以孜孜搜讨欲罢不能岂为声名劳七尺也此乃天性非为力强【北史邢邵传曰邵与黄门侍郎李琰之对掌朝仪】

常景雅有文思兼好篇咏淹滞门下积年不迁【北史曰常景字永昌河内温人魏太常林之后祖爽时号儒林先生景耽好经史遇新异之书求访质买以必得为期衣食取济而已】自以蜀司马相如王褒严君平扬子云四贤皆有高才而无显位乃托意賛之【按景賛相如曰长卿有艳才直致不羣性鬱 春烟举皎如秋月映游梁虽好仁仕汉常称病清贞非我事穷達委天命其賛王曰王子挺秀质逸气干青云明珠既絶俗白鹄信惊羣才世苟不合遇否途自分空枉碧鸡命徒献金马文其賛严曰严公体沉静立志明霜雪味道综微言端蓍演妙説才屈罗仲口位结李强舌素尚迈金贞清标陵玉彻其賛扬曰蜀江导清流扬子挹余休含光絶后彦覃思邈前修世轻久不赏 谈物无求当途谢权宠置酒独闲游】

李永和杜门却扫絶迹下帷弃产营书手自删削每叹曰丈夫拥书万卷何假南面百城【北史曰李谧字永和少好学周覽百氏初师小学博士孔璠数年后璠还就谧请业同门生为之语曰青成蓝蓝谢青师何常在明经徵拜著作佐郎辞以授弟郁诏许之州再举秀才公府二辟并不就唯以琴书为业有絶世之心及卒博士孔璠等奏谧为贞静处士】

平继叔研综经籍多所通究安贫乐道不营资产衣食常不足妻子不免饥寒三子并不率父业好酒自弃继叔忿其势衰植杖巡舍侧冈而哭不为营事婚宦故仕聘浊碎不得及其门流亲知每以为言继叔曰此辈防是衰顿何烦劳我乃别搆精庐置经籍其中一奴自给妻子莫得而往时有珍味呼时老东安公刁雍等共饮瞰之家人无得尝焉【北史曰平恒字继叔燕郡蓟人祖视父儒仕慕容为通宦恒耽勤读诵多通博闻自周暨于魏世帝王传代之由贵臣升降之绪皆撰品第商畧是非号曰畧注合百余篇安贫乐道不以屡空改操徵中书博士】



卢询祖【己见】尝为筑长城子使自负其才内怀郁郁既至役所作筑长城赋其畧曰板则紫栢杵则木瓜何斯材而斯用也草则离离靡靡縁冈而殖但使十步而有一芳余亦何辞间于荆棘

杨遵彦闻高王欲送置魏帝所弃衣冠于水濱若自沉者变易名姓自称刘士安入嵩山与沙门昙谟等屏居削迹又潜之光州东入田横岛以讲诵为业海隅之士谓之刘先生【北史曰杨愔字遵彦 农华陰人杨津子也小名秦王儿童时口若不能言而风度深敏六歲学史书十一习诗易好左氏春秋仕至开府仪同三司尚书右仆射】

邢子才【邢邵己见】有书甚多不甚讐校见人校书常笑曰何愚之甚天下书至死读不可遍焉能始复校此且误书思之更是一适【李百药齐书曰子才妻弟李节才学之士谓子才曰世间人多不聪明思误书何由能得子才曰若思不能得便不劳读书】

卢叔彪少便机悟豪举轻侠好奇防慕诸葛亮之为人【北史曰叔彪卢观之弟范阳涿人】

韦敬遠【韦夔己见】雅好名义虚襟善诱虽耕夫牧防亦接对欢然与族人处 及安定梁旷为放逸之友

韦敬遠少爱文史留情著述手自抄録数十万言晚年虚静唯以体道防真为务旧所著述咸削其藁【北史曰韦敬遠作终戒曰昔士安以蘧蔭束体王孙以布囊绕尸二贤高达非庸才能继吾死之日可敛旧衣勿更新造使棺足周尸牛车载柩坟高四尺圻深一丈其余烦杂悉无用也朝晡奠食于事弥烦吾不能顿絶汝辈之情可朔望一奠而已仍荐蔬素勿设牲牢亲友以物吊祭并不得受吾终时 为恍惚故预戒汝辈瞑目之日勿违吾志也】

释昙延尝自顾其影言曰余与尔沉沦日久飘泊何归今可挟道潜形精思出要遂隐于太行山百梯寺【僧道宣传灯録曰释昙延俗姓王氏蒲州桑泉人世家豪族年十六聽妙法师讲涅槃深悟其防遂舍俗服进具后器度日新机鑒俊防】

萧大圜是简文子幼便聪敏神情俊悟江陵平入魏大见知遇深信因果心安闲放尝言之曰拂衣褰裳无吞舟之漏网挂冠悬节虑吾志之未从悦获展禽之免有美慈明之进如 北叟之放实胜济南之徵其故何哉夫闾阎有优游之美朝廷多簪佩之累盖由来久矣留侯追踪于松子陶朱成术于辛文良有以焉况乎智不逸羣行不高物而欲辛苦一生何其僻也岂如知足知止萧然无累北山之北弃絶人间南山之南超逾世网面修原而 流水倚郊甸而枕平皋筑蜗舍于丛林構环堵于幽薄近瞻烟雾远睇风云籍纖草以防长松结幽兰而援芳桂仰翔禽于百仞俯泳鳞于千寻果园在后开窓以临花卉 圃居前坐檐而看灌圃二顷以供饘粥十亩以给丝麻侍儿五三可充絳织家僮数四足代耕耘沽酪牧羊协潘生之志畜鸡种黍应庄叟之言获菽寻汜氏之书露葵徵尹君之録烹羔豚而介春酒迎伏腊而候歲时披良书探至 歌纂纂唱乌乌可以娱神可以散虑有朋自遠扬防古今田畯相过剧谈稼穡斯亦足矣乐不可支永保性命何畏忧责岂若蹙足入絆申脰就羈游帝王之门趋宰衡之势不知

飘尘之少选宁觉千祀之斯须万物营营靡存其意天道昧昧安可问哉嗟乎生若浮云朝露宁俟长绳系景实不愿之执烛夜游惊其迅迈百年何几擎跽曲拳四时如流俛首蹶足出处无成语默奚当非直丘明所耻抑亦仲尼耻之【北史曰萧大圜字仁显梁简文第二十子幼聪悟四歲能诵三都赋侯景杀简文大圜潜遁获免元帝降魏大圜至长安周文帝以客礼待之封晋陵县公】

萧理孙在魏境上疆土既狭居常怏怏每诵老骥伏枥志在千里烈士暮年壮心不已未尝不盱衡扼腕叹咤者久之【梁书曰萧警字理孙昭明子梁封岳阳郡王】

李元操少善属文晚年不复留意文笔人问其故慨然叹曰五十之年倏焉已过垂素发筋力已衰宦意文情一时都尽悲夫每于暇日辄引賓客歌对酒终日为欢【隋书曰李孝贞字元操赵郡平乡人魏李顺之孙好学善属文美于词令隋文帝徵拜内史侍郎与内史令李德林叅典文翰】

王无功【王绩已见】以醉失职托无心子以见曰无心子以一行闻越王黜之无愠色退而适茫荡之野【王无功集无心子传曰东皋子始仕以醉罢乡人或诮之东皋子不屑也退着无心子以见焉无心子寓居于越越王不知其大人也拘之仕无喜色越国之式有一行者不仕俄而无心子以一行闻于王王黜之无愠色退而游于茫荡之野适过勣之邑而遇机士士抚髀而叹者三曰嘻子贤者而以罪废无心子不应机士曰愿受教无心子曰尔闻蜚防氏之說乎昔蜚防氏有二马一者朱鬣白毳龙骧鳳臆骤驰如舞终日不释鞍竟以死一者重脰昂尾驼颈貉膝蹠齧善蹶卉而散诸野终年肥遁是以鳳凰不憎山栖蛟龙不羞泥蟠君子不苟洁以罹患圣人不避秽而養生东皋子闻之曰善哉不可以加之矣】

王无功待诏门下省故事官给酒日三升或问待诏何乐耶无功答曰良醖可恋耳侍中陈叔达闻之日给一斗时号斗酒学士【刘昫唐书曰陈叔达字子聪陈宣帝第十六子也善容止有才学在陈封义阳王年十余歲尝侍宴赋诗十韵援笔便就仆射徐陵甚奇之入隋久不得调武德四年拜侍中】大乐署史焦革家善酿王无功求为大乐丞吏部以非流不许无功固请曰有深意竟除之革死其妻送酒不絕歲余又死无功曰天不使我酣美酒耶遂弃官去顏师古多藏古人图画是性所笃爱【刘昫唐书曰顏籀字师古雍州万年人齐黄门侍郎之推孙也其先居琅琊世仕江左之推始居关中父思鲁以学艺称师古博覽羣书尤精诂训拜秘书少监时论称其纳贿出为柳州刺史师古既负其才频有罪譴意甚防沮自是阖门守静杜絕賓客放志园亭葛巾野服搜求古迹及古器耽好不已】

杜如晦英爽喜书以风流自命【阮逸中說注曰杜如晦字克明唐太宗时典章文物皆杜所定】

李袭誉性好读书手不释卷居家以俭约自处所得俸禄散给宗亲余貲写书数万卷每谓子孙曰吾不好货财以至贫乏京城有赐田十顷耕之可以充食河南有桑千株蚕之可以充衣所写得书读之可以求官吾歿之后汝曹勤此三事可以无求于人矣时论多之【大唐新语

曰李袭誉为扬州江淮俗尚商贾不事农业袭誉引陂塘水又筑句城塘以灌田八百余顷百姓思之】东方虬自言二百年后乞你与西门豹作对【唐诗纪事曰虬武后时左史陈子昂集寄东方左史修竹篇序曰文章道弊五百年矣汉魏风骨晋宋莫传然而文献有可证者常观齐梁诗彩丽竞繁而兴寄都绝每以永叹昨见明公孤桐篇骨气端翔音韵顿挫光英明韵有金石声遂用洗心收视发挥幽郁不图正始之音复覩于兹】

王义方【己见】将弹李义府惧不防沉吟者久之他日忽言曰非但为国除蠹亦乃名在身前遂弹焉坎坷以至于终【刘昫唐书曰李义府饶阳人善属文对防擢第以刘洎马周之荐除监察御史高宗立武氏为皇后义府密申协赞擢中书侍郎既处权要有忤意者辄加倾陷柔而害物时人谓之李猫义方传义方廷劾义府曰臣闻附下罔上圣主之所宜诛心狠貌恭明时之所必罚是以隐贼掩义不容唐帝之朝窃幸乘权终齿汉王之剑中书侍郎李义府因縁际防遂阶通显不能尽忠竭节对敷王休防蹇厉弩祇奉皇眷而反凭附城社蔽亏日月请托公行交游羣小贪冶容之美原有罪之淳于恐漏泄其谋殒无辜之正义虽挟山超海之力望此犹轻廻天转日之威方斯更劣此而可恕孰不可容金风届节玉露啓涂霜简与秋典共清忠臣鷹鷂并击请除君侧少答鸿私碎首玉阶庶明臣节高宗以义方毁辱大臣言词不逊左迁莱州司户】苏颋【己见】掌文诰尝八月十五夜禁中直宿与诸学士翫月时长天无云月色如昼苏曰清光可爱何用灯烛遂令撤去

李太白云予小时大人令诵子虚赋私心慕之及长南游云梦览七泽之壮观酒隐安陆者十许年

李白晚度牛渚矶至姑孰悦谢家青山欲终焉及卒遂葬山麓

李长源尝语肃宗曰臣絶粒无家禄位第宅皆非所欲收复京师后得枕天子膝睡有司奏客星犯帝座一动天文足矣【刘昫唐书曰李泌字长源少聪敏博涉经史精究易象善属文以王佐自命天寶中上书召见待诏翰林杨国忠忌之潜遁名迹以习隐自适肃宗至灵武泌自嵩颍赴行在陈古今成败之机延致卧内动皆顾问泌称山人固辞官秩特以散官宠之】

李德【己见】不乐应举其父丞相【李吉甫己见】勉之答曰好驴马不入行遂以品子叙官

世言白乐天所蕴不得施乃放意文酒

醉吟先生【白居易己见】与嵩山僧如满为空门友平泉客韦楚为山水友刘梦得为诗友皇甫明之为酒友

韦表微为御史里行不乐曰爵禄譬如滋味人皆欲之吾年五十拭镜剪白冒游少年间取一班一级不见其味也将为松菊主人不愧陶渊明云【刘昫儒林传曰韦表微元和中拜监察御史少尅苦自立着九经师授谱春秋总例诸书】

唐衢应进士不第能为歌诗意多感发见人文章有叹伤者读讫必哭涕泗不能已每与人言论发声一号音词哀切闻者莫不凄然尝游太原属戎帅军宴衢得预防酒酣言事抗音而哭一席不乐为之罢防故世称唐衢善哭【李肇国史补曰唐衢周郑客也有文学老而无成唯善哭】

天随生【陆龟 己见】宅荒少墙屋多隙地前后皆 杞菊以供杯案至夏中枝叶老硬气味苦澁犹责童儿采掇不已有人言千乘之邑非无好事之家日欲击鲜为具以饱君君独闭关不出率空肠贮古圣贤道德言语何自苦如此天随生笑曰我几年来忍饥诵经岂不知屠沽儿有酒食耶【笠泽业书杞菊赋曰惟杞与菊偕寒互绿或颖或苕烟披雨沐我衣败终我饭脱粟羞慙齿牙苟且梁肉蔓延骈罗其生实多尔杞未棘尔菊未莎其如予何其如予何】

郑少师于里第植小松七本号七松处士尝曰异代可对五柳先生【宋祁唐书曰郑熏字子溥以太子少师致仕再知礼部举所引皆寒俊士 称之既老号所居为隐岩蒔松于庭称七松居士】

裴休【己见】披毳衲于歌姬院持鉢乞食曰不为俗情所染可以說法为人

皮日休放诞自号间气布衣【唐诗纪事曰皮日休字袭美襄阳人咸通中太常博士遭乱归吴黄巢寇江浙刼以从军以为伪学士令之作防日休曰欲识圣人姓田八二十一欲知圣人名字果头三屈律巢大怒盖巢头丑掠 不尽疑讥之也遂及祸】

司空表圣【司空图己见】自目为耐辱居士

司空表圣作亭观素室悉图唐兴节士文人【刘昫文苑传曰图晚年为文尤事放达尝拟白居易醉吟传为休休亭记曰司空氏祜貽溪之休休亭本名濯缨亭为陝军所焚天复癸亥复葺于坏垣之中乃更名曰休休休休也美也既休而具美存焉盖量其才一宜休揣其分二宜休耄且瞶三宜休又少而惰长而率老而迂是三者皆非济时之用又宜休也尚虑多难不能自信既而尽寝遇二僧曰吾尝为汝师汝昔矫于道銳而不固为利欲所拘幸悟而悔 复从我于是溪耳且汝虽退亦尝为匪人所嫉宜耐辱自警庶保终始与醉吟靖节第其品级于千载之下复何求哉因为耐辱居士歌题于东北楹曰咄语休休休莫莫莫伎俩虽多灵性恶頼是长教闲处着休休休莫莫莫一局碁一炉药天意时情可料度白日偏催快活人黄金难买堪骑 若曰尔何能答曰耐辱莫其诡激啸傲多此 】

李文正罢相为仆射奉朝请居昭庆坊去禁门辽遠五鼓即起置白傳集数册于茶鐻中至安遠门仗舍燃烛观之俟啓钥则赴朝【陈后山谈丛曰李昉字明遠深州人周朝知开封府时人望已归太祖昉独不附王师入京昉又不朝贬延州别驾在延州为生业以老后宰相奏其可大用召判兵部既至上劳之昉曰臣前日知事周而已今以事周之心事陛下上喜曰宰相不谬荐人】

太宗命苏易简讲文中子有杨素食经上因问食品称珍何物为最易简曰臣闻物无定味适口者珍臣止知虀汁为美太宗笑问其故曰臣忆一夕寒甚拥炉烧火乘兴痛饮大醉就寝四鼓始醒以重衾所拥咽吻燥渴时中庭月明残雪中覆一虀盎不暇呼童披衣掬雪以盥手亟引数缶连沃浊肺咀虀数茎灿若金脆臣此时自谓上界仙厨鸾脯凤腊殆恐不及屡欲作水壶先生传因循未暇也太宗笑而然之【东都事畧曰苏易简字太简梓州铜山人少好学风度凝粹弱冠举进士历官翰林学士性嗜酒太宗尝以诗戒之入直虽不敢饮在私第未尝不醉及其死太宗曰易简果以酒败可惜也】

种明逸至性嗜酒尝种秫自酿每日空山清寂聊以养和因号云溪醉侯【王圣涂渑水燕谈曰种放字明逸举进士不第隐于南山豹林谷学行高古从学者尤众性颇嗜酒躬耕种秫以自酿所居有林泉之胜景德中召至阙真宗欲大用放固辞乃放还山】张忠定【张咏已见】自号乖崖以为乖则违众崖不利物陈尧佐退居郑圃尤好诗什张士逊判西京以牡丹花及酒遗之尧佐答曰有花无酒头慵举有酒无花眼懒开正向西园念萧索洛阳花酒一时来当时称其有韵【孔平仲谈苑曰陈尧佐字希元修真宗实录特除知制诰旧制须召试唯杨亿与尧佐不试而授兄尧叟弟尧咨皆举进士第一兄弟贵盛当世少比】

晏元献公【晏殊已见】虽早贵奉养极约惟喜賓客未尝一日不宴饮盘饌皆不预办客至旋营之苏丞相【頌】尝在公幕见每有佳客必留但人设一空案一杯既命酒果实蔬茹渐至亦必以歌乐相佐谈笑杂出数行之后案上已粲然矣稍阑即罢遣歌乐曰汝曹呈艺已毕且去乃具笔札相与赋诗率以为常前辈风流未有其比欧阳公言吾集古录一千卷藏书一万卷有琴一张有碁一局而常置酒一壶吾老于其间是为六一遂号六一居士自为传刻石

石曼卿于 后自作一庵常醉卧其间名曰扞虱杨褒家虽甚贫特好书画奇玩充实中橐家姬数人布裙粝食而歌舞妙绝欧阳公赠之诗云三脚木牀坐调曲盖纪实也【渑水燕谈录曰杨褒华阳人家甚贫好古博物】

孙龙图喜读书晚年病目乃择卒伍中识字稍解事者二人使其子取西汉左氏等数书授以句读每瞑目危坐室中命二人更读于傍终一防则易一人饮之酒一杯使退卒亦自喜不以为难【宋史曰孙觉字莘老高邮人从胡瑗学历官御史中丞以疾请罢除龙图阁学士提举醴泉观】

胡旦【已见】作大砚可数尺鑱其旁曰宋胡旦作汉春秋砚遗命埋 中

刘贡父所居在宋门城下城胁有地可方八尺余去地一丈以上每登以眺远其子戲曰此闾阖台【刘攽已见东都事畧曰攽与兄敞同学自刻厉博读羣书言行高遠名亚敞焉】

韩持国【韩维已见】喜声乐遇极暑辄求避屡徙不如意则卧一榻使婢执板缓歌不绝声展转徐听或颌首抚掌与之相应往往不复挥扇

司马文正公尝与人书曰草妨步则薙之木碍冠则芟之其他任其自然相与同生天地间亦各使遂其生耳王荆公不耐静坐非卧即行晚卜居钟山谢公墩自山拒城适相半谓之半山尝畜一驴每食罢必日一至钟山纵步山间倦则即定林寺而睡往往至日昃乃归率以为常有不及终往亦必跨驴中道而还此蔡天啓薛肇明见之【东都事畧曰蔡肇字天啓丹阳人师事王安石长于歌诗】

苏子瞻在黄州及岭外每旦起不招客与语必出而访客所与游亦不尽择各随其人高下谈谐放荡不复为畛畦有不能谈者则强之使説鬼或辞无有则曰姑妄言之于时闻者无不絶倒

东坡在岭海间最喜读陶渊明柳子厚集谓之南迁二友

东坡云烂蒸同州羊灌以杏酪食之以匕不以筋南都拨心面作槐叶温淘糝以襄邑抹猪炊共城香稻荐以蒸子鹅吴兴庖人斫松江鲈鲙既饱以庐山康王谷水烹曾坑鬪品少焉解衣仰卧使人诵东坡赤壁前后赋亦一大快

东坡言岭南气候不常吾谓菊花开时乃重阳凉天佳月即中秋不须以日月为断十月初菊始开与客作重九因次韵渊明九日诗登游尽醉而返

范尧夫【范纯仁已见】每仕京师早晚二膳自己身以至婢妾皆治于家往往镌削过为简俭有不饱者虽晚登政府亦然补外则付之外厨加料几倍无不厌余或问其故曰人进退虽在已然未有不累于妻孥者吾欲使居中则劳且不足在外则逸而有余故处吾左右者朝夕所言必以外为乐而不顾恋京师于吾亦一助也前辈严于出处每致意如此

田承君云顷为金陵酒官有王荆公处一老兵时来沽酒必问公之动止兵云相公每日只在书院读书时时以手抚床而叹人莫测其意【闻见録曰田画字承君阳翟人宣简公之侄也人物雄伟议论慷慨深有前辈之风】

王仲弓浮沉久不仕超然不婴世故慕嵇叔夜陶渊明之为人【砚北杂志曰王寔字仲弓许昌人文恪公陶之子未冠从司马温公学公不以膏粱蓄之教以名节仲弓超然不以仕宦进取为意韩持国归以女范蜀公以耆老退居忘年接之】

苏黄门【苏辙已见】南迁既还居许下多杜门不通賓客有乡人自蜀来见之伺候于门弥旬不得通宅南有丛竹竹中为小亭遇风日清美或徜徉亭中乡人既不得见谋之閤人閤人使待于亭旁后旬日果出乡人因趋进黄门见之大惊慰劳久之曰子姑待我于此翩然而入迨夜竟不复出

张文潜云范丞相【范尧夫已见】司马太师【司马文正公已见】俱以闲官居洛中余时待次洛下一日春寒中谒之先见温公时寒甚天欲雪温公命至一小书室中坐谈久之炉不

设火语移时主人设栗汤一杯而退后至留司御史台见范公才见主人便言天寒远来不易趋命温酒大杯满醕三杯而去此事可见二公之 各异

卢秉侍郎尝为江南小郡司户叅军于传舍中题诗云青衫瘦马病叅军旋棹官粮置酒樽但得有钱留客醉也胜骑马傍人门王荆公过而见之尤极称赏俄荐于朝数年间遂超显仕【范成大吴郡志曰卢秉本德清人父革举神童累官太子賓客退居于吴遂为吴人秉元丰中为发运使每歲上计必请还乡省侍后帅泾原恳乞归養手诏慰勉时以为荣】茅山元符宫有苏養直象自贊其上曰松风飕飕瘦藤在手唯此白叟独全于酒【荃翁贵耳集曰苏庠字養直父伯固从东坡游东坡我梦扁舟游震泽之词为伯固作也養直属玉双飞水满塘之句亦见赏于坡坡呼为吾家養直】

叶少蕴言余家藏书三万余卷防乱以来所亡几半山居狭隘余地置书囊无几雨漏鼠齧日复蠹败今歲出曝之阅两句才毕其间往往多余手抄日取所喜观者数十卷命门生从旁读之不觉至日昃旧得酿法极简易盛夏三日辄成色如潼醴不减玉友每晚凉即相与饮三杯而散亦复盎然读书避暑固是佳事况有此酿忽记欧公诗有一生勤苦书千卷万事消磨酒十分慨然有当于心【宋史曰叶梦得字少蕴苏州吴县人嗜学蚤成多识前言往行谈论亹亹不穷仕至江东安抚制置使提举洞霄宫卒于湖州】

林时隐博学多闻深明象纬聚书数千卷皆自校讐语子孙曰吾与汝曹获良产矣【宋史曰林霆字时隐与郑樵为金石交林光朝尝师事之】

赵子固清放不羈好饮酒醉则以酒濡发歌古乐府自执红牙以节曲【陶南村辍耕錄曰赵孟坚字子固自号彝斋宋宗室也寓居嘉兴之广陈酷嗜古法书名画】

耶律和尚雅有美行数 以财恤亲友人皆爱重然嗜酒不事事故不获柄用或以为言答曰吾非不知顾人生如风灯石火不饮将何为晚年沈湎尤甚【辽史曰耶律和尚字特默系出季父房善滑稽重熙初补祗候郎君时帝笃于亲亲凡三父之后皆序父兄行第于和尚尤狎爱然每侍宴虽诙谐未尝有一言之过由是上益重之厯积庆永兴宫使累迁至同知南院宣徽使事】

完顏仲实资质简重博学有俊才家藏法书名画不减中秘宣宗南迁衣冠颠沛奔走仲实尽载书画一帙不遗徙居汴中客至贫不能具酒肴 饭共食焚香煮茗尽出藏书谈大定明昌以来故事终日不聽客去【金史曰完顏璫本名寿孙世宗赐名字仲实博学多才喜为诗工真草书日以讲诵吟咏为事与文士赵秉文杨云翼雷渊元好问李汾王飞伯輩交善】

谢臯父登子陵西台以竹如意击石歌招魂之辞曰魂来兮何极魂去兮江水黑化为朱鸟兮其味焉食歌竟竹石俱碎失声大哭人莫能测【邓牧谢臯父传曰谢翱字臯父延平人蚤事科举有志当世遭乱愤懣成疾性耿介不以贫累人所居产薪炭秋暮载至杭易米卒歲少裕则资游江海访前代故实着家史补唐诗人无传者三十余篇传近世隐逸数篇】

赵子昂有琴名松雪但时出横牀未尝抚弄【硯北杂志曰张伯雨少学琴畜一琴名风林尝从赵子昂论琴子昂以为琴之五音各有改法其法不传世所谓琴者皆不审五音之主徒呶呶耳殆不若秦箏之按宫征也故伯雨终身不复鼓琴】

胡石塘送蔡如愚归东阳诗云薄糜不继袄不暖讴吟犹是钟球鸣因指以语蔡曰此余秘密藏中休粮方也【胡汲仲已见】

鲜于伯机尝于废圃中得怪松一株移植所居斋前呼为支离叟朝夕抚翫以为适【硯北杂志曰鲜于枢字伯机渔阳人少为郡吏后以材选为御史大夫掾意气爽豪晨出载笔牘与其长廷争是非一语不合辄欲弃去日晏归焚香弄翰取鼎彝陈诸几席搜抉防文废欵客至则相对指說吟讽或命觴径醉中歲益自刻苦读书因号困学卒官太常典簿】贯酸斋拜翰林侍读学士知制诰同修国史【元史曰苏尔约苏哈雅父楚国忠惠公名袞格根苏尔约苏哈雅以贯为氏自号酸斋生而神采秀异年十三膂力絶人稍长折节读书目五行下为文不蹈袭故常其旨皆出人意表】忽喟然叹曰辞尊居卑昔贤所尚今禁林清选与所让军资孰高人将议吾矣【元史曰公初袞父官为两淮万户府达噜噶齐御军极严稍暇辄投壶雅歌意所畅适不为形迹所拘一日呼弟忽都海涯语之曰吾生宦情素薄顾祖父之爵不敢不袭今已数年矣愿以让弟语已即解所绶金虎符佩之】乃称疾辞还江南卖药于钱塘市中诡姓名易冠服人无有识之者偶过梁山泐见渔父织芦花为被欲易之以防渔父疑其人阳曰君欲吾被当更赋一诗遂援笔立成竟持被去人间喧传芦花被诗其依隐玩世多此库库子山尝语人曰天下事皆宰相所当言宰相不得言则台谏言之台谏不敢言则经筵言之吾得备位经筵得言人所不敢言于天子之前志愿足矣【元史曰库库字子山喀喇氏父博果密自有传库库肄业国学博通羣书风神凝邃制行峻洁其遇事英发掀髯论辨法家拂士不能过之始授集贤待制累官奎章阁学士院大学士知经筵事】

曹知白尝游京师王侯钜公多折节与文章辟屡上知白悉谢去曰吾闻冀北多奇士庶几见之岂龔龔求官者耶即日南归隐居读易终日不出户庭或放笔图画掀髯长笑人莫窥其际【松江志曰曹知白字又别号云西其先闽之霍童山人后徙居温宋宣和中景修始迁华亭知白身长七尺美须髯性机敏至元中诏遣中书左丞凿吴松江以策从行功居多德戊戌庸田使柳公行水复献寘阨成隄之法民甚德之大府荐教谕昆山意不乐遂辞去】吾子行沉困市隐不能以自见丰碑巨碣写其幽旷托焉以自逃者也【胡长孺吾子行文冢铭曰吾衍字子行太末人旷放高不仕之节求室委巷教小学常数十人所著有尚书要畧诸书】

杨鐵崖虽病困危坐不披文则弄割翰或理音乐素不喜奕画谓碁损闲心画为人役见即屏去

杨鐵崖每至名山川必登高遐眺想见古人风节旷迈非常人所能测也

倪云林平生无他好翫唯嗜畜古法书名画持以售者酬之百金无所靳高胜之韵每发挥于缣素苍劲妍润尤得清致晚益务情退弃散无所积屏虑释累黄冠野服浮游湖山之间以遂



## 其志

顾仲瑛晚年阅佛书有悟遂祝髮称金粟道人自题其像曰儒衣僧帽道人鞋天下青山骨可埋若說向时豪侠处五陵衣马洛阳街一时赏其旷达【殷奎顾府君墓志曰君讳德辉字仲瑛姓顾氏昆山人盖四姓之旧也幼穎敏善记诵轻财喜事以意气自豪年三十更折节读书崇礼文儒师友其贤者后淮兵入吴闻君用之乃谢絕尘事营别业于嘉兴之合溪渔钓五湖三泖间自称金粟道人歲戊申从其子临濠而卒】

## 语林卷十二

### 方正第六【上】

诗小康篇曰无纵诡随以谨无良式遏寇虐防不畏明毛公传曰诡随者诡人之善而随人之恶郑氏笺曰王为政无听于诡人之善不肯行而随人之恶者以此勅慎无善之人又用此止为防虐曾不畏敬明白之刑罪者夫康成之曰以此曰又用此是盖深得诗人之防矣至孔颖达正义乃曰恶有大小诡随小恶无良其次防虐则大恶也非唯不知诗人之防抑且并郑氏之意而失之矣盖诡随防虐其恶相因岂有异也夫苟国是若定虽防虐之人亦何能为害唯善恶不分则防虐者始恣肆而无所畏忌一人诡随犹可几也一国诡随而众论摇矣乃至天下诡随为善者将安望哉故诗人于每章必着诡随防虐盖三致意焉其意以为此诡随者迺无善之人苟一纵之则根盘芽茁其势必至于惛愦罔极以众犯政繾綣而不可解必无纵而谨之则无善者始不敢肆又用是以止防虐庶几不至于作慝败正而小康或可冀也此诗人之意而孔氏以为诡随小恶夫乃欲芟夷防虐而更壅治之耶尝读屈原卜居篇曰宁廉洁正直以自清将突梯滑稽如脂如韦以洁楹盖伤之焉夫一善之不胜众诡明矣原岂不知卑疵趋之足以免祸宁自沉死而不肯为余观世亦有方正如原者然皆取祸不旋踵呜呼伤哉此所载其疾恶似已甚稍失中然能使诡随敛迹至不得自容亦良快矣余故以着之篇云

陈尚书见王莽诛何武鲍宣喟然叹曰易称君子见防而作不俟终日吾可以逝矣即乞骸骨去职三子【参丰敛】在位悉令解官父子相与归乡里闭门不出入犹用汉家祖腊或问之答曰我先祖岂知王氏腊乎【班固汉书曰御史大夫陈万年子咸亢直有异才官廷尉监累迁尚书】

苏桓公性强切而持毁誉士友咸惮之至相语曰见苏桓公患其教责人不见又思之三辅号为大人【后汉书苏章传曰章八世祖建武帝时右军祖父纯字桓公有高名】

王仲回姿性方洁疾恶强豪一友人防亲同郡陈遵关西大侠为防防事赉助甚丰仲回懷一缣陈于主人前曰如丹此缣出自机杼遵有慙色【范曄后汉书曰王丹字仲回京兆下邳人哀平间仕州郡王莽时连徵不至邓禹至关中表为左冯翊称疾不视事免归后徵为太子少傅】更始中陈遵为大司马出使匈奴过辞王丹丹曰俱遭反覆唯我二人为天所遗今子当之絕域无以相赠赠子以不拜遂揖而别【班固汉书游侠传曰陈遵字孟公杜陵人祖遂宣帝微时与有故遵长八尺余容貌甚伟畧涉传记贍于文辞请求不敢逆所到衣冠懷之时列侯有与遵同姓氏者每至人门曰陈孟公坐中莫不震动既至而非因号其人曰陈惊坐云】

侯司徒欲与王仲回交友仲回被徵司徒遣子昱候于道昱迎拜车下仲回下答之昱曰家公欲与君结交何为见拜仲回曰君房有是言丹未之许也【范曄后汉书曰侯霸字君房河南密人矜严有威容笃志好学师事九江太守房元治谷梁春秋为元都讲建武四年徵霸与车驾防寿春拜尚书令明年代伏湛为大司徒】

马伏波尝有疾梁松来候之独拜牀下伏波不答松去后诸子问曰梁伯孙帝婿贵重朝廷公卿已下莫不降意大人奈何独不为礼伏波曰我乃松父友也虽贵何得失其序【范曄后汉书曰梁松字伯孙安定乌氏人梁统子少为郎尚光武女舞陰长公主后飞书毁谤下狱死】

光武尝问宋 求通博之士【后汉书曰宋 字仲子京兆长安人父尚成帝时至少府】荐沛国桓谭才学洽闻几能及扬雄刘向父子帝召拜议郎每燕辄令鼓琴好其繁声 闻不悦伺谭出内正朝服坐府上遣吏召谭至让之曰吾欲荐女令辅国家以道德奈何数进郑声以乱雅颂谭顿首辞谢良久遣去后大防羣臣令谭鼓琴谭见 遂失常度帝怪问 免冠谢曰臣荐谭望能以中正导主而令朝廷耽悦郑声臣之罪也帝改容谢不复令谭给事【范曄后汉书曰桓谭字君山沛国相人好音律善鼓琴博学多通徧习五经皆诂训大义不为章句能文章尤好古学数从刘歆 雄辨析疑异性嗜倡乐简易不修威仪而意非毁俗儒由是多见抵排】

吴大仪初为郡吏【范曄后汉书曰吴良字大仪齐国临菑人初为郡吏东平王闻而辟之上疏荐良除议郎迁司徒长史】歲旦与掾史入贺门下掾王望举觴上寿諛称太守功德大仪于下坐勃然进曰望佞邪之人欺諛无状愿勿受其觴太守敛容而止防罢转大仪为功曹大仪耻以言受进终不肯谒【东观汉记曰王望言曰齐郡败乱遭离盗贼不闻鸡鸣犬吠之音明府视事五年土地开辟盗贼灭息五谷丰熟家给人足今日歲首请上雅爵掾史皆称万歲良时跪曰门下掾佞諛明府勿受其觴盗贼未尽人庶困乏今良曹掾尚无綢望曰议曹情羸自无綢宁足为不家给人足耶太守曰此生言是赐良鰕鱼百枚也】

肃宗尝问第五伦曰闻卿为吏不过从兄饭有之乎伦答曰臣少遭饥乱米石万钱实不妄过人饭【司马彪续汉书曰第五伦字伯鱼京兆人修行清白】

袁安【已见】初为县功曹奉檄诣从事从事因安致书于令安曰公事自有督邮私请则非功曹所持辞不肯受从事瞿然而止

周穉都作太常清洁守礼尽敬宗庙尝卧病斋宫其妻哀穉都老病闚问所若穉都大怒以妻干犯斋禁收送诏狱时人为之语曰生世不谐作太常妻一歲三百六十日三百五十九日斋一日不斋醉如泥【东观汉记曰周泽字穉都少修高节耿介特立好学问治严氏春秋门徒数百人隐居上野不汲汲于时俗拜太常果敢数有直言朝廷嘉其清廉】

范史云【范丹已见】与王子炳亲善【范曄后汉书曰王奂字子炳 谢承书曰王奂字子昌河内武德人明五经 笈追业常赁灌园耻交势利为考城令迁汉阳太守拜议郎卒】子炳为考城令屡遣书请范范不时往及子炳除汉阳太守范与弟协步赍麦酒于路侧设坛待之范见子炳车徒骆驿遂不自闻与弟共辩论于路子炳识其音声即下车与相揖对子炳言行路仓卒非陈契濶之所可共到前亭宿昔以叙分隔范曰子前在考城思欲相从以贱质自絕豪友耳今子遠适千里防面无期故轻行相候以展诀别如其相追将有慕势之讥便起告违拂衣而逝大将军邓隲贵戚倾时无所下借独重李充高节每卑敬之尝置酒请充賓客满堂

酒酣隲跪曰幸托椒房位列上将幕府初开欲辟天下奇伟以匡不逮惟诸君博求其器充乃为陈海内隐居懷道之士颇有不合隲欲絕其說以肉啖之充抵肉于地曰說士犹甘于肉遂出径去【杜预汝南记曰李充字大逊陈留人兄弟二人贫无担石之储并日而食易衣而出妻窃谓充曰今贫如此妾有私财可分异独居人多费极无为空自穷也充请呼隣里室家相对前跪白其母便顾其妻叱而遣之妇行泣出门去】

卢植少与郑 俱事马融能通古今学好研精而不守章句融外戚豪家多列女倡歌舞于前植侍讲积年未尝转盼融以是敬之

桓文林【桓礪已见】姑是杨司空【杨赐】夫人文林父卒姑赴哀止于传舍整饰而入文林心非之及劳问终无所言号哭而已司空遣吏奉祠因县发取祠具悉拒不受后每至京师未尝舍宿杨氏

蔡中郎自朔方归将就还路五原太守王智饯之【智中常侍王甫弟也】酒酣起舞属中郎中郎不为报智素骄贵惭于賓客诟曰徒敢轻我中郎遂拂衣去智密告中郎怨于囚放谤訕朝廷中郎虑不免乃亡命江海逖迹吴防袁忠尝乘船戴笠过诣王景兴见景兴左右僮从皆着青绛采衣忠非其奢丽即称疾发而退

魏文帝受禅【曹丕字子桓魏武长子也 魏氏春秋曰初夏侯惇劝曹公宜早顺人望曹公曰若天命有归吾其为周文王矣后果至丕始代汉】欲用杨公【杨彪已见】为太尉先遣人示防杨曰彪备汉三公遭世倾乱不能有所补益耄年被病岂能賛维新之朝乃授光禄大夫赐几杖衣袍朝会引见着布单衣鹿皮冠持杖而入待以賓客之礼【司马彪续汉书曰魏文帝诏曰先王制几杖之赐所以賓礼黄耆太尉杨彪乃祖以来世著名绩其赐公延年杖延请之日便使杖入也】

魏文帝【曹丕已见】为五官中郎将时天下向慕賓客如云邴根矩【邴原已见】独守道持常自非公事不妄举动曹公微使人从容问之邴答曰吾闻国危不事 宰君老不奉世子此典制也曹公深重其言

沐德信少有志介尝过其姊姊为杀鸡炊黍德信不留苏则【魏志曰苏则字文师扶风武功人少以学行闻起家为酒泉太守转安定武都所在有威名 魏书曰则刚腸疾恶慕汲黯之为人】与临菑侯【曹植已见】闻魏氏代汉皆发服恸哭文帝知临菑如此初不闻则后帝在洛阳尝从容言曰人心不同当我应天受禅时天下人有哭者帝意在临菑则谓见问须髯悉张欲正论以对侍中傅巽目之则悟而止【傅子曰傅巽字公悌琅瑋博達有知人鑒识】

苏文师拜侍中与董昭同官董尝枕文师膝卧文师推置之曰苏则之膝非佞人之枕【魏志曰董昭字公仁济陰定陶人举孝防初袁绍以为叅军入魏为太祖谋臣拜司空军祭酒】

吕子义世称清贤有人就之宿非其度数之内子义燃烛危坐通晓目不转睛膝不移处【吕

子义已见】

司马公既进爵为王【晋书曰司马昭字子上司马宣王次子景王母弟也咸熙元年加封晋王】王太尉【晋书曰王祥字休徵琅琊临沂人事继母朱氏以孝闻徐州刺史吕防檄为别驾州界清静政化大行时人歌之曰海沂之康实赖王祥 国不空别驾之功后天子幸太学命祥为三老祥南面几杖以师道自居天子北面乞言祥陈帝王政化之要闻者莫不砥砺官至太尉】荀司空【晋阳秋曰荀顗字景倩太尉彧第四子幼为姊夫陈羣所异司马宣王见而奇之曰荀令君之子也擢散骑侍郎佐命晋室官至太尉封临淮康公】并诣之荀曰相王尊重何侯与一朝之臣皆已尽敬今日便当相率而拜无所复疑太尉曰相国位势诚为贵重然要是魏之宰相吾等备位三公相去一阶而已班列大同安有天子三公可辄拜人者损魏朝之望亏晋王之德君子爱人以礼吾不为也及入荀遂下拜太尉独长揖王谓太尉曰今日然后知君见顾之重【晋诸公赞曰何曾字颖考陈郡阳夏人父防魏太仆曾以高雅称加性纯孝位至太宰年八十余薨谥元公 傅子曰以文王之道事其亲者其颖昌何侯乎其荀侯乎古称曾闵今日荀何内尽其心以事其亲外崇礼让以接天下孝子百世之宗仁人天下之令也有能行仁孝之道者君子之仪表也】

诸葛思远初统朝事【蜀志曰诸 瞻字思远丞相亮之子亮出武功与兄瑾书曰瞻已八岁聪慧可爱嫌其早成恐不为重器耳丞相亡蜀人思之爱瞻才敏每朝廷有一善政佳事虽非瞻所建倡传相告曰葛侯所为也是以美声溢誉有过其实与董厥并平尚书事蜀亡死于国难】廖元俭【蜀志曰廖化字元俭襄阳人为丞相参军以果烈称官位与张翼齐而在宗预之右】过宗德艳欲与共诣思远许德艳曰吾辈年逾七十所窃已过但少一死耳何求于年少辈而屑屑造门耶遂不往【蜀志曰宗预字德艳南阳安众人为丞相主簿丞相卒吴虑魏袭蜀增巴邱守兵万人蜀亦益永安之戍预将命至吴孙权问曰东之与西譬犹一家而西更增白帝之守何也预曰东益巴邱之戍西增白帝之守皆事势宜然不足相问权大笑嘉其伉直】

孙仲谋尝于武昌临钓台饮酒【吴志曰孙权字仲谋兄策既定诸郡以权为阳羡长郡察孝防行奉义校尉汉遣刘琬加防锡命琬语人曰吾观孙氏兄弟虽各才秀明达然皆禄祚不终唯中弟孝防形貌奇伟骨体不恒大贵之表年又最寿江表传曰坚为下邳丞时生权方颡大口目有睛光坚异之以为有贵象及防起事江东权尝随从性度 朗仁而多防好侠养士每参同计谋防自以为不及】使人以水洒羣臣曰今日酣饮惟醉堕台中乃当止耳张子布正色不言出外车中坐权遣人呼张还谓曰共为乐耳公何为作异张对曰昔纣为糟邱酒池长夜之饮当时亦以为乐不以为过权默然有惭色【吴志曰张昭字子布彭城人少好学从白侯子安受左氏春秋博览众书与琅琊赵昱东海王朗俱发名友善】

顾元叹【顾雍已见】不饮酒寡言笑举动时当每饮酒欢燕左右恐有酒失为元叹所觉终不敢肆情孙权常曰顾公在坐使人不乐【江表传曰雍孙谭为选曹尚书尝与宴醉酒起舞不止雍召谭责之曰君王以含垢为德臣下以恭谨为节昔萧何吴汉并有大功何见高帝似不能言汉奉光武亦信恪勤汝于国宁有汗马之劳但阶门户遂见宠任何有舞不知止虽为

酒后亦由恃恩忘敬谦虚不足损吾家者必尔也因向壁卧谭立过一时乃遣去】

陆公纪【陆绩已见】小时在孙讨逆【孙策已见】坐时张昭张纮秦松为上賓共论四海未泰须当用武公纪在末坐大声言曰昔管仲相齐九合诸侯一匡天下不以兵车孔子曰遠人不服则修文德以来之今论者不务道德懷取之术而唯尚武童 窃所未安

姚彪与张温俱至武昌遇吴兴沈珩守风粮尽从彪贷盐一百斛彪性峻直得书不答方与温谈论良久呼左右倒百斛盐着江中谓温曰明吾不惜惜所与耳建武初裴叔则【裴楷已见】与山巨源【山涛已见】和长舆【晋诸公贊曰和峤字长舆汝南西平人父迨魏太常峤少以雅量称深为贾充所知每向世祖称之厯官尚书】并以盛德处位晋武尝问曰朕应天革命海内更始外间风声云何裴对曰陛下受命四海承风所未比德于尧舜者但以贾充之徒尚在朝耳方宜引天下贤人与 政道不宜示人以私

郗道徽在合肥被徵【郗鑒别传曰鑒字道徽高平金乡人汉御史大夫郗虑后也少有体正耽思经籍以儒雅著名】道经姑熟与王大将军相见【王敦别传曰敦字处仲琅琊临沂人少有名理累迁青州刺史避地江左厯丞相大 军 州牧以罪伏诛】王谓道徽曰乐彦辅【乐广已见】短才耳后生流宕言违名检考之以实正应不胜满武秋【荀绰冀州记曰奋字武秋高平人魏太尉宠之孙性清平有识自吏部郎出为冀州刺史 晋诸公贊曰奋体量清雅有曾祖宠之风迁尚书令为荀顗所害】道徽曰拟人必于其伦彦辅道韵平淡体识冲粹处倾危之朝不可得而亲踈及愍懷之废可谓柔而有正武秋失节之士那得为比王曰愍懷废徙之际交有危机之急人何能以死守以此相方其不减明矣道徽曰丈夫既洁身北面义同在三岂可偷生屈节苟道数终极固当存亡以之耳王素懷无君之心闻道徽言大忿遂不复相见拘留不遣道徽举止自若初无惧心后王谓钱鳳曰郗道徽儒雅之士名位既重何得害之乃放还台

王敦下石头害周伯仁【虞预晋书曰周顗字伯仁汝南安城人扬州刺史浚长子也晋阳秋曰顗有风流才气正体嶷然侪輩不敢防】王世儒与周侯素善往哭甚恻既而见敦敦怪其有惨容问其所以世儒答曰向哭周伯仁情不能已敦曰伯仁自致刑戮且凡人遇汝汝那得尔世儒曰伯仁清誉之士有何罪故而加以极刑因数敦抗旌犯上言辞慷慨与泪俱下【晋书曰王彬字世儒王廙之弟少称雅正】

周仆射【周顗已见】亡后王敦使人致吊周仲智曰【邓粲晋纪曰周嵩字仲智周顗弟也性狡直果侠每以才气凌物】亡兄天下有义人为天下无义人所杀复何所吊敦甚衔之犹取为从事中郎后因事诛嵩【晋阳秋曰嵩事佛临刑犹诵经】

初过江时苒惑守南斗经旬王丞相语陶回曰南斗是 州分野为苒惑守之吾当逊位以厌此谪耳【陶氏家传曰回字恭渊为王导从事中郎为人正直不挠导亦以此重焉每言曰陶中郎有辅佐之才真国器也】回答曰公以明德作相辅佐圣主宜亲忠贞遠邪佞而与桓景造膝苒惑何由退舍丞相有愧色【何法盛晋中兴书曰丹阳尹桓景颇以佞事司徒王导导

甚昵之】

王丞相【王导已见】名位重百僚欲为降礼冯太常【冯氏谱曰冯懷字祖思长乐人歷太常防国 军】以问顏光禄【晋书曰顏含字 都琅琊莘人祖钦给事中父默汝陰太守含少有操行以孝闻仕至光禄勳 晋中兴书曰顏含嫂病困须蚺蛇胆不能得含忧叹累日忽有一童子持青囊授含乃蛇胆也童子化为青鸟飞去】顏曰王公虽重礼无偏敬降礼之言或是诸君事宜鄙人老矣不识时务既而告人曰吾闻伐国不问仁人向冯祖思问佞于我我其有邪德乎

郭景纯【郭璞已见】尝遇顏 都欲为之筮顏曰年在天位在人修己而天不与者命也守道而人不知者性也自有性命无劳 龟

蔡子尼体貌尊严莫有防嫚高平刘整俊才白衣车服奢丽语人曰纱縠吾之常服耳遇蔡子尼在坐而经日不自安【晋诸公贊曰蔡克字子尼陈留雍邱人 蔡克别传曰克祖睦蔡邕孙也克少好学有雅尚体貌尊严】

王褒【已见】与管彦为友约男女为婚彦后葬父于洛阳褒遂别嫁其女因语彦弟馥曰昔嫁姊妹皆遠吉凶断絕今贤兄葬父洛阳则京邑之人岂吾结好之意馥曰嫂是齐人兄当还齐褒曰岂有葬父洛阳而随妻还齐如此去就复何婚之有

庾异行【庾袞已见】尝与诸兄过邑人陈準诸兄友之皆拜其母异行独不拜準弟徽曰子何以不拜吾亲异行曰夫拜人之亲者将自同于人之子其义至重袞敢轻之乎遂不拜

王懷祖【王述已见】年三十尚未知名人或谓之痴王丞相以门地辟为中兵属既见无他言唯问以在东米价懷祖张目不答丞相曰王掾不痴人何言痴也

桓公【桓温已见】议移洛阳钟簋王懷祖曰永嘉不竞暂都江左方当渐平区宇旋轸旧京若其不尔宜改迁园陵不应先事钟簋桓公不能夺

简文临崩【续晋阳秋曰帝讳昱字道万中宗少子仁闻有智度穆帝幼冲以抚军辅政大司马桓温废海西公立帝在位三年而崩】诏桓公居摄王中郎持诏命入于帝前毁之帝曰天下傥来之运卿何所嫌中郎曰天下宣元之天下陛下何得自专事遂不行【王中郎别传曰王坦之字文度太原晋阳人祖承清淡平遠父述贞贵简正坦之器度淳深孝友天至誉辑朝野标的当时累迁中书令领北中郎 徐兗二州刺史】

桓公平蜀朝廷欲以豫章郡封桓时荀令遠言于朝曰若温复假王威北平河洛修复园陵将何以加此朝议乃止【晋书曰荀防字令遠荀崧之子起家秘书郎迁尚书左丞少有仪望风操甚为简文帝所重】会稽王道子专政【孝文王传曰王讳道子简文皇帝第五子也封防稽王领司徒扬州刺史进太傅为桓元所害】委任羣小陆祖言【陆纳已见】望阙叹曰好

## 家居織兒欲撞壞之耶朝士称其忠亮

周勰为谢太傅主簿居防废礼崇尚老庄脱落名教时韩康伯领中正不过勰品为之议曰拜下之敬犹违众从礼情理之极不宜以多比为通时人以康伯为澄世所不能澄裁世所不能裁【续晋阳秋曰韩伯字康伯清和有思致幼为舅殷浩所知晋书曰王坦之着公谦论袁宏作论以难之伯美其辞防以为是非既辨谁与正之遂作辩谦以折中曰夫】

【寻理辩疑必先定其名分所存则彼我之 可得而详也夫谦之为义存乎降己者也以高从卑以贤同鄙故谦名生焉孤寡不谷人之所恶而侯王以自称降其贵者也执御执射众之所贱而君子以自目降其贤者也与山在地中之象其致岂殊哉舍此二者而更求其义虽南辕求冥终莫近也夫有所贵故有降焉有所美故有谦焉譬影响之与形声相与而立道足者忘贵贱而一贤愚体公者乘理当而均彼我降挹之义于何而生则谦之为美固不可以语至足之道涉大方之家矣诚由未能一观于能鄙则贵贱之情立非忘懷于彼我则私己之累存当其所贵在我则矜值其所贤能之则伐处贵非矜而矜己者常有其贵言善非伐而伐善者骤称其能是以知矜贵之伤德故宅心于卑素悟骤称之亏理故情存乎不言情存于不言则善斯匿矣宅心于卑素则贵斯降矣况君子之流苟理有未尽情有未夷存我之理未冥于内岂不同心于降挹哉体有而拟无者圣人之德有累而存理者君子之情虽所滞不同其于遣之縁有弊而用降己之道由私我而存一也故惩忿窒欲着于损象卑以自牧实系谦爻皆所以存其所不足拂其所有余者也王生之谈以至理无谦近得之矣云人有争心善不可收假后物之迹以逃动者之患以语圣贤则可施之于下斯者岂惟逃患于外亦所以洗心于内也】

防稽王道子执政宠昵王国寶委以机权【王氏谱曰国寶坦之第三子太傅谢安国寶妇父也恶而抑之安薨相王辅政迁中书令弟绪有宠于王国寶权动内外王珣王恭殷仲堪为孝武所待不为相王所盼恭抗表讨之会稽王不能拒诸侯兵遂委罪国寶付廷尉赐死】王孝伯每正言规谏【周祗 安记曰王恭字孝伯太原晋阳人祖蒙司徒左长史风流标望父蕴镇军将军亦得世誉 恭别传曰恭清廉贵峻志存格正起家著作郎历中书令出为五州都督青兗二州刺史】道子不从及赴山陵还孝伯叹曰櫨栋维新便复有 离之叹

戴安道【戴逵已见】少有高名武陵王【司马晞为太宰封武陵王】闻其善鼓琴使人召之安道就使者前打破琴直语云戴安道不能为王侯伶人

司马太傅【防稽王道子已见】尝集朝士置酒于东府谢尚书因醉为委巷之歌王孝伯正色曰居端右之尊集藩王之第而大肆淫声欲令臣下何所取则【晋书曰谢石字石奴丞相安之弟拜秘书郎累迁尚书仆射】

淮陵内史虞珉子妇裴氏有服食之术常着黄衣状如天师司马道子甚悦之令与賓客谈论时贤为之降节王孝伯独抗言曰未闻宰相之坐有失行妇人坐賓莫不反侧



王佛大临荆州甚得民和【王忱小字佛大 晋安帝纪曰王忱字元达平北 军坦之第四子 甚得名于当世与族子恭相善齐声见称仕至荆州刺史】桓南郡【桓元己见】时在江陵 既其本国且奕叶故义常以才雄驾物王每裁抑之南郡尝诣王通人未出南郡乘輦径入王 对南郡鞭门于南郡怒去王亦不留

彦升【 乔己见】与褚季野友善及康献临朝【康献皇后季野女也】彦升与季野书 曰皇太后践登正阼临驭皇朝将军于国外姓之太上皇也至于皇子近属咸有揖让之礼况 防名人臣而交媒人父天性攸尊亦体国而重矣故友之好请从此辞论者以彦升为得礼【 书又曰与 军虽世誉先后臭味同归然平昔之交与礼数而降箕踞之欣随世事而替虽 欲虚咏濠肆脱落仪制其能得乎】

桓 作逆晋安帝出宫时徐野民陪列悲动左右及 篡立野民又独哀感涕泗交流【晋书 曰徐广字野民东莞姑臧人世好学至广尤为精纯谢 为兖州辟从事桓 辅政以为大 军文学祭酒】谢尚书谓之曰徐公将无小过也野民收泪言曰君为宋朝佐命身是晋室遗 老忧喜之事固自不同乃更歔歔【沈约宋书曰谢晦字宣明陈郡阳夏人祖朗东阳太守父 重司马道子长史晦为孟防中兵叅军后为宋高祖中领军少帝即位加中书令与徐羨之傅 亮共辅政以事伏诛】

谢晦为宋台右卫权遇已重于彭城还都迎家賓客辐辏时宣逵在家惊谓晦曰吾家以逵退 为业汝遂势倾朝野此岂门户福耶乃 篱隔絕门庭曰吾不忍见此殷仲文还姑孰祖送倾 朝桓敬祖要王参军【王 之己见】同行参军曰钱离送别必在有情下官与殷风马不接 无缘扈从敬祖深贵其言【晋中兴书曰桓谦字敬祖冲第三子尚书仆射中军 军】蔡子 度自豫章徵为吏部尚书【沈约宋书曰蔡廓字子度济阳考城人曾祖谟晋司徒祖系抚军 长史父琳司徒左西属廓博涉羣书言行以礼起家著作佐郎至尚书令】时傅季友【沈约 宋书曰傅亮字季友北地人博涉经史尤善文辞官散骑常侍】徐羨之共管朝政【宋书曰 徐羨之字宗文东海郟人祖寧尚书吏部郎父祚之上虞令羨之厯官司空録尚书事羨之起 自布衣人无学术直以志力局度一旦居廊庙朝野推服谓有宰臣之望与谢晦傅亮同诛】 蔡因傅 以问季友若选事悉以见付不论不然不能拜也季友以语羨之羨之曰黄门郎以 下悉以委蔡吾徒不复厝懷自此以上故宜共参同异蔡曰我不能为徐干木【羨之小字】 署 尾也遂不拜

沙门慧琳以才学为文帝所赏朝廷政事多与参决帝每引见常升独榻顔延之因醉白上曰 昔同子 乘 丝正色此三台之坐岂可使刑余居之帝为变色王倩玉【王球己见】是司 徒【王谧】子公子简贵素不交游筵席虚静门无异客时殷尚书【宋书曰殷景仁陈郡长 平人曾祖融晋太常祖茂散骑常侍父道裕早亡景仁少有大成之量官至尚书仆射】刘领 军并执权重倾动内外王虽通家姻戚未尝往来【宋书曰刘湛字 仁南阳涅阳人祖耽父 柳并晋左光禄大夫湛少有局力不尚浮华博涉史传谙前世旧典弱年便有宰世情常自比 管夷吾诸葛亮厯官尚书仆射领军 军】

中书舍人王 为太祖所爱遇上谓曰卿欲作士人得就王球坐乃当判耳若往诣球可称旨就席 如言往王举扇防曰若不得尔 还依事啓闻太祖曰我便无如此何

张景 【张敷已见】为正员中书郎时舍人秋当周赳并管要务以张同省名家尝欲诣之周曰彼恐不相容接不如勿往秋言我等并已员外郎矣何忧不得共坐景 先设二牀去壁三四尺许二客就席张呼左右曰移我逺客周等失色而退

张景 为江夏王抚军记室江夏就文帝求一义学沙门防景 赴假还江陵入辞帝令以后车载沙门往云道中可得言晤张不奉诏曰臣性不耐杂【宋书曰江夏王义恭武帝子也幼明颖姿顔美丽武帝特所钟爱封江夏王谥文献】

蔡兴宗在荆州被徵还都时右军王道隆任参内政权重一时蹶履到前不敢造席良久王去竟不呼坐【南史曰蔡兴宗字兴宗幼为父廓所重谓有已风与亲故书曰小儿四歳神气似可不入非 室不与小人游故以兴宗为之名以兴宗为之字厯官吏部侍郎中书监】

宋孝武好狎侮羣臣自太宰义恭尚书令柳元景以下皆不能免又宠一昆仑奴令以杖遍击羣臣唯惮蔡兴宗方严不敢侵嫖顔师伯谓议曹王耽之曰蔡尚书常免昵戯去人实逺

王僧祐雅为从兄仲寶【王俭已见】所知仲寶在中书日常鸣笳列骑到其门候之僧祐辄称疾不前仲寶曰此吾之所望于 人也世以仲寶之爱名德僧祐之不附贵要并两称之【南史曰王僧祐字 宗琅琊人父逺光禄勳僧祐雅博古善老莊不尚繁华工草 善鼓琴亭然独立不交当世自天子至侯伯未尝与一人游卒于黄门郎】

向 季有义学才能立身方雅【南史曰向柳字 季河内山阳人父靖太子左卫率柳仕至南康郡涉义宣事伏法】与 太尉徐司空顔扬州【 淑徐湛之顔竣并已见】并相友善后扬州贵势当朝 季犹以素情自处不相推下范伯玉戒之曰名位不同礼有异数卿何得作曩时意耶 季曰我与士逊心期久矣岂可一旦以势利处之【南史曰范璩字伯玉平北军汪之曾孙位至淮南太守】

褚彦回【褚渊已见】美仪貌善容止俯仰进退咸有风则宋山陰公主窥见彦回悦之以白帝帝召彦回西上阁宿十日公主夜就之备见逼迫彦回整身而立不为移志公主谓曰君须髯如防何无丈夫意彦回曰回虽不敏何敢首为乱阶

纪僧真得幸于齐世祖容表有士风尝请于世祖曰臣出自本县武吏邀逢圣时阶荣至此为儿婚得荀昭光女即时无复所须唯就陛下乞作士大夫上曰此由江敦【别见】谢 【已见】我不得措意可自诣之僧真承防诣敦登榻坐定敦顾命左右曰移吾牀逺客僧真防气而退以告世祖世祖曰士大夫故非天子所命

宋德既衰齐高祖辅政朝野之情人懷彼此时王延之与尚书令王僧防【已见】中立无所

去就时人为之语曰二王持平不送不迎【南史曰王延之字希季祖敬 宋侍中父升之都官尚书延之静默不交人事仕宋司徒左长史清贫居宇穿漏褚彦回以啓宋明帝即勅材官为起三间斋屋厯吏部尚书左仆射】

宋世吏部都令史咨执选事陆东海【陆慧晓已见】在选任已独行未尝与语帝遣人语陆云都令史谙悉旧贯可共叅懷陆曰六十之年不复能谘都令史为吏部郎也上若谓身不堪便当拂衣而退

齐高帝于华林宴使羣臣各効伎艺褚彦回弹琵琶王僧防柳世 弹琴沈文季歌子夜来张敬儿舞时王仲寶曰臣无所解唯知诵书因跪上前诵相如封禅书上曰此盛德之事吾何以堪之

王仆射【王俭已见】尝属王琨用东海郡吏琨谓信人曰语郎三台五省皆是郎用人外方小郡当乞寒贱省官何容复夺之遂不过其事【南史曰琨王华从父弟也祖荟防稽内史父恠不辨菽麦时以为殷道矜之流琨少谨笃为从伯谧所爱先是琨伯父廙得罪晋世诸子并从诛唯华得免华宋世贵盛以门衰提携琨恩若同生为之延誉厯位宣城太守孝建中为吏部郎】

褚彦宣常非从兄彦回身事二姓【褚炤已见】彦回子贲【南史曰渊长子贲字蔚先少耿介父背 粲等附高帝贲深执不同终身愧恨有栖退之志位侍中】往问讯彦宣彦宣问曰司空今日何在贲曰奉玺绂在齐大司马门彦宣正色曰不知汝家司空 一家物与一家亦复何谓彦回好戲詔以轺车给之彦宣大怒曰着此辱门户那可令人见索火烧之驭人奔车乃免

卞士蔚弱冠时为上虞令甚有刚气防稽太守孟彭以令长裁之士蔚积不能容脱幘投地曰我所以屈卿者正为此幘耳今已投之卿以一世勲门而傲天下国士拂衣竟去【卞彬已见】

张思曼【张绪已见】忘情利禄朝野皆贵其风常语人曰吾一生不解作诺

刘璡【已见】尝为武陵王【暕】征虏参军武陵与僚佐饮自割鷺炙璡曰应刀落俎膳夫之事殿下亲执鸾刀下官未敢安席

中领军刘劭【宋书曰刘劭字伯猷彭城安上里人祖懷义父颖之并郡守劭少有志节兼好文义受明帝顾命守尚书仆射中领军】晚节有栖退志表求东阳郡【南史曰劭以世路糾纷有懷止足经始钟岭之南以为栖息聚石蓄水髣髴邱中朝士雅素者多往游之】尚书令 粲以下莫不贊美之王吏部曰永初景平唯谢晦殷景仁为中领军元嘉有到彦之为人望才誉劭不及也近闻加侍中已为快快便求东阳臣恐子房赤松未易轻拟

明帝废郁林虞侍中称疾不陪位【齐书曰虞棕字景豫防稽余姚人祖嘯父晋左民尚书父秀之黄门郎棕少谨勅有至性秀之于都亡棕东出奔防水浆不入口州辟主簿厯官侍中】帝使尚书令王晏谕防以虞旧人引叅佐命【南史曰王晏字休默一字士彦祖 之有高行父普曜秘书监晏官侍中左仆射永明中位任亲重以事伏诛】虞谓晏曰主上圣明公卿戮力宁假朽老以匡贊维新乎不敢闻命朝议欲斜之仆射徐孝嗣曰此亦古之遗直众议乃止

任彦升【任昉己见】在齐紆意于梅虫儿【南史曰梅虫儿吴兴人齐东昏时为制局监甚见爱幸东昏败伏法】用为中书郎彦升造谢尚书令王亮亮曰卿宜谢梅那忽谢我彦升大慙【南史曰王亮字奉叔王莹从父弟也父昌宋太宰中郎亮以名家宋末选尚公主齐竟陵王开西邸延才俊以为士林使工图其像亮亦与焉仕中书监加散骑常侍】

沈休文撰史王希 一日问休文曰从叔太常何故无传休文戲语云贤从有何可载希 答曰从叔唯忠与孝君当不以忠孝为美休文有慙色

徐勉为吏部尚书【梁书曰徐勉字修仁东海郟人祖长宗宋高祖霸府行叅军父融南昌相勉幼孤贫早励清节六歲时属霖雨家人祈霁率尔为文见称耆宿及长笃志好学起家国子生王俭为祭酒称勉有宰辅之量厯官侍中謚简肃】尝与门人夜集客有虞曷求詹事五官勉正色答云今夕止可谈风月不宜及公事时人服其无私【勉尝为书戒子崧曰吾家世清廉尝居贫素至产业之事所未尝言非直不经营而已薄躬遭逢遂至今日尊官厚禄可谓脩之每念叨窃若斯岂由才致仰借先代风范故臻此耳古人以清白遗子孙不亦厚乎又曰遗子黄金满籝不如一经详求此言信非徒语吾实有本志庶得遵奉此义不敢坠失所以显贵以来门人故旧亟荐便宜或使创辟田园或劝兴立邸店又欲舳舻运致亦令货殖聚斂 此事皆距而不纳非谓防葵去织且欲省息纷纭中年聊于东田营小园者非在播艺以要利入正欲穿池种 少寄情赏又以郊际闲旷终可为宅傥获悬车致事实欲歌哭于斯慧日十住等既应营婚又须住止吾清明门宅无相容处所以尔者亦复有以前割西邊施宣武寺既失西厢不复方幅意亦谓此逆旅舍耳何事须华常恨时人谓是我宅古往今来豪富继踵高门甲第连闼洞房宛其死矣定是谁室但不能不为培塿之山杂以花卉以娱休沐用托性灵随便架立不在广大所以内中逼促无复房宇近营东邊儿孙二宅乃借十住南还之资既牵挽不至又不可中涂而辍郊间之园遂不办保货与韦黯乃获百金成就两宅已消其半寻园价所得何以至此由吾经始厯年麓已戒立桃李茂密桐竹成陰塍陌交通梁畎相属华楼迴榭颇有临眺之美孤峯丛薄不无糾纷之兴读中并饶菰 湖里殊富芰莲虽云人外城阙密迕韦生欲之亦雅有情 追述此事非有 心盖是笔势所至耳忆谢灵运山家诗云中为天地物今成鄙夫有吾此园有之二十载矣今为天地物物之与我相校几何哉此吾所余今以分汝营小田舍亲累既多理亦湏此且释氏之教以财物谓之外命儒典亦称何以聚人曰财况汝曹常情安得忘此闻汝所买姑孰田地甚为舄鹵弥复何安孔子曰居家理治可移于官既以营之宜使成立进退两亡更貽耻笑若有所 获汝可自分贍内外大小宜令得所非吾所知又复应沾之诸女耳汝既居长故有此及凡为人长殊复不易当使中外谐辑人无间言先物后己然后可贵老生云后其身而身先若能尔者更招巨利汝当自勗见贤思齐不宜忽畧以弃日也弃日乃是弃身身名美恶岂不大哉今之所敕畧言此意正谓为家已来不事资产

陈其始末无愧怀抱兼吾年时朽暮心力稍殫牵课奉公畧不克举其中余暇裁可自休或复冬日之阳夏日之陰良辰美景文案间隙负杖蹑屣逍遥陋馆临池观鱼披林听鸟浊酒一杯弹琴一曲求数刻之暂乐庶居常以待终不宜复劳家间细务汝交关既定吾不复言及田事汝亦勿复与吾言之假使尧水汤旱吾岂知如何若其满庾盈箱尔之幸遇并无俟令吾知也记云夫孝者善继人之志善述人之事今且望汝全吾此志则无所恨矣】

朱彦和方贵用事賓客辐辏【南史曰朱异字彦和钱唐人祖昭之以学解称父翼之字处林有志节着辨相论顾欢见而异之以女妻焉异徧覽经史兼通杂艺官侍中中领军】欲引江子一为助【南史曰江子一字元亮济阳考城人晋散骑常侍统之七世孙父法成奉朝请子一少慷慨有大志仕终南津校尉】彦和是子一姑夫子一知彦和不为物议所归未尝造门

王东阳性简贵有风格时朱异当朝用事每休下车马填咽时有魏郡申英者寒门才俊好危言高论以忤权右常指异门曰此中穰穰皆以利往能不至者唯有大小王东阳小东阳即承弟穉也【南史曰王承字安期初为秘书郎累迁国子祭酒承祖俭父暕皆为此职三世为国师前代未有后为东阳太守】

阮居士外兄王晏贵显居士度其必至颠覆王笏管造门居士穿篱逃匿不与相见曾食醬美问之云是王家所得便吐餐覆醬

郡陵王【纶】尝于娄湖立园广宴朝士酒后好聚众賓冠手自裂破投之吐壶皆莫敢言谢举尝预宴王欲取举冠举正色曰裂冠毁冕下官弗敢闻命拂衣而退王屡召不反甚有慙色

萧引【己见】为建康令时宦者李善度蔡脱儿多所请托引皆不许或諫曰李蔡之权在位皆憚亦宜少为身计引曰吾之立身自有本末亦安能为李蔡致屈就令不平不过免职耳

陈后主尝置酒欢甚将移宴 范宫众人咸从唯蔡凝与 宪不行后主问其故凝答曰长乐尊严非酒后所过臣不敢奉诏众皆失色【南史曰蔡凝字子居蔡兴宗曾孙蔡撙之孙也美容止及长博涉经传有文词太建中选尚信义公主后主嗣位为黄门侍郎】

李敬文为高阳内史河间守崔谋恃其弟暹权势从敬文乞麋角翎羽敬文答曰翎有六翮飞则冲天麋有四足走便入海下官肤体踈嬾手足迟钝不能逐飞追走遠事佞人【北史曰李绘字敬文赵郡平 人仪貌端伟神情朗隽舅邢晏每与言数其高遠曰若披云雾如对珠玉宅相之寄良在此甥齐文襄用为散骑常侍】

晋公护执政广营第宅尝召韦敬遠至宅访以政事敬遠仰视其堂徐语曰酣酒嗜音峻宇雕墙有一于此未或不亡防甚不悦有识者以为知言

柳调为侍御史杨素尝戲之曰柳条通体弱独摇不禁风调敛版正色答曰调信无可取者公不当以为侍御史调信有可取不应发此言公当具瞻之地枢机何可轻发素甚奇之【北史

曰柳调河东解县人柳昂之子历官秘书侍郎时王纲不振朝士多赃货唯调清素守常为时所美】

## 语林卷十三

李纲尝乞骸骨高祖谩骂曰卿昔为何潘仁长史今顾羞朕尚书耶纲顿首曰潘仁贼也志好残杀然每谏辄止为其长史无愧陛下功成厚自伐臣言如持水内石何敢久为尚书【刘昫唐书曰李纲字文纪观州蓀人大业末屏居于鄆贼帅何潘仁以为长史义师至京城纲谒见高祖授丞相司录贞观四年拜太子少师每吐论发言辞色慷慨有不可夺之志】苏世长【己见】从猎于高陵是日大获陈禽于旌门高宗顾谓羣臣曰今日畋乐乎苏对曰陛下畋猎薄废万防不满十旬未为大乐高宗色变既而笑曰狂态发耶对曰臣为私计则狂为陛下国计则忠

刘仁轨【己见】既宦达其弟仁相在乡曲升沈不同遂搆嫌恨与仁轨别籍每于县只奉巨课或谓之曰何不与给事同籍五品之家当免差科仁相曰谁能向狗尾底避陰凉

杨德干为万年令高宗朝有宦官恃宠放鹄不避人禾稼德干杖之二十悉拔去鹄头宦者涕泣袒背以示帝帝曰你情知此汉狩何须犯他百姓

张文瓘在禁近同列以堂饌丰余欲少损文瓘曰此天子所以重枢务待贤才也若不任职当自引避不宜节减以自取名【宋祁唐书曰张文瓘字稚圭贝州武城人贞观初第明经累官黄门侍郎兼大理卿执法平恕时人比之戴胄】

则天时南海献集翠裘珍丽异常后以赐张昌宗狄梁公时入奏事后命梁公与昌宗双陆则天曰卿二人赌何物梁公对曰赌昌宗毛裘以臣紫紵袍为对则天笑曰此裘价逾千金卿袍安能敌此梁公起曰臣此袍乃大臣朝见奏对之衣昌宗乃嬖幸宠遇之服对臣之袍臣犹怏怏昌宗心赅神沮累局连北梁公对御就褫其袍拜恩而出至光范门付家奴衣之促马而去【刘昫唐书曰狄仁杰字懷英太原人神功元年拜鸾台侍郎中宗在房陵仁杰每奏对无不以母子恩情为言后省悟召还中宗帝反正追赠司空】

武后临朝薛懷义势倾当时虽王主皆下之苏良嗣遇诸朝懷义偃蹇不为礼良嗣大怒使左右牵拽搭面数十武后知曰阿师当向北门出入南衙宰相往来勿犯他【刘昫唐书曰苏良嗣世长之子高宗时为周王府司马守文检括莫敢有犯深为高宗所称则天朝工部尚书】

武 将军田仁会【宋祁循吏传曰田仁会雍州长安人永徽中为平州刺史歲旱自暴以祈雨雨大至郡人歌之】诬奏侍御史张仁祎【朝野僉载曰张仁祎上元中为吏部员外郎】高宗临问仁祎惶惧失次韦仁约历阶进曰臣与仁祎连曹颇知事由仁祎懦不能自理若仁会惑圣听致仁祎非常之罪则臣事陛下不尽臣之恨矣请专对其状词辩纵横音防朗畅高宗深纳之乃释仁祎【大唐新语曰韦仁约在宪司见王公卿相未尝拜人或劝之答曰雕鹗鹰鹯岂众禽之偶奈何设拜以狎之后为左丞奏曰陛下为官择人非其人则阙今不惜美锦令臣制之此陛下知臣之深亦防臣尽命之秋振举纲目朝廷肃然】韦安石为纳言日【刘昫唐书曰韦安石京兆万年人周司空孝寬曾孙歷德郑二州刺史持重少言笑为政清严

所在人吏畏之久视中迁文昌右丞寻知纳言】二张引蜀商宋霸子博塞后前【刘昫唐书曰张易之白皙美姿容善音律先是易之弟昌宗入侍中禁既而啓天后曰臣兄易之器用过臣兼工合链即召见甚悦兄弟俱侍宫中傅粉施朱衣锦绣服承辟阳之宠】安石言商等贱类不当戲殿上顾左右引出坐皆失色后以安石辞正改容慰勉鳳閣侍郎陆元方自以为不及退语人曰韦公真宰相【刘昫唐书曰陆元方苏州吴县人伯父东之以工书知名元方延载初迁鳳閣侍郎则天尝问以外事对曰臣备位宰臣有大事即奏人间碎务不敢以烦圣览由是忤防】狄梁公为度支员外郎车驾将幸汾阳宫狄奉使先修供顿并州长史李冲以道出妬女祠俗称为盛衣服车马过必致雷风之异欲别开路梁公谓曰天子行幸千乘万骑风伯清尘雨师洒道何妬女之敢害而欲避之冲遂止果无他变

宋广平【宋璟已见】尝侍宴朝堂时二张皆为列卿【朝野僉载曰周张易之为控监昌宗为秘书监】广平阶六品在下坐易之素憚广平刚正妄悦其意虚位揖广平曰公第一人何乃下坐广平曰才劣品卑张卿以为第一何也天官侍郎郑善果谓广平曰中丞奈何呼五郎为卿【大唐新语曰当时朝列呼易之为五郎昌宗为六郎】广平曰以官言之正当为卿以亲故当为张五非易之家奴何郎之有【大唐新语曰郑善果性至孝笃慎父城周大将军讨尉迟迥遇害母崔氏甚贤明晓以正道故善果励已清廉所莅咸有政绩】

张易之诬魏元忠有不顺之言引张说令证之说皇惑迫惧宋璟曰名义至重神道难欺必不可党邪陷正以求苟免若緣犯顔流贬芬芳多矣或至不测吾必叩阁救子与子同死子须努力万代瞻仰在此举也说感其言及入乃保明元忠竟得免死【大唐新语曰魏元忠以摧辱二张反为所搆云元忠属意太子为少年耐久朋则天大怒下狱易之引张说为证说明其枉元忠得免死流岭南】宋广平自广州召还宗遣内侍杨思勗迎之广平风度凝逵人莫测其际在涂竟不与思勗交一言思勗自以将军贵幸诉之于帝帝益嗟重

王毛仲有宠于宗百官附之一日毛仲嫁女上问何所须毛仲顿首谢曰臣万事已备但未得客上曰张说源乾曜【二人已见】辈岂不可召耶对曰此则得之上曰知汝所不能致者一人耳必宋璟也对曰诚如圣防上笑曰朕明日为汝召客明日上谓宰相朕奴毛仲有婚事卿等宜与达官悉诣其第既而日中客未敢举箸待璟久之方至先执酒西向拜谢饮不尽扈遽称腹痛而归【刘昫唐书曰王毛仲本高丽人性识明悟宗为临淄王时常伏侍左右开元中部统羣牧孳息数倍宗大悦加位至特进】

安乐公主恃宠尝奏请昆明池为汤沐中宗不许【刘昫唐书曰安乐公主中宗女也韦后欲宠树公主为之开府置官属安乐恃宠骄恣卖官鬻爵势倾朝廷】安乐大役人夫掘其侧为定昆池池成中宗韦庶人往宴令公卿已下赋诗黄门侍郎李日知诗曰但愿暂思居者逸无使时传作者劳后睿宗登位谓日知曰朕当时亦不敢言非卿忠正何能尔【唐诗纪事曰李日知郑州人景龙初为相】

吕太乙为户部员外郎户部与吏部隣司吏部移牒户部令墙宇悉树以防令吏交通太乙报牒曰眷彼吏部铨总之司当须简要清通何必设篱种省中赏其俊拔【大唐新语曰太



乙初为御史里行自 才华而不即真咏院中丛竹以寄意曰擢擢当轩竹青青重嵒寒心贞徒见节箨小未成竿后迁户部员外】

吴兢与刘子 撰定武后实录叙张昌宗引张说诬证魏元忠事云说已许昌宗赖宋璟激励苦切故转祸为忠不然皇嗣且殆后说为相读之不喜知兢所为即从容谬语曰刘生书魏齐公事不少假借奈何兢曰子 已亡不可受诬地下竞实书之其草故在闻者叹其直说屡以情薪改竞辞曰狗公之情何名实录卒不改世称为今之董狐【刘昫唐书曰吴兢汴州浚仪人励志勤学博通经史魏元忠朱敬则为相荐其有史才令直史馆神龙中修武后实录】

秘书监姜皎得罪【唐诗纪事曰姜皎长安中为尚书奉御明皇在藩邸皎识其有非常度遂委心焉及即位授殿中少监出入卧内开元中为秘书监坐泄禁中语流钦州道死】张嘉贞附会权幸请加诏杖俄而皎死【刘昫唐书曰张嘉贞蒲州猗氏人弱冠应五经举累官并州长史有告其在军奢僭按驗无状上将加告者反坐之罪嘉贞奏曰昔天子听政睽赋蒙诵百工谏庶人谤而后天子斟酌焉今坐此辈是塞言者之路天下之事无由上达特望免此罪以广谤诵之道帝以嘉贞为忠数月迁中书令】后广州都督裴旻先下狱帝问法当如何嘉贞复援皎例时张说进曰臣闻刑不上大夫以其近于君也故曰士可杀不可辱向者姜皎官是三品亦有防功若其有犯应死即杀应流即流不宜庭辱以卒伍待况律有八议勲贵在焉皎事既不可追旻先岂容复滥上然其言嘉贞退谓说曰何言事之深也说曰宰相者时来即为岂能长据若贵臣尽当可杖但恐吾等行当及之此言非为旻先乃为天下士君子也嘉贞有慙色【刘昫唐书曰裴旻先绛州闻喜人宰相裴炎从子也官至工部尚书】

李邕为左拾遗时御史中丞宋璟奏张昌宗兄弟有不顺之言请付法曹推断则天初不应邕在陛下进曰臣观宋璟之言事关社稷望陛下可其奏则天色稍解始允宋璟所请既出或谓邕曰子名位尚卑若不称防祸将不测何为造次如是邕曰不愿不狂其名不彰若不如此后代何称【李邕宋璟张昌宗并己见】

孔著作【至】撰百家类例品第海内族姓以张燕公为近代新门不入百家之数驸马张垪是燕公子见著作所撰谓弟垪曰多是汉天下族姓何与伊事而妄为升降垪素与著作善以兄言告之时工部侍郎韦述谄练士族举朝共推每有商确咸就谘访著作书初成以呈韦公韦以为可行及闻垪言著作惧祸将追改之以情告韦韦曰孔至休矣大丈夫奋笔将为千载楷则奈何以一言而自动摇有死而已何可改也遂不复改【刘昫唐书曰韦述司农 机曾孙笃志文学有家书二千卷童时记览皆遍父景骏为肥乡令述从父至任洛州刺史元行冲景骏姑子为时大儒常载书数车自随述入其书斋忘寝与食行冲引与之谈贯穿经史事如指掌探 奥防如遇师资试以缀文操牍便就行冲引之同榻曰此吾外家之宝也举进士入关时述甚少仪形 小考功宋之问曰韦学士童年有何事业述对曰性好著书有所撰唐春秋三十卷恨未终篇至如词防仰待明试之问曰本求异才果得迁固居史馆二十年勒成国史一百一十三卷】

萧茂挺为集贤校理李林甫欲一见之颖士方有父丧不时肯诣林甫尝至一故人舍邀颖士

颖士遂往哭门内以待林甫林甫不得已前吊乃去【李华作颖士文集序曰兰陵萧颖士字茂挺十九进士擢第淮南连帅表为一州功曹君以文章制度为己任时人咸以此许之及卒门人谥为文元先生 唐诗纪事曰颖士以拔擢后进为任如李阳冰皇甫冉陆渭由擢目皆为名士天下推知人称萧功曹尝兄事元德秀而友殷寅颜真卿柳芳陆据李华邵轸赵骅时人语曰殷颜柳陆李萧邵赵以能全交也李华与齐名世号萧李】

常袞当国【刘昫唐书曰常袞京兆人文章俊拔当时推重与杨炎同掌纶诰时称常杨性清直孤洁不妄交游代宗拜门下侍郎同平章事】崔祐甫在中书【刘昫唐书曰崔祐甫字贻孙父沔黄门侍郎祐甫性刚直无所容遇事不回迁中书舍人】每论事未尝降屈舍人岑参初掌纶诰屡称疾不宿直诸人不敢言崔独以舍人职在枢密不宜让事于人岑舍人称疾既久多有离局袞曰此子羸疾日久诸贤岂不能容之崔曰相公若知岑久抱疾本不当迁授今既居此地安可以疾辞王事乎袞默然无以夺【唐诗纪事曰岑参南阳人文本之后至德中任宣议郎摄监察御史拾遗裴冕杜甫荐参识度清逵议论雅正佳名早立时辈所仰可备献替之官】

李揆【已见】秉政苗侍中荐元载可大用【刘昫唐书曰苗晋卿上党壶关人世以儒素称晋卿开元中知吏部选事性谦柔选人有诉讼索好官者虽数千言或声色甚厉晋卿必含容之畧无愠色累官侍中】揆语侍中曰龙章凤姿之士不可见鼷头鼠目之子乃求官耶竟不肯纳载入相除揆秘书监江淮养病十余年【唐书曰元载凤翔岐山人 唐诗纪事曰载羈旅到京屡陈时务深符上防肃宗擢拜中书以贪愆伏法】

颜鲁公在汝州淮西贼将僭窃问仪注于鲁公公答曰老夫耄矣曾掌国礼所记唯诸侯朝覲之仪耳临以白刃视之晏然【李肇国史补曰李希烈陷汝州卢杞建议曰颜真卿四方所信若往谕之可不劳师而定时朱滔王武俊使皆在坐谓希烈曰闻太师名德久矣公欲建大号而太师至求宰相孰先太师者真卿叱曰若等闻颜常山否吾兄也禄山反首举义师后虽被执诟贼不絶口吾年且八十官太师吾守吾节死而后已】

张延赏在中书【刘昫唐书曰张延赏中书令嘉贞之子博涉经史达于政事苗晋卿见而奇之以女妻焉贞元中拜中书侍郎】恃权矜已嫉柳浑守正使人谓之曰相公旧德但节言于庙堂则名位可久浑曰为吾谢张相公柳浑头可断舌不可禁卒为所挤【续襄阳耆旧传曰柳浑字夷旷襄阳人天宝初补单父尉累拜监察御史求外职宰相惜其才留为左补阙】

裴漼为陕府录事参军时李汧公【李勉已见】充观察始至官属谒讫令别召裴录事坐与之语且云少顷有燕便请随判官同赴及燕三召不至公怒召漼让之曰某忝公之官长以素闻公名兼朝中亲友话公美事思接从容故超越礼分面约赴燕遂累召不来何相忽之甚也漼正色言曰中丞细思之未知谁失必也正名各司其局古人所守其敢忘之中丞府中自有宾僚某走吏也安得同之汧公曰老夫过矣漼退汧公命驾访之置在宾席【赵璘因话录曰漼累官同州刺史所在有能名】

宪宗寝疾杜黄裳时为太常卿欲率百官请皇太子监国以语其婿韦执谊执谊曰丈人方得一官宁可复开口议禁中事黄裳勃然曰黄裳受恩三朝岂可以一官见买即拂衣而出

朱泚召段秀实【己见】计事源休姚令言李忠臣李子平皆在秀实戎服与休并坐语至僭位秀实勃然起执休腕夺其象笏奋而前唾泚面大骂曰狂贼可磔万段吾岂从汝反耶遂击泚中颞流血蔑面

李惇在淄青幕屡有规正节度使王衡不能用一日王对诸客别有所问惇曰某前后颇献愚直大夫不用今复问何为王作色曰李十五好为诋讦惇曰忠言大夫谓之诋讦久住何益请从此辞再拜趋出命驾而去柳元公甚知张尚书正甫【刘昫唐书曰柳公绰字起夫性谨重动循礼法属岁饥其家虽给而每饭不过一器岁稔复初家甚贫有书千卷不读非圣之书为文不尚浮靡官检校左仆射河南节度观察使】元公之子仲郢【别见】尝遇张于途去盖下马而拜张止之不获他日张言于元公曰寿郎【仲郢小字】相逢其谦太过元公作色不应久之张起去元公谓客曰张正甫与公绰往还欲使儿于街中骑马冲公绰此人亦不足与语张闻而谢过【刘昫唐书曰张正甫字践方南阳人官至检校兵部尚书仁而端亮莅官清强居外任所至称理】

宪宗在东宫时王绍避太子讳请改名时以为諂李藩曰自古故事由不识体之人败之不可复正虽绍何诛【刘昫唐书曰李藩字叔翰赵郡人少恬淡修检雅容仪好学元和中为中书侍郎藩为相材能不及裴垪孤峻颇后韦贯之然人物清规亦其流也】

裴垪在中书有故人自远来访裴给防优厚其人乘间求京府判司裴曰公诚佳士但此官与公不相当不敢以故人之私而隳朝廷纪纲他日有瞎眼宰相怜公者不妨却得【刘昫唐书曰裴垪字中河东闻喜人代李吉甫为中书侍郎年少骤居相位器局峻整虽大寮前辈不敢干以私议者谓垪作相才与时会知无不为于时朝无幸人百度寝理再周遘疾公论惜之】郑珣瑜在中书堂会食俄王叔文至吏白宰相方会食百官例不得见叔文恚叱吏吏入白韦执谊遽起延入阁内珣瑜叹曰吾可以复居此乎命左右取马归卧家七日不出自是罢相【宋祁唐书曰郑珣瑜字元伯郑州荥泽人天寶中退耕陆浑山以养母崔祐甫为相擢左拾遗除河南尹清静惠下人不敢干以私后为门下侍郎】

李逢吉当国【刘昫唐书曰李逢吉字虚舟陇西人学士李道曾孙元和中为门下侍郎宪宗讨淮蔡以兵委裴度逢吉密沮之后又构于方之狱代度平章事时国威不振天下延颈俟度再用及为逢吉所挤四海为之侧目】忌裴晋公【裴度己见】复相使京兆尹刘栖楚十余人悉力根却之虽晋公门下宾客皆有去就意他日晋公置酒延客栖楚曲意自解附耳而语崔咸疾栖楚举酒让晋公曰丞相乃许所由官啜嚅耳语愿上罚爵【项安世家说曰今坊市公人谓之所由】晋公笑受而饮栖楚不自安趋出坐上壮之【宋祁唐书曰崔咸字重易博州博平人元和初郑余庆李夷简表在幕府与均礼入朝为侍御史处正特立风采动一时】

李公垂【李绅已见】为李锜掌书记锜逗挠不朝一日召公垂使作疏公垂阳怖栗至不能为字下笔辄涂去尽数 锜怒骂曰何敢尔不憚死耶公垂对曰生未尝见金革今得死为幸即注以刃令易纸复然或言许纵能军中书绅不足用召纵至操书如所欲即囚公垂狱中锜诛或欲以闻公垂谢曰本激于义非市名也乃止

韦澳是韦贯之子兄温与中丞高元裕友善温请用澳为御史一日谓澳曰高二十九持宪纲欲与汝相面汝必得御史澳不答温曰高君端士汝不可轻澳曰然恐无呈身御史竟不诣元裕之门

宣宗朝户部缺判使韦澳奏对延英宣宗言户部缺判使澳但对以府事上言户部缺判使者三又问卿意何如澳曰臣近年心力减耗不奈繁剧累曾陈乞一小镇圣慈未垂矜允上嘿然不乐甥柳玭曰舅特承圣知延英奏对恐未得中澳曰吾不为时相所信忽自宸衷委以使务必以吾他歧得之何以自明我意不错尔须知时事渐不佳是吾徒贪爵位所致尔宜志之后出镇河阳

周祖入京师百官迎谒周祖见冯道犹设拜意道便行推戴道受拜如平时徐语曰侍中此行不易周祖气沮故禅代之谋稍缓

宋太祖时窦仪在翰林忽一日宣入禁中行至屏障间觐见太祖犹衮衣潜身却退中书谓曰官家坐多时请速出见窦曰圣上衮衣必是未知仪来但奏云宣到翰林学士窦仪太祖闻之遂起索衫带着后方召见【五朝名臣言行录曰窦仪字可象蓟州人登晋朝进士 金坡遗事曰王着既贬官太祖谓范质曰深严之地当选慎重之士以处之质言前朝学士惟窦仪清介谨厚然已为尚书难于复召上曰禁中非此人不可当谕朕意令勉赴所职即日再入翰林】

陶谷为学士日尝召对太祖防服御便殿谷望见将进而复却者数四太祖笑曰措大索事分顾左右取袍带来上束带竟谷遽趋出

宋太宗一日谓宰臣曰朕何如唐太宗众皆曰陛下尧舜也何太宗可比李文正【李昉已见】独无言徐诵白乐天诗曰怨女三千放出宫死囚四百来归狱太宗曰朕不如也

真宗欲以后宫刘氏为贵妃遣使持手札以问李沆【已见】沆对使者引烛 手札因附奏曰但道臣沆以为不可其议遂寝

张知白守亳亳有豪士修佛庙成知白召穆修作记记成不书士名士以五百金遗修求载名于记修投金庭下促治装去曰吾宁糊口为旅人终不以匪人污吾文也【东都事畧曰张知白字用晦沧州青池人真宗朝叅知政事出知亳州天圣二年拜工部尚书平章事在位重名器无毫髮私清约如寒士卒赠中书令諡文节】

王魏公【王旦已见】当国时玉清宫初成丁崖相【丁谓】令大具酒食列幕次以饮食游

者后游者多诣丁诉玉清饮食官视不谨多薄恶不可食丁至中书言于魏公公不答丁三四言终无所云丁色变问相公何以不答公曰此地不是与人理会馒头夹子处

王魏公至性俭素东封日二府议增饰车服以盛法从诸公令人于公第日诃之一无所为王冀公【钦若】乃作绣鞵送公曰前议恐忘已令为之公使具直置之而不乘冀公怪问其故公曰常所跨者君上所赐非不华也岂可更事奢僭以隳典制

王文正作相罕接宾客独杨大年【杨亿已见】来则对榻卧谈文正卒时属家事一付大年后丁晋公求文正家婚大年令絶之

杨大年答契丹书云隣壤交欢真宗注云朽壤粪壤令大年重改因易为隣境明日引唐故事不称职求罢上曰杨亿不通商量真有性气

杨大将与王文穆不相得在馆中文穆或继至大年必径出他处亦然文穆去国日朝士皆有诗大年独不作文穆辞日奏真庙传宣令大年作诗大年竟不奉诏【宋史曰王钦若字定国临江新喻人进士甲科累官门下侍郎卒諡文穆智数过人每朝廷有所兴造委曲迁就以中帝意又轻巧敢为矫诞仁宗尝谓辅臣曰钦若久在政府观其所为真奸邪也王曾对曰钦若与丁谓林特陈彭年刘承珪时谓五 奸邪险伪诚如圣谕】

真宗将立明肃后令丁谓谕防于杨大年令作册文丁云此段不忧不富贵大年答曰如此富贵亦不愿得杨文公在翰林丁谓初叅政事羣公致贺杨语同列曰骰子选尔何多尚哉未几逃归阳翟别墅

杨文公在翰苑日有新幸近臣意欲扳公入其党中因间语公曰君子知防知章知柔知刚公正色疾声答曰小人不耻不仁不畏不义

王沂公在阁下日杨文公性诙谐一时僚友无不被其狎侮于沂公独曰第四防舍人不敢奉戏

富郑公为枢密使英宗初即位赐大臣永昭陵遗留器物已拜赐又例外独赐郑公加千郑公力辞东朝遣小黄门谕公此防物不足辞虽家人亦以为不害大体屡辞恐违中防公曰此固防物要是例外也大臣例外受赐不辞若人主例外作事何以止之竟辞不受

冯拯在中书日【涑水记闻曰冯拯河南人其父为赵韩王守第舍拯小时韩王见而奇之曰此子何不使读书其父使就学数年举进士太宗时请立太子谪岭南真宗即位被用至宰相无文学而性伉直官至侍中】孔道辅初拜正言诣冯许谒谢冯曰天子用君作谏官岂宜私谢执政道辅慙伏而退后道辅尝语人曰如冯公者未足为贤相然求之于今亦未易有【儒林公议曰孔道辅自以圣人之后常高自标置性刚介急于进用或有劝其少通者答曰吾岂姓张姓李者耶闻者多笑之为御史中丞以事被黜知郢州然非其罪躁忿且甚至胙县一夕

卒于驿舍】

富郑公之薨神宗对辅臣悼惜且曰富弼平生强项今志其墓者亦必一强项人卿等试揣之已而自曰方今强项者莫如韩维必维为之【五朝名臣言行录曰韩维字持国忠献公之子笃志好学神宗在潜邸英宗命韩魏公择宫僚用王陶韩维等皆名儒厚德之士】时持国知汝州其弟玉汝在枢密院具闻此语亟遣使报持国曰虽其家以是相嘱甚勿许之不然且获罪先是富氏果以志属持国持国与玉汝书曰吾平生受富公厚恩恨未有以报今其家见托义无以辞且已许之不可食言因以获罪所甘心也卒为之初持国年几四十犹未仕会富公镇并门以帅幕辟之遂起【东都事畧曰韩缜字玉汝忠献公子也官至中书侍郎外事庄重所至以严称虽出入将相而寂无功烈厚自奉养清议非之】

韩魏公留守北京李稷以国子博士为漕颇慢公公不为较待之甚礼俄潞公代为留守未至扬言云李稷之父绚我门下士也闻稷敢慢魏公必以父死失教至此吾视稷犹子也果不悛将庭训之公至北京李来谒坐客次久之公着道服出徐语曰而父吾客也只八拜稷不获已如数拜之【东都事畧曰徐禧用兵西夏李稷主粮饷永乐城陷阖城俱没稷赠工部侍郎】

神宗尝对章惇称张安道之美问惇识否惇退以告吕惠卿惠卿明日与安道同行入朝告以上语且曰行当大用矣安道缩鼻不对其夕安道适与客坐惇呵引到门谒入安道使谢曰素不相识不敢受谒惇慙恚而退熙宁初蔡寺丞【名天申丞相挺之子也】察访京西挟其父势妄作威福震动一路河南尹李师中转运使李南公事之甚恭时司马温公判留司御史台因朝谒应天院天申独立一班既报班齐温公呼知班曰引蔡寺丞归本班知班引天申立监竹木务官富替善之下天申即日行【盖朝位仪注以官为高下朝谒应天院留台职也】

司马文正公自在台阁时不送门状曰不诚之事所不敢为

范蜀公【范镇已见】有子弟赴官乞书诣见朝贵蜀公不许曰仕官不可广求人知受恩多则难为立朝

范景仁与赵阅道私好不协熙宁中王介甫执政以景仁时为异同数诋之于上且曰陛下问赵抃即知其为人他日上以问阅道阅道对曰镇是忠臣上问卿何以知其忠对曰嘉祐初仁宗不豫镇百请立皇嗣以安社稷岂非忠乎既退介甫语阅道曰公不与景仁有隙乎阅道曰不敢以私害公【涑水记闻曰至和中范景仁为谏官赵阅道为御史以论陈恭公事有隙】

王荆公与唐质肃【唐介已见】同为叅政议论未尝少合荆公雅爱冯道尝谓其能屈力以安人如诸佛菩萨之行一日于上前语及此事唐曰道为宰相使朝易四姓身事十主岂得为纯臣乎荆公曰伊尹五就汤五就桀者正在安人而已岂得非纯臣质肃曰有伊尹之志则可荆公为之变色

王舒王嗜佛书曾子固欲讽之未有以发尝一日会于南昌少顷潘延之亦至延之谈禅王问

所得子固熟视之已而又论人物曰某人可秤子固曰弇用老而逃佛亦可一秤舒王曰子固失言也善学者读其书唯理之求有合吾心者则樵牧之言犹不可废言而无理周孔所不敢从子固笑曰前言第戏之耳【罗湖野录曰清逸居士潘兴嗣字延之初调德化县尉同郡许臧拜江州守潘往见之臧不为礼遂懷刺归竟不之官问道于黄龙南禅师获其印可尝曰我清世之逸民故自号焉】

孙少述与王荆公最厚荆公当国数年不复相闻及荆公再罢相归过高沙少述适在亟往造之相见惟劳苦及吊元泽之丧两公皆自忘其穷达遂留荆公置酒共饭剧谈经学抵暮乃散荆公曰退即解舟无由再见少述曰如此更不奉谢矣怅怅各有惜别之色人然后知两公未易测也【老学庵笔记曰孙少述字正之与荆公最厚公别少述诗云应须一曲千回首西去论心有几人又云子今去此来何时后有不可谁余规其相与如此及公当国数年不相闻人谓二公之交遂絕】

王荆公初叅大政一日因阅晏元献小词荆公曰为宰相何诘作词平甫曰彼亦偶然自喜而为尔顾其事业亦不止此时吕惠卿为馆职亦在坐遽曰为政必先放郑声况自为之乎平甫正色曰放郑声不若遠佞人吕大慚【涑水记闻曰王安国常非其兄所为官西京国子教授任满至京上以介甫故召上殿时人以为必除侍讲上问以其兄秉政物论如何对曰但恨聚斂太急知人不明耳上默然不悅由是别无恩命安国尝力諫其兄以天下恟恟不乐新法恐为家祸介甫不听安国哭于影堂曰吾家灭门矣又责曾布以迷惑丞相更变法令布曰足下人之子弟朝廷变法何预足下事安国勃然怒曰丞相吾兄也丞相之父即吾父也丞相杀身破家僇及先人发掘邱垅岂得不预我事也】

吕惠卿之谪词头始下刘贡父当草制东坡呼曰贡父平生作劄子今日才斩人也贡父引疾谒告东坡一挥而就不日传写都下 为之贵【曲洧旧闻曰绍兴初惠卿牵复知江陵到任谢上表云顾惟妄论何裨当日之朝廷徒使烦言有黷在天之君父或曰观此一聯其用心儉復如此使其得志必杀二苏无疑矣盖当时台諫论列多子由章疏而谪词东坡当笔也】

章惇被谪钱勰草词云硃硃无大臣之体鞅鞅非少主之臣章甚衔之绍圣初召拜首台翰林曾子宣【布】草麻泊庭宣有赤舄几几南山岩岩之语时士大夫语云今则几几岩岩奈硃硃鞅鞅乎未几钱自吏部尚书责知池州

章子厚在政府一日李 直欲复唐巾裹子厚曰未消争竞只烦公令嗣带来畧看苏子由语张文潜曰庙堂之上谗语肆行在下者安得不风靡

范淳夫【五朝名臣言行录曰范祖禹字淳夫成都人事神宗哲宗为太史着唐鉴】尝语李方叔云【宋史文苑传曰李彖字方叔其先自郢徙华彖六歲而孤能自奋立以学问称尝以文谒苏轼于黄州轼谓其笔墨澜翻有飞砂走石之势拊其背曰子之才万人敌也】李文正【李昉已见】有言士人当使王公闻名多而识面少此最名言盖宁使王公讶其不来无使王公厌其不去

高宗在徽宗服中用白木椅子钱大主入覲见之曰此檀香椅子耶张婕妤掩口笑曰禁中用胭脂皂防多相公已有语更敢用檀香作椅子时赵鼎张浚作相【宋史曰张浚字德远汉州绵竹人绍兴中总中外之政天子方厉精克己戒飭宫庭内侍无敢越度事无巨细必以咨浚】赵鼎在潮五年杜门谢客时事不挂口及移吉阳军有谢上表曰白首何归怅余生之无几丹心未泯誓九死以不移秦桧见之曰此老倔强犹昔【宋史曰赵鼎字元镇解州闻喜人绍兴中至宰相秦桧畏其逼出知泉州自泉州归复上书言时政桧忌其复用讽次翁论其尝受伪命干没都督府钱十七万缗谪官兴化军论者犹不已责清远军节度副使潮州安置】

史弥远拜相陈晦草制用昆命元 语倪文节叹曰董贤为大司马册文有允执厥中一语萧咸以为尧禅舜之文长老见之莫不心惧今制词所引舜禹揖逊事也天下有如萧咸者读之得不大骇乎乃上省牒请贴改麻制诏下分析弥远除晦殿中侍御史即劾文节藩臣僭论麻制镌职而罢【宋史曰倪思字正甫湖州归安人中博学宏词科累迁著作郎兼翰林权直光宗即位典册与尤袤对掌故事行三制并宣学士上欲试思一夕并草除公师四制训词精敏在廷诵叹】

金人来取赵彬等三十人家属诏归之时洪皓曰昔韩起谒环于郑郑小国也能引义不与金既限淮官属皆吴人宜留不遣盖虑知其虚实也彼方困于 古姑示强以尝中国若遽从之谓秦无人益轻我矣桧变色曰公无谓秦无人【宋史曰洪皓字光弼番易人少有奇节慷慨有经畧四方志假礼部尚书为大金通问使尼堪迫往刘豫皓不从流徙冷山乌舍锐意南侵曰孰谓海大我力可干但不能使天地相拍尔皓曰兵犹火也弗戢将自焚自古无四十年用兵不止者又数言所以来为两国事既不受使乃令深入教小儿非古者待使之礼乌舍发怒曰汝作和事官而口硬如许谓我不能杀汝耶皓曰自分当死愿大国无受杀行人之名愿投之水以坠渊为名可也乌舍义之而止】

元兵大入贾似道当国以去要君时度宗初即位呼为师相至涕泣拜留之江万里时为叅政以身掖帝云自古无此君臣礼陛下不可拜似道不可复言去似道不知所为下殿举笏谢万里曰防公似道几为千古罪人【宋史曰江万里字子远都昌人少神隽有锋颖入太学有文声理宗在潜邸尝书其姓名几砚间召试馆职迁右正言为侍御史器望清峻论议风采倾动一时帝眷注尤厚度宗朝官至叅知政事】

至元中程文海荐宗臣二十三人以谢枋得为首时行省奉诏起之执手相劳勉枋得谢曰上有尧舜下有巢由枋得名姓不祥不敢赴诏【宋史曰谢枋得字君直信州弋阳人读书五行俱下一览终身不忘寶祐中对防极诋丞相董槐与宦官董宋臣中乙科官至权工部侍郎宋亡见福建行省叅政魏天祐傲岸不为礼与之言不对天祐怒强之而北至京问谢太后横所及瀛国所在再拜恸哭迂悯忠寺见壁间曹娥碑泣曰小女子犹耳吾岂不汝若哉留梦炎使医持药杂米饮进之枋得曰吾欲死汝乃欲生我耶弃之于地不食而死】

呼沙呼弑卫绍王立宣宗一时朝臣皆言卫王失道天命絶之呼沙呼无罪且有推戴之功独张行信抗章言之不报举朝遂以为讳后史官谓贾益谦经事卫王宜知其事时益谦居郑州



乃遣编修一人就郑访之益谦慷慨言曰知卫王莫如我然我闻海陵被弑大定间禁近能暴海陵蛰恶者辄得美仕故当时史官多所附会卫王为人勤俭慎惜名器较其行事中材不及吾唯知此而已设欲饰吾言以实其罪吾亦何惜余年【金史曰贾益谦字彦亨沃州人大定中歷仕州郡以能称累官尚书左丞】

廉希宪尝有疾帝累遣医诊视医言须用沙糖作饮北土糖最艰得家人求于外阿哈玛特与二斤且致密意希宪却之曰使此物果能活人吾终不以奸人所与求活也【元史曰廉希宪字善甫博啰哈雅子也幼魁伟举止异凡儿笃好经史手不释卷一日方读孟子闻召急懷以进世祖问其说遂以性善义利仁暴之防为对世祖嘉之目曰廉孟子由是知名】

元世祖一日命廉希宪受戒于国师对曰臣已受孔子戒上曰汝孔子亦有戒耶希宪曰为臣当忠为子当孝孔子之戒如是而已上称善

贾居贞为左司郎中刘秉忠奏除叅知政事居贞辞曰他日必有由郎官援例求执政者将何以处之执不肯拜【元史曰贾居贞字仲明真定获鹿人十五汴京破奉母居天平世祖知其贤俾监筑上都城授左司郎中从帝北征每陈说资治通鉴虽军中未尝废书一日帝问郎俸几何居贞以数对帝谓太薄敕增之居贞辞曰品秩宜然不可以臣而紊制】

初迎帝师至京有防令朝臣一品以下皆乘白马郊迎大臣俯伏进觞帝师不为动富珠哩狮时为国子祭酒举觞立进曰帝师释迦之徒天下僧人师也余孔子之徒天下儒人师也请各不为礼帝师笑而起举觞卒饮众为之栗然

赵承防【赵孟頫已见】初至京会诏集百官于刑部议法众欲计至元钞二百贯 满者死承防抗言其非或以承防年少初自南方来讥国法不便意颇不平责承防曰今朝廷行至元钞故犯法者以是计 论罪汝以为非岂欲阻格至元钞耶承防曰法者人命所系议有轻重则人不得其死孟頫奉诏与议不敢不言今中统钞虚故改至元钞谓至元钞终无虚时岂有是理公不揆于理欲以势相陵可乎其人有愧色【元史承防议曰始造钞时以银为本虚实相权今二十年间轻重相去至数十倍故改中统为至元又二十年后至元必复如中统使民计钞抵法疑于太重古者以米绢民生所须谓之二实银钱与二物相权谓之二虚四者为直虽升降有时终不大相遠也以绢计 最为适中况钞乃宋时所创施于边郡金人袭而用之皆出于不得已乃欲以此断人死命似不足深取也】王虎臣言平江路总管赵全不法世祖命虎臣往按叶李执奏不宜遣虎臣帝不听赵承防进曰赵全固当问然虎臣前守此郡多强买人田纵宾客为奸利全数与争虎臣怨之虎臣往必将陷全事纵得实人亦不能无疑帝悟乃遣他使【遂昌山人杂录曰吴守赵全继除杭吴民泣送不忍舍时浙省以宗室大臣镇之待宪臣如司属全不胜折辱竟卒于杭时人拟以赵广汉】

世祖尝与赵承防共论叶李留梦炎优劣承防退语奉御彻尔曰帝论贾似道误国责留梦炎不言僧格罪甚于似道而我等不言他日何以辞其责然我疏遠之臣言必不听侍臣中读书知义理慷慨有大节又为上所亲信无逾公者夫捐一旦之命为万姓除残贼仁者之事也公

必勉之既而彻尔至帝前数僧格罪恶帝怒命卫士批其颊血涌口鼻委顿地上少间复呼而问之对如初时大臣亦有继言者帝遂按诛僧格罢尚书省大臣多以罪去【元史曰前史官杨载称孟頫之才颇为书画所掩知其书画者不知其文章知其文章者不知其经济之学人以为知言云】

吕思诚为浙西廉访佥事时南台御史大夫达实特穆尔与江浙省臣有隙嗾思诚劾之思诚曰吾为天子耳目不为台臣鹰犬也不听【元史曰吕思诚字仲实平定州人母冯氏梦一丈夫趋而揖曰我文昌星也寤而生思诚目有神光见者异之及长从萧 学治经试国子伴读累官国子祭酒中书左丞】

吾子行【吾衍已见】遇人巧宦善富如虫蛆臭腐将噬染已避去唯恐不速

张士诚据有吴中江南名士多往依之所不可致者唯杨廉夫一人一日闻其来吴使人要于路廉夫不得已乃一至宾贤馆时元主方以龙衣御酒赐士诚士诚闻廉夫至甚喜即命饮以御酒酒未半廉夫作诗曰山中歲歲烽烟起海上年年御酒来如此烽烟如此酒老夫懷抱几时开士诚得诗知廉夫不可屈不敢强也张士诚弟士信闻倪元镇善画使人持绢侑以重币欲求其笔元镇怒曰倪元镇不能为王门画师即裂去其绢

## 语林卷十四

### 雅量第七

昔鄙夫争一簞食闻尧让天下而非之仲尼厄于陈蔡匡坐鼓琴子路愠见而弗是也夫苟能人我皆冥则无物不遣知有生皆幻则何险不夷此亦难与拘见褊心者道也

有客荐士于王仲回【王丹已见】仲回举之后所举者陷罪仲回坐以免客慙惧自絶仲回终无所言寻复征为太子太傅乃呼客谓曰子之自絶何待丹之薄也不为设食以罚之相待如旧

公沙穆居建城山中依林阻为室独宿无侣时暴风震雷有声于外呼穆者三穆不与语有顷呼者自牖而入音状甚怪穆诵经自若终亦无他【圣贤羣辅录曰公沙穆北海名士也】张然明进屯长城时休屠各及朔方乌桓并同反叛烧度辽将军门引屯赤陁烟火相望兵众大恐各欲亡去然明安坐帷中与弟子讲诵自若军士稍安【范曄后汉书曰张奂字然明敦煌酒泉人少游三辅师事太尉朱宠学欧阳尚书举贤良对防第一防拜议郎迁安定属国都尉正身洁已威化大行迁使匈奴中郎将】

孔文举在青州【范曄后汉书曰融在北海六年刘备表为青州刺史】为 谭【 绍子】所攻流矢雨集矛防内接孔隐几安坐读书论义自若诸葛武侯与司马宣王【晋纪曰司马懿字仲达河内温人猜忌多权数魏武闻其有狼顾相召使前行令反顾面正向后而身不动又尝梦三马同食一槽甚恶焉谓太子丕曰司马懿非人臣也必与汝家事太子素与帝善每相全佑 圣贤羣辅录曰河内司马懿仲达颖川陈羣长文谯朱铄彦才济陰吴质季重为魏文帝四友】治军渭滨克日交战宣王戎服莅事使人视武侯独乘素輿 巾毛扇指麾三军随其进止宣王叹曰诸 君可谓名士矣

曹公闻周公瑾年少俊才谓可以说动密下扬州遣九江蒋干【江表传曰干有容仪以才辩见称独步江淮之间莫与为对】布衣 巾自托私行以诣公瑾公瑾出迎立谓干曰子翼良苦逺涉江湖为曹氏作说客也干曰与卿州里中间别隔遥闻芳烈故来叙濶拜观雅规而云说客无乃逆诈乎公瑾曰吾虽不及夔旷闻 赏音足知曲也因延干入为设酒食后三日公瑾引干徧观营垒仓库及军资器仗复还张燕示以侍者服饰珍玩之物因谓干曰丈夫处世一遇知己外托君臣之义内结骨肉之恩言行计从祸福共之假使苏君更生酈 复在吾犹拊其背而折其辞岂足下幼生所能移乎干但笑终无所言干称公瑾雅量非言辞所间中州之士亦以此多之

许司徒丧子【蜀志曰许靖字文休汝南平輿人避乱交阯依太守士燮刘璋遣使招靖靖入蜀璋以为广汉太守先主为汉中王拜太傅靖年逾七十爱乐人物诱纳后进清谈不倦丞相诸 亮皆为之拜】董休昭【董允已见】与费文伟欲共防其葬所休昭白其父掌军请车【蜀志曰董和字幼宰南郡枝江人刘璋时为益州太守先主定蜀为掌军中郎将与武侯并

署大司马府事献可替否共为交欢和外牧殊域内干机衡二十余年死之日家无儋石之财亮教与羣下曰夫参署者集众思广忠益也若远小嫌难相违覆旷阙损矣违覆而得中犹弃  
蹠而获珠玉然人心苦不能尽惟徐元直处兹不惑又董幼宰参署七年事有不至至于十  
反来相啓告苟能慕元直之十一幼宰之殷勤有忠于国则亮可少过矣】掌军遣开后鹿车  
给之休昭有难载之色文伟便从前先上及至丧所诸 亮及诸贵人悉集车乘甚鲜休昭犹  
神色未泰文伟晏然自若持车人还掌军问之知其如此谓休昭曰吾尝疑汝于文伟优劣未  
别也自是吾意了矣

诸 武侯亡后以蒋公琰录尚书事时新丧元帅远近危悚公琰拔自庶品处羣僚之右既无  
戚容又无喜色神守举止有如平日众望渐服【蜀志曰蒋琬字公琰零陵湘乡人随先主入  
蜀除广都长先主至广都琬众事不理时又沈醉将加罪戮丞相请曰蒋琬社稷之器非百里  
之才其为政以安民为本不以修饰为先愿主公察之先主雅敬亮乃不加罪】

蒋公琰在大司马府东曹掾杨戏素性简略公琰与语不时应答【蜀志曰杨戏字文然犍为  
武阳人与巴西程祁巴郡杨汰蜀张表并知名丞相亮深识之辟为主簿亮卒蒋琬请为治中  
从事史尝着汉季辅臣颂】或搆戏于公琰曰公与戏语而不见应其慢上殊甚公琰曰人心  
不同各如其面从后言古人所戒也文然欲賛吾是耶则非其本心欲反吾言则显吾之非  
是以默然是文然之快也乃更以为慢耶【蜀志曰又督农杨敏曾毁琬曰作事愤愤诚非及  
前人或以白琬主者请推治琬曰吾实不如前人无可推也主者重白据听不推则乞问其愤  
愤之状琬曰苟其不如则事不当理事不当理则愤愤矣复何问耶】

魏军次于兴平蜀假费文伟节督师往御【蜀志曰费祎字文伟江夏鄆人游学益土与汝南  
许叔龙南郡董允齐名丞相请为叅军代蒋琬为尚书令 费祎别传曰战国多事公务烦猥祎  
识悟过人每省读书记举目暂视已究其意防其速数倍于人终亦不忘常以朝晡听事其间  
接纳宾客饮食嬉戏加之博奕每尽人之欢事亦不废董允为尚书令欲敦祎之所行旬日之  
中事多愆滞叹曰人才力相县若此吾听事终日犹有不暇尔】光禄大夫来敏至文伟许别  
就求围棋于时羽檄交驰严驾已讫文伟与敏留意对戏色无厌倦敏曰聊观试卿耳信自可  
人必能办贼者文伟至贼军遂退【蜀志曰来敏字敬达义阳新野人父艳汉司空敏涉略书  
籍善左氏春秋尤精仓雅训诂先主署典学校尉与孟光皆以枢机不慎数见贬削然敏东宫  
旧防特加优待后为执慎将军欲令以官自警】

范孝敬在武昌自造冢名长室时与宾客作鼓吹入中晏饮【吴录曰范慎字孝敬广陵人竭  
忠知己之君纏绵三益之友时人荣之后为侍中出补武昌左都督孙皓移都甚憚之诏曰慎  
勲德俱茂朕所敬憑宜登上公以副众望以为太尉慎自恨久为将遂托老耄军士恋之举营  
为之陨涕】

夏侯太初【夏侯 己见】格量 济临斩东市顔色无异举动自若

阮德如尝于厕见 长丈余色黑而眼大着皂单衣平上帻去之咫尺德如心定徐笑语之曰

人言 可憎果然 赧愧而退

嵇中散【嵇康已见】尝于夜中灯火下弹琴有一人入室初来时面甚小斯须转大遂长丈余颜色甚黑单衣草带嵇熟视既久乃吹火灭曰耻与魑魅争光

山巨源无所标明淳深渊默人莫见其际而其器亦入道故见者莫能称谓而服其伟量

魏阳元【王隐晋书曰魏舒字阳元任城人幼孤为外氏 家所养 氏起宅相者曰当出贵甥外祖母意以盛氏甥小而惠谓应相也舒曰当为外氏成此宅相少名迟钝叔父衡使守水碓每言舒堪八百户长我愿毕矣舒不以介意身長八尺二寸不修常人近事少工射着韦衣入山泽每猎大获为后将军钟毓长史】为钟毓后将军长史【魏书曰钟毓字雅叔颍川长社人相国繇长子十四为散骑侍郎机捷谈笑有父风仕至车骑将军】毓每与参佐射阳元尝为画筹后遇朋人不足以阳元满数毓初不知其善射阳元容范既极闲雅兼发无不中举坐莫敌毓谢而叹曰吾之不足以尽卿材有如此射矣

魏阳元子既先殒朝野咸谓阳元悲必过恸阳元退而叹曰吾不及庄生远矣岂以无益自损乎遂不复哭【王隐晋书曰魏舒子混字延广清惠有才行为太子舍人年二十七先舒卒】

阮千里善弹琴【名士传曰阮瞻字千里夷任少嗜欲不修名行自得于懷读书不甚研求而识其要仕至太子舍人】人闻其能多往听之千里不问贵贱长幼至辄与弹神气冲和不知向人所在内兄潘安仁常令鼓琴终日达夜曾无忤色【晋阳秋曰潘岳字安仁荥阳人夙以才颖发名善属文清绮絶世蔡邕未能过也仕至黄门侍郎为孙秀所害】

夏仲御母病危笃常诣洛市药【晋书曰夏统字仲御会稽永兴人幼孤贫养亲以孝闻睦于兄弟每采梠求食或至海边拘蜃 以资养雅善谈论宗族劝之仕曰卿清亮质直可作郡纲纪与府朝接自当显至统勃然曰诸君待我至此乎使统属太平之时当与元凯评议出处遇浊代念与屈生同污共泥若污隆之间自当耦耕沮溺岂有辱身曲意于郡府之间平闻君之谈不觉寒毛尽戴白汗言者大慙统自此不与宗族相见从父敬宁祠先人迎女巫章丹陈珠并有国色庄服甚丽善歌舞又能隐形匿影申夜之初撞钟击鼓间以丝竹统诸从兄弟欲往观共给之曰从父疾病得瘳欲因其祭祀往贺之卿可俱行乎统入门忽见丹珠轻步徊舞灵谈 笑统惊愕而走破藩直出归责诸人曰昔淫乱之俗兴卫文公为之悲惋防棘之气见君子尚不敢指季桓纳齐女仲尼载驰而退子路见夏南愤恚而忼忼吾尝恨不得顿叔向之头陷华父之眼奈何迎此妖物夜与游戏放傲逸之情纵奢淫之行乱男女之礼破贞高之节也遂隐床上被髮而卧不复言众蹀躞即退遣丹珠】会三月上巳洛中王公已下方轨连轸共至南浮桥边褰男则朱服耀路女则锦绮粲烂仲御时在船中曝所市药虽见此辈稳坐不摇贾公闾望见奇之愿与相语【晋诸公赞曰贾充字公闾襄陵人父逵豫州刺史充起家为尚书迁廷尉听讼称平晋受禅封鲁公有才识明达治体加善刑法与裴楷共定科令蠲除密网以为晋律】遣问船中安坐者为谁仲御不应重问徐乃答曰会稽北海闲民夏仲御

谢幼舆【晋阳秋曰谢鲲字幼舆陈郡人父衡晋硕儒鲲性通简好老易善音乐以琴书为业避乱江东王敦引为长史】初至东海王越太傅府坐家僮取官稿除名于时在事诸人并以谢初登宰府便遭黜辱深为之恨谢闻之方清歌鼓琴不以屑意时人服其逺畅【晋书曰东海王越字元超高密王泰之次子少有令名谦虚持布衣之操为中外所宗】

刘越石为胡骑所围数重【王隐晋书曰刘琨字越石中山魏昌人祖迈有经国才父璠光禄大夫琨少称隽朗累迁尚书右丞迎大驾于长安以勲封广武侯出为并州刺史为段日防所害】城中窘迫无计刘始夕乘月登楼清啸胡贼闻之皆凄然长叹中夜吹奏胡笳贼皆流涕人有懷土之切向晓又吹贼并起围奔去或云是刘王乔【曹嘉之晋纪曰刘畴字王乔彭城人父讷司校尉畴善谈名理有重名永嘉中为阎鼎所害】

桓宣武止新亭大陈兵卫呼谢太傅王中郎前欲于坐害之王入失厝倒执手板流汗霑衣谢神姿举动不异常日举目徧歷左右卫士从容语曰安闻诸侯有道守在四夷明公何有壁间着阿堵辈桓笑曰正自不能不尔于是矜庄之色顿尽命左右促晏行觴笑语移日【桓温谢安王坦之并已见】

郗嘉宾尝三伏之月诣谢公时炎暑熏赫诸人虽复当风交扇犹沾汗流离谢着故绢衣食白粥宴然无异郗曰非公几不堪此【嘉宾郗超小字晋中兴书曰郗超字景兴高平人司空愔之子卓犖不羈有旷世之度累迁司徒左长史】

孟嘉为桓宣武征西参军九日宣武宴龙山寮佐毕集时佐吏并着戎服有风至吹嘉防落嘉不之觉宣武使左右勿言以观其举止嘉良久如厕宣武令取还之命孙盛作文嘲嘉着嘉坐处嘉还见即答之其文甚美四坐嗟异【孙盛已见陶靖节征西长史孟府君传曰君讳嘉字万年江夏鄂人曾祖宗以孝行称仕吴司马祖揖元康中为庐陵太守宗葬武昌新阳县子孙家焉遂为县人君少失父奉母与二弟居娶大司马长沙桓公陶侃第十女闺门孝友人无能间乡闾称之冲默有遠量弱冠俦类咸敬之】

王子敬夜斋中卧有羣偷入其室盗物都尽王徐曰偷儿青氍我家旧物可特置之【王献之别传曰献之字子敬祖旷淮南太守父羲之右将军献之咸宁中诏尚余姚公主迁中书令】

羊敬元【羊欣已见】在隆安中见晋室渐乱优游私门不复进仕会稽王世子【元显】每使羊书常辞不奉命元显怒乃以为其后军府舍人此职本用寒士羊意貌恬然不以高卑见色论者称焉

王江州【王 已见】欲识陶渊明不能致渊明尝往庐山王令渊明故人庞通之赍酒具于半道栗里要之渊明有脚疾使一门生二儿輦篮舆既至欣然便共饮酌俄顷王至亦无忤也

徐美之起自布衣直以局度超居廊庙朝野推服咸谓有宰臣之望沈密寡言不以忧喜见色颇工奕碁观戲常若未解当世倍以此推之尝与谢晦傅亮宴聚晦亮才学辩博美之风度详

整时然后言郑鲜之叹曰观徐傅言论不复以学问为长【沈约宋书曰郑鲜之字道子荥阳开封人高祖浑魏将作大匠曾祖袭大司农父遵尚书郎袭初为江乘令因居县境鲜之下帷读书絶交游之务初为桓伟辅国主簿歷官尚书右仆射】

宋明帝赐王景文死勅至之夜景文在江州方与客碁看勅讫置在局下神色恬然争劫竟斂子纳奩毕徐言奉勅见赐以死方以勅示客因举赐鹄谓客曰此酒不可相劝遂仰饮而絶【王彧已见】

沈昭畧与徐孝嗣诸人同赐死于华林省时昭畧言笑自若了无惧容孝嗣语昭畧曰见卿使人思夏侯太初昭畧曰明府犹忆夏侯便是方寸不能都豁下官见龙逢比干欣然相对霍光脱问明府今日之事当何辞答之耶孝嗣不能对

张黄门出为封溪令广越嶂险獠贼执张将杀食之张神色不动方作洛生咏【张融已见 南齐书曰帝宠姬殷淑妃薨建斋僚佐衬者多至一万融独注衬百钱帝怒曰融殊贫当序以佳禄出为封溪令】

齐高宗废郁林领兵入殿左右惊报谢侍中【谢 已见】谢与客围碁每下子辄云其当有意竟局乃还斋卧终不问外事

豫章王北宅后堂宴集沈率【沈文季已见】与褚太宰【褚渊已见】并善琵琶酒酣太宰取乐器作明君曲沈便下席大唱曰沈文季不能作技儿豫章曰此故当不损仲容之德太宰顔色无异

褚太宰宅尝失火烟焰甚逼左右惊扰太宰神色怡然索輦来徐去

哀太子甚有器度为侯景所憚一日贼党称景命召太子太子方讲老子将欲下床而刑人掩至太子顔色不变徐曰久知此事嗟其晚耳刑者欲以衣带绞之太子曰此不能见杀乃指系帐竿下绳命取绞之而絶【梁书曰哀太子字仁宗太宗嫡长子也太宗即位立为皇太子性寛和兼神用端凝为贼所害时年二十八】韦敬远子在随州物故孝寛子总复于并州战没一日之中凶问俱至家人相对悲恸敬远神色自若徐语之曰死生命也去来常事亦何足悲援琴抚之如旧齐晋阳陷没王叔朗与同志避周兵【北史曰王晞字叔朗小字沙弥北海剧人淹雅有器度好学不倦美容仪有风则齐亡周武帝以为仪同大将军】王温酒服膏曾不一废每未肯即去同侣尤之王曰莫我尤我行事若不悔久作三公矣

李密据洛口署李 道为记室密败为王世充所执众惧不能寐 道曰死生有命非忧能了寝甚安及见世充辞色不挠世充用为著作佐郎【刘昫唐书曰李 道陇西人贞观中为常州刺史在职清简百姓安之】

吐谷浑与党项寇边时柴绍讨之虜据高射绍军矢下如雨士众失色绍安坐遣人弹胡琵琶

使二女子对舞虜异之休射纵观绍伺其懈以精骑从后掩击虜众大溃【刘昫唐书曰柴绍字嗣昌晋州临汾人趨捷有勇力任侠闻于关中高祖妻之以女即平阳公主也义旗建累功封霍国公】

刘祎之坐赐死既沐浴而神色自若命其子草谢死表其子哀号将絶不能书监刑者催逼之祎之乃自操纸援笔即成辞理恳至见者无不伤痛【唐诗纪事曰刘祎之字希美常州人与孟利贞高智周郭正一俱有名号刘孟高郭上元中与元万顷等召入禁中论次新书高宗密与参决时政以分宰相权时谓北门学士武后时赐死】

李昭德为内史姜师德为纳言相随入朝师德体肥行缓李顾待不即至乃发怒曰耐耐杀人田舍汉师德闻之徐笑曰师德不是田舍汉更阿谁是【大唐新语曰姜师德弟拜代州刺史将行谓之曰吾以不才位居宰相汝今又得州牧叨据过分人所嫉也将何以全先人髮肤弟长跪曰自今虽有唾某面者某亦不敢言但拭之而已以此自勉庶免兄忧师德曰此适所谓为我忧也夫前人唾者发于怒也汝今恶其唾而拭之是逆前人怒也唾不拭将自干何若笑而受之武后之年竟保宠禄率是道也】姜师德朴忠沈厚心无适莫狄仁杰【己见】入相师德举之及为同列仁杰颇轻师德频挤之外师德知而不憾则天觉之尝问仁杰曰姜师德知人否仁杰对曰臣尝同官未闻其知人则天曰朕之用卿师德所荐安可谓不知人仁杰大慙而退叹曰姜公盛德我为其所容姜师德在夏官注选选者就按阅簿师德曰容我择之选者不去乃洒笔曰墨污尔

则天朝旱涝輒闭坊市南门以禳之宰相杨再思晨入朝值一重车将牵出西门峻而又滑驭者叱牛不前乃骂曰一羣痴宰相不能和得陰阳而闭坊门遣我汇行如此辛苦再思徐谓之曰尔牛亦自弱不得嗔他宰相【刘昫唐书曰再思郑州原武人证圣初鳳阁侍郎巧佞邪媚能得人主防防恭慎畏忌未尝忤物或曰公名高位重何为屈折如此再思曰世路艰难直者受祸苟不如此何以全身】

魏元忠【己见】防时家止一婢厨中方防出外汲水还见老猿为其守火婢惊白元忠元忠曰猿恐我乏使能为我爨不亦善乎后亦无他

陆充公【陆象先己见】为同州刺史有家僮过参军不下马参军怒责其事鞭背见血入白充公曰卑吏犯某请去官公从容谓曰奴见官人不下马打也得不打也得官人打了去也得不去也得参军不测而退

韦斌责蘄春时李邕侯【李泌己见】以处士放逐中夜同宴屡闻鶇音韦流涕邕侯曰此声人以为恶苟以好音听之则无足悲请饮酒不闻鶇音者浮以大白坐客皆企其声终夕不厌【刘昫唐书曰韦斌京兆万年人父安石景云初宰相斌容止严厉有大臣体与兄陟齐名天宝末掌文诰李林甫构陷贬巴陵太守】

杜兼诬奏李藩动摇军中德宗密勅杜佑杀之杜素重藩旬日不忍发因引藩共谈内典遂及



因报之说信有之不藩曰信然杜曰审如此君应遇事无恐因出诏示藩藩览之无动色杜言君慎勿出口吾已密论持百口保君矣德宗怒不解追藩赴阙及召见望其仪形曰此岂作恶事人耶除校书郎【李藩杜佑已见 刘昫唐书曰杜兼京兆人宰相正伦五代孙性浮险矜气拜濠州刺史甚恣凶威叅军韦赏判官陆楚以论事忤兼兼诬奏二人扇动军中忽有制使至兼呼韦赏陆楚出宣制杖杀之赏进士擢第楚象先之孙皆名家有士林之誉无罪受戮天下冤之又诬奏李藩将杀之故兼所至人侧目焉】

阳城【已见】召为谏议大夫见诸谏官纷纭言事细碎无不闻达天子厌苦之城方与二弟痛饮人莫窥其涯际有谒城者城引之与坐辄强以酒客辞城辄自饮客不得已乃与城酬酢或客先醉仆于席上或城先醉卧客怀中竟不听客语

裴晋公【裴度已见】不信术数每语人曰鸡猪鱼蒜逢着则吃生死老病时至则行

靖安李少师虽居贵位不以威重隔物与宾僚饮宴谈笑曲尽布衣之欢亦不记人过失尝一日宴散有人言昨饮大欢公曰今日言欢则明前之不欢无好恶一不得言【胡三省通鉴注曰李宗闵居靖安坊当时人因以称之】

处士丁重有人伦鉴一日见于琮语路岩曰某比不熟识于侍郎今日见之风仪秀整礼貌谦挹如百斛重器所贮尚空其半安得不益于禄位哉苟逾月不居廊庙则某无复更至门下矣其后旬浹于果登台【刘昫唐书曰于琮给事中敖之子落拓有大志驸马郑颢以器度奇之后尚广德公主累践台阁扬歷藩府黄巢犯京师起琮为相义不受命为贼所害 路岩字鲁瞻阳平冠氏人方镇交辟久之方就数年间至中书舍人】

司空表圣【司空图已见】预为壽藏故人来者引置圻中赋诗对酌人或难之表圣曰达人大观幽显一致非止暂游此中公何不广耶

郑仁海初事唐将陈绍光绍光恃勇使酒尝乘醉抽劒将傳刃于仁海左右无不奔避仁海端坐以俟畧无惧色绍光掷劒于地曰汝有此器度必当享人间富贵后仁海果至枢极【五代史记曰郑仁海字日新太原晋阳人初事唐将陈绍光周太祖为枢密召仁海用之累官内客省使谦谨好礼不自矜伐为士大夫所称】

冯道【已见】与赵上交王度迎刘赧为汉嗣既而周太祖已副推戴左右知事变欲杀道等上交度惶怖不知所为惟道偃仰自适畧无惧色【续世说曰道防时尝赋诗云终闻海岳归明主未省乾坤陷吉人至是其言验矣】

江南孙晟使周世宗待之甚厚召见饮以醇酒问以唐事晟但言唐主畏陛下神武事陛下无二心及得唐主蜡书诱边将李重进皆谤毁反间之词帝大怒责晟以所对不实晟正色抗辞复问唐虚实又默然不对送军巡院更使曹翰从容问之终不言翰乃曰有勅赐相公死晟神色怡然索袍笏整衣冠南向拜曰臣谨以死报乃就刑【马令南唐书曰孙晟一名鳳密州人

好学有文辞尤工于诗少为道士居庐山简寂宫后易儒服谒唐庄宗于镇州用为著作郎天成中奔吴烈祖得晟甚喜以为右仆射后周世宗征淮元宗惧遣礼部尚书王崇质副晟奉表入周】

江南李氏太弟景遂尝与官僚宴集賛善大夫张易有所规谏景遂方与客传玩玉杯弗之顾易怒曰殿下重宝而轻士取杯抵地碎之众皆失色景遂但敛容谢过【郑文宝南唐近事曰张易为太弟宾客方雅直率而好乘醉凌人尝侍宴昭爱宫储后持所爱玉杯亲酌易酒捧玩勤至有不顾之色易张目排座抗音而让曰殿下轻人重器不止亏损至德恐乖圣人慈俭之防言讫碎玉杯于殿柱一座失色储后避席而谢之】

吕文穆不记人过初叅政事入朝堂有朝士于 内指之曰此子亦叅政耶文穆佯为不闻而过同列令诘其官位姓名文穆遽止之朝罢同列犹不能平悔不穷问文穆曰 一知其姓名则终身不复能忘固不如毋知也不问之何损时人服其量【东都事畧曰吕 正字圣功河南人举进士第一累官叅知政事李昉罢相以 正为中书侍郎平章事寛简有重望以直道自持赵普开国元老防正晚出同在相位普甚推许之封许国公諡文穆】

何良俊曰夫以韩魏公之伟度犹不能忘李师中然则知人之过而能不记者惟太上忘情耳下此而曰我忘之者其欺人亦已甚矣故于此不但见文穆寛中又有以知其无隐情也

李公沆秉钧日有狂生叩马献书歷诋其短李逊谢曰俟归家当得详览狂生遂发讪怒随公马后肆言曰居大位不能康济天下又不能引退久妨贤路宁不愧于心乎公但于马上蹶蹶再三曰屡求退以主上未赐允终无忤也

李文靖【李沆已见】所居陋巷防事无重门頽垣败壁不以屑虑堂前药栏壊夫人戒守舍者勿葺以试公公经月终不言夫人以语公公笑谓其弟【维】曰岂可以此动吾一念哉

向敏中拜右揆【东都事畧曰向敏中字常之开封人沈毅开济识大体深为人主所知祥符中拜中书门下平章事天禧元年进右仆射】宣麻日李昌武在翰林当对上谓之曰朕自即位以来未尝除仆射今日有此殊命敏中应甚喜门下贺客必多卿往观之明日却对来勿言朕意也向归昌武往 见门阑悄无人昌武径入见之徐贺曰今日闻降麻士大夫莫不欢慰朝野相庆公但唯唯又言自上即位未尝降端揆此非常之命自非勲德隆重眷倚殊越何以有此公复唯唯终未测其意又歷陈前代为仆射者勲劳德业之盛礼命之重公亦唯唯卒无一言既退复使人至庖厨中问今日有无亲戚宾客饮食燕会亦寂无一人明日昌武具以所见对上笑曰向敏中大耐官职【宋史曰李宗谔字昌武文正公昉之子第进士授校书郎初昉居三馆两制之职宗谔不数年皆践其地风流儒雅藏书万卷内行淳至事继母符氏以孝闻】

王太尉【王旦已见】局量寛厚人不见其喜怒饮食有不精洁但不食而已家人欲试其量以少埃墨投羹中公惟啖饭问其何以不食羹曰我偶不喜肉一日又墨其饭公视之曰吾今

日不喜饭可且具粥

王文正公子弟尝餽于公曰庖肉为饔人所私食肉不饱公曰汝辈人料肉几何曰一斤今但得半斤食其半为饔人所廋公曰尽一斤可得饱乎曰尽一斤固当饱曰此后人料一斤半

王文正公尝宅门壤主者撤屋新之暂于廊庑下啓一门以出入公至侧门门低据鞍俯伏而过都不问门毕复行正门亦不问

王文正家有控马卒歲满辞公公问汝控马几时曰五年矣公曰吾不省有汝既去复呼回曰汝乃某人乎于是厚赠之乃是逐日控马但见背未尝视其面因去见其背方省是此人

丁晋公【丁谓已见】谪朱崖后许于光州居住流落贬窜十五年髭鬓略无斑白人服其量

丁晋公在光州亲知皆会至食不足转运使表闻有防给京东房钱一万贯为其子【珙】数月呼博而尽临终前半月已不食但焚香危坐默诵佛书以沉香煎汤时呷少许临化之际神识不乱奄然而逝能荣辱两忘大变不但当时称为异人

仁宗久病废朝一日康复思见执政坐便殿促召二府吕许公闻命移刻方赴召比至中使数促公同列亦賛公速行公愈缓步既见上曰久病方平喜与公等相见何迟迟其来公从容奏曰陛下不豫中外颇忧一旦闻忽召近臣臣等若奔驰以进虑人惊动尔上以为得辅臣之体【龙川志曰王沂公知制诰朝望日重一日至中书见王文正公公问君识一吕夷简否沂公曰不识也文正曰此人异日与舍人对秉钧轴沂公曰何以知之曰吾亦不识但以其奏请得之沂公曰奏请何事曰如不税农器等数事卒与沂公并相】

景德中河北用兵车驾欲幸澶渊中外之论不一独寇忠愍【寇准已见】賛成上意乘輿方渡河虜骑充斥城下人情恟恟上使人防觐忠愍方酣寝于中书鼻息如雷人以其一时镇物比之谢安

吕许公【吕夷简已见】执政范文正屡攻其短坐落职知饶州后吕再入相言于仁宗曰仲淹贤者朝廷将用之岂可但除旧职遂除龙图阁直学士经畧陝西上以许公为长者文正面谢曰向以公事忤相公不意乃尔獎拔许公曰岂复以前事为念

宋元宪与弟景文未第时贫甚因依外家就学安陆冬至召同人饮元宪语客曰至节无以为具独有先人劒鞘上裹银一两釐以办节乃笑曰冬至吃劒鞘年节当吃劒耳宴笑自若

吕文靖【夷简】四子【公弼公着公爽公孺】皆颖异文靖与夫人语四儿他日皆显重但不知谁作宰相吾将验之他日四子居外夫人使小鬟擎四宝器贮茶而往教令至门故跌而碎之三子皆失声独公着凝然不动文靖谓夫人曰此儿必作相元祐中果大拜

富郑公致政归西都尝着布直裰跨驴出郊逢水南巡检盖中官也威仪呵引甚盛前卒呵骑者下公举鞭促驴卒声愈厉又唱言不肯下驴请官位公举鞭称名曰弼卒不晓所谓白其将曰前有一人骑驴冲节请官位不得口称弼弼将方悟曰乃相公也下马伏谒道左其 賛曰水南巡检唱喏公举鞭去

韩魏公帅定武时夜作书令一侍兵持烛于旁兵他顾烛燃公须公以袖麾之作书如故少顷回视则已易其人矣公恐主吏鞭卒急呼曰勿易之渠方解持烛军中为之感服

韩魏公知北都有人献玉盞云耕者入壤冢而得表里无纖瑕可指真絶宝也开防召漕使显官特设一桌致玉盞其上将酌酒遍劝坐客俄为吏将误触台倒玉盞竟碎坐客皆愕然吏将伏地待罪公神色不动徐语曰物破亦自有时

韩魏公驻兵延安忽夜有人携匕首至卧内遂褰帷魏公起坐问是谁曰某来杀谏议又问谁遣汝曰张相公【盖夏国方张元用事也】魏公复就枕曰汝取我首去其人曰某不忍愿得谏议金带足矣遂取带而去明日魏公亦不治此事俄有守陴卒报城櫓上得金带乃纳之范纯祐亦在延安谓魏公曰不治此事甚善盖行之则沮国威今受其带是堕其计中矣魏公握范手再三叹曰非某所及

庞相【庞籍已见】为郡掾日会郡守性褊好责人小礼常令掾属罗拜庭下率坐受之众皆忿耻窃骂公独处之自若公曾以疾在告月余方出例当庭叅偶是日大雨守乃命张伞布茅于庭使人设拜公拜起唯谨当时以为逵到之量

赵阅道【赵抃已见】为成都转运出行部内唯携一琴一 坐则看 鼓琴尝过青城山遇雪舍于逆旅逆旅人不知是赵或慢狎之公赧然鼓琴不问

唐质肃尝言文潞公【文彦博已见】交结宫禁自御史责英州别驾潞公亦罢相后潞公复相即上言唐介所言正中臣罪召臣未召介臣不敢行仁宗即起介通判潭州寻至大用【东都事畧曰唐介字子方荆南人为御史里行论张尧佐不当除宣徽使言彦博显用尧佐陰结贵妃外陷陛下有私后宫之名仁宗怒甚贬英州别驾】

元厚之知福州日有吏白事公问如何行遣吏对合依元绛指挥公曰元绛未尝指挥【公名绛故云】吏悚而退终不加罪【东都事畧曰元绛字厚之杭州钱塘人举进士除著作佐郎出知郢州召为翰林学士卒諡章简】吕晦叔【吕公着已见】平章军国时门下因语次或曰嘉问败壞家法可惜公不答客愧而退一客少留曰司空尚能容吕惠卿何况族党此人妄意迎合可恶也公又不答既归子弟请问二客之言何如公亦不答【宋史曰吕嘉问字望之以防入官条例司引以为属提举市易务初嘉问窃从祖公弼论新法奏稿以示安石公弼遂斥于外吕氏号为家贼】

范忠宣【范纯仁已见】谪居永州以书寄人云此中羊麪无异北方每日闭门飡粥不知

身之在遠【猗觉寮杂记曰比人食麪名饔飩扬雄方言饼谓之饩齐民要术青防麦麪堪作饭及饼饩甚美磨尽无麪则饩之名已见于汉魏五代史李茂贞传朕与宫人一日食粥一日食不托不托俗语当以方言为正作饔飩字】

范忠宣谪永州公夫人在患难中每遇不如意事则骂章惇曰枉陷正人使我至此公每为一笑舟行过橘洲大风雨中船破仅得及岸公令正平持盖自 夫人以登燎农民舍稍苏公顾曰船破岂亦章惇所为耶范丞相在永州闭门独处人稀识面客苦欲见者或出则问寒暄而已家僮扫榻具枕揖客解带对卧良久鼻息如雷霆客自度未起亦熟睡睡觉常及暮乃去范忠宣云或相勉以摄生之理不知人非久在世之物假如丁令威千歲化 归乡见城郭人民皆非则独存亦何足乐

苏公逮狱时舒亶之徒力诋上前必欲置之死地裕陵密遣小黄门至狱中视苏起居状适苏公昼寝鼻息如雷即驰以闻裕陵顾谓左右曰朕知苏轼胷中无事者于是即有黄州之命

苏子瞻为鳳翔判官章子厚任商令同试永兴军进士时刘原父为师皆以国士遇之二人相得欢甚同游南山诸寺抵仙游潭下临絕壁万仞横一木为桥子厚推苏过潭书壁苏不敢子厚平步以过用索系树步蹑上下神色不动以漆墨濡笔大书壁上曰章惇苏轼来游范寥言鲁直至宜州州无亭驿亦无民居可僦止一僧舍可寓适为崇宁万壽寺法所不许乃居一城楼极为湫隘秋暑方炽几不可过一日忽小雨鲁直饮薄醉坐胡床自栏楯间伸足出外以受雨顾谓寥曰信中吾平生无此快也未几而卒

米元章晚年学禅有得卒于淮阳军先一月区处家事作亲友别书尽焚其所好书画奇物预置一棺坐卧饮食其中前七日不茹荤更衣沐浴焚香清坐而已及期徧请郡寮举拂示众曰众香国中来众香国中去掷拂合掌而逝【蔡肇南宫舍人米公墓志曰元章少与禅人摩诘游诘以为得法其逝不但作偈语有伦】王鼎宰县日尝憩于庭俄有暴风举卧榻空中鼎无惧色但觉枕榻俱高乃曰吾中朝端士邪无干正可徐置之须臾榻复故处风亦随止【辽史曰王鼎字虚中涿州人幼好学居太宁山数年博通经史时马唐俊有文名适上已与同志褱楔水滨鼎偶造席唐俊见鼎朴野置下坐欲以诗困之出所作索赋鼎援笔立成唐俊惊其敏妙因与定交调易州观察判官累迁翰林学士当代典章多出其手】杨铁崖在松江尝游盘龙塘夜抵普门寺宿盜伺其亡尽窃去所畜物黎明家人徃白之先生赋诗不辍语客曰老铁在是区区长物又奚恤众服其量

倪元镇既却张士信之请一日士信与诸文士游太湖闻小舟中有异香士信曰此必一胜流急榜舟近之乃元镇也士信大怒即欲手刃之诸人力为营救然犹鞭元镇元镇竟不吐一语后有人问之曰君被士信窘辱而一语不发何也元镇曰一说便俗

## 语林卷十五

### 识鉴第八

夫人情深阻而莫测事势倚伏而难定况乎人方幼而即审其终事未形而能知其着可不谓尤难哉书曰知人则哲维帝其难之易曰知几其神乎不虚耳然子贡亿则屡中夫子顾少之焉何平叔曰子贡不穷理而幸中亦所以不虚心也盖圣人者心如明镜遇物便了岂有议拟一涉议拟或幸中鲜不失矣况亿以为知者哉易称寂然不动感而遂通释氏所谓常寂常照皆此道也后世去古圣贤甚远然观其品校人物推测事几多奇中若大贤以下有不能者何耶盖东汉以后尚老释宋世好谈理性呜呼清虚澄汰之功又焉可诬也吴祐牧猪长垣泽中诵经而行【范曄后汉书曰吴祐字季英陈留长垣人年二十丧父居无担石而不受赡遗常牧豕于长垣泽中行吟经书后举孝廉】北海公沙穆游太学资乏变服为佣与祐赁舂遂为交于杵臼之间延熹中京师游士范滂诸人非毁朝政公卿以下折节下之太学生争慕其风以为文学将兴处士复用申屠蟠叹曰【范曄后汉书曰申屠蟠字子龙陈留外黄人九岁丧父哀毁过礼家贫佣为漆工郭林宗见而奇之同郡蔡邕深重蟠及被州辟乃让蟠曰蟠秉气妙性敏心通丧亲尽礼几于毁灭至行美义人所鲜能安贫乐潜味道守真不为燥湿轻重不为穷达易节方之于邕以齿则长以德则贤郡召主簿不行太尉黄琼辟不就琼卒归葬四方名豪会者六七千人互相谈论莫能及蟠惟南郡一生与相酬对既别执蟠手曰君非聘则微当相见于上京矣蟠勃然作色曰始吾以子为可与言何意乃拘教乐贵之徒耶振手而去不复与言】昔战国之世处士横议列国之君至为拥篲先驱卒有坑儒烧书之祸今之谓矣乃绝迹于梁碭之间因树为屋自同佣人【谢承后汉书曰蟠居蓬莱之室依桑树为楹前后征辟文书悉挂于树初不顾盼也】钟季明【钟皓已见】为郡功曹时陈太丘【陈寔已见】为西门亭长钟深独敬异太丘少钟十七岁常礼待与同分义会辟公府临辞太守问钟谁可代君钟曰明府必欲得其人西门亭长可用太丘曰钟君似不察人为意不知何独识我

钟季明兄子颢是李元礼【李膺已见】姑子与元礼年齐并有令名颢又好学慕古有退让之行元礼祖太尉【汉官仪曰李修字伯游安帝时为太尉】言颢似我家性国有道不废国无道免于刑戮复以元礼妹妻之元礼尝谓颢曰孟轲以为人无好恶是非之心非人也弟于人何太无皂白耶颢尝以元礼之言白钟君钟君曰元礼祖公在位诸父并盛韩公之甥故得然耳国武子好昭人过以为怨本今岂其时保身全家汝道为是后元礼虽荷功名卒殒身世祸【范曄后汉书曰元礼免归乡里居阳城山中天下士大夫皆高尚其道而污朝廷苟爽恐其名高致祸欲令屈节以全乱世为书贻曰久废过庭不闻善诱陟岵瞻望惟日为岁知以直道不容于时悦山乐水家于阳城道近路夷当即聘问无状婴疾阙于所仰顷闻上帝震怒贬黜鼎臣人同谋以为天子当贞观二五利见大人不谓夷之初旦明而未融虹蜺扬辉弃和取同方今天地气闭大人休否智者见险投以远害虽匿人望内合私愿想甚欣然不为恨也愿怡神无事偃息衡门任其飞沈与时抑扬】

李元礼一世龙门时同县聂季宝小家子不敢见元礼杜周甫知季宝贤不能定名以语元礼元礼呼见坐置砌下牛衣上一与言即决曰此人当作国士后卒如元礼言【聂季宝未详】

许子将山峙渊停行应规表【范晔后汉书曰许劭字子将汝南平舆人少峻名节好人伦多所赏识与兄靖俱有高名好共论乡党人物每月辄更其品题汝南俗有月旦评焉】谢子防世称其裁鉴见子将十许岁时叹曰此乃希世之伟人【汝南先贤传曰谢甄字子防汝南召陵人禀气聪爽明识达理有人伦尝曰察其盼睐则赏其心覩其颜步则知其道】

许子将尝到颍川多长者之游唯不诣陈仲弓【陈寔已见】又陈仲举【陈蕃已见】妻丧还葬乡人俱至许独不往或问其故子将曰太丘道广广则难周仲举性峻峻则少通故不造也时人服其裁量

卫子许弱冠与同郡圈文生同称盛德郭林宗与二人俱到市子许买物随价讐直文生訛呵减价乃取林宗曰子许少欲文生多情此二人非徒兄弟乃父子也后文生以 货见捐子许以烈节致誉【先贤行状曰卫兹字子许陈留襄邑人不为诡激之行不徇流俗之名明虑渊深规畧宏远为车骑将军何苗所辟司徒杨彪再加旌命汉室倾荡曹公到陈留与兹相见同议起兵兹曰乱生久矣非兵无以整之由是首讚洪谋从太祖入荥阳力战终日失利而歿】

曹操防时人无知者尝往 桥太尉太尉见而异焉【范晔后汉书曰桥 字公祖梁国睢阳人少为县功曹举孝廉补洛阳左尉光和元年拜太尉性刚急无大体然谦俭好士及卒家无居业丧无所殡当时称之】语曹曰今天下将乱安生民者其在君乎曹常感其知己后经太尉墓辄凄怆致祠自为祭文【按曹公祭文曰故太尉桥公懿德高轨泛爱博容国念明训士思令谟幽灵潜翳悬哉缅矣操以幼年逮升堂室特以顽质见纳君子增荣益观皆由獎勗犹仲尼称不如顔渊李生厚叹贾复士死知己懷此无忘又承从容约誓之言殂没之后路有经由不以斗酒 鸡过相沃酹车过三步腹痛勿怨虽临时戏笑之言非至亲之笃好胡肯为此辞哉怀旧惟顾念之凄怆奉命东征屯次乡里北望贵土乃心陵墓裁致薄奠公其享之】

盛孝章为台郎路逢一童子是孔文举【孔融已见】孔时年十余岁孝章察其容貌非常怪而问之孔举手答曰是鲁国孔融孝章以为异乃载归与之言知其奇才便结为兄弟升堂拜亲【虞预会稽典录曰盛宪字孝章防稽人器量雅伟举孝廉补尚书郎迁吴郡太守孙防定吴会诛其英豪宪素有名防深忌之初宪与少府孔融善忧其不免与曹公书由足征为都尉诏命未至果为权所害】

王叔优与弟季道小时闻郭林宗有知人之鉴共往 之请问才行所宜以自处业林宗笑曰卿二人皆二千石才也然叔优当以仕宦显季道宜以经术进若违才易务亦不至也叔优等从其言后叔优至北中郎将季道代郡太守【王氏世谱曰王防字文舒太原晋阳人伯父柔字叔优父泽字季道】

荀令君举士不以一揆【荀彧已见】戏志才【魏志曰戏志才筹画士也太祖甚器之早卒】郭嘉【魏志曰郭嘉字奉孝颍川人太祖与荀彧书曰自志才亡后莫可与计事者汝颍固多奇士谁可以继之彧荐嘉召见论天下事太祖曰使孤成大业者必此人也】有 俗之累杜畿简傲少文【魏志曰杜畿字伯侯京兆杜陵人 傅子曰畿自荆州还至许见侍中耿纪语

终夜尚书令荀彧与纪比屋夜闻畿言异之旦遣人谓纪曰有国士而不进何以居位既见畿如旧相识遂进畿于朝】皆以智防举之终各显名

司马德操【司马徽已见】有人伦在荆州时知刘表性暗必害善人乃括囊不复谈议时有以人物问德操者初不辩其高下每辄言佳其妇谏曰人质所疑君宜辩论而一皆言佳岂人所以咨君之意德操曰如卿所言亦复佳【司马徽别传曰有人谓刘表曰司马德操奇士也但未遇耳表后见之曰世人多妄语此直小书生耳便以为奇其智而能愚皆此类】

管幼安【管宁已见】见公孙度时语唯经典不及世事乃因山为庐凿坏为室越海避难者皆就之旬月成邑遂讲诗书陈俎豆饰威仪明礼让非从学者弗见由是度安其贤民化其德邴原时亦在辽好以清议格物度已下心不安之幼安谓原曰潜龙以不见为德言非其时皆招祸之道也密劝令西还

杜伯侯【杜畿已见】与太仆李恢东安太守郭智有好恢子丰交结英隽以才智著名【鱼豢魏畧曰李丰字安国年十七八邴下名为清白识别人物海内翕然注意后随军在许昌声称曰隆其父不愿其然令闭门断客明帝在东宫丰在文学中及即尊位得吴降人问江东闻中国名士为谁降人云闻有李安国者时丰为黄门郎帝问左右安国所在左右以对帝曰丰名乃被于吴越耶转骑都尉】智子冲有内实而无外观【蜀记曰晋扶风王骏镇关中司马刘宝长史桓隰诸官属共论诸葛亮于时谈者多讥亮托身非所劳因蜀民力小谋大不能度德量力金城郭冲以为亮权智英畧有逾管晏因条亮五事隐没不闻于世者宝等不能复难扶风王慨然善冲之言】伯侯为尚书仆射二人各修子孙礼见伯侯既退伯侯叹曰孝懿无子非徒无子殆将无家君谋为不死也时人皆以伯侯为误恢死后丰为中书令父子兄弟皆诛冲为代郡太守卒继父业世乃服伯侯知人

庞士元性好人伦勤于长养每所称述多过其才时人或问之士元曰当今雅道陵迟善人常少方欲兴风俗长道业不美其谭即声名不足企慕不足企慕而为善者少矣今拔十失五犹得其半而可以崇迈世教使有志者自励不亦可乎时人服其言【襄阳记曰庞统字士元襄阳人少未有识者惟德公重之年十八使见司马德操德操与语既而叹曰德公诚知人此实盛德也】

李衡小时闻羊道【别见】有人物往干之道曰多士之世尚书剧曹郎也【襄阳耆旧传曰李衡字叔平襄阳人习竺以女英习配之汉末为丹阳太守孙休在丹阳衡数以法绳之后休得立衡自诣狱表列前失休下令曰李衡以往事之嫌自拘有司夫射钩斩袪在君为忠遣衡还郡勿令自疑加威逮将军】

荀奉倩【荀粲已见】与傅兰硕【魏志曰傅嘏字兰硕北地泥阳人弱冠知名司空陈羣辟为掾傅子曰嘏既达治好正而有清理识要好论才性原本精防黜能及之司隶校尉钟会年甚少嘏以明智交】



【会】夏侯太初【夏侯 别见】亲善荀常语兰硕与太初曰子等在世涂间功名必胜我但识劣我耳兰硕难曰能盛功名者识也天下孰有本不足而末有余者耶荀曰功名者志局之所獎也然则志局自一物耳固非识之所独济也我以能使子等为贵然未必齐子等所为二人莫能难

裴使君【裴徽已见】问管公明【管辂已见】何尚书【何晏已见】一代名士其实何如管曰其才若盆盎之水所见者清不见者浊神在广博志不务学弗能成才如以盆盎之水求一山之形形不可得则智由此惑故说老庄则巧而多华说易义则美而多伪华则道浮伪则神虚得上才则浅而絶流得中才则游精而独出辂以为少功之才也裴使君曰吾数与何平叔共说老庄易义常觉其辞妙于理不能折之又时人吸习归之益令不了相见得清言然后灼灼耳

夏侯太初在正始中风格高朗 辩博畅【魏志曰夏侯 字太初少知名弱冠为散骑黄门侍郎 世语曰 世名知人为中防军拔用武官叅防牙门无非俊杰牧州典郡立法垂教皆为后式】曹爽诛后征为太常内知不免不交人事不畜笔研【魏畧作不畜华妍】及司马宣王亡许领军谓之曰【魏畧曰许允字士宗高阳人少与清河崔賛俱发名于冀州官领军将军】卿无复忧矣太初叹曰士宗卿何不见事乎此人犹能以通家年少遇我子元子上不吾容也【司马师字子元晋景王司马昭字子上晋文王】后果及难【魏氏春秋曰中书令李丰恶大将军执政谋以 代之大将军闻其谋诛丰收 送廷尉

干宝晋纪曰初丰之谋也使告 答曰宜详之尔不以闻也故及于难 殷基通语曰司马懿诛曹爽费祎设甲乙论甲以为曹爽兄弟凡品庸人以宗子支属得防顾命而骄奢僭逸交非其人私树朋党谋以乱国懿奋诛戮一朝殄尽此所以副士民之望也乙以为懿感曹仲附已不一岂爽与相干事势不专以此陰成疵瑕初无忠告侃尔之训一朝屠戮谗其不意岂大人经国笃本之事乎若爽信有谋主之心大逆已构而发兵之日更以芳委爽兄弟懿父子从后闭门举兵蹙而向芳岂忠臣为君深谋之谓乎以此推之爽无大恶明矣若懿以爽奢僭废之可也灭其尺口 以不义絶子丹血食及何晏魏之亲甥亦与同戮为僭滥不当矣】

夏侯仲权入蜀【魏志曰夏侯霸字仲权夏侯渊子素为曹爽所厚爽诛自疑亡入蜀】姜伯约【姜维别见】问之曰司马公既得彼政还复有征伐之志不仲权曰此人方营立家门未遑外事有钟士季【钟会已见】者其人虽少终为吴蜀之忧

刘恭嗣年十歲时尝于讲堂上戏司马德操拊其头曰孺子孺子黄中通理宁自知不【魏志曰刘廙字恭嗣南阳安众人兄望之有名于世刘表辟为从事数以正諫不合投传告归廙谓望之曰赵杀鸣犊仲尼回轮今兄既不能法柳下惠和光同尘于内则宜模范蠡迁化于外坐而自絶殆不可也望之不从寻遇害廙遂归太祖太祖辟为丞相掾歷官侍中】

辛宪英是佐治女【世语曰宪英适泰山羊耽 魏志曰辛毘字佐治颍川阳翟人累迁卫尉】聪明有才鉴初文帝与陈思王争为太子既而文帝得立抱佐治颈曰辛君知我喜不佐治以告宪英宪英曰太子代君主宗庙社稷者也代君不可以不戚主国不可以不惧宜戚而喜何

可以久魏其不昌乎【夏侯湛宪英传曰宪英弟敞为大将军曹爽叅军司马宣王将诛爽因爽出闭城门司马鲁芝将爽府兵斩关出城赴爽来呼敞俱去敞问宪英曰天子在外太傅闭城门人云将不利国家于事可得尔乎宪英曰天下有不可知然以吾度之太傅不得不尔明皇帝崩把太傅臂以后事付之此言犹在朝士之耳且曹爽与太傅俱受寄托之任而独专权势于王室不忠于人道不直此举不过诛爽耳敞曰然则事就乎宪英曰得无殆就爽才非太傅之偶也敞曰然则敞可以无出乎宪英曰安可不出职守人之大义也凡人在难犹或恤之为人执鞭而弃其事不祥敞遂出宣王果诛爽敞叹曰吾不谋于姊几不获于义逮钟会为镇西宪英谓从子羊祜曰会在事纵恣非持久处下之道吾畏其有他志也祜曰季母勿多言其后会请子琇为叅军宪英忧曰他日见钟会之出吾为国忧之今日难至吾家琇固请司马文王不听宪英语琇曰行矣戒之古之君子入则致孝于亲出则致节于国在职思其所司在义思其所立不遗父母忧患而已军旅之间可以济者其惟仁恕乎琇竟以全】

聂友小时为县吏虞仲翔【虞翻已见】徙交州县令使友送之仲翔与语奇焉为书与豫章太守谢斐令以为功曹郡时见有功曹斐问之曰县吏聂友可堪何职功曹答曰此人县间小吏犹可堪曹佐斐曰论者以为宜作功曹君其避之即用为功曹使至都诸葛元逊友之【江表传曰诸葛恪字元逊瑾长子也少有才名发藻岐嶷辩论应机莫与为对权见而奇之谓瑾曰蓝田生玉真不虚也】时论谓顾子默【顾谭已见】子直【吴志曰顾承字子直谭母弟与陆瑁俱征孙权与雍书曰贵孙子直令问休休至与相见过于所闻为君嘉之】其间无所复容元逊欲以友居其间由是知名【吴录曰聂友字文悌豫章人有唇吻诸恪军还友知其将败与滕书曰当人强盛河山可拔一朝羸缩人情万端言之悲叹恪诛孙峻忌友以为郁林太守发病死】

阮嗣宗【阮籍已见】先与王浑为友【世语曰王浑字长原琅琊临沂人有才望歷尚书凉州刺史】时濬冲年十五【晋诸公赞曰王戎字濬冲太保祥宗族晋文王辅政钟会荐之曰裴楷清通王戎简要即俱辟晋文践阼累迁荆州刺史以平吴功封安丰侯】随浑在郎舍濬冲少阮二十歲阮与之交阮每适浑俄顷辄去过视濬冲良久然后出尝谓浑曰濬冲清贵非卿伦也共卿言不如共阿戎谈

钟士季【钟会已见】伐蜀过王濬冲别问计将安出王曰道家有言为而不恃非成功难保之难也及士季败众以为知言

嵇叔夜从孙登游【嵇康集目录曰登字公和不知何许人无家属于汲县北山上窟中得之夏则编草为裳冬则被髮自覆好读易鼓琴见者皆亲乐之每所止家辄给其衣服食饮得无辞让】叔夜欲与之言登默然不对逾时将去叔夜曰先生竟无言乎登乃言曰子识火乎火生而有光而不用其光果然在于用光人生而有才而不用其才果然在于用才故用光在乎得薪所以保其焰用才在于识真所以全其年今子多才寡识难乎免于今之世叔夜不能用遂及于难【虞预晋书曰康与东平吕昭子巽及巽弟安亲善会巽淫安妻徐氏而诬安不孝囚之安引康为证康义不心保明其事安亦至烈有济世志力钟会劝大将军因此除之遂杀安及康】

夏侯太初【夏侯 己见】为征西时乐彦辅父方尝叅其军事彦辅时年八歲太初见彦辅在路因呼与语还谓方曰向见广神姿朗澈终为名士【虞预晋书曰乐广字彦辅南阳人清夷冲旷加有理识累迁河南尹用心虚淡时重其贞贵代王戎为尚书令】

尚书闵鸿见陆士龙【陆云己见】小时即奇之曰此儿若非龙驹当是鳳雛

武伯南三子小时皆秀异【虞预晋书曰武陔字元夏沛郡竹邑人父周字伯南魏光祿大夫陔及二弟韶茂总角见称并有器望虽乡人诸父未能觉其多少】同郡刘公荣名知人【晋阳秋曰刘防字公荣沛国人为人通达仕至兗州刺史】尝造伯南伯南曰卿有人伦欲使三儿见卿卿为目其高下公荣乃自诣陔兄弟与共言论观其举动出语伯南曰君三子皆国士也元夏器量最优有辅佐之风展力仕宦可为亚公叔夏季夏不减常伯纳言也【后陔仕至仆射】

王浑从子浚是司空【沉】贱嬖子小时不为亲党所知浑尝语诸弟曰卿等莫轻彭祖【王浚小字】此儿平世不减方州牧伯乱世可为都督三公浚懷愍之世果为幽州都督位至鼎辅如浑所说【晋诸公贊曰王浚字彭祖为幽州刺史洛阳破浚承制建行台以宗庙焚毁设坛望祀七室及功臣配食者】

索靖有先识遠量知天下将乱指洛阳宫门铜驼叹曰会见汝在荆 中【晋书曰索靖字幼安炖煌人父湛北地太守靖少有逸羣之量与乡人汜衷张翹索紞索永俱诣太学驰名海内称炖煌五龙靖该博经史兼通内纬傳 张华与靖一面皆厚与之相结出为西域戊巳校尉长史张勃表靖才艺絶人宜在台阁武帝擢为尚书郎与襄阳罗尚河南潘岳吴郡顾荣同官咸器服焉】

夏少明在东未有名闻裴逸民知人乃裹粮寄载入洛从之未至裴少许见一人着黄皮袴褶乘马将猎少明问裴逸民家遠近答曰君何以问少明曰闻其名知人故从会稽来投之裴曰身是逸民君明可更来明往逸民果知之乃用为西门 少明于此遂知名

胡母彦国过河南尹门下将饮酒使门卒王子博取火子博曰卒也唯不乏吾事安能为人役彦国呼与语叹曰吾不及也因言于河南尹以为功曹【永嘉流人名曰胡母辅之字彦国泰山奉高人湘州刺史 晋书曰彦国少擅高名有知人之鉴】

光孟祖为博昌亭长迎新令至都【晋书曰光逸字孟祖乐安人初为博昌小吏县令使逸送客冒寒举体冻湿遇令不在逸解衣炙之入令被中卧令还大怒将加严罚逸曰家贫衣单沾湿无可代若不暂温势必冻死奈何惜一被而杀一人乎君子仁爱必不尔也故寝而不疑令奇而释之】时胡母彦国与荀道 共诣令家【晋书曰荀邃字道 祖勗尚书令父藩司空邃解音乐善谈论弱冠辟赵王伦相国掾迁太子洗马】望见孟祖因谓道 曰彼似奇才便呼上车与谈良久果是隼器令怪客久不入询之吏白与光逸共语

桓茂伦有鉴识【桓彝别传曰彝字茂伦谯国龙亢人汉桓荣十世孙父颖有高名彝少孤识鉴明朗避乱渡江累迁散骑常侍 晋中兴书曰桓彝家贫而性度高豁不以簞瓢屑意年在弱冠便有知人之鉴为宣城太守百姓懷之】尝去职无事至广陵寻亲旧遇风停浦中累日上岸逍遥见一空宇有似 署桓访之云是輿县 令姓徐名宁桓既独行思逢悟赏聊造之宁清惠博涉相遇怡然遂停宿因留数夕与宁结友而别【徐江州本事曰徐宁字安期东海郯人通朗有德素初为輿县令遇桓彝大相赏得桓至都谓庾公曰吾为卿得一佳吏部郎亮问所在桓即叙之迁吏部郎】

刘真长【刘惔已见】标寄清逵小时诸人比之 羊刘喜还告其母母有识鉴谓之曰此非汝比勿受之又有方之范汪者刘复喜母又不听后真长年德转升论者比之荀粲【范汪别传曰范汪字 平颍阳人左将军畧之孙少有不常之志通敏多识博涉经籍致誉于时歷吏部尚书 晋书曰汪少孤六歲过江依外家新野庾氏王澄见而奇之及长好学外氏家贫无以资给汪乃庐于园中布衣蔬食燃薪寫书诵读亦遍博学多通善谈名理】

刘穆之既为宋武帝委任心懷警惕尝语所亲曰贫贱常思富贵富贵必践危机今日思为丹阳布衣不可得也【沈约宋书曰刘穆之字道和小字道民东莞莒人齐悼惠王肥后也世居京口好书传博览多通为济阳江数所知以宋室佐命赠侍中封南昌县侯】

刘裕布衣时人未之识唯王谧独奇贵之尝语裕曰卿当为一代英雄

谢尚书【谢混已见】见 防【已见】小时即奇之曰此儿深衷夙敏方成佳器

谢晦权遇太盛兄宣逵每裁止之及还彭城言于武帝曰臣本素士父祖位不过二千石弟年始三十志用凡近位任显密福过灾生特乞降黜以保衰门

宋明帝废立之际王思远谓从兄晏【王晏已见】曰兄荷武帝厚恩今一旦賛人如此事彼或可以权计相须未知兄将何以自立及此引决犹可保全门户不失后名晏曰方噉粥未暇此事及晏拜骠骑会子弟谓思远兄思征曰隆昌之末阿戎【思远小字】劝我自裁若用其语岂有今日思远遽应曰如阿戎所见犹未晚也旬日晏及祸【南史曰王思远晏从父弟也父罗云平西长史思远八歲父卒祖 之及外祖羊敬元并栖退高尚故思远少无仕心宋建平王景素辟主簿深见礼遇后至司徒左长史】

琅琊王元长才名甚盛欲与徐勉【已见】相识每托人召之徐谓人曰王郎名高望促难可轻 衣裾俄而元长及祸时人服其几鉴

建武中褚彦回尝与从弟彦宣同载道遇齐太祖彦回指太祖车语彦宣曰此非常人将来不可测

刘祭酒【刘瓛已见】住在檀桥瓦屋数间上皆穿漏世祖为祭酒立馆以杨烈桥故主第给

之生徒皆贺祭酒曰室美为人灾此华宇岂吾宅耶幸可诏作讲堂犹恐见害也未及徙居祭酒遇病卒

傅茂逵【傅昭已见】年十一时随外祖于朱雀桁卖历日外祖是 雍州客雍州尝一日来茂逵所茂逵读书自若神色不改雍州曰此儿神情不凡必是佳器【南史曰 顓字国章陈郡阳夏人 淑兄子也父洵吴郡太守顓官至雍州刺史】

王僧辩东讨梁元帝谓僧辩曰王师近次朝士孰当先来王曰其周 正乎 正智不后机体能济胜无妻子之顾有独决之明其余碌碌不逮也俄而 正至王飞骑迎之及见欢甚曰吾固知王僧辩非后机者公可坐吾膝上周曰所谓进人若将加诸膝老夫何足以当【周 正已见】

柳文畅【柳恽已见】唯与王暕陆杲厚善每叹曰暕虽名家犹恐累我

徐陵【已见】母臧氏尝梦五色云化为凤凰集左肩上已而诞陵时宝志公在都世称其有道家人携以 之宝志手摩其顶曰天上石麒麟也

北齐王晞为并州司马昭帝欲以为侍中苦辞不受或劝王勿自疎王曰我少年以来阅要人多矣充拙少时鲜不颠覆且性实疎缓不堪时务人主恩私何由可保万一披猖求退无地非不欲作 官但思之烂熟耳【王晞已见】

萧大圜【已见】至北时周兵攻高齐拔晋州或问大圜师遂克不萧曰高欢昔以晋州肇基伪迹今本既拔矣能无亡乎所谓君以此始必以此终数月齐氏果灭闻者以为知言

隋吏部侍郎高孝基鉴识几悟清慎絶伦然俊爽有余迹似轻薄时宰多以此疑之唯牛 【已见】深识其真推心委任后孝基在事选举最为清允时论弥服牛公识度之远【北史曰高构字孝基北海人性滑稽多智辩给过人好读书工吏事仁壽初为吏部侍郎以公事免炀帝立召令复位论者称构有知人之鉴】

隋吏部侍郎高孝基铨人至房梁公【刘昫唐书曰房乔字 龄齐州临淄人幼聪敏博览经史善属文为太宗佐命封梁国公】杜蔡公愕然端视良久降阶与之抗礼延入内防共食甚恭曰二贤当为兴王佐命位极人臣杜年壽稍减于房耳愿以子孙相托后皆如其言

王绩【已见】知天下将乱藩部法严一日叹曰网罗高悬去将安所出所受俸钱积于县城门前托以风疾轻舟夜遁

刘文静一见唐太宗退语裴寂曰大度类于汉高神武同于魏祖其年虽少乃天纵矣

李勣临事选将必先相其奇厖福艾者遣之或问其故答曰薄命之人不足与成功名【刘昫

唐书曰李勣曹州狐离人初事李密密为王世充所破拥众归朝频立战功官并州大都督府长史封英国公】

王师旦知举日进士张昌龄王瑾并文辞俊爽声振京邑师旦考其文防为下等举朝不知所以及奏等太宗怪无昌龄等名以问师旦师旦曰此辈诚有辞华然其体轻薄文章浮艳必不成令器臣恐后生仿效有变风雅帝深然之【唐诗纪事曰王师旦太宗时考功郎中张昌龄冀州人与兄昌宗俱能文献翠防颂敕于通事舍人里供奉南部新书曰昌龄与文皇作息兵诏上见而叹曰襴衡潘岳之俦也大唐新语曰昌龄为长安尉以罪解官王瑾亦无所成】

李义琛为御史日文成公主贡金遇盗于岐州主名不立太宗召羣御史至目义琛曰是人神情爽拔可使推捕义琛往数日果获贼【刘昫唐书曰李义琛中书侍郎义琰从祖弟也为雍州长史时关辅饥高宗欲令贫民逐食义琛恐人流转不还固争之出为岐州刺史称良吏】

王勃在沛王府时诸王方共鬪鸡勃戏为沛王檄英王鸡高宗见之大怒曰此殆交搆之渐即日窜勃

狄梁公【狄仁杰已见】初授并州判佐时阎立本黜陟河南梁公为人诬告立本一见即惊谢曰仲尼观过知仁足下可谓海曲之明珠东南之遗宝特荐之迁并州法曹【刘昫唐书曰阎立本雍州万年人父毘在隋以工艺知名立本与兄立德早传家业总章中为右相与姜恪对掌枢密】

天后遣徐彦伯迎庐陵王于房州王至后匿王帐中召见狄梁公语庐陵事梁公敷请辄至涕下浸淫不能止后乃使王出曰还尔太子梁公降拜顿首曰太子归未有知者人言纷纷何所信后然之更令太子舍龙门具礼迎还中外大悦【唐诗纪事曰徐彦伯兖州人为蒲州司兵叅军时司户韦曷善判司士李亘工书彦伯属辞号河东三絶武后撰三教珠英取文辞士皆天下之选彦伯与李峤居首】

崔湜在中书日张嘉贞【已见】为舍人湜颇轻之常呼为张底后与商量数事皆出湜意外湜惊美久之顾语同官曰诘意张底乃我辈人此终是其坐处后嘉贞至中书令【唐诗纪事曰崔湜字澄澜仁师之子以文辞称附韦后作相又附太平公主门客献海鸥赋以讽湜称善而不自悛帝诛萧至忠湜流岭外后知湜本谋赐死荆州】

张曲江【张九龄已见】见朝士趋附杨国忠语人曰皆是向火乞儿一旦火尽灰冷暖气何在当冻尸裂体弃骨沟壑中不遑矣后禄山之乱果皆灭族

李华文辞绵丽而乏宏杰之气萧颖士【已见】健爽自肆时谓华不及颖士华自疑过之尝着吊古战塲文极思研确既成自加汗漫杂置梵书中他日与颖士读之颖士称工华问谁可及颖士曰君加精思便可及此华愕然而服【唐诗纪事曰李华字遐叔除右补阙禄山乱羣

母而逃为盗所得二京复谪杭州司功参军召加司封员外郎将以司言处之华曰焉有隳节夺志者可以荷君之宠乎移病请告李岷表为从事以风痹废居楚】礼部侍郎杨俊掌贡举问萧茂挺【萧颖士已见】求人海内以为德选

潘孟阳母刘夫人是刘晏妹孟阳为户部侍郎【刘昫唐书曰潘孟阳礼部侍郎炎之子登博学宏辞科德宗末王绍以恩幸数称孟阳之才授权知户部侍郎】夫人忧之曰以尔人才而在丞郎之位吾惧祸之至也试会尔同列吾观之因遍招深熟者客至夫人视之喜曰皆尔俦也不足忧矣向末坐绿衫少年何人曰补阙杜黄裳夫人曰此人全别必是有名卿相【刘昫唐书曰杜黄裳字遵素京兆杜陵人贞元末为太常卿王叔文窃权黄裳终不造其门寻拜平章事】

潘孟阳在德宗朝为翰林学士恩渥极异有一京尹伺 累日不得见乃遗阍者三百缗刘夫人知之谓潘曰岂有人臣使京尹愿一见遗奴三百疋缗其危可知遽劝潘避位

段文昌自渚宫客游成都韦南康与奏释褐为宾从后刘辟逐佐外邑高崇文收蜀召复旧职指其椅曰此犹不足与君坐【刘昫唐书曰段文昌字墨卿西河人高祖志 陪葬昭陵文昌倜傥有气义韦皋在蜀表授校郎长庆中朝廷以文昌少在西蜀诏授西川节度使文昌素洽蜀人之情至是以宽政为治严静有断蛮夷畏服】

韩晋公节制三吴所辟宾佐随其所长无不得人尝有故旧子弟投之更无他能尝召之与燕毕席端坐不与比坐交言晋公署以随军令监库门此人每早入帟端坐至夕警察吏卒无敢滥出入者竟获其力【刘昫唐书曰韩滉字太冲太子少师休之子幼有美名其所结交皆时之隽彦非公直者不与亲密性持节俭志在奉公衣裘茵衽十年一易官检校左仆射封晋国公】

陆忠州知举【刘昫唐书曰陆贽字敬舆嘉兴人少特立不羣颇勤儒学德宗素知贽名召为翰林学士贞元七年以兵部侍郎知举八年代窦参为中书侍郎后贬忠州别驾】时崔元翰梁肃文艺冠时【梁肃已见 唐诗纪事曰崔元翰初名鹏举进士年五十矣礼部侍郎于邵以其文擢异等曰后当司诏令窦参秉政引知制诰训词温厚有典诰风以刚褊罢为比部郎中】忠州输心于肃肃与元翰推荐艺实之士升第之日虽众望不惬然一歲选士才十四五数年之内居台省清近者十余人李观【唐诗纪事曰李观字元宾以文驰声卒于校书郎陆希声序其文曰激扬发越若丝竹中有金石声每篇得意处如健马在御蹶蹶不能止】韩愈【刘昫唐书曰韩愈字退之昌黎人幼刻苦学儒大历贞元间文士多尚古学効 雄董仲舒之述作独孤及梁肃最称渊奥愈从其徒遊锐意鑽仰欲自振于一代官至吏部侍郎】李绹【宋祁唐书曰李绹字深之元和中为翰林学士一日奏对李吉甫盛称天子威德绹极言规切帝顾左右曰绹言骨鲠真宰相也】崔羣【宋祁唐书曰崔羣字敦诗贝州武城人未冠举进士陆贽知举梁肃荐其有公辅器遂擢甲科】共游梁补阙之门【唐诗纪事曰梁肃字钦之世居陆浑萧复杜佑交荐终右补阙】四贤造补阙靡不偕行一日延接补阙盛称四人文学复獎以交游之道补阙素善人伦观等既去复止崔李曰公等文行相契他日皆振大名然二

君位极人臣幸各自爱后果如其言

杨炎自道州还家人以绿袍木简弃之炎曰吾岭外一逐吏超登上台此可常哉且有非常之福必有非常之祸安可弃是及再贬果还所服【刘昫唐书曰杨炎字公南鳳翔人与常袞并掌纶诰时号常杨乐贤下士人士归之以与元载厚善贬道州司马】

韩滉有知人之鉴见杨于陵甚悦滉有爱女方择佳婿谓其妻柳氏曰吾阅人多矣无如杨生贵而有壽生子必为宰相于陵自句容尉秩满寓居扬州而生嗣复滉见之抚其首曰名位果逾于父扬门之庆也因字曰庆门于陵更践中外以右仆射致仕终年七十八嗣复作相

裴晋公【裴度已见】防时羈游洛中一日防蹇驴上天津桥时淮西不庭已数年矣二老人倚柱叹曰蔡州何时得平俄见晋公愕然而退有仆夫在后闻其语曰适忧蔡州未平须得此人为将仆遽告公公曰见我龙钟故相戏尔

路岩佐崔 于淮南为支使 知其必贵尝曰路十终须作彼一官【胡三省通鉴注曰谓作相也】既而入为监察御史不出长安城十年至宰相其入翰林日 犹在淮南闻之曰路十今已入翰林如何得老后皆如 言【路岩已见刘昫唐书曰崔 字台硕义成节度使元畧子也累官户部侍郎会昌末以本官平章事为同列李德裕所嫉罢相】清泰中枢密直学士吕琦问国家运祚于赵延义延义曰保 在刑政保祚在福德刑政则术士不敢言奈际会诸公罕有福德者下官窃有恤纬之僭

韩熙载在南唐多置女仆昼夜歌舞客至杂坐熙载语僧德明云吾为此行正欲避国家入相之命僧问何故避之曰中原常虎视于此一旦真主出江南弃甲不暇吾不能为千古笑端【湘山野录曰韩熙载字叔言本青社人事江南三主时谓之神仙中人风采照物每纵轡春城秋苑人皆随观谈笑则听者忘倦审音能舞善八分及画笔皆冠絕简介不屈举朝未尝拜一人每献替多嘉纳吉凶仪制不如式者随事稽正制诰典雅有元和之风屡欲相之为宋齐邱深忌终不进用】

孙晟【已见】为南唐尚书郎国主赐以一宅在鳳台山西冈垅之间徙居之日羣公萃止韩熙载见其门卑巷陋谓孙曰湫隘若此岂称为相第耶举坐莫喻其防明年孙拜御史大夫旬日之间果正台席

王昭素谓李穆兄弟皆令器穆尤沈厚他日必至廊庙后果叅知政事【皇朝 苑曰王昭素酸枣人博学通九经尤长于易作易论二十三篇学者称之李穆荐之太祖召见年已八十貌不衰太祖问何不求仕致相见之晚对曰草野陋儒无补圣化赐坐讲易帝嘉之以为国子博士逾月遣还善摄养年九十余卒】

李文靖【李沆已见】在相位时王文正【王旦已见】为叅政西北二方犹梗羽书日闻或至盱眙王公叹曰安得企见太平吾辈稍得优游乎文靖曰国家少有忧勤足为警戒异日天



下宁晏人臣率职亦未必高拱无事君奚念哉后北鄙和好西邻款附于是朝陵展礼登封行庆寢寻巨典无所不讲属王公衰病疲于贊导始服文靖之深识真宗朝李沆王旦同时执政四方奏报祥瑞沆固灭裂之如有灾异则再三疏陈以为失德所招上意不悦旦退谓沆曰相公何苦违戾如此似非将顺之意沆曰自古太平天子志气侈盛非事四夷则耽酒色或崇释老不过以此数事自败今上富于春秋须常以不如意事裁挫之使心不骄则可为持盈守成之主沆老矣公他日当见之旦犹不以为然至晚年东封西祀礼无不讲时沆已薨旦绘像事之每胷中郁郁则摩腹环行曰文靖文靖盖服其明识也

王魏公【旦】在政府一日王沂公【曾】李观察【维】薛尚书【映】造谒公辞病薛有不平之色公婿韩亿时在门下见之以此啓公公曰韩郎未之思尔王薛皆李公之婿相率而来恐有所干于朝廷事果不可沮之无害若可行答以何辞执政之大忌韩乃谢曰非亿所知后果是李文靖夫人有所请托

王魏公与杨文公品量人物杨曰丁谓果何如公曰才则才矣语道未可他日在上位使有德助之庶保终吉若独当权必为身累后丁果被流窜

章得象为职方知洪州罢归丁晋公与杨文公博召数人皆不至丁以为二人博无欢杨曰有章职方者善博可召之既至丁不胜输银器数百章无喜色亦不辞他日又博章输银器数百两亦无吝色丁嘉其有度援引以至清显尝云章公他日必为公台【东都事畧曰章得象字希言世家泉州后徙居浦城宝元中拜中书门下平章事仁宗谓曰先太后临朝羣臣邪正朕皆默识之卿清忠无所附丽故大用也】

唐待制先与丁晋公为友后居水柜街宅正相对丁将有弭谐之命唐迁居州北或问其故唐曰谓之入则大拜数与往还事涉依附经旬不见情必猜疑故避之耳后晋公南迁唐曰丁之才术李贊皇之流动多而静少任智而鲜仁可以佐三事但不可冢百官耳【宋史曰唐肃字叔元杭州钱塘人钱鏐时七歲能诵五经名闻国中后与孙何丁谓游学者慕之官至龙图阁待制】

庆厯中余靖欧阳修蔡襄王素在台中力引石介为谏官执政亦欲从其请时范文正为叅政语同列曰石介刚正天下所闻然性亦好异若使为谏官必以难行之事责人主以必行少拂其意则引裾折檻叩头流血无不为矣主上虽富有春秋然无失德朝廷政事亦自修举安用如此谏官人皆服其言

庆厯中一近侍犯法罪不至死执政以其情重请杀之范希文独无言退而语同列曰诸公劝人主法外杀近臣一时虽快意不宜教手滑诸公默然【东轩笔录曰刼盗张海过高邮知军晁仲约度不能御具牛酒迎劳事闻朝廷大怒时富郑公在枢府议欲诛仲约范欲宥之富公曰方今患法不举方欲举法而多方沮之范公曰祖宗以来未尝轻杀臣下此盛德之事奈何欲轻壞之且吾与公在此同僚之间同心者有几虽上意亦未知所定而轻导人主以诛戮臣下他日手滑虽吾辈亦未敢自保富公终不以为然及范公出按陝西富公出按河北富自河

北还及国门不许入未测朝廷意此夜徬徨不能寐绕牀叹曰范六丈圣人也】

薛简肃知成都范蜀公【范镇已见】方为举子薛一见爱之馆于府第俾与子弟讲学每曰范君廊庙人也蜀公益自谦退乘小驷至铜壶阁下即步行趋府门逾年人不知为帅客薛还朝以蜀公行或问薛自成都归得何奇物曰蜀珍产不足道吾归得一伟人与俱来【五朝名臣言行录曰薛奎字宿艺绛州人尝尹开封以严为治及镇蜀则以惠爱称蜀人爱且畏之以比张咏而不苛官至叅知政事卒諡简肃】

御史台有閤吏 台中四十余年善评其优劣每以所执之挺待中丞之贤否中丞贤则横其挺否则直其挺此语諠于缙绅凡为中丞者唯恐其挺之直也范讽为中丞闻望甚峻一日视事次閤吏忽直其挺范大惊立召问曰尔挺忽直岂覩我之失耶吏初讳之苦问乃言曰昨见中丞召客亲谕庖人以造食指挥者数四庖人去又呼之复丁宁者数四大凡役使者授以法而观其成苟不如法有常刑矣何事喋喋之烦若使中丞宰天下不止一庖人之任皆欲如此喋喋不亦劳而可厌乎某心鄙之不知其挺之直也范大笑慙谢【儒林公议曰范讽齐人性疎诞不顾小节监舒州灵仙观庄献太后临朝闻其俊迈召拜谏官好大言捭阖时有补益常涂者皆畏之任三司使阙畧财计议者以谓任不适其器好朋饮高歌噉呼或不冠幘礼法之士深疾之】

吕献可待对于崇政殿时司马温公为翰林学士侍读还英阁亦趋賛善堂待召相遇朝路并行而北温公密问曰今日请对何所言献可举手曰袖中弹文乃新叅也温公愕然曰王介甫素有学行命下之日众皆喜于得人奈何论之献可正色曰君实亦为此言耶安石虽有时名好执偏见不通物情轻信奸回喜人佞已听其言则美施于用则疎若在侍从犹或可容置诸宰辅必天下受其祸矣温公又谕之曰与公相知有所懷不敢不尽未见其不善之迹遽论之不可献可曰上新嗣位富于春秋朝夕谋议者二三执政尔苟非其人则败国事此乃腹心之疾治之惟恐不及顾可缓耶后安石变法人始服献可先见【邵氏闻见录曰吕晦字献可正惠公之孙初为侍御史言欧阳修首建邪议尊濮安懿王出知鄆州神宗擢天章阁待制又论王安石出知邓州】

盛文肃知扬州简重少许可时夏有章授郑州推官过谒文肃骤称其才明日置酒召之人谓有章盛公未尝燕过客甚器重者方召一饭有章别日为一诗谢之公得诗不发封使人谢曰度已衰老无用此诗有章殊不意诣通判刁绎言其故刁往见文肃问之公曰始见其气韵清秀谓必远器今封诗乃自称新圃田从事得一幕官遂尔轻脱其志已满必止于此官他日可验时贾文元为叅政与有章有旧荐为馆职会御史发其旧事遂寢改差国子监主簿仍带郑州推官未几卒于京师【东都事畧曰盛度字公量余杭人累官翰林学士叅知政事性好学家居读书未尝释手真宗命与李宗谔杨亿王曾李维舒雅任随石中立同编文苑英华所著有愚谷集度肌体丰大艰于拜起有拜之者俯伏不能兴或至诟骂其褊戾如此】

张乐全【方平】守陈富郑公在亳社以不行新法谪知汝州假道宛丘与乐全相见富叹曰人果难知某三次荐安石谓其才可大用不意今日乃如此乐全曰自是彦国未识此人方平

昔年知举辟为防检试卷官每向前来论事则满院无一人可其意者自是絕之至今无一字往还

李待制在仁宗朝当为州县官因邸吏报包希仁【包拯已见】拜叅政或曰朝廷自此多事矣承之正色曰包公无能为今知鄞县王安石者眼多白甚似王敦他日乱天下者必此人

元祐间东坡在禁林张无尽以书自言曰觉老近来见解与往时不同若得一把茅盖头必能为公呵佛骂祖盖欲坡荐为台諫也温公颇有意用之尝以问坡坡云犊子虽俊可喜终败人事不如求一重有力而驯良服轡者使安行于八达之衢为不误人也温公遂止张天觉好佛而不许诸子诵经尝云彼读书未多心源未明才粘着经卷便烧香礼拜不能得了

张芸叟云吕申公名知人多得于下僚家有茶罗子一金饰一银一棕榈方接客索银罗子常客也金罗子禁近也棕榈则公辅必矣家人常排列于屏间以之廉文正王秉政日中书右丞刘整以初附为都元帅骑从甚都诣门求见文正弟蓊公【希贡】为通谒文正读书不顾蓊公出整复浼入言之文正因令撤去坐椅自据中坐令整入整展拜起立不与之一言整求退谓曰此是我私宅汝欲有所言明日当诣政事堂整出愧赧殆无人色顷之有士人在羁旅寒饿狼狽衣冠褴褛袖诗求见文正兄弟皆揶揄之蓊公复入为言文正亟令设坐戒内人备酒馔至外门肃入对坐张燕执礼甚恭且录其居止士人但言困苦乞归明日言于世祖皆遂其请文正兄弟怪问刘元帅主上之所倚任反薄待之江南穷秀才却礼遇如此我等不能无疑文正曰我是国家大臣言动嚙笑系天下重轻整虽贵是卖国叛臣故折辱之令其知君臣重义若寒士数十皆诵法孔子在宋不与燕坐况国家起朔漠斯文不絕如线我更不尊礼则儒术将扫地矣闻者无不叹服【陶九成辍耕錄曰恒阳廉文正王希宪字善父畏吾氏由父孝懿王布鲁凯官廉访使因氏焉希宪国初拜平章事】

倪元镇当至正初天下尚无事元镇日鬻其家田产不事家人作业唯逍遥吟讽兼寓意于图画人窃笑其为戇后兵兴诸富家田产剽剥都尽众始服其有见

# 语林卷十六

## 赏誉第九【上】

孔子尝曰吾之于人谁毁谁誉如有所誉者其有所试则孔子但不毁人耳亦何尝不举人哉然必试耳余观东汉喜标树晋世好加奖饰然一时虽门阀子弟皆贤可施于行列昔人以为名者摩世厉钝之具岂不信哉善乎庞士元之言曰欲兴风俗长道业不美其谈即声名不足企慕而为善者少今防十失五犹得其半而可以崇迈世教使有志者自励夫古多善俗或者用此道也后世欲以深文苛议激振颓风然一遭讥贬而贤者率多自弃呜呼有世道之责者可无加之虑哉

贾景伯与班固并校秘书景伯母常有疾帝欲加赐以校书例多特以钱二十万使颍阳侯马防与之语防曰贾逵母病此子无人事于外屡空则从孤竹之子于首阳山矣【范曄后汉书曰贾逵字景伯扶风平陵人自为儿童常在太学不通人间事身長八尺二寸诸儒为之语曰问事不休贾长头】

贾伟节兄弟三人并有高名伟节最优时人以为之语曰贾氏三虎伟节最怒【山松后汉书曰贾彪字伟节少游京师与郭林宗为谈论之首一言一行天下以为准的党事起彪谓同志曰吾不西行大难不解即入关设方畧天子为之大赦】或问汝南范孟博【范滂已见】郭林宗何如人范曰隐不违亲贞不绝俗天子不得臣诸侯不得友吾不知其他【范曄后汉书曰郭泰字林宗太原介休人家贫早孤母使给事县庭林宗曰大丈夫安能处斗筲之役乎就屈伯彦学三年博通坟籍游洛阳见李膺膺大奇之遂相友善名震京师后归乡里诸儒送至河上车数千两林宗与李膺同舟而济众宾望之以为神仙】

东国宗敬蔡中郎不言名咸称蔡君兖州陈留并图画形像为之目曰文同三闾孝齐参寥

世目陈仲举【陈蕃已见】昂昂如千里骥周孟玉【周璆已见】浏浏如松下风【世说作世目李元礼谡谡如劲松下风】

一云世目颍川李府君【李膺已见】颀颀如玉山汝南陈仲举轩轩如千里马南阳朱公叔【朱穆已见】如行松柏之下颍川为之目曰荀氏八龙慈明【荀爽已见】无【范曄后汉书曰荀淑字季和为朗陵侯相莅事明理称为神君卒年六十七李膺自表师丧去官生八子俭鯤靖焘汪爽肃勇并有名称时人谓之八龙初荀氏旧里名西豪颍阴令苑康以为昔高阳氏有才子八人今荀氏亦有八子遂改曰高阳里】

赵戡遭三辅防乱客于荆州州牧刘表以为宾客【典略曰赵戡字叔茂京兆长陵人质而好学言称诗书爱恤于人不论踈密辟公府入为尚书选部郎董卓欲以所私并充台阁戡拒不听卓怒欲杀之戡引辞正色卓虽凶戾屈而谢之故王允被害戡弃官敛三辅乱戡客荆州刘表以为宾客曹公平荆州执戡手曰何相见之晚遂辟为掾】尔时祢正平【张隲文士

传曰祢衡字正平原般人少有才辩气尚刚傲好矫时慢物】来游京师【范晔后汉书曰兴平中衡避难荆州建安初来游许下】诋訾朝士谓无复人反南见戡叹曰所谓劍则干将莫邪木则椅桐梓漆人则顔冉仲弓也阮元瑜少有隼才应机捷丽尝就蔡伯喈学蔡叹曰童子奇才朗朗无

平原陶丘洪【青州先贤传曰陶丘洪字子休平原人清达博辩文冠当代举孝廉不行辟太尉府年三十卒】举刘正礼爲茂才【范晔后汉书曰刘繇字正礼东莱牟平人父宠会稽太守繇为扬州牧时 术据淮南繇移居曲阿值中国防乱士友南奔 接收养与同仇剧甚得名称 术遣孙策攻破繇奔豫章】是公山弟【范晔后汉书曰刘岱字公山董卓入洛阳岱从侍中出为兖州刺史虚己爱物为士人所附初平三年黄巾转入东平岱击之战死】刺史曰前年举公山柰何复举正礼洪曰若使明君用公山于前擢正礼于后所谓御二龙于长途骋骐驎于千里何所复难

陈长文【陈群别见】与孔文举共论汝颖人士陈曰荀文若【荀彧已见】公达【魏春秋曰荀攸字公达为尚书令从太祖征伐常谋谟帷幄时人及子弟莫知其所言太祖每称之曰公达外愚内智外怯内勇外弱内强不伐善无施劳智可及愚不可及虽顔子甯武不能过与钟繇善繇言我每有所行反覆思惟自谓无以易以咨公达辄复过人意】休若【荀氏家传曰荀衍字休若彧第三兄也】友若【荀谌字友若彧第四兄 绍在冀州以谌为谋主】仲豫【荀氏家传曰荀悦字仲豫彧从父兄也父俭朗陵长祖淑朗陵侯相 张璠汉纪曰悦清虚沉静善于著述建安初为秘书监被诏删汉书作汉纪三十篇因事以明臧否致有典要其书大行于世】当今并无对

脂元升以哭孔文举尸魏太祖收欲治罪以其事直见原元升后见太祖陈谢前愆太祖呼其字曰元升卿故慷慨【鱼豢魏畧曰脂习字元升京兆人公府辟举高第天子西迁及诣许昌习常随从与少府孔融亲善太祖为司空威德曰盛融书防倨傲习常责融欲令改节融被诛时许中百官与融亲善者莫敢收恤习独抚而哭之曰文举卿舍我死我当复与谁语者】

魏文帝初受汉禅群臣皆 魏德卫臻独称汉美文帝曰天下之珍当与山阳共之

曹子建七步成章世目爲绣虎目王仲宣爲泥下潜蛙庞德公目诸葛孔明爲卧龙庞士元爲鳳雏司马德操爲水镜

诸葛武侯甚知蒋琬用爲长史常曰公琰托志忠雅当与吾共贊王业者也

钟士季【钟防已见】入蜀甚知姜伯约谓长史杜元凯曰【杜氏新书曰杜预字元凯司马宣王女壻王 晋书曰预智谟渊博明于理乱常称德者非所企及立功立言所庶几也着左氏集解又参考众家谓之释例作盟防图春秋长歷成一家学摯虞甚重之曰左丘明本为春秋作传而左传遂自孤行释例本为传说而所发明何但左传】以伯约比中土名士公休太初【诸葛诞夏侯 并已见】不能过也【蜀志曰姜维字伯约天水冀人少与母居好郑氏

学傅子曰维好立功名陰养死士不修布衣之业  
孙盛杂纪曰初姜维诣亮与母相失复得母书令求当归】

【维曰良田百顷不在一畝但有遠志不在当归也 蜀志曰亮辟维为奉义将军与长史张裔防军蒋琬书曰姜伯约忠勤时事思虑精密考其所有永南季常诸人不如也 郤正论曰姜伯约据上将之重处群臣之右宅舍敝薄资财无余侧室无妾媵之防后庭无声乐之娱衣服取供舆马取备饮食节制不奢不约官给费用随手消尽察其所以然者非激贪厉浊抑情自割也直谓如是足为足不在多求凡人之谈常誉成毁败扶高抑下咸以姜维投厝无所身死宗灭以是贬削不复料擿异乎春秋褒贬之义矣如姜维之乐学不倦清素节约自一时之仪表也】

张子纲【张纡已见】与孔北海书言虞仲翔前颇爲论者所侵美實爲质雕磨益光不足以损

管公明言与裴使君【裴微已见】何邓二尚书【何晏邓飏并已见】刘太常【刘寔已见】兄弟语使人神思清发昏不假寐自此以还殆白日欲寢矣【晋书曰刘寔弟名智字子房贞素有兄风少贫 薪自给读诵不辍以儒行称】或问焦先于皇甫士安士安曰旷然以天地爲栋宇闇然合至道之前出群形之表入 寂之幽一世之人不足以挂其意四海之广不足以回其顾妙乎与三皇之先者同矣结绳已来未及其至也岂群言之所能髣髴常心之所能测量哉【皇甫谧高士传曰世莫知焦先所出或言汉末无父母兄弟见汉衰乃不言常结草为庐冬夏袒露垢污如泥后野火烧其庐先因露寝遭大雪袒卧不移人以为死就视如故】陆士衡与弟士龙俱有隼才张司空【张华已见】见而悦之常曰伐吴之利在获二隼

山公目嵇叔夜岩岩如孤松之独立

嵇君道【嵇含已见】云吾在洛尝与二陆谈【陆机陆云并已见】觉辞少理畅语约事举莫不豁然若春日之判薄冰秋风之扫枯叶

世目邓士载爲伏鸾陆士龙爲隐鹄

卫伯玉明识清允傅兰硕【傅嘏已见】极贵重之比之甯武子【晋书曰卫瓘字伯玉河东安邑人父覬魏尚书瓘十岁防父至孝过人性贞静有名理在位以任职称邓艾钟防伐蜀瓘以侍中持节监艾防军事】

张茂先甚重成公简【王隐晋书曰成公简字宗舒东郡人世二千石性清素不求荣利潜心味道罔有干其志者由是默识过人】尝曰公简清静比扬子云【扬雄自叙曰雄为人简易佚宕默而好深湛之思清静无为不汲汲于富贵不戚戚于贫贱不修廉隅以徼名当世无担石之储晏如也自有大度非圣哲之书不好也非其意虽富贵不事也】默识拟张安世【班固汉书曰张安世字子孺少以父任为郎以善书给事尚书精力于职休沐未尝出上幸河东

亡书三篋诏问莫能知唯安世识之具述其事后以相校无所遗失上奇其才擢为尚书令】

顾彦先少有珪璋符采朗澈弱冠仕吴爲黄门郎当时后进尽相推许称爲大才令望

卫叔寶是乐彦辅壻【卫玠乐广】并有海内之名裴叔道尝称之曰妇翁水清女壻璧润【裴遐已见】

周中丞【弼】目裴逸民曰裴公若武库五兵纵横【晋诸公赞曰裴頠字逸民谈理与王夷甫不相推下尝疾世俗尚虚无之理故着崇有论以折之才博喻广学者不能究后乐广与頠清谈欲说理頠辞喻丰博广自以体尚虚无笑而不言】

山季伦荐蔡克于王太尉曰蔡子尼今之正人太尉以书示众曰山子以正字防人然未易可称后太尉闻克在选曰山子正人之言验于今矣【山简王衍蔡克并已见】

王平子风韵迈达甚爲从兄濬冲夷甫所知四海士人一爲平子品目则二兄不复措意云已经平子【晋诸公赞曰王澄字平子有达识仕至荊州刺史】

王大将军甚重王太尉常称之曰夷甫处众中如珠玉在瓦石间

王武子爲本州大中正【晋诸公赞曰王济字武子太原晋阳人司徒浑第二子也有隼才能清言起家中书郎终太仆】访问关求孙子荆品状【张隲文士传曰孙楚字子荆太原中都人晋阳秋曰楚骠骑将军资之孙南阳太守宏之子仕至冯翊太守】王曰此人非乡评之所能名乃自爲之目曰天才英博亮防不群王东海清虚寡欲无所修尚言理辩物但明其指要而不饰文辞一时服其约而能通王太尉雅贵重之比之南阳乐广【王承王夷甫并已见】

世目杜 治清标令上【晋阳秋曰杜乂字 治京兆人祖预父锡有誉前朝乂少有令名仕丹阳丞成帝纳乂女为后】

世说曰有人目杜 治标鲜清令盛德之风可乐咏也语林曰有人目杜 治标鲜甚清令初若熙怡容无韵盛德之风可乐咏也二说与此并小异

世目阮遥集风韵疎诞少有门风

谢太傅云小时在殿廷防见王丞相便觉清风来拂人诸葛道明【诸葛恢已见】初过江名称亚于王丞相庾太尉【王导庾亮】丞相甚知之尝谓曰明府终爲黑头公

王丞相拜司空时诸葛道明在坐丞相指所着冠语道明曰君当复着此

蔡司徒甚重刘王乔【刘畴已见】常叹曰刘王乔若过江司徒公之美选也【蔡司徒别传

曰谟字道明济阳考城人博学有识避地江左歷左光祿録尚书事扬州刺史】

高坐和尚天姿高朗风韵遒迈甚爲王丞相所知周仆射【周顗已见】领选抚其背曰若选得此贤令人无恨【高坐别传曰和尚胡名尸黎密西域人传云国王子以国讓弟遂为沙门永嘉中到中土止于大市中王丞相一见奇之以为吾之徒也周侯遇害和尚对其灵坐作胡祝数千言音声高畅既而挥涕收泪其哀乐废兴皆此 性高简不学晋语诸公与之言皆因传译神领意得顿在言前塔寺记曰尸黎密冢曰高坐在石子冈常行头陀卒于梅冈即葬焉晋明帝于冢邊立寺因名高坐】

周仆射神彩秀澈正体嶷然济辈不敢防汝南贲泰渊通清操之士尝叹曰汝颍固多贤士自顷陵迟雅道殆衰今复见周伯仁将复旧风清我 族矣

桓茂伦见谢太傅小时叹曰此儿风神秀澈后当不减王东海【桓彝谢安王承并已见】

王世将高朗豪率王丞相庾太尉游于石头防世将至尔日迅风飞飏世将倚船楼长啸神气甚逸丞相谓太尉曰世将爲复识事太尉曰正足舒其逸耳【王廙别传曰廙字世将祖览父正廙性倨傲不合己者面拒之故为物所疾加平南将军】

李充言潘安仁之文如翔禽之羽毛衣被之绡縠庾公目王右军清贵有鉴裁【按世说云殷中军道右军清鉴贵要与此语复小异】世人语曰大才槃槃谢家安江东独步王文度盛德日新郗嘉賓【世说作扬州独步王文度后来出人郗嘉賓无上谢安一句】

支道林清谈著名一时风流贵胜莫不崇敬以爲造微之功足防正始然独重郗嘉賓称爲一时之隼

支道林谈善标宗防而章句或有所遗时爲守文者所陋谢太傅闻而善之曰此乃九方歎之相马畧其 黄取其骏逸

王长史【王蒙已见】问孙兴公【中兴书曰绰字兴公太原中都人少以文称歷太学博士大著作散骑常侍】郭子 定何如【文士传曰郭象字子 河南人少有才理慕道好学托志老庄时人咸以为王弼之亚辟司空掾太傅主簿】孙曰词致清雅奕奕有余吐章陈文如悬河泻水注而不竭

殷中军识度清遠当时比之管葛屏居墓所几将十年王蒙谢尚伺其出处以卜江左兴亡因相与省之知浩有确然之志既反因相谓曰渊源不起当如苍生何【庾翼贻浩书曰当今社稷安危内委何褚诸君外托庾桓数族恐不得百年无忧足下少标令名十数年间位经内外而欲潜居利贞斯理难全且夫济一时之务须一时之胜何必德均古人韵齐先达耶王夷甫先朝风流士也然吾薄其立名非真而始终莫取若以道非虞夏自当超然独往而不能谋始大合声誉极致名位正当抑扬名教以静乱源乃高谈庄老说空终日虽云谈道实长华竟及



其末年人望犹存思安惧乱寄命推务而甫自申述狗小好名既身囚胡虏弃言非所此明德君子遇防处际寧可然乎而世皆然之益知名实未定弊风未革也浩固辞不起简文帝始综万几卫将军褚裒荐浩征为扬州刺史浩上防陈让并致牋于简文简文荅之曰属当厄运危弊理尽诚赖时有其才不复遽求版筑足下沉识淹长思综通练起而明之足以经济若复深存挹退苟遂本怀吾恐天下之事于此去矣令纁领不振晋网不纲愿蹈东海复可得耶由此言之足下去就即是时之废兴时之废兴则国家不异足下宏思之静筭之亦有以深鉴可否望必废本怀率群情也】刘尹亡后孙兴公爲之谏曰居官无官官之事处事无事事之心当时以爲名言

孙兴公目刘眞长曰神犹渊镜言必珠玉

谢镇西【晋阳秋曰谢尚字仁祖陈郡人鯤之子也韶訖防兄哀恻过人及遭父防温峤嘑之尚号叫极哀既而收泪告诉有异常童峤奇之由是知名仕至镇西将军】与罗君章爲方外之友【罗府君别传曰含字君章桂阳 阳人楚熊姓之后啓土罗国遂氏族焉后寓湘境为桂阳人含临海太守彦曾孙荈阳太守绥少子也桓宣武辟为别驾迁散骑常侍门施行马含自在官舍有一白雀栖集堂宇及致仕还家庭中忽兰菊挺生此亦至行之征也】常称之曰罗君章可谓湘中之琳琅

或有人言罗君章可谓荆楚之杞梓桓大司马曰此自江左之秀岂唯荆楚而已

孙兴公云庾太尉雅好所托常在尘埃之外虽柔心应世蠖屈其迹而方寸湛然固以 对山水

世目王荀子曰流奕清举【荀子王脩小字

文字志曰王脩字敬仁太原晋阳人父蒙司徒左长史脩明秀有美称】

桓南郡既诛司马元显见谢景仁甚知之谓四坐曰司马庶人那得不败遂令谢景仁年三十方作著作郎阮万龄与 豹江夷相系爲孟昶司马时人谓昶府有三素望【南史曰阮万龄陈留尉氏人祖思旷光禄大夫万龄少知名为孟昶建威长史】

谢叔源与从子灵运并有美名时人谓叔源风韵爲高目望蔡肃肃如寒风振松【谢叔源袭爵望蔡侯】目康乐凜凜如霜台笼日

谢方明无他伎能自然有雅韵高祖常称之曰谢方明可谓名家驹直置便是台鼎人无论复有才用或云是刘穆之语【沈约宋书曰谢方明陈郡阳夏人尚书仆射景仁从父弟父冲中书侍郎方明为高祖中兵主簿事思忠益知无不为迁侍中丹阳尹】

王令明素不与谢灵运相识尝得一交言灵运辩博辞义锋起令明时然后言时荀伯子在坐退而告人曰灵运固自萧散直上王郎如万顷陂【沈约宋书曰荀伯子颍川颍陰人祖羨驃

骑将军父猗秘书郎伯子少好学博览经传而通率好戏遨游间里故失清涂解褐驸马都尉仕至东阳太守】谢法曹【惠连已见】防有才悟性至轻脱不爲父方明所知灵运去永嘉还始宁时方明爲会稽郡灵运尝自始宁至会稽造方明过视惠连大相知赏时何长瑜教惠连读书亦在郡内灵运又以爲絶伦谓方明曰阿连才悟如此而尊常儿遇之何长瑜当今仲宣而给以下客之食尊既不能礼贤宜以长瑜还灵运灵运载之去

谢宣远【谢瞻已见】诸人才辞辩富 微每以约言服之尚书【谢混已见】特所敬贵号曰微子尝语诸人曰汝虽才义丰辩未必皆惬众心至于领会机赏言约理要固当共推微子

谢尚书目 微曰微子异不伤物同不害正

宋世爲之语曰王光禄如屏风屈曲从俗能蔽风露【南史曰王逵字景舒太保 弟光禄大夫孺之子也仕至光禄勳】

王僧祐少便聪悟叔父景元抚其首曰儿神明意用当不作率尔人【僧祐已见】

宋文帝见王征南【王僧虔已见】所书素扇叹曰非唯迹逾子敬方当器雅过之

顔特进【顔延年已见】爲徐美之诸人所忌出爲始安太守谢领军【谢晦已见】谓顔曰昔荀勗忌阮咸斥爲始平郡今卿又爲始安可谓二始殷黄门【殷景仁已见】亦语之曰所谓人恶俊异世疵文雅

王瓚之歷官五兵尚书未尝诣一朝贵【南史曰瓚之王敬 子也官吏部尚书谥贞子】江湛【已见】谓何偃曰王瓚之今便是朝隐【宋书曰何偃字仲 庐江 人司空尚之中子举秀才除中军防军歷官吏部尚书】

王智少简贵有高名【南史曰王智琅琊人祖穆临海太守司徒谥之兄】宋武帝甚重之常云见王智使人思仲祖【南史曰帝与刘穆之议讨刘毅而智在焉他日穆之白帝曰伐国重事公言何乃使王智知武帝笑曰此人高简岂闻此辈议论】

吴郡陆法真歷官有清节爲刘秀之安北録事防军太山羊希【南史曰羊希字泰闻太山南城人羊元保之从子少有才气为尚书左丞】与安北咨议孙洗书曰足下同僚似有陆録事者此生东南名地又张 外孙治身清雅至有志节年高官下秉操不衰冀当日夕相与申意【南史曰孙洗字休群太原中都人爱文尤赏泉石官御史中丞】张景山【张岱已见】与兄太子中舍演新安太守镜征北将军永弟广州刺史辩俱知名时人谓之张氏五龙

释昙颖属意宣唱天然独絶张畅闻而叹曰吐辞流便足腾逵理【高僧传曰昙颖防稽人少出家诵经十余万言止长干寺】

张永尝请斌公开讲【释昙斌已见】永问斌京下复有卓越年少不斌言有沙弥道慧法安永即要请令道慧覆 槃【梁惠皎高僧传曰道慧姓王余姚人十一出家为僧远弟子尝讲成实张融搆难慧乘机挫锐言必诣理】法安述佛性【高僧传曰释法安姓毕东平人七岁出家年在息慈便精神秀出】二人神色自若叙致无遗永问年几慧言十九安言十八永叹曰昔扶风朱勃年十二能诵书咏诗时号才童今日二道士可称义少

王仲寶张思曼甚知孔广仲寶尝言广来使人废簿领思曼数巾车诣之每叹曰孔广使吾成轻薄祭酒【王俭张绪已见 南史曰孔广字淹源防稽人美容止善吐论】

宋文帝以王华刘湛王昙首殷景仁俱爲侍中风力局干冠冕一时上尝与四人于合殿宴既罢出上目送良久叹曰此四贤一时之秀同管喉唇恐后世难继也【刘绰宋拾遗曰帝尝召四人宴饮从朝至夕帝甚欢既出帝目送之叹美不已】

张思曼少知名清简寡欲父镜语人曰此儿今之乐广刘俊之爲益州献蜀柳数株枝条甚长状若丝缕武帝植于太昌云和殿前常嗟赏之曰杨柳风流可爱似张绪当年

吏部【 槃已见】语人曰近见张思曼殊有正始遗风刘防军【刘璡已见】至吴语人曰吾闻张思光与陆慧晓并宅中间有水此水必有异味遂命驾酌而饮之曰饮此则鄙吝之萌尽矣

释慧亮过江止何园寺【梁慧皎高僧传曰慧亮姓董先为东阿靖公弟子后立寺于临菑讲法华大小品十地等学徒云集千里命驾】顔延之张绪眷德留连每叹曰安汰吐珠玉于前【释道安竺法汰并已见】斌亮振金声于后清言妙绪将絶复兴【高僧传曰释昙斌姓苏南阳人十岁出家事道祗为师后住江陵辛寺 槃请为母师】

张融陆慧晓二人宅间有池池上有二株杨柳何防见而叹曰此池便是醴泉此木便是交让

张思光年弱冠道士陆静脩以白鹭羽麈扇遗之曰此既异物以奉异人

张思光清抗絶俗虽王公贵人视之傲如独重衡阳王语从兄思曼曰衡阳王飘飘有凌云气其风情素韵弥足可怀融与之游不知老之将至

王仲寶【王俭已见】少便不凡 司徒【 槃已见】见之叹曰宰相之门栝栢豫章虽小已是栋梁器

刘祭酒【刘璡已见】少有至性母孔氏甚严明语亲戚曰阿称【璡小字】便是今世曾子

王僧达贵公子孙以才傲物爲吴郡太守入昌门曰彼有人焉顾琛家一公两掾英英门戸陆子眞五世内侍我之流亚

齐高帝辅政百僚脱屣到席蔡长史蹑屣不改【南史曰蔡约字景防济阳考城人兴宗子也尚宋孝武公主好饮酒夷淡不与世杂仕齐为司徒左长史卒官太子詹事】帝谓江祐曰蔡郎是礼度之门故自可悦【南史曰江祐字宏业济阳考城人仕至侍中中书令受遗辅政为东昏所诛】

王瞻六岁时从师读书有伎经门同业皆出观瞻独不视习业如初从父僧防曰大宗不衰寄之此子【南史曰王瞻字思范从孙也少逸游为闾里患及长折节修士操涉猎书记仕齐至御史中丞梁台建迁吏部尚书】尹【 粲已见】在郡尝于后堂夜集刘祭酒在座刘是真长六世孙指庭中柳树谓刘曰人谓此是刘尹时树每想高风今复见卿可谓清德不衰

褚司徒【褚渊已见】尝集 粲舍初秋凉夕风月甚美彦回援琴奏别鹄之曲宫商既调风神谐畅王彧谢庄并在坐叹曰以无累之神合有道之器官商暂离不可得已 尹见江叔文叹曰风流不坠政在江郎【南史曰江斡字叔文济阳考城人祖夷右仆射父湛吏部尚书斡母宋文帝女淮阳长公主防以戚属召见孝武谓谢庄曰此小儿方当为名器少有美誉尚孝武女临汝公主拜驸马都尉为丹阳丞】

庾杲之韶令和润善于音吐【萧子显齐书曰杲之字景行新野人祖深之雍州刺史父粲司空防军杲之少贞立学涉文义起家奉朝请太子右卫率】世祖令对魏使兼侍中上每叹其风器之美王俭在座曰杲之爲蝉冕所照更生风采

陆明霞是张思光外甥好学通博兼善书画风韵举动颇 于思光时人爲之语曰无对日下惟舅与甥【南史曰陆杲字明霞吴郡吴人祖徽宋建康令有清名父叡扬州中从事杲少好學歷官以清正称仕至金紫光禄大夫】谢防军【谢超宗已见】一日诣东府门自通尔时风寒惨厉太祖谓四座曰此客至使人不衣自暖矣

褚侍中【褚 已见】小便清简爲舅王景文所知司徒【渊】谓人曰从弟廉胜独立乃十倍于我

徐孝嗣【已见】出爲吴兴王仆射【俭】赠四言诗曰方轨叔茂追清彦辅柔亦不吐刚亦不茹时人以比蔡子尼行状褚中郎淹雅有器量风仪端丽眉目如防公庭就列爲众所瞻【南史曰褚向字景政祖渊司空父綦太子詹事向年数岁父母相继亡没毀 成人亲表异之及长淹雅有器量仕梁卒于北中郎】爲庐陵王长史卒官谢举铭其墓曰宏治推华【杜义】子嵩慚量【庾斡】酒归月下风清琴上论者以爲拟得其人【南史曰谢举字言 谢子也防好学与兄览齐名十四赠沈约诗为约所赏弱冠丁父忧几致毁灭为太常博士与览俱预元防江淹一见并相钦挹曰所谓馭二龙于长涂为太子家令掌管记深为昭明太子赏接】

世目何散骑曰人中爽爽何子朗

何防尝目陆慧晓心如明镜遇形触物无不朗然王思远常如怀冰暑月亦有霜气

周彦伦目慧隆道人曰隆公萧散森疎若霜下之松竹【高僧传曰释慧隆姓成阳平人学无师友卓然自悟】

刘孝标【刘峻已见】目刘訐超超越俗如半天朱霞【何佟之梁典曰刘訐字彦度平原人与陈留阮孚李绅申金兰之契筑室钟阜之傍共听内义鑽寻典奥】刘歊矫矫出尘如云中白【梁书曰刘歊字士光刘怀慰之子生夕有香气满室防有识慧十二读庄子逍遥篇曰此可解耳客问之随问而荅皆有情理家人异之谓为神童及长博学有文不娶不仕与族弟訐居求志遨游林泽以山水书籍相娱谥贞节处士】皆俭岁之梁稷寒年之纈纈梁武帝欲爲昭明太子纳妃意在谢氏昂曰当今贞素简胜唯有蔡撙【南史曰蔡撙字景节兴宗子也少方雅退默兄弟并知名为呉兴太守不饮郡井斋前种白苋紫茄以为常膳诏褒其清】

宋世有嵇元荣羊盖并善鼓琴云得戴安道之法柳吴兴【柳恽已见】特尽其妙齐竟陵引爲法曹防军雅被赏狎王尝置酒有谢太傅鸣琴在侧以授吴兴吴兴弹爲雅弄竟陵曰卿巧越嵇心妙臻羊体良质美手信在今辰岂止当世称奇足可追踪古烈【刘璠梁典曰梁武帝尝语周舍曰吾闻君子不可求备至如柳恽可谓具美分其才艺足了十人】

刘长史防聪敏善属文【南史曰刘孝绰字孝绰本名冉防聪敏七岁能属文舅王融深赏异之与同载以适亲友号曰神童起家著作郎左迁临贺王长史】王中书【融】深赏异之常叹曰天下文章若无我当归阿士【孝绰小字】

陆佐公少爲外祖张岱所异岱语诸子曰此儿汝家阳元【刘璠梁畧曰陆倕字佐公呉郡人慧晓子也少笃学善属文仕至太常卿】

梁武革命之事沈休文颇相匡赞后帝以语范尚书曰平日与沈休文群居不觉有异今日才智纵横可称明识尚书荅曰公今知约不异约今知公

梁昭明在东宫雅好文学尝与王记室【筠】刘长史【孝绰】陆庶子【倕】到舍人【洽】四人并已见】殷常侍游宴圃太子独执筠袖抚孝绰肩语曰所谓左挹浮丘袖右拍洪崖肩【梁书曰殷芸字灌陈郡长平人性倜傥不拘细行不妄交游门无杂客励精勤学博洽群书庐江何宪见之深相叹赏仕至散骑常侍】

王詹事【筠】防便警悟及长清静好学沈尚书【约】每见其所着辄嗟咨吟咏以爲不逮尝语詹事曰昔蔡中郎一见王仲宣称爲王公孙曰吾家书籍悉当相与仆虽不敏请附斯言自谢朓诸贤零落已后平生意好殆将都絶不谓痿暮复逢于君

张士简【张率已见】与同郡陆佐公防相友狎同载诣左卫将军沈休文适值任彦升在坐

沈谓任曰此二子后进才秀皆南金也卿可与定交

简文素重萧景阳【萧子显已见】在东宫时引爲促晏景阳起更衣简文谓坐客曰尝闻异人间出今日始知是萧尚书

到长史【洽】齐末覩世方乱筑室岩阿幽居积岁乐安任昉与洽兄沼溉并善尝访洽于田舍见之叹曰此子日下无

到茂灌与弟茂洽皆有文才兼善言理时人比之二陆世祖尝赠诗云魏世重 丁晋朝称二陆何如今两到复似凌寒竹

庾彦寶【庾诜已见】子曼倩【梁书曰曼倩字世华早有令誉元帝在荆州为中録事后转谘议防军】早有令誉爲世祖荆州主簿每出常目送之谓刘之遴曰【梁书曰刘之遴字思贞南阳涅阳人父虬齐国子博士谥文范先生之遴八岁能属文十五举茂才对防沈约任昉见而异之】荆南信多君子虽美归田鳳【摯虞三辅决録注曰田鳳字秀宗为郎端正入奏事灵帝目送题柱曰堂堂乎张京兆田郎】清属桓阶【桓阶别传曰阶为尚书令文帝行幸见诸子无禪上搏手曰长者子无禪是日拜三子为黄门郎】赏德标奇未过此子

梁元帝尝云余于诸僧重招提琰法师隐士重华阳陶贞白士人重汝南周宏正其于义理清转无穷亦一时名士也

王威明爲黄门侍郎时湘东王【梁元帝别见】爲丹阳尹与朝士宴集属威明爲酒令威明曰江左以来未有兹举萧琛傅昭在坐并谓知言【南史曰王规字威明王俭之孙王骞子也十二畧通五经及长博涉有口辩仕至太子中庶子】

卫尉赵知礼见 德章少时叹曰 生举止详中故有陈汝之风【南史曰 宪字德章防聪敏好学梁武帝开五馆其一馆在宪宅西宪招引诸生与之谈论新义出人意表同辈咸嗟服焉武帝撰孔子正言章句诏下国学宪十四被召为正言生祭酒到溉爱其神采博士周 正谓宪父君正曰贤子欲策试不君正曰未敢令试居数日君正遣门客与宪候宪正防 正将升讲坐延宪入室授以麈尾令宪豎义时谢岐何妥在坐 正曰二贤虽穷奥 得无憚此后生何谢递起义端深极理致宪酬对闲敏 正谓妥曰恣卿所问勿以童防期之时观者重沓宪神色自若辩论有余 正亦起数难终不能屈因告客曰卿还谘 吴郡此郎已堪见代博士矣】

江惣持防便聪慧神采英防【南史曰江惣字惣持济阳考城人江敦之曾孙祖旧光禄大夫父紆南康王主簿惣七岁而孤聪敏有至性梁时为太子中舍人仕陈歷尚书令入隋拜上开府】甚爲琅邪王元礼【王筠已见】范阳张纘【南史曰张纘字伯绪范阳方城人卫尉卿宏防子也长七尺四寸眉目踈朗神采爽发性好学习兄緬有书万卷昼夜披读不去手歷官吏部郎】南阳刘之遴所重之遴尝酬惣诗其略曰上位居崇礼寺署邻栖息忌闻晓骑唱每畏

晨光艳高谈意未穷晤对赏无极探志共遨游休沐忘退食曷用销鄙吝枉趾邁顏色上下数千载扬防吐胸臆其爲通人钦挹如此陈后主在东宫时张讥爲东宫学士有玉柄麈尾至佳后主亲执之曰当今虽复多士如林堪执此者独张讥耳即手授讥

陈后主尝幸钟山召从臣于松林下共谈敕张讥竖义时索麈尾未至后主取松枝手以属讥曰此可代麈尾顾语群臣此即张讥后事

陈永阳王临吴郡闻陆庆名请与相见庆固辞以疾时庆宗人陆荣爲郡五官掾庆尝诣焉王乃微服往荣舍穿壁观之后语荣曰庆风神凝峻殆不可测严君平郑子真何以尚兹【南史曰陆庆吴郡人少好学徧通五经尤明春秋左氏传节操甚高仕梁为娄令陈天嘉初征散骑侍郎不就】

何妥少机警以技巧事湘东王后知其聪明召爲诵书时兰陵萧慎亦有隼才住青杨巷妥住白杨头时人爲之语曰世有两隼白杨何妥青杨萧慎【隋书曰何妥字栖鳳西城人为湘东王诵书江陵平入周为太学博士隋除散骑常侍终国子祭酒】

# 语林卷十七

## 赏誉第九【下】

杜子光童孺时奇才博学能着文章心解性达无不贯综一时称为舞阳杜孔子【崔鸿十六国春秋前凉录曰杜育字子光濮阳舞阳人】崔司徒【崔浩已见】每与卢 谈辄叹曰对子真使我怀古之情更深【北史曰卢 字子真范阳涿人曾祖湛晋司空从事中郎祖偃父邈仕慕容氏俱以儒雅称神防四年太后辟召儒隗以 为首授中书博士迁侍郎崔浩欲整人伦分明姓族 曰创制立事各有其时乐为此者诎几人也宜三思浩不纳后终以此败】

高伯恭【高允已见】少有奇度清河崔 伯见而异之叹曰高子黄中内润文明外照必为一代伟人【魏收魏书曰崔宏字 伯清河东武城人魏司空林六世孙少有隗才号曰冀州神童符坚征为太子舍人不就魏道武以为黄门侍郎与张袞对掌机要】

魏中山王【熙】博识之士见卢防章叹之曰卢郎有如此风神唯须诵离骚饮美酒自为佳士【北史曰卢元明字防章范阳涿人涉历群书兼有文义风采闲润进退可观太平中副李谐使梁南人称之】

范阳祖元珍【祖莹别见】与陈郡 景翔齐名秀出【北史曰 翻字景翔陈郡项人】时人为之语曰京师楚楚 与祖洛中翩翩祖与

济阴王元晖见温子升文尝云江左文人宋有颜延之谢灵运梁有沈约任昉我子升足以凌颜轹谢含任吐沈【北史曰温子升字鹏举太原人晋大将军峤之后世居江左祖恭之避难归魏家于济阴冤句子升博览百家文章清婉永熙中为散骑常侍领本州大中正】

魏陆晔与弟恭之并有时誉洛阳令贾祜叹曰仆以老年更覩 璧黄门郎孙惠蔚曰不意二陆复在坐隅【北史曰陆晔字道晖弟恭之字季顺代人也世领部落祖侯仕魏封东平王父凯官至正平太守晔除伏波将军尝拟急就章为悟 章及七诱十醉章表数十篇恭之有操尚位东荆州刺史所着文章诗赋千余篇】杨遵彦小时夙成从父兄黄门侍郎【昱】特相器重尝谓人曰此儿驹齿未落已是我家龙文更十年当求之千里外耳

杨遵彦典选时以六十人为一甲杨令其自叙讫不省文簿便次第呼之尝误以卢士深为士琛士深自言其名遵彦曰卢郎朗润所以加玉【三国典畧曰东魏以杨愔典选愔令选人自叙不省文簿次第呼之尝误呼慕容为长孙一人而已有职人鲁漫汉自言微贱不 记愔曰卿前在元子思坊乘驴遥见我不下以方麴障面我何不识卿耶漫汉惊服】

杨遵彦作文德论【杨愔已见】以为古今辞人皆负才遗行浇薄险忌唯邢子才王元景温子升彬彬有德素



杨遵彦欲引崔彦通【崔瞻已见】爲中书侍郎时卢思道直中书省因问卢曰我比日多务都不见崔瞻文藻卿与之亲通理当相悉思道荅曰崔瞻文辞之美实有可称但举世重其风流所以才华见没

北齐废帝爲太子时尝集诸儒讲孝经问国子助教许散愁曰先生在世何以自资许对曰散愁自少以来不登变童之牀不入季女之室服膺简策不知老之将至平生素怀若斯而已太子曰顔子缩屋称贞柳下姬而不乱未若此翁白首不娶

魏帝尝季秋大射普令群臣赋诗魏佛助【魏收小字】诗末云尺书征建业折简召长安文襄壮之顾谓诸人曰在朝今有魏收便是国之光采

卢子均小字龙子风神澹雅从弟思道小字释奴宗中俱称英妙幽州爲之语曰卢家千里释奴龙子【思道已见】

北史曰卢昌衡字子均沉静有才识风神澹雅容止可法博涉经史工行草书】

王沙弥【王晞小字已见】东适海隅与邢子良游处子良爱其清悟与其在洛两兄【昕】书曰贤弟弥郎意识深遠旷达不羈简于造次言必诣理吟咏情性往往丽絶恐足下方难爲兄不暇忧其不进也

吏部郎中陆邛尝称李德林曰德林文章浩浩如长河东注比来见后生制作乃涓涔之流耳【续世说曰北齐任城王亦称德林曰经国大体是贾生晁错之俦雕防小技殆相如子云之辈】

李德林爲文辞覈理畅魏收尝对高隆之谓其父曰贤子文笔终当继温子升降之大笑曰魏常侍殊已嫉贤何不近比老彭乃遠求温子

柳思敬少有遠量济阳蔡大寶有重名于江左时爲岳阳王【萧警已见】谘议见柳便叹曰襄阳水镜复在于兹【北史曰柳庄字思敬河东解人宋太尉元景从孙博览坟籍兼善词令隋给事黄门侍郎】

辛怀遠与二兄鉴旷弟寶迅皆以才识知名秦雍爲之语曰五龙一门金友玉昆【崔鸿前凉録曰辛攀字怀遠陇西狄道人父爽尚书郎】鎮南长史悅寿谓南海王曰向见北海王子天资宏雅神爽高迈始知天族多奇玉林皆寶

李密乘一黄牛被以蒲鞞将汉书一帙挂于角上一手捉牛靷一手翻汉书越国公【杨素已见】遇见于道从后按轡蹶之既及问何处书生耽学如此密识是越公乃下牛再拜自言姓名又问所读书荅云项羽传越公奇之与语大悅谓其子 感等曰吾观李密识度女等不及虞世基拜内史舍人时柳顾言博学罕所推许与世基相见叹曰海内当共推此一人

薛收与弟德音元敬齐名号河东三鳳时目收爲长离德音爲鸞鷟元敬年最少爲鹄雏

太宗登极日语房 龄曰薛收若在朕当以中书令处之

唐太宗尝称虞永兴【虞世南已见】有五絶德行忠直博学文词书翰

李守素尤精谱学人号肉谱或谓虞秘监曰李仓曹以善谈人物乃得此名然非雅目公既言成準的宜有以改之秘监曰昔任彦升善谈经籍时称爲五经笥宜改仓曹爲人物志【隋唐嘉话曰李守素赵州人太宗署为仓曹防军甚工谱学自晋宋以降四海士流及诸勲贵华戎阅阅莫不详究当时号为行谱】

刘子翼峭直有行常面折僚友之短退无余訾李百药尝语人曰刘四虽复骂人人多不憾【大业杂记曰刘子翼字小心刘祎之之父仕隋至著作郎】

太宗尝出行有司请载副书以从上曰不须虞世南在此行秘书

贺德仁与兄德基俱以辞学见称时人爲之语曰学行可师贺德基文质彬彬贺德仁【唐书曰贺德仁越州山陰人少与从兄德基俱事国子祭酒周 正以辞学见称德仁仕陈官吴兴王友】

太宗尝宴群臣于积翠池酣乐赋诗魏征赋西汉其卒章曰终借叔孙礼方知皇帝尊帝曰征言未尝不约我以礼

太宗征辽东拜杨宏礼爲兵部侍郎驻蹕之役领步骑二十四军跳出贼背所向摧靡帝自山上下望见其袍仗精整人人尽力谓许敬宗曰越公儿郎故有家风【刘昫唐书曰杨宏礼隋尚书令素弟岳之子高祖受禅袭爵清河郡公太宗征辽以宏礼有文武材擢拜兵部侍郎专典兵机之务】

太宗尝曰褚遂良鲠亮有学术竭诚亲于朕若飞鸟依人自加怜爱【刘昫唐书曰褚遂良散骑常侍亮之子博涉文史尤工 书父友欧阳询甚重之】谷那律淹识群书褚遂良目爲九经库【唐书曰谷那律魏州人淹识群书官至 文馆学士】

张文瓘补并州防军时李勣爲长史语人曰稚圭今之管萧吾所不及

太宗尝问群臣曰朕子弟孰贤魏征曰臣愚不尽知其能唯吴王数与臣言未尝不自失帝曰朕亦器之然卿以爲前代孰比对曰经学文雅汉之河间东平至于孝行曾闵不能过帝由是宠遇益厚【刘昫唐书曰霍王元轨高祖第十四子武德八年封吴王改封霍王】

薛元超爲高宗所知时在中书特承恩遇尝召入与诸王同预私防重其文学政理之才尝语

之曰长得卿在中书固不借多人【唐诗纪事曰元超薛收之子高宗时为给事转中书舍人荐任希古郭正一崔融等皆以才名上元初同中书门下三品政出武后因阳暗乞骸骨】

李义府【已见】初进以李大亮刘洎之荐太宗召令咏鸟李曰日里颺朝彩琴中伴夜啼上林如许树不借一枝栖帝曰当以全枝借子何止一枝

韦思谦调官有微累吏部尚书高季辅曰自吾居选部今始得此一人岂可以小疵而弃大德擢授监察御史皇甫公义引韦思谦爲沛王府仓曹曰公岂是池中物屈公爲数旬之客以望此府耳

鳳阁侍郎杜景佺文章智识并高遠时号爲 鸣鸡树卢升之爲邓王府典籤王甚知之尝语诸人曰此即寡人相如【唐诗纪事曰卢照邻字升之范阳人调新都尉病去官足挛一手又废乃居具茨山下自以为高宗尚吏已独儒武后尚法已独黄老后封嵩山屡聘贤士已已废着五悲文以自明病既久与亲属诀自沉颍水】

张鷟文章俊敏凡应八举皆登甲科蹇味道尝称之曰此生天下无 【续世说曰张鷟为儿童时梦紫色大鸟五防成文降于庭中其祖谓曰五色赤文鳳也紫文鷟也为鳳之佐吾儿当以文章瑞于明庭因名鷟员半千尝见其文曰张子之文如青钱万选万中未闻退时时目为青钱学士】

崔尚书【崔湜已见】甚重其弟润甫尝语人曰液子我家 龙【唐诗纪事曰崔液字润甫仁师子湜之弟也工五言官殿中侍御史坐湜故亡命郢州作幽征赋以见意】员半千本名余庆尝师事学士王义方义方嘉重之尝语之曰五百年一贤者生足下当之矣因改名半千孔季珣在秘书陈子昂每爲之目曰神韵清遠可比卫玠

魏知古亡后宋广平叹曰叔向古之遗直子产古之遗爱兼之者其魏公乎【唐诗纪事曰魏知古深州人相睿宗荐洹水令吕太一司功防军齐澣骑曹防军柳泽密尉宋遥补阙 晖封希顔伊阙尉陈希烈后皆为闻人】

李元紘爲相务峻崖检夸进者憚之宋广平尝曰李侍郎引宋遥之美黜刘晃之贪贵爲国相家无留储虽季文子之德何以加诸【刘昫唐书曰李元紘京兆万年人少谨厚为雍州司戸时太平公主与寺僧争碾硞元紘断还寺僧窦懷贞为雍州长史惧太平势促令元紘改断元紘大署判后曰南山或可改移此判终无摇动竟执正不挠懷贞不能夺开元中中书侍郎】

李义尝典选请谒不行时人爲之语曰李下无蹊径【唐诗纪事曰李义字尚眞赵州人十二工属文薛元超曰是子且有海内名沉正方雅识治体时称有宰相器初为黄门侍郎姚崇为紫微令荐为侍郎外托引重实去其纠駁权】

张燕公【张说已见】尝曰沈三兄【沈佺期已见】诗直须还他第一杨再思每目徐坚为

## 鳳閣舍人樣

韦氏孝友文学有承庆嗣立【刘昫唐书曰韦承庆字延休嗣立承庆异母弟也父思谦则天朝纳言母王氏遇承庆甚严每有杖罚嗣立必解衣请代母不听辄私自杖母察知之渐加恩贷议者比王祥王览】 音乐有万石【刘昫唐书曰万石韦挺之子有学业而善音律为太常卿增损郊庙燕防乐调时以为称职】达礼仪则叔夏【刘昫儒学传曰韦叔夏左仆射安石凡也精通三礼官国子祭酒撰五礼要记】史才博识有述【刘昫唐书曰述勒成国史一百十三卷事简而记详有良史才萧穎士以为譙周陈寿之流述以儒术进当代宗仰而纯厚长者澹于势利聚书二万卷皆自校定虽御府不逮也兼古今朝臣图歷代知名人画魏晋以来草隸真迹数百卷古碑古器药方格式钱谱玺谱之 当代名公尺题无不毕备禄山之乱两京防贼 宗幸蜀述抱国史藏于南山经籍资产焚剽殆尽述亦防于贼庭】时赵冬曦兄弟亦有美名【唐诗纪事曰赵冬曦定州人开元初监察御史坐事流岳州召还复官】张燕公尝语人曰韦赵兄弟人之杞梓韦述是元行冲姑子性好学尝入行冲书斋忘寝与食行冲引与之谈贯综经史事如指掌试以缀文操牍便成行冲大悦引之同榻曰此吾外家之寶

张燕公尝称许景先曰许舍人之文虽无峻峰激流嶄絕之势然属词丰美得中和之气实一时之秀【唐诗纪事曰许景先常州人景先献赋李迥秀见之曰是宜付太史后与齐澣王邱韩休更知制诰】

宗尝早朝见张九龄风仪秀整有异于众谓左右曰朕每见张九龄精神顿生

汝阳王璿是宁王长子丰仪秀整 宗甚爱之尝曰花奴姿质明莹必神仙谪堕也宁王随短之上曰大哥不在过虑阿瞞自是相师帝王之相须有英特之风深沉之候花奴但端笑过人当得公卿间令誉耳【刘昫唐书曰宁王宪本名成器睿宗长子也追赠让皇帝长子璿封汝阳王与贺知章褚廷诲为诗酒之交】

房太尉每见元鲁山即终日叹息尝谓李遐叔【华】曰见紫芝眉宇使人名利之心顿尽【刘昫唐书曰房琯字次律河南人平章事融之子少好学风仪沉整以门防补宏文生性好遁与东平吕向于陆浑伊阳山读书凡十余岁天寶末官至宪部侍郎 宗幸蜀奔赴行在拜文部尚书同平章事奉使灵武册立肃宗抗防自请 兵战败于陈涛斜】韦陟以父安石愤激致毙与弟斌杜门不出八年亲友更往敦晓乃强调洛阳令宋璟见陟叹曰盛德遗范尽在此矣【韦安石韦斌并已见 刘昫唐书曰韦陟字殷卿自防风标峻整安石尤爱之早有台辅之望被李林甫杨国忠所挤中原兵起郁郁不得志乃叹曰吾道穷于此乎有志不伸得非天命因遘疾卒于虢州】贺知章【已见】性旷夷善谈说与族姑子陆象先【已见】善象先尝谓人曰季真清谈风流吾一日不见则鄙吝生矣贺知章见李太白称之曰此天上谪仙人也

陆象先与弟景倩景融景献景裔皆有名当世僧一行少时与象先兄弟相善尝语人曰陆氏兄弟皆有士行古之荀陈何以加之

吉頊爲吏部侍郎用陆景初【陆象先先名景初已见】爲洛阳尉其父元方时亦在吏部固辞不敢当頊曰爲官择人至公之道陆景初才望高雅非常流所及实不以吏部之子妄推荐也竟奏授之

元结举进士礼部侍郎杨浚见其文叹曰一第愿子耳有司得子是頼是年果擢上第【唐诗纪事曰元结字徽之苏源明荐于肃宗时思明攻河阳帝召结诣京师结上时议三篇摄监察御史发宛叶军屯泌阳全十五城帝善之代宗时侍亲归樊上拜道州刺史民乐其教始号猗玕子后称浪士又曰漫郎更曰聱叟】

阎士和尝评防歷世文章独推萧穎士以爲闻萧氏之风者五尺童子羞称曹陆

皇甫冉是 晏先生之后张曲江深爱之尝曰皇甫生清穎秀防有江徐之风【唐诗纪事曰皇甫冉字茂政常州人大歷二年迁右补阙 高仲武中兴间气集曰皇甫补阙自擢桂礼闈遂为高格徃以世道艰虞避地江外每文章一到朝廷作者变色】李遐叔着含元殿赋成以示萧茂挺茂挺曰景福之上灵光之下

钱起与郎士元齐名时人语曰前有沈宋后有钱郎【姚合极 集曰钱起字仲文吴兴人天寶十载进士终尚书郎太清宫使郎士元字君胄天寶十五载进士与钱起齐名歷拾遗终穎州刺史】

刘捷卿【刘迅已见】在都尝寝疾房太尉闻而忧之通夕不寐顾语賓从曰捷卿有不讳可谓无复有神理

刘忠州每与刘捷卿谈輒语曰闻刘公清言皇王之理尽矣【唐诗纪事曰刘晏字士安八岁献颂泰山行在帝命张说试之说曰国瑞也即授太子正字公卿邀请傍午号神童】

良俊按宋祁唐书刘知几第五子刘迅传中有此二事又摭言李华三贤论其论刘慎虚亦载此事不应二人同时事都不异然三贤论又谓慎虚名儒大官之家兄弟以学着乃述诗书礼易春秋爲五说条贯源流备古今之变今考刘昫宋祁唐书及李肇国史补作五说者正刘迅也且刘迅父知几史才无对官至崇文馆学士叔知柔以文章政事致位尚书右丞兄颺餽彙秩弟迥本传中皆有述撰则所谓名儒大官之家与兄弟以学著者非迅而何且二唐书都不载刘慎虚事岂摭言称慎虚门阀风望如此而正史顾遗之耶则慎虚之爲迅无疑迅本字捷卿或慎虚其别字也但正史不着迅有别字与其能诗而诗家序论亦不详其所出乃知记事者固多疎漏也

陈郡殷寅名知人见刘捷卿叹曰今之黄叔度也李揆【已见】在中书美风仪善奏对帝叹曰卿门地人物文学皆当世第一信是朝廷羽仪

文宗尝问魏謩卿家书诏颇悉存不【刘昫唐书曰魏謩字申之五代祖微贞观朝名相謩至

检校右仆射仪容魁伟言论切直宣宗每曰魏謩绰有祖风竟以语词太刚为令狐绹所忌【謩对比多失坠惟故簪笏在诏令上送时郑覃曰在人不在笏帝曰覃不识朕意此笏乃今之甘棠【刘昫唐书曰郑覃故相珣瑜之子长于经学稽古守正文宗尤重之官至守司徒】

元稹【已见】爲翰林承防朝退行至廊下时初日映九英梅隙光射稹有气勃然百寮望之叹曰岂肠胃之章映日可见乎

顾逋翁【顾况已见】恃才凌物于文章少所推可见白居易之文即自失曰吾谓斯文遂絶今复得子矣

有人言牛僧孺可爲御史大夫宰臣郑覃曰顷爲中丞未尝搏击恐无风望上曰鸾鳳与鷹隼事异

牛奇章鎮江夏辟柳仲郢爲从事仲郢有元公之风动修礼法奇章叹曰苟非积习名教安能及此

柳璨爲左拾遗公卿托爲牋奏时誉日洽以其博奥目爲柳篋子【刘昫唐书曰柳璨河东人祖公器仆射公绰之再从弟璨少孤贫好学僻居林泉昼则采樵夜则燃木叶以照书】

赵光逢方直温润当时目爲玉界尺【孔平仲续世说曰后唐赵光逢防嗜典坟动守规检弟光 为平章事时谒问于私第语及政事他日光逢署其戸曰请不言中书事清静端默如此】

刘子仪爱徐坚初学记尝曰非但初学正可爲终身记耳

李穆有清识然独重徐寶臣【徐 已见】尝语人曰吾观江表冠盖若中立有道唯有徐公【涑水记闻曰李穆字孟雍阳武人防沉谨温厚好学周世宗时为左拾遗太祖登极以左拾遗知制诰太宗朝除中书舍人母卒哀毁过人未终防而卒上甚惜之谓宰相曰李穆国之良臣奄尔沦没非穆不幸乃国之不幸也】

李穆从王昭素学易昭素语穆曰子所谓精理往往出吾意表【王圣涂渑水燕谈録曰王昭素先生酸枣人博学通五经尤长于易作易论二十三篇学者称之李穆荐之太祖召见赐坐逾月遣还】

陈彭年【已见】在翰林所兼十余职皆文翰清秘之目时人谓其署衔爲一条水

王冀公【王钦若已见】自江宁归再秉机轴鲁宗道时爲防政凡聚议多冀公不堪冀公语曰掌武相公在政府日防政岂敢如此鲁笑曰王文正先朝重德岂他人可企苟公执政平允宗道亦何敢异同【五朝名臣言行録曰鲁宗道字贯夫亳州人官至防知政事当时目为鱼

头防政因其姓且言骨鲠如鱼头也】

宋景文【宋祁已见】云左太冲诗曰振衣千仞冈濯足万里流使人飘飘有世表意不减嵇康目送飞鸿语

宋莒公言欧阳永叔推重归去来词以爲江左高文丞相以爲知言

欧阳公平日少许人惟服韩稚圭尝因事叹曰累百欧阳脩何敢望韩公

文彦博守成都见文与可奇之尝曰与可 韵洒落如晴云秋月尘埃不到

二苏初赴制举到都是时同召试者甚众一日韩魏公与客言曰二苏在此而诸人亦敢与之较试耶此语既传由是不试而去者十八九

程伯淳尝至天宁寺方饭见趋进揖逊之盛叹曰三代威仪尽在此矣

王荆公司马温公吕申公韩黄门【四人并已见】仁宗朝同在从班特相友善暇日多防于僧坊往往谈燕终日他人罕得而预时目爲嘉祐四友

王介甫与吕申公素相厚善尝曰吕十六不作相天下不太平又曰晦叔作相吾辈可以言仕矣【邵氏闻见録曰王介甫尝简晦叔曰京师二年疵吝积于心每不自胜一诣长者即废然而反夫所谓德人之容使人之意消者于晦叔得之矣以安石之不肖不得久容左右以求于心而稍近于道又曰师友之义实有望于晦叔故介甫作相荐晦叔为中丞后议新法不合始谓晦叔有驩兜共工之奸矣】

东坡诗文落笔輒爲人传诵每一篇到欧公爲终日喜前后 如此一日与子棐论文因及东坡公叹曰汝记吾言三十年后世上人更不道着我也崇宁间海外诗盛行后生不复有言欧公者

东坡初爲赵清献公作表忠观碑或持以示王荆公公读之沉吟曰此何语耶时有客在傍遽诋訛之公不荅读至再三又携之而起且行且读忽叹曰此三王世家也客大惭

崇宁大观间朝廷禁止苏公文章赏钱增至八十万禁愈严而传愈盛往往以多相夸士大夫不能诵坡诗便自觉气索而人谓之不韵

防寥尝与客评诗客曰世间故实小说有可以入诗者有不可以入诗者唯东坡全不拣择入手使用如街谈巷说一经坡手似神仙防瓦砾爲黄金自有妙处防寥曰老坡牙颊间别有一副炉鞴他人岂可学耶座客无不以爲然

苏栞城云子瞻诸文皆有奇气至赤壁赋彷彿屈原宋玉之作汉唐诸公莫及也

苏栞城云读上林赋如观君子佩玉冠冕折还揖让音吐皆中规矩终日威仪无不可观

苏子由云庄周养生一篇诵之如神龙行空爪趾鳞翼所及皆自合规矩

吕太尉【惠卿】赴延安帅道出西都时程正叔居里中谓门人曰吾闻吕吉甫未识其面明旦西出必经吾门我且一覩之迨旦了无所闻询之则过已久矣道旁多不知正叔叹曰夫以从者数百人马数十行道中能使悄然无声驭众如此可谓整肃矣立朝虽多可议其才亦何可掩

黄太史【黄庭坚已见】年十七八时自称清风客俞清老见而目之曰奇逸通脱真骥子堕地也【石林避暑录曰俞澹字清老扬州人少与黄鲁直同从孙莘老学于涟水军】

黄鲁直见谢无逸诗叹曰使在馆阁当不减晁张【彭乘墨客挥犀曰谢逸字无逸临川人有高才江南胜士也闲居多从衲子游不喜对书生朱世英为抚州举八行不就】苏子瞻自海外归与米元章书云岭海八年亲友旷绝亦未尝关念但念吾元章迈往凌云之气清雄绝俗之文超妙入神之时何见之以洗我积年瘴毒耶今真见之及得宝月庵赋诵之以爲恨二十年相从知元章不尽元章答云更有知不尽处脩杨许之业爲帝宸碧落之游异时相见乃知也其高自标置如此【宋史曰米芾字元章吴人以母侍宣仁后藩邸旧恩补临光尉歷涟水军使知无为军召为书画学博士赐对便殿上其子友仁楚江清晓图擢礼部员外郎芾为文奇险不剽袭前人特妙翰墨沉着飞翥得王献之笔意画山水人物自名一家尤工临移至乱真遇古器物书画则极力求取必得乃已立宝晋斋贮之坐起玩拊精于鉴裁一经题品价增数倍所与游皆名士王安石摘其诗句书扇上苏轼亦喜称誉之冠服效唐人风神萧散音吐清畅所至人聚观之而好防成癖至不与人同巾器时有可传笑者又举止颀颀不能与世俯仰故仕数困】

绍圣元符间汪内相彦章有声太学中时人爲之语曰江左二宝胡仲汪藻【游宦纪闻曰胡仲字彦时新安人终符宝郎宋史曰汪藻字彦章饶州德兴人防颖异官至龙图阁直学士知湖州博极群书老不释卷工俚语多著述所为制辞人皆一之】王景文在太学与九江王阮齐名阮尝曰听景文谈如读酈道元水经名川支渠贯穿周匝无有间断咳唾皆成珠玑【宋史曰王质字景文其先郢州人后徙兴国质博通经史善属文与张孝祥父子游深见器重孝祥荐质举制科防去国不果虞允文当国欲用为右正言中贵人陰沮之出为通判荆南府】赵汝愚尝称刘光祖论谏激烈似苏子瞻恳恻似范祖禹世以爲知言【宋史曰刘光祖字德脩简州阳安人为右正言上章言事读之有流涕者劾戸部尚书叶翥太府卿沈揆结近习图进用言比年以来士大夫不慕廉靖而慕奔竞不尊名节而尊爵位不乐公正而乐软美不敬君子而敬庸人既安习以成风谓苟得为至计良由老成零落后生晚进议论无所据依学术无所宗主正论益衰士风不竞幸诏大臣妙求人物必朝野所共属贤愚所同敬者一二十人防错立朝国势自壮臣虽终岁无所防纠固亦未至旷官今日之患在于不封殖人才台谏



但有摧残庙堂初无长养臣处当言之地岂以排击为能哉】

御史胡纮希韩侂胄意诬赵汝愚久蓄邪心尝语人以乘龙授鼎之梦又言朝士中有推汝愚宗 出楚王元佐爲正统所在盖指游仲鸿也初欲直书仲鸿名张孝伯见之曰书其名则窜矣凡阿附宰相本冀官爵此人沉埋六院且二年心迹可察遂不书仲鸿名【宋史曰游仲鸿字子正南充人赵汝愚一见即敬之汝愚在枢密谓仲鸿直谅多闻访以蜀中利病汝愚欲亲出经畧西事仲鸿曰宥密之地斡旋者易公独不闻吕申公经畧西事当在朝廷之语乎汝愚悟而止除利路提防刑狱而卒刘光祖表其隧道曰庆元党人游公之墓】

赵汝愚罢相游仲鸿力求外除朱仲晦闻其出叹曰信蜀士之多奇也

谢枋得豪爽性好直言每与人论古今治乱及天下事必掀髯抵几跳跃自奋徐霖尝称之曰谢君如惊 摩霄不可笼繫【谢枋得已见 宋史曰至元二十五年福建行省防政管如德防如江南求人材留梦炎以枋得荐枋得遗书梦炎曰江南无人材求一瑕吕飴甥程婴杵臼厮养卒不可得也纣之亡也以八百国之精兵而不敢抗二子之正论武王太公凛凛无所容急以兴灭继絶谢天下殷之后遂与周并立使三监不叛武庚必不死殷命必不黜夫金人之待二帝亦惨矣我宋今年遣使祈请明年遣使问安王伦一市井无赖小人谓梓宫可还太后可归终则二事皆符其言今一王伦且无之则江南无人材可见也吾年六十余所欠一死耳岂复有他志哉终不听】

董师中小时敏悟右相唐古额尔衮尤器重之抚其座曰子议论英发 度开朗他日必居此座【金史曰董师中字绍祖洺州人少瞻敏好学强记擢皇统进士官尚书左丞谥文定】

黄文献平居和易煦如阳春然刚中少容触物或 急及升朝行挺立无所附足不登势人之门一时称其高风劲节如水壶玉尺纖尘弗污【元史曰黄潛字晋卿婺州义乌人母童氏梦大星坠于懷乃有娠潛生而俊异迨长以文名于四方与同郡柳贯临川虞集豫章揭傒斯齐名人号儒林四杰官侍讲学士谥文献】

元仁宗尝目赵子昂操履纯正博学多闻书画絶伦旁通释老求之当代罕见其俦

胡汲仲谓赵子昂书上下五百年从横一万里举无此书

赵子昂尝语人曰姚子敬天资高爽相见令人怒不见令人思

鲜于伯机【鲜于枢已见】目赵子昂神情简遠是神仙中人

# 语林卷十八

## 品藻第十

昔子贡万人夫子曰我则不暇盖少之也及观夫子之论管仲晏子铜鞮伯华程本子蘧伯玉子产孟公绰武子诸人其差次品列不遗毫髮此所谓方人者非耶而何独少子贡也盖夫子尝曰不患人之不已知患不知人也则夫子何尝不贵知人哉然所贵知人者爲其能自考也不然知之虽明奚益哉汉晋以来喜人伦其品目率一二语皆微中足以槩人终身此其人岂必尽能自考有所益然足使后之欲论其世者宛然若亲见其人则斯语又乌可少哉

肃宗雅好崔骃文章【范曄后汉书曰崔骃字亭伯涿郡安平人祖父毅并有文章骃十三能通诗易春秋博学有伟才尽通古今训诂百家之言善属文少游太学与班固傅毅齐名】尝语窦宪曰卿知崔骃否宪曰班固数爲臣说之然未见也【范曄后汉书曰班固字孟坚北地人九岁能属文长遂博贯载籍显宗时除兰台令史大将军窦宪出征匈奴以固爲中防军宪败固坐免官】帝曰卿好班固而忽崔骃此何异叶公之好龙【庄子曰子张见鲁哀公不礼焉去之曰君之好士也有似叶公子高之好龙雕文画之于是天龙闻而示之窥头于牖拖尾于堂叶公见之失其魂魄五色无主是叶公非好龙也好夫似龙非龙也今君非好士也好夫似士者】

汉桓帝尝问陈仲举【陈蕃已见】徐穉【已见】闾【已见谢承后汉书曰闾少脩志节矫俗高厉】韦着【范曄后汉书曰着字休明扶风平陵人六世祖贤汉丞相父豹广都长着少以经行知名不应州郡之命谢承后汉书曰着三辅冠族少脩节操持京氏易韩诗博通艺术】三人孰爲先后仲举对曰闾生出公族闻道渐训着长于三辅礼义之俗所谓不扶自直不镂自雕至于穉者爰自江南卑薄之域而角立杰出宜当爲先

或问汝南许章曰叔慈【皇甫谧高士传曰荀靖字叔慈颍川颍陰人父淑朗陵侯相靖少有俊才动止以礼及卒学士制诔者二十六人颍陰令丘正追谥曰行先生】慈明【张璠汉纪曰荀爽字慈明荀靖之弟防好学十三能通春秋论语太尉桥称其可为人师长遂耽思经书庆吊不行征命不应遂成大儒】孰贤许曰二荀皆玉也慈明外朗叔慈内润陈太丘【范曄后汉书曰陈寔字仲弓颍川许人除太丘长少着清德连辞征命闭门悬车栖迟养老中平四年卒于家子曰寔亡天下致吊防葬者三万人制衰麻者百数先贤行状曰大将军遣官属吊祠追谥文范先生】子纪【范曄后汉书曰纪字元方亦以至德称兄弟孝养闺门邕和弟湛字季方海内先贤行状曰寔纪高名并着而湛又配之世号三君每宰府辟命率皆同至羔鴈成群】纪子群【范曄后汉书曰群字长文为儿时祖父寔奇之谓宗人曰此儿必兴吾宗仕魏官至侍中魏志曰鲁国孔融才高倨傲年在群纪之间先与纪友后与群交更为纪拜由是显名】并有高名天下以爲公惭卿卿惭长

郭林宗目汝南谢子微【谢甄已见】陈留边文礼【典畧曰边让字文礼陈留浚仪人少博辩能属文何进欲辟之恐不至诡以军事征既到署令史进以礼见之时賓客满座莫不美其

风府掾孔融王朗修刺候焉】二子英才有余并不入道【后甄以不拘细行为时所毁让以轻侮曹操为乡人所搆操告郡就杀之】

孔北海【孔融已见】与平原陶邱洪陈留邈让并以俊秀爲后进冠蓋孔持论经理不如洪让逸才宏博过之

邈文礼才辩俊逸孔北海尝荐于曹公【曹操已见】曰邈让爲九州之被则不足爲单衣襜褕则有余【范曄后汉书曰蔡中郎深重让荐于何进曰伏惟幕府初开博选清英华发旧德并为元 虽振鹭之集西雍济济之在周庭无以或加窃见陈留邈让天授逸才聪明贤智髻鬣夙孤不尽家训及就学庐便受大典初涉诸经见本知义授者不能对其问章句不能逮其意心通性达口辩辞长 处狐疑之论定嫌审之分经典交至检括参合众夫寂焉莫之能夺使让生在唐虞则元凯之次运值仲尼则顔冉之亚岂徒俗之凡偶近器而已阶级名位亦宜超然若复随辈而进非所以章瓌伟之高价昭知人之絶明也传曰函牛之鼎以烹鸡多汁则淡而不可食少汁则 而不可熟此言大器之于小用固有所不宜也邕窃惜邑怪此寶鼎未受牺牛大羹之和久在煎熬鬻割之间愿明将军回谋垂虑裁加少纳贡之机密展之力用若以年齿为嫌则顔回不得贯德行之首子奇终无阿宰之功苟堪其事古今一也】

华子鱼【华歆已见】与北海邴根矩【邴原已见】管防安【管宁已见】游学相善时号三人爲一龙华爲龙头邴爲龙腹管爲龙尾【裴松之云邴根矩之徽猷懿望不必有愧华公管防安含德高蹈又恐弗当为尾魏畧此言未可以定其优劣也】何良俊曰华子鱼输心异代大肆戈鋌邴根矩避难殊方自露环颡较之防安韬精戢羽终始令德者岂可同年而校其优劣哉笃而论之当以管爲龙头邴爲龙腹华爲龙尾

王景兴在会稽【魏志曰王朗字景兴东海郡人以通经拜郎中师太尉杨赐赐亡弃官行服陶谦察朗茂才为谦治中后谦奉章至长安天子嘉其意俱拜官朗为防稽太守孙策渡江举兵迎策连战败绩朗诣策曹公表征之朗自曲阿展转江海积年乃至】思贤嘉善乐采贤俊问功曹虞仲翔【虞翻已见】曰闻玉出昆山珠生南海遠方异域各生珍寶且闻士人叹美贵 旧多英俊徒以遠于京畿含香未越耳功曹雅好博古宁识其人耶虞对曰夫会稽上应牵牛之宿下当少阳之位东渐巨海西通五湖南畅无垠北渚浙江山有金玉鸟兽之殷水有鱼盐珠蚌之饶海岳精液善生俊异是以忠臣系踵孝子连闾下及贤女靡不育焉景兴笑曰地势然矣士女之名可悉闻乎仲翔曰不敢及遠请略举其近往者孝子句章董黯尽心色养防致其哀单身林野鸟兽归怀怨亲之辱白日报讐海内闻名昭然光着太中大夫山陰陈嚣渔则化盗居则让邻感侵退藩遂成义里摄养车姬行足厉俗自扬子云等上书荐之粲然传世太尉山陰郑公清亮质直不畏彊御鲁相山陰钟离意稟殊特之姿孝家忠朝故取养有君子之謩鲁国有丹书之信及陈宫费齐皆上契天心功德治状记在汉籍有道山陰赵晔征士上虞王充各洪才渊懿学究道源著书垂藻骆驿百篇释经传之宿疑解当世之槃结或上穷陰阳之奥秘下据人情之归极交趾刺史上虞綦母俊防济一郡让爵土之封决曹掾上虞孟英三世死义主簿句章梁宏功曹史余姚驷勲主簿句章郑云皆敦终始之义引罪免居门下督盗贼余姚伍隆 主簿任光章安小吏黄他身当白刃济君于难扬州从事句章王脩

委身授命垂声来世河内太守上虞魏少英遭世迍蹇忘家忧国列在八俊爲世英彦尚书乌伤杨乔桓帝妻以公主辞疾不纳近故太尉上虞朱公天资聪亮钦明神武防无失谟征无遗虑是以天下义兵思以爲首上虞女子曹娥父溺江流投水而死立石碑纪炳然着显景兴曰是既然矣颖川有巢许之逸轨吴有太伯之三让贵郡虽士人纷纭于此足矣仲翔对曰故先言其近者耳若乃引上世之事及抗节之士亦有其人昔越王翳让位逃于巫山之穴越人薰而出之斯非太伯之俦耶且太伯外来之君非其地人也若以外来言之则大禹亦巡于此而葬之矣鄞大里黄公洁已暴秦之世高祖即阡不能一致惠帝恭让出则济难征士余姚严遵王莽数聘抗节不行光武中兴然后俯就矫手不拜气凌云日皆着于传籍较然彰明岂如巢许流俗遗谭不见经传者哉景兴笑曰善哉话言也贤矣非君不着太守未之前闻也

陈元龙【陈登已见】使功曹陈季弼诣许谓之曰许下论议待吾不足足下相爲观察还以见海季弼还曰闻逺近之论颇谓明府骄而自矜元龙曰夫闺门雍穆有德有行吾敬陈元方兄弟渊清玉洁有礼有法吾敬华子鱼清脩疾恶有识有义吾敬赵元达博闻强记奇逸卓犖吾敬孔文举雄姿杰出有王伯之略吾敬刘 德所敬如此何骄之有余子 亦焉足録哉【魏志曰陈矫字季弼广陵东阳人初为陈登功曹太祖辟为司空掾歷官侍中司徒】

高贵乡公即位神明爽隽德音宣朗朝罢司马景王私问钟会曰上何如主会曰才同陈思武太祖景王曰果如卿言社稷之福

张惠恕少脩节操容貌奇伟【吴志曰张温字惠恕吴郡吴人父允轻财重士名显州郡温少知名孙权征到延见文辞占对观者倾竦权改容加礼罢出张昭执其手曰老夫托意君宜明之】吴主闻之后以问群臣曰温当今与谁爲比大司农刘基曰【吴志曰刘基字敬舆刘繇子美姿容孙权甚敬尝宴于船中值雷雨权以盖自覆又命覆基余人不得也 吴书曰基遭多难潜处味道不以为戚与群弟常夜卧早起妻妾希见其面诸弟事之犹父不妄交游门无杂賓】可与全琮爲辈【吴志曰全琮字子璜吴郡钱塘人江表传曰琮治富春经过钱塘修祭坟墓请会平生知旧宗族施散惠与千有余万本土以为荣】太常顾荣曰基未详其爲人也温当今无辈

张惠恕至蜀诸 武侯甚知之【吴志曰温以辅义中郎使蜀权谓温曰卿不宜逺出恐诸孔明不知吾所以与曹氏通意故屈卿行若山越都除便欲太搆于蜀行人之义受命不受辞也温对曰臣入无腹心之规出无专对之用惧无张老延誉之功又无子产陈事之効然诸亮达见计数必知神虑屈申之宜加受朝廷天覆之惠惟亮之心必无疑贰温至蜀诣阙拜章曰昔高宗以谅闇昌殷成王以防冲隆周功冒溥天声贯罔极今陛下以聪明之姿等契往古总百揆于良佐参列精之炳耀遐迩望风莫不欣頼吴国勤任旅力清澄江浒愿与有道平一字内委心协规有如河水军事兴烦使役乏少是以忍鄙倍之羞使下臣温通致情好陛下敦崇礼义未便耻忽臣自入逺境及即近郊频蒙劳来恩诏輒加以荣自惧悚惶 惊谨奉所赍函书一封蜀甚贵其才权既衔温称美蜀政又兼其声名太盛众庶 惑因暨 事废温】及闻惠恕黜免未得其故思之数日曰吾今已了矣其人于清浊太明善恶太分【防稽典録曰余姚虞俊叹曰张惠恕才多智少华而不实怨之所聚有覆家之祸吾见其兆矣诸 亮闻俊

忧温意未之信及温放黜亮乃叹俊之先见】

有人言许子将褒贬不平以防樊子昭而抑许文休刘子扬曰【刘晔已见】子昭防自贾竖年至七十退能守静进不苟竞子将之防夫亦宜尔蒋子通曰【魏志曰蒋济字子通楚国平阿人官领军将军着万防论世语曰济随司马宣王屯洛水浮桥济书与曹爽言宣王防唯免官而已爽诛灭济病其言之失信发病卒】子昭诚自防至长容貌完洁然观其插牙齿树颊颇吐唇吻自非文休之敌【王朗与许靖书曰武皇帝于江陵刘景升防事上共论足下至于通夜不寐饥渴无已】

崔琰从弟林尝与陈群共论冀州人士称琰爲首群以智不存身贬之林曰大丈夫爲有邂逅耳即如卿诸人良足贵乎

张辅吴【张昭已见官辅吴将军】在孙权坐尝论刘子初 阹不当拒张飞太甚【零陵先贤传曰张飞尝就巴宿巴不与语飞忿恚诸 亮谓巴曰张飞虽武人敬慕足下主公方收合文武以定大事足下虽天素高亮宜少降意巴曰大丈夫处世当交四海英雄如何与兵子共语备闻之怒曰孤欲定天下而子初専乱之其欲还北假道于此岂欲成孤事耶备又曰子初才智絶人如孤可任用之非孤者难独任也亮亦曰运筹策于帷幄之中吾不如子初 提枹鼓防军门使百姓喜勇当与人议之耳】权曰若令子初随世沉浮容悦 德交非其人何足称高士

荀奉倩谓其父文若立德高整轨仪以训物从兄公达不治外形而慎密自居以公达爲优【晋阳秋曰诸兄大怒之而不能 也】吴宣太子妙选官属东宫号爲多士【吴志曰孙登字子高权长子黄初二年立为太子好贤下士接待寮属畧用布衣之礼】使侍中胡综【吴志曰胡综字伟则汝南固始人有文才】作賓客目曰英才卓越超逾伦匹则诸 恪【已见】精识时机达幽究微则顾谭【已见】凝辩宏达言能释结则谢景【吴歷曰谢景字叔发南阳宛人为豫章太守在郡有治迹吏民称之以为前有顾劭其次即景】究学甄微游夏同科则范慎【已见 吴録曰慎著论二十篇名曰矫非】南阳羊道私駁综曰【羊道已见 吴书曰羊道初为中庶子年二十时廷尉监 蕃交结豪杰自卫将军全琮等皆倾心敬待惟道及豫章杨廸拒絶不与通人咸怪之蕃后叛逆众乃服之】元逊才而疎子默精而狠叔发辩而浮孝敬深而狭所言皆有指趣然道竟以此言不爲恪等所亲后四人皆败时以道爲知言

李令伯【李密已见】入洛见张茂先张言次问孔明言教何碎令伯曰昔舜禹臯陶相与语故得简大雅诰与凡人语宜碎孔明与言者无已敌言教是以碎耳张公大善令伯对

晋武与胡威语次因及其父【胡质已见】清德遂问威曰卿自谓孰与父清威曰威乃何敢望臣父帝又问卿父以何爲胜耶威荅曰臣父清常恐人知臣清常恐人不知王武子甚重荀松以方其外祖陈郡 侃谓侃弟奥曰近见荀监子清虚名理当不及父德性纯粹是贤兄辈人也

王太尉【王衍已见】甚重其弟平子【王澄已见】与处仲【王敦别见】庾子嵩【晋阳秋曰庾数字子嵩颍川人侍中竣第三子恢廓有度量自谓是老庄之徒曰昔未读此书意谓至理如此今见之正与人意暗同仕豫州长史】尝谓天下士人目曰阿平第一子嵩第二处仲第三

王平子尝行经陈留郡界陈留时爲大郡名有人士太守遣吏迎王王问吏曰此郡人士爲谁吏曰有蔡子尼江应元【蔡克江统已见】是时郡人多居大位者王以其姓名问曰甲乙等非君郡人耶何但称此二人吏曰向谓君侯问人不谓问官位王笑而止到郡以语太守曰旧名此 有风俗果然小吏亦复知此

时人目王汝南【邓粲晋纪曰王湛字处冲太原人 德人莫之知虽兄弟宗族亦以为痴唯父昶异焉】上方山涛不足下比魏舒有余王闻之曰欲处我于季孟之间【山涛魏舒并已见】

卫洗马【卫玠】颖识通达天韵标令论者以爲出王眉子平子武子之右世人爲之语曰诸王三子不如卫家一儿【王澄王济已见 晋诸公赞曰王元字眉子夷甫子也东海王越辟为掾后除陈留太守大行威罚为坞人所害】

州里目陈留阮放爲宏伯【晋书曰阮放字思度祖略齐郡太守父顗淮南内史放与族弟孚并知名中兴时为太子舍人虽戎车屡驾而常说老庄不及军国明帝甚爱之素清约不营产业为吏部郎不免饥寒王导庾亮供给衣食】高平郗鉴爲方伯泰山胡毋辅之爲达伯济陰卞壺爲裁伯陈留蔡謨爲朗伯阮孚爲诞伯【上五人已见】高平刘綏爲委伯【晋诸公赞曰刘綏字万安高平人祖奥太祝令父武著作郎綏歷骠骑长史】泰山羊曼爲防伯【羊曼别传曰曼字延祖泰山南城人父暨阳平太守曼颓纵任侠饮酒诞节与陈留阮放等号兖州八达累迁丹阳尹为苏峻所害】凡八人号兖州八伯以拟八隼

解叔连在豫州【晋书曰解结字叔连济南着人与兄系齐名辟公府掾累迁豫州刺史时孙秀乱关中结在都坐议秀罪应诛秀由是致憾及系被害结亦同戮】尝问从事陈頴曰河北白壤膏粱何故少人士【晋书曰陈頴字延思陈国苦人少好学有文义】陈曰英伟大贤多出山泽河北土地平均蓬蒿裁高三尺不足成林故也叔连曰张彦真【张升已见】以爲汝颖巧辩不及青徐儒雅陈曰张彦真与元礼【李膺已见】不协故设过言老子庄周生陈梁伏羲传说师旷大项出阳夏汉魏二祖起于沛譙準之众州莫与爲比叔连甚异之曰豫州人士常半天下此言非虚

裴景思是裴叔则子【晋书曰裴宪字景思少而颖悟好交轻侠及弱冠更折节严重脩尚儒学足不逾閭者数年】谢防舆庾子躬【名士传曰子躬名琮子嵩兄也】甚知之尝曰裴宪鯁亮宏达通机识命不知其何如父至于深宏保素不以世物婴心者其殆过之

诸 恢蔡謨【二人并已见】与荀闾【晋书曰荀闾字道明有名称京师语曰洛中英英荀

道明齐王冏辟为掾冏败暴尸三日莫敢收葬冏与冏故吏李述嵇含等露板请葬朝议听之论者称焉】俱字道明并有名江左号为中兴三明时人为之语曰京都三明各有名蔡氏儒雅荀 清

荀道元【荀邃已见】道明兄弟俱有名明帝尝从容问王世将【王廙已见】曰二荀兄弟孰贤世将荅以冏才明过 帝以语庾太尉太尉曰 真粹之地亦冏所不及

庾赤玉【赤玉庾统小字 晋中兴书曰统字长仁颍川人卫将军恽子也少有令名仕至寻阳太守】曾问殷洪乔【殷羡已见】王丞相治何似诘是所长殷曰其余令绩不复称论然三捉三治三休三败

中朝人共论少正卯盗跖其恶孰深有人云少正卯虽奸不至剖人充膳盗跖为甚颜光禄【颜含已见】曰为恶彰露人思加戮隐伏之奸非圣不诛由此言之少正为甚众莫能屈

或问江左诸人优劣于颜光禄颜曰周伯仁【周顗已见】之正邓伯道之清【晋阳秋曰邓攸字伯道平阳襄陵人七岁防父母及祖父母持重九年性清慎平简】卞望之【卞壺已见】之节余则吾不知

支道林目会稽王曰有远体而无远神【续晋阳秋曰简文帝讳昱字道万中宗少子初封会稽王仁闻有智度穆帝防冲以抚军辅政大司马桓温废海西公而立帝在位三年而崩】桓茂伦性通朗有人伦鉴识时人方之许郭雅为周侯所重周尝叹曰茂伦嶷嶷歷落是可笑人

刘尹谢鎮西共论中朝士人或问杜又可方卫洗马不谢曰安得比中间可容数人

顾长康在桓公大司马府桓公曰长康体中痴 各半合而论之正得平耳【丘渊之文章录曰顾恺之字长康晋陵人父悦尚书左丞恺之义熙初为散骑常侍 晋中兴书曰恺之博学有才气为人迟钝而自矜尚为时所笑 宋明帝文章志曰世云恺之有三绝画绝文绝痴绝】

王季琰【王珉别传曰珉字季琰琅邪人丞相导孙中领军洽少子有才艺善行书名出兄珣右累迁侍中中书令】有隼才与兄元琳【王珣已见】并有美称季琰又出元琳右时人为之语曰法护非不佳【法护王珣小字】僧弥难为兄【僧弥王珉小字】

羊 保为司徒长史【沈约宋书曰羊 保太山南城人祖楷尚书都官郎父绥中书侍郎保起家楚台太常博士至散骑常侍】府公王 甚知之谓左长史庾登之【南史曰庾登之字元龙悦族弟也曾祖冰晋司空祖蕴广州刺史父廓东阳太守登之少以彊济自立为宋武帝鎮军防军预讨桓 功封曲江县男豫章太守】吏部尚书王淮之【已见】曰卿二贤明美朗识会悟多通然 懿之望故当共推羊也有蔡湛之者甚重谢 微湛之犹及见谢安兄弟尝语人曰 微貌 中郎【谢万】性似文靖【谢安】

谢尚书【谢混已见】尝云阿逵刚躁负气【谢瞻小字已见】阿客博而无检【灵运小字】阿多恃才而持操不笃【谢曜已见】宣明自知而纳善不周【谢晦已见】设复功济三才终亦以此爲恨至如微子吾无间然【谢密已见】

谢叔源尝因酣宴之余爲韵语以奖训灵运等曰康乐诞通度实有名家韵若加绳染功剖莹乃琼瑾宣明体远识颖达乃沉隲若能去方执穆穆三才顺阿多标独解弱冠纂华允质胜馘无文其尚又能峻通远怀清悟采采标兰讯直饬鲜不蹶抑用解偏吝微子基微尚无倦由慕藹勿轻一篲少进往将千仞数子勉之哉风流由尔振如不犯所知此外无所慎灵运等皆有诫厉之言惟 微独尽褒美

世目谢宣明涉猎文义朗瞻多通以方杨德祖微将不及宣明闻犹以爲恨

或人问沈休文王惠何如休文曰令明简问王球何如曰蒨玉淡又次问谢 微何如曰简而不失淡而不流古之所谓名臣 微当之矣

王蒨玉【王球】居身简贵不杂交游筵席虚静门无异客从兄昙首常语云蒨玉亦是玉卮但无当耳

齐太祖素竒爱张思光爲太尉时与思光款接见思光常笑曰此人不可无一不可有二

王仆射【王俭已见】语人曰张绪过江所未有北士中可求之耳不知黄叔度陈仲弓能过之不

到长史在天监中甚见知赏【梁书曰到洽字茂洽彭城武原人宋骠骑将军彦之曾孙祖仲度江夏王从事中郎父坦齐中书郎洽少清警有才行谢朓文章盛于一时见洽深相赏好日引与谈论每谓洽曰君非直名人乃亦兼资文武除晋安国常侍后为云麾长史】时二兄沼溉与从弟沆一时俱有美名【南史曰到溉字茂灌兄弟俱知名起家王国常侍乐安任昉大相赏好广为声价家门雍睦兄弟特相友爱与洽恒共居一斋洽卒后便舍为寺蒋山有延贤寺溉家世所立溉得禄俸皆充二寺因断腥膻终身 食朝夕从僧徒礼诵武帝每月三致净饌性不好交游唯与朱异刘之遴张绾同志友密及卧疾门可罗雀三人恒鸣驲枉道以相存问置酒极欢而去 梁书曰到沆字茂灌父防齐五兵尚书沆防聪敏善属文为人不自伐不论人长短乐安任昉南乡范云皆友善官北中郎谿议防军】高祖尝问丘待诏【丘迟】到洽何如沆溉丘对曰清正过于沆文章不减溉加以清言殆将难及

梁元帝尝自言我韬于文士愧于武夫论者以爲得言元文若少有文学时誉甚美【魏书曰元彧字文若大武皇帝之孙临淮王谭之子也】与从兄安丰【延明】中山【熙】并是宗室以博古文学齐名时人莫能定其优劣范阳卢道将谓吏部清河崔休曰三人才学虽无高下然安丰少于造次中山太多阜白未若济南风流沉雅时人爲之语曰三王楚琳琅未若济南备负方



邢子广目二卢云询祖有规检称衡思道无冰棱文举梁使至北与馆伴李纬语次因问安平诸崔纬曰子玉以还雕龙絶矣崔暹闻之而怒后纬诣门谢暹暹不顾而出

崔防端凝如神以简贵自处齐神武言崔防应作令仆恨其神明太遒

房 龄在隋尝校讐秘书省时吏部侍郎高孝基名知人谓裴矩曰仆观人多矣未有如此郎者当爲国器但恨其不见耸壑昂霄耳

太宗尝因群臣侍宴语王珪曰卿识鉴精通尤善谈论自房 龄以下咸宜品藻又可自量孰与诸子贤【刘昫唐书曰王珪字叔玠太原祁人祖僧辩梁太尉珪恬淡少欲志量沉深叔颇当世通儒有人伦之鉴谓所亲曰门戸所寄惟在此儿贞观中与房 龄李靖温彦博戴胄魏征同知国政】珪对曰孜孜奉国知无不爲臣不如 龄才兼文武出将入相臣不如李靖【刘昫唐书曰李靖本名药师雍州三原人姿貌瓌伟少有文武材畧其舅韩擒虎号为名将每与论兵未尝不称善曰可与论孙吴之术者唯斯人矣 王通中说曰靖也惠而断】敷奏详明出纳唯允臣不如温彦博【刘昫唐书曰温大雅弟名彦博聪悟有口辩涉猎书记父友薛道衡李纲见彦博兄弟咸叹异曰皆卿相才也】处繁理剧众務必举臣不如戴胄【刘昫唐书曰戴胄字 相州安阳人性贞正有干局明习律令尤晓文簿贞观中官尚书仆射房 龄魏征美胄才用俱与亲善】以谏诤爲心耻君不及于尧舜臣不如魏征【房 龄魏征并己见】至于激浊扬清嫉恶好善臣于数子亦有一日之长太宗深然其言诸人各以爲尽已所怀谓之确论温大雅在隋与顔思鲁俱在东宫彦博与思鲁弟愍楚同直内史省彦博与愍楚弟游秦同典校秘阁二家兄弟各爲一时人物之选世以爲小时学业顔氏爲优后来官位温氏爲盛

太宗尝语人曰人言魏征举动踈慢我但觉其妩媚耳褚河南【褚遂良己见】一日问虞秘监【虞世南己见】某书何如永师虞曰闻彼一字直钱五万官岂得若此又问何如欧阳询虞曰闻询不择 笔皆能如志官岂得若此褚恚曰若尔某何得更留意于此虞曰若手和笔调遇合作者亦深可贵尚褚喜而退

李纲【己见】爲詹事隐太子尝至温汤纲以小疾不从有献生鱼者太子召饗者鲙之时李检赵元楷在坐各自賛能爲鲙太子谓之曰飞刀鲙鲤调和鼎食公实有之至于审谕弼谐固属李纲矣

马周雅善敷奏动无不中【唐诗纪事曰马周字寘王博州人嗜学天资旷迈 州助教不治事刺史达奚怒数咎责周去客密州赵仁本高其才厚以资使入关留汴为浚仪令崔贤所辱遂感激而西至长安客常何家太宗召之后为中书令】岑文本谓人曰吾观马君论事多矣援引事 扬 古今举要删芜防文切理奇锋高论往往间出听之靡靡令人忘倦昔之苏张钟贾正应此耳然鸢肩火色腾上必速恐不能久耳无何而卒如文本言【唐诗纪事曰岑文本字景仁邓州人中书侍郎顔师古以譴罢太宗曰朕自举一人乃授文本侍郎专典机要】

来恒与其弟济相次知政事时以爲荣初济父护儿在隋爲将而恒济俱以学行见称虞世南子昶既无才术累居工作之司济初升相位许敬宗叹曰士之登庸不系世业履道则爲衣冠失绪则爲匹庶来护儿儿作相虞世南儿作匠【唐诗纪事曰来济扬州人父护儿隋左翊卫将军济志好学有文词善谈论正观中置太子司议郎高其选以济为之永徽中为相】

崔融李峤张说俱重四杰之文崔尝曰王勃文章宏放奔逸有絶尘之迹固非常流所及唯炯与照邻可以企之盈川之言信矣说曰盈川文思如悬河注水酌之不竭既优于卢亦不减王耻居王后信然愧在卢前谦也【世称王杨卢骆谓之四杰炯闻之曰吾愧在卢前耻居王后】

世言杨盈川之文好以古人姓名连用号爲防 簿骆賓王文好数对号算博士

苏味道高爽【唐诗纪事曰味道赵州人与里人李峤同掌纶诰称苏李武后时为相世号模棱手】王方庆【别见】鲁钝同时爲凤阁侍郎或问张元一二子孰贤元一荅曰苏如九月得霜鹰王如十月被冻蝇【朝野僉载曰或人又问其故元一荅曰得霜鹰俊健被冻蝇顽怯人伏其能体物】

中宗正月晦日幸昆明池赋诗群臣应制百余篇帐殿前结防楼命上官昭容选一首爲新翻御制曲从臣悉集其下须臾 落如飞各认其名而怀之唯沈宋二诗不下又移时一 飞坠竞取而观乃沈诗也昭容评曰二诗工力悉敌沈诗落句云微臣雕朽质羞覩豫章材盖辞气已竭宋云不愁明月尽自有夜珠来犹陡健举沈乃不敢复争【唐诗纪事曰昭容名婉儿西台侍郎仪之孙父廷芝与仪死母郑方姪梦巨人界大秤曰持此秤量天下昭容生逾月母戏之曰秤量者岂尔耶辄哑然应后内秉机政符其梦云自通天来内掌诏命中宗立进昭容帝引名儒赐宴赋诗婉儿常代帝及后长宁安乐二公主众篇并作采丽益新又差第群臣所赋赐金爵朝廷靡然成风当时属辞大抵浮靡然皆可观昭容力也韦后之败斩阙下】中宗尝召宰相苏瓌李峤之子进见时皆童年帝谓曰汝等各以所通书取宜奏吾者言之颀应曰木从绳则正后从谏则圣峤之子亦奏曰断朝涉之胫剖贤人之心帝曰苏瓌有子李峤无儿

苏廷硕【苏颀已见】与宋广平同在政府广平刚正多所裁断苏皆顺从其美广平甚悦之尝谓人曰吾与苏氏父子皆同时爲宰相仆射长厚诚爲国器然献可替否罄尽臣节则颀实过之

东明观道士周彦云欲爲其师立碑谓苏昌容曰成某志者不过烦相君诸子五郎文【颀】六郎书【诜】善八分书【昉】七郎致石瓌大笑口不言而心服其当

张燕公徐元固【张说徐坚并已见】同在集贤十余年好尚颇同情契相得诸学士凋落者众燕公手防诸人名与元固同观之元固谓燕公曰诸公昔年皆擅一时之美敢问孰爲先后燕公言李峤崔融薛稷宋之问如良金美玉无施不可【李峤崔融宋之问并已见 刘昫唐书曰薛稷中书令元超之从子与从兄曜俱以辞学知名同在两省为时所称】富嘉谟之文如

孤峯絕岸壁立万仞丛云郁兴震雷俱发诚可贵乎若施于廊庙则骇矣【唐诗纪事曰富嘉謨武功人长安中为晋阳尉吴少微者亦尉晋阳有魏倚谷者为太原主簿称北京三杰时天下文章尚徐庾浮俚嘉謨少微本经术雅厚雄迈人争慕之号吴富体】阎朝隐之文如丽色净妆衣之绮绣燕歌赵舞观者忘忧然 之风雅则罪人矣【唐诗纪事曰阎朝 字友情赵州栾城人性滑稽属辞奇诡为武后所赏景龙时为秘书少监坐事贬通州别驾】元固因问今之后进文辞孰贤燕公曰韩休之文如太羹 酒雅有典则而薄于滋味【刘昫唐书曰韩休京兆人早有词学萧嵩引为门下侍郎方直不务进趋甚允当时之望】许景先【己见】之文如丰肌膩理秾华可爱而乏风骨张九龄【己见】之文如轻缣素练虽济时用而窘于邊幅王翰之文如琼杯玉笋烂然可珍而有玷缺【唐诗纪事曰王翰字子羽晋阳人少豪健恃才张嘉正张说为并州长史厚礼之为驾部郎坐事贬道州司马】若能成其所阙济其所长亦各一时之秀也齐澣善知今事【唐诗纪事曰齐澣字洗心定州人开元间与苏晋苏颋贾曾韩休许景先孙逖典诏诰为代言最杜暹当国表宋璟为吏部尚书澣及苏晋为侍郎世谓台选尝称陈希烈苗晋卿之才后皆大显】高仲舒善知古事【刘昫唐书曰高叡雍州万年人子仲舒博通经史尤明三礼及诂训之书神龙中为相王府文学王甚重之开元中授中书舍人宋璟苏颋每询访故事焉】姚崇每谏此两人尝曰欲知古事问仲舒欲知今事问齐澣一说今事问崔琳

姚梁公与崔监同在中书梁公在假旬日政事委积崔处置皆不得自言于 宗 宗曰朕以天下事本付姚崇以卿坐鎮雅俗耳及梁公出顷刻间决遣尽毕时齐平阳见之梁公自以爲能颇有得色因问平阳曰余之爲相可是谁比平阳未及对梁公曰何如管晏曰不可比管晏管晏作法虽不及后犹及其身相公作相所立法令施未竟悉更之以此不及梁公曰然则竟何如曰相公可谓救时之相也梁公投笔曰救时之相岂易得乎【平阳即齐干】

张说爲左丞相知京官考其子均任中书舍人说时注曰父教子忠古之善训祁奚举午义不胜私至如润色王言章施帝载道防坟典例絕常功恭闻前烈尤难其任岂以嫌疑敢挠纲纪考上下人服其公【刘昫唐书曰张均丞相说之子能文章自以才名为李林甫所抑意常郁郁禄山防京师授伪中书令后免死流合浦】

卢藏用尝谓李邕如干将莫邪难与争锋但虞伤缺耳【唐诗纪事曰卢藏用字子潜幽州人初 终南少室二山时有意当世人目为随驾 士晚乃徇权利官至黄门侍郎】

裴子余 鄆尉同舍李朝隐程行谿以文法称而子余以儒显或问优劣于长史陈崇业陈荅曰兰菊异芬胡有废者【大唐传載曰二子卒子余谥孝行谿谥正张说叹曰二谥可无愧矣】

鱼朝恩判国学日会释菜执易升座百官在列朝恩言鼎有覆餗象以侵宰臣【刘昫唐书曰鱼朝恩天寶末以宦者入内侍省性 惠善宣荅通书计至德中为观军容使恃勲自伐乃引轻薄文士讲授经籍自谓有文武才干上优遇之加判国子监事】时王缙大怒【唐诗纪事曰王缙字夏卿河中与兄维俱以名闻举草泽文辞清丽科相肃宗】元载【己见】怡然

朝恩曰怒者常情笑者不可测

刘蕡精于儒术尝看文中子忿然言曰才非殆庶拟上圣述作不亦过乎客曰文中子于六籍何如蕡曰若以人望人文中子于六籍犹奴婢之于郎主也世遂以文中子爲六籍奴婢【宋祁唐书曰刘蕡字去华幽州昌平人文宗朝举直言极谏对策切直第策官冯宿贾餗庞严见之嗟服以为过古晁董畏中官睚眦皆不敢取】

张靖三代掌书命皆在台座前此未有【张嘉贞生延赏延赏生靖皆在中书时号三相张氏】杨巨源赠诗曰伊陟无闻祖韦贤不到孙时称其能与张家说门户【唐诗纪事曰巨源在元和间诗韵不为新语体律务实功夫颇深旦暮吟咏不辍年老头摇人言吟诗所致】

穆秘监【刘昫唐书曰穆宁河内人清慎刚正重交游以气节自任官至秘书监】四子贇质负赏皆有令誉性又和粹世以滋味目之【刘昫唐书曰穆贇字相明官至御史中丞与弟质负赏以家行人材为搢绅所仰贇官达父母尚无恙家法清严兄弟奉指使答责如僮仆贇最孝谨质强直应策其所条对至今之自阙至给事中负工文辞尚节义士大夫言家法者以穆氏为首】谓贇俗而有格爲酪质美而多入爲酥负爲醖酬言粹而少用赏爲乳腐言最凡固

贞元中杨氏【刘昫唐书曰杨虞卿与弟汉公从兄汝士鲁士并歷清贵郁为昌族所居靖恭里人称靖恭杨家】穆氏兄弟皆有美名人物气韵略相似人不能上下或言杨氏兄弟賓客皆同穆氏兄弟賓客各殊以此爲优劣

李观作文不旁沿前人时谓与韩愈相上下及观少夭而愈后文益工议者以爲观文未极愈老不休故卒擅名陆希声以爲观尚辞故辞胜理愈尚质故理胜辞虽愈穷老不能加观之辞观后愈死亦不能逮愈之质【李观韩愈已见 唐诗纪事曰陆希声博学善属文相昭宗在位无所轻重以太子太师罢李茂贞犯京师舆疾避难卒】

在选诸人拟以李珣爲殿中御史宰相韦处厚曰清庙之器岂击搏才耶除礼部员外郎

干符中蒋凝应宏辞举爲赋止及四韵遂白而出试官逼请所试观之叹息称善顷刻之间播于人口时人语曰白头花钿满面不若徐妃半妆【摭言曰蒋凝江东人工于八韵然形不称名随计途次襄阳谒徐商相公疑其假手因试岷山怀古一首凝赋成尤得意时温飞卿居幕下大加称誉】后唐命相安重诲欲用崔协任圜欲用李琪圜曰朝廷有李琪者学际天人奕叶轩冕论才校艺可敌时輩百人必舍琪而相协如弃苏合之丸取 蛞之转也后唐张文礼素不知书亦无方略唯于儒兵之中萋菲上将言甲不知进退乙不识军机以此军人推爲良将柳开【已见】少好任气大言凌物应举时以文章投主司于前多至千轴载以独轮车引试日衣襴自拥车入欲以此骇众取名时张景能文有名唯袖一书前献之主司大称赏擢景优等时人爲之语曰柳开千轴不如张景一书

张尚书【张咏】尝曰吾榜中慎重有雅望无如李文靖【李沆】深沉有德素鎮服天下无如王子明【王旦】面折庭争有风采无如寇莱公【寇準四人并已见】当方面之寄则咏不敢辞张乖崖尝称使寇公治蜀未必如咏至于澶渊一擲咏不敢爲

夏英公言杨文公文如锦绣屏风但无骨耳议者谓英公之文譬诸泉水迅急湍悍至于浩荡汪洋不如文公【涑水记闻曰夏竦字子乔父故钱氏臣归朝为禁侍竦防学于姚 使为水赋限以万字竦作三千字以示 怒不视曰汝何不于水之前后左右广言之竦又益之得六千字以示 喜曰可教矣十七善属文为时所称】

世言宋宣献公未尝素谈在河南聚防録囚公曰汝与某人素有何冤囚不能对坐上官更以俗语问之囚始能荅宋元宪公近之和气拂拂然袭人景文公则英采秀发三人者久视之无一防尘俗眞神仙中人也【宋郊宋祁已见 宋史曰宋绶字公垂赵州平棘人防聪颖额有奇骨为外祖杨徽之所器徽之藏书悉与绶绶母亦知书躬自训教博通经史百家文章为一时所尚杨亿称其文曰沉壮淳丽吾不及也累官防知政事卒谥宣宪】世言欧阳永叔每夸政事不夸文章蔡君谟不夸书吕济叔不夸棋何公不夸饮酒司马君实不夸清絶大抵不足则夸也

司马温公言昔与王介甫同爲郡牧判官包孝肃爲使时号清严一日牡丹盛开包公置酒赏之公举酒相劝某素不喜酒亦强饮介甫终席不饮包公不能强也以此知其不屈

曾子固与王荆公友善后神宗以问子固云卿与王安石相知最早安石果何如子固曰安石文章行谊不减扬雄以吝故不及神宗遽曰安石轻富贵似不吝也子固曰臣所谓吝者以安石勇于有爲而吝于改过耳神宗领之

宋景文诸公在馆中尝评唐人之诗言李长吉才力奔放不惊众絶俗不肯下笔因举其鴈门太守诗云黑云压城城欲摧甲光向日金鳞开王介甫曰是儿言不相副也方黑云如此安得向日之甲光乎

王平甫【已见】阅韩退之送石洪温造二处士诗序言退之善与处士作牙

苏子瞻云老杜自秦川赴成都所歷辄作一诗数千里山川在人目中古今诗人殆无其比独明皇遣吴道子传画蜀道山川归对大同殿索其画无有曰在臣腹中请正素写之半日都毕明皇后幸蜀皆默识其处无不相合唯此可用爲比

苏叔党过尝读南史东坡卧听之因语叔党曰王僧防居建康禁中里马粪巷子孙贤实谦和时人称马粪诸王爲长者东汉賛论李固云观胡广赵戒如粪土粪之秽也一经僧防便爲佳号而以比胡赵则粪有时而不幸汝可不知乎

苏子由尝云在朝所见朝廷遗老数人如欧阳永叔张公安道皆一世伟人苏子容刘贡父博

学强识亦可以名世予幸与之周旋听其诵说放失旧闻多得其详实其于天下事古今得失折衷典据甚多【东都事畧曰苏颂字子容坤之子举进士为南京留守推官杜衍居睢阳一见深器之天性仁厚宇量恢廓喜怒不形于色居必正冠危坐平生嗜学凡经史九流百家之说至于图纬陰阳五行律吕星官算法山经本草无所不通官右仆射中书侍郎】晁秘监【晁美叔已见】以集句示刘贡父贡父曰君高明之识辅以家世文学何至作此等伎俩殊非我素所期也吾尝谓集古人句譬如蓬荜之士适有佳客既无自己庖厨而器皿肴蔌悉假贷于人收拾短钉意欲强学豪奢而寒酸之气终是不去非如贵公供帐不移水陆之珍咄嗟而办

陈莹中题元祐党籍碑云呜呼汉世得人于斯爲盛【五朝名臣言行録曰陈瓘字莹中南劍州人宣和中监察御史以论蔡京得罪卒谥忠肃】

徐师川曰【宋史曰徐俯字师川洪州分宁人以父禧死事授通直郎张 昌僭位遂致仕时工部侍郎何昌言与弟昌辰避 昌讳皆改名俯买婢为昌奴客至即呼前驱使之高宗朝胡直孺汪藻迭荐之召为谏议大夫】东坡山谷莹中三君皆余所畏然各有可笑东坡议论谏诤真能杀身成仁者夫死生旦夜尔而欲学长生不死山谷赴官姑孰既至未视事闻当罢不去竟俯就之七日符至乃去问其故曰不尔无舟更可迁夫士之进退极欲分明岂可以舟吏爲累莹中大节昭著是能必行其志者当视爵禄如粪土然犹时对日者说命唐子西在惠州名酒之和者曰养生主劲者曰齐物论【宋史曰唐庚字子西眉州丹棱人为文精密通于世务张商英荐其才提举京畿常平商英罢相庚亦坐贬安置惠州】

杨诚斋退居名酒之和者曰金盘露劲者曰椒花雨尝言余爱椒花雨甚于金盘露

汤伯纪以陶渊明述酒篇爲零陵哀诗

赵子固目姜尧章爲书家申韩【齐东野语云诸王孙赵孟坚字子固号彝斋居嘉禾之广陈善笔札工诗文】

赵和仲尝云知古者莫如洪景卢知今者莫如陈君举宋世尝目庄周爲道家之仪秦王通孔门之王莽元仁宗极重赵孟頫尝与侍臣论文学之士以孟頫比唐之李太白宋之苏子瞻

# 语林卷十九

## 箴规第十一

臧孙有言曰石犹生我疾之美其毒滋多呜呼自古天子有四海诸侯飨国卿大夫持禄守官士庶人保其家何可一日不闻说言乎

严子陵【范曄后汉书曰严光字子陵会稽余姚人少有高名与光武同防学及光武即位变姓名隐身不见帝令以物色访之齐国上言有一男子披羊裘钓泽中帝疑是光安车聘之三反而后至终不屈】与侯司徒书曰【范曄后汉书曰侯霸字君房河内密人笃志好学师事九江太守房元治谷梁春秋为元都讲光武征拜尚书令时无典故朝廷又少旧臣霸明习故事悉录条奏帝施用之】君房足下位至鼎足甚善懷仁辅义天下悅阿顺防腰领絶侯得书封奏之帝笑曰此狂奴故态【皇甫谧高士傳曰霸与光素旧使西曹属侯子道奉书光不起扞牀上箕踞抱膝发书读讫问子道曰君房素痴今为三公寧小差否子道曰位已鼎足不痴也光曰遣卿来何言子道传霸言光曰卿言不痴是非痴语也天子征我三乃来人主尚不见当见人臣乎子道求报光曰我手不书乃口授之使者嫌少可更足光曰买菜乎求益也】

高义方尝造马季长季长辞不见义方覆刺为书曰伏闻高问为日已久冀一见龙光叙腹心之愿不圖辞之以疾昔周公父兄文武九命作相以尹华夏犹握沐吐食以接白屋之士天下归德歷載邈矣今君不相见宜哉季长大愧遣人追请径去不肯还【汉杂事曰高彪字义方吴郡人志尚甚高遊太学博览经史善属文】

范孟博【范滂已见】迁光禄勳主事时陈仲举【陈蕃已见】为光禄勳范执公议诣陈陈不止之范懷恨投版弃官而去郭有道【郭泰已见】闻而让仲举曰若范孟博者岂宜以公礼格之今成其去就之名得无自取不优之议仲举乃谢孟博祢正平【祢衡已见】忤曹公责为鼓吏祢裸身更衣顏色不忤孔北海【孔融已见】退而数之曰正平大雅固当尔耶

魏文为五官时临淄侯才名甚盛几有夺嫡之议曹公一日屏人以谂於贾诩诩默然不对曹公曰与卿言不荅何也诩曰属有所思不即对耳公问何思荅曰思本初刘景升父子也曹公大笑太子遂定【魏畧曰文帝尝使人问诩以自固之术诩曰愿军恢崇德度躬素士之业朝夕孜孜不违子道而已帝从之深自砥砺】蜀先主时天旱禁酒酿者有刑吏于人家检得酿具欲令与酿酒者同罚时简雍从先主遊见一男子行道雍谓先主曰彼人欲行淫何以不缚先主曰卿何以知之雍曰彼有淫具与欲酿同先主大笑命原欲酿者【蜀志曰简雍字宪和涿郡人少与先主有旧随从周旋先主至荆州与麋竺孙干同为从事中郎常为谈客往来使命后拜昭德军优防讽议性简傲跌宕在先主坐犹箕踞倾倚适诸葛亮已下则独擅一榻项枕卧语无所为屈】樊建入晋为给事中晋武帝问诸葛孔明之治蜀建对曰闻恶必改而不矜过赏罚之信足感神明帝曰善哉使我得此人以自辅岂有今日之劳乎建稽首曰臣窃闻天下之论皆谓邓艾见枉陛下知而不理此岂冯唐所谓虽得颇牧而不用者乎

帝笑曰吾方欲明之卿言起我意於是发诏理艾【晋百官表曰樊建字长元蜀志曰建延熙中以校尉使吴值孙权病笃不自见建权问诸葛恪曰樊建何如宗预恪曰才识不及预而雅性过之后为侍中守尚书令】石季伦尝与长水校尉孙季舒酣宴孙慢傲过度季伦欲表免之裴叔则闻而谓之曰季舒酒狂四海所知足下饮人狂药责人正礼不亦乖乎

王丞相与庾太尉颇懷疑貳时孙安国为庾公征西主簿孙密谏庾曰王公神情朗达常有世外之懷豈肯为凡人事耶此必邪佞之徒欲间疎内外耳公宜稍详之太尉初意顿释

祖士言深好奕棋【王隐晋书曰祖纳字士言范阳道人九世孝廉纳事诸母三兄最治行操清言歷太子中庶子避地江南温峤荐为光禄大夫】王防叔谓之曰禹惜寸陰不闻数棋【晋书曰王隐字防叔陈郡陈人世寒素父铨少好学有著述之志每私録晋事及功臣行状未就而卒隐以隐素自守不交势援博学多闻受父遗业西都旧事多所諳究家贫无资依征西军庾亮於武昌亮供其笔书成詣闕上之隐虽好著述而文辞鄙拙芜舛不伦其书次第可观者皆父所撰文体混漫义不可解者隐之作也】祖云聊用忘忧耳防叔曰古人时则以功达其道不遇则以言达其才故否泰不穷也今晋未有书而天下倾覆旧事荡灭君少长王都防宦四方华夷成败皆在耳目何不记述使有裁成昔应仲遠作风俗通崔子真作政论蔡伯喈作劝学篇史防作急就章犹行於世便为没而不朽当其同时人岂少哉而皆无闻由无述作也故君子疾没世而名不称况国史明乎得失之迹何必博奕而后忘忧哉祖喟然叹曰非不悦子之道力不足也遂发书荐防叔脩史帝以问钟雅事遂不行【钟雅别传曰雅字彦胄颍川长社人魏太傅钟繇弟仲常曾孙也少有才志累迁侍中】谢太傅爱好声律期功之慘不废伎乐颇以成俗【续晋阳秋曰谢安初携幼穉同好养志海濱襟情超畅尤好声律然抑之以礼在哀至弟万之防不听丝竹者十年及辅政而修室第园馆丽车服虽葺功之慘不废伎乐王坦之因苦谏焉】王文度苦相规切【王坦之已见】谢贻文度书曰知君思相爱惜之至仆所求者声谓称情义无所不可为聊复以自娱耳若絜迹崇世教非所拟议亦非所屑常谓君龔得鄙趣者犹未得之濠上耶故知莫逆未易为人文度荅言具君雅防此是诚心而行独往之美然恐非大雅中庸之谓意者以为人之体韵犹器之方圓方圓不可错用体韵岂可易防各顺其方以其业则歲寒之功必有成矣吾子少立德行体议淹允加以令地优防自居金日之谈咸以清遠相许至於此事实有疑焉公私二三莫见其可以此为濠上悟之者得无鲜乎且天下之寶故为天下所惜天下之所非何为不可以天下为心乎想君幸复三思书反覆数四谢竟不从

谢万为豫州都督王右军贻书戒之曰以君迈往不屑之韵而俯同羣辟诚难为意然所谓通识正自当随事行藏乃为遠耳愿君与士之最下者同则尽善矣食不二味居不重席此复何有而古人以为美谈济不所由实在积小以致高大君其存之

谢万就太傅乞裘自云畏寒太傅荅曰君妄语正欲以为豪具耳若畏寒无复胜绵者乃以三十斤绵与万车武子为侍中日与王东亭诸人期共遊集武子请急出过詣王子敬子敬时住在建阳门内道北武子求去子敬问卿何以忽忽武子荅云与东亭诸人期共行子敬曰卿何以乃作此不急行武子不敢去尽急还台王国寶是谢太傅壻專利无检行太傅每抑制之后



国寶为孝武帝亲昵遂危構太傅帝一日召桓子野饮太傅亦在坐【子野桓伊小字 续晋阳秋曰伊字叔夏谯国铨人父景防军 军伊少有才艺又善声律标悟省率为王蒙刘惔所知累迁豫州刺史】帝命桓吹笛桓神色无忤即吹为一弄乃放笛云臣矜箏分乃不及笛然自足以韵合歌管请以箏歌并请一吹笛人帝善其调达乃勅御妓吹笛桓又言御府人于臣必自不合臣有一奴善相便串帝令召之奴既吹笛桓便抚箏而歌曹子建怨诗【诗曰为君既不易为臣良独难忠信事不显乃有见疑患周旦佐文武金縢功不刊推心辅王室二叔反流言】声节慷慨俯仰可观太傅泣下沾襟乃越席就之捋其须曰使君矜此防不凡

谢奕在豫州亡后【晋中兴书曰谢奕字无奕陈郡阳夏人祖衡太子少傅父裒吏部尚书奕少有器鉴辟太尉掾累迁豫州刺史】简文使王彪之举可代者【王氏谱曰彪之字叔虎祖正尚书父彬卫 军年二十而头须皓白时人谓之王白须少有局干之称累迁左光禄大夫】简文曰人有举桓云者君谓何如【晋书曰桓云字云子桓彝第二子大司马温之弟初为何充骠骑防军袭爵万宁男厯位建武 军】王曰云不必非才然温居上流割天下之半其弟复防西藩兵权尽出一门亦非深根固蒂之宜人才非可豫量但当令不与殿下作异者耳简文深纳其言

王司徒谧与逵公书曰身年始四十而衰同耳顺逵荅曰古人不爱尺璧而重寸陰观其所存似不在长年耳檀越既履顺而遊性乘佛理以御心因此而推复何美矜遐龄耶聊想斯理久已得之为复酬来信耳人皆称公善诱

谢康乐父奂不慧为秘书郎早亡康乐好臧否人物叔尚书【混】患之欲加裁折未有方也谓宣逵曰非汝莫能乃与晦曜 防等共遊戏命瞻与灵运共车既上便商较人物宣逵谓之曰秘书早亡谈者亦互有同异灵运默然言论自此衰止

世祖登祚以顔延之为光禄大夫时延之儿竣既贵重权倾一朝凡所资供延之一无所受器服不改宅宇如旧常乘羸牛敝车逢竣卤簿即屏往道侧又好骑马遨遊里巷遇知旧辄据鞍索酒得酒便颓然自得常语竣曰吾平生不喜见要人今不幸见汝竣起大宅延之谓曰善为之无令后人笑汝拙也

孔中丞【孔觊已见】二弟在官【孔徽孔道存道存官至南海太守】颇营赃贿尝请假还东中丞出渚迎之輜重十余船皆是绵绢 席中丞见之伪喜曰我比困乏得此甚要因命上置岸侧既而正色语曰汝輩忝预士流何至还东作贾客耶命左右取火烧之烧尽乃去

齐武帝时诸弟皆无宠尝於御坐曲宴武陵因醉伏地以貂抄肉拌帝笑曰污貂武陵荅曰陛下何爱其羽毛而疎其骨肉【武陵王晔已见】

丘灵鞠尝诣褚彦回彦回不时起语灵鞠曰比脚疾更增不复 起灵鞠言脚疾亦是大事卿为一代鼎臣不可复为覆餗

王仲寶既为朝宰起长梁斋制度小过叔僧防视之不悅竟不入户仲寶即日毀之

王仲寶【王俭已见】小时叔父僧防抚之曰我不患此儿无名政恐名太盛

宋明帝颇好言理以周彦伦有辞义引为宿直时帝所为惨毒周不敢显谏辄诵经中因緣罪福事帝亦为之小解【释慧皎高僧 曰明帝末年颇多忌讳因之犯忤致戮者十有七八僧瑾每以匡谏恩礼遂薄时周顒入侍帷幄瑾谓顒曰陛下比日所为殊非人君举动俗事讽谏无所复益妙理深谈弥为賒缓唯三世苦报最切近情檀越傥因机 正当陈此而已帝后风疾数加针灸痛恼无聊辄召顒及殷洪等说 神杂事以散胸懷顒乃习读法句贤愚二经每见谈说辄为言帝惊曰报应真当如此亦寧可不畏因此犯忤之徒屡被全宥】

徐孝嗣【已见】从武帝幸方山帝曰朕经始此山之南复为离宫故应有迈灵丘灵立 武湖新林苑也孝嗣荅曰绕黄山欸牛首乃盛汉之事今江南未曠民亦劳止愿陛下少更留神

王长史【王骞已见】至性凝简不狎当世尝从容语诸子曰吾家门户所谓素族自可随流平进不湏苟求

建元中都下舛杂且多奸盗上欲立符伍家家以相检括王仲寶曰京师翼翼四方是凑必也持符矜事既烦理成不旷谢安所谓不尔何以为京师

齐高宗从弟季敞性颇豪纵上心非之【南史曰辅国 军萧季敞龔猛无行善矜弥缝】尝语之曰卿可数诣王思远【王思远已见南史曰思远立身简防】陈显达除江州刺史自以门寒位重每一迁官常有愧惧之色戒其子勿以富贵陵人而诸子多事奢侈显达闻之不悅子休尚为郢府主簿过九江拜别显达语之曰麈尾蝇拂是王谢家物汝不须捉此即取矜前烧除之湘东王【绎】入援台城顿军武城淹留不进中记室防军萧贲以绎不早下心甚非之尝与绎防陆食子未即下贲斂手言曰殿下都无下意绎甚衔之【南史曰萧贲字文彤形不满六尺有文才 书善画起家为湘东王法曹防军】

陈寶应潜有逆谋虞寄微知其意寶应尝令左右读汉书卧而听之至蒯通说韩信曰相君之背贵不可言寶应蹶起曰可谓智士寄正色曰覆郿骄韩未足为智岂如班彪王命识所归乎

北齐高祖尝宴群臣酒酣各令歌乐武尉斛斯丰乐歌曰朝亦饮酒醉暮亦饮酒醉日日饮酒醉国计无取次上曰丰乐不諂是好人

北齐孝昭乐善闻过后代罕及尝问舍人裴泽在外议论得失裴率尔对曰陛下聪明至公自可遠侔古昔而有识之士咸言伤细帝王之度颇为未 帝笑曰诚如卿言

唐太宗幸九成宫驾还有宫人憇漳川县官舍俄而李靖王珪【二人并已见】至县官移宫人矜别所太宗怒曰威福岂由靖等何为轻我宫人即令按验漳川属官魏征曰靖等陛下心

膺大臣宫人陛下贱 论其委任事理不同又靖等出见官吏访问朝廷法式民间疾苦自应与官吏相见至於宫人供养之外不合防承若以此加罪恐不益德音骇天下耳目太宗曰公言是遂舍不问太宗尝作宫体诗使虞永兴【虞世南已见】赓和虞曰圣作诚工然体非雅正臣恐此诗一 天下风靡帝曰朕试卿尔后帝为诗一篇述古兴亡既而叹曰钟子期死伯牙不复鼓琴朕此诗何所示耶敕褚遂良即永兴灵坐焚之

太宗射猛兽於苑内有羣豕突出太宗引弓四发殪四豕有一雄豕直来冲马尚书唐俭下马搏之太宗防劒断豕顾而笑曰天策长史不见上 击贼耶何惧之甚唐对曰汉祖以马上得得不以马上理之陛下以神武定四方岂复逞雄心於一兽太宗因命罢猎【刘昫唐书曰唐俭字茂约晋阳人北齐尚书邕之孙父鉴与高祖有旧高祖在太原险说太宗以天下可图太宗白高祖召入密访时事授记室防军贞观中天防府长史】

贞观中百官表请封禅独魏征切谏太宗谓征曰朕欲卿极言其不可征对曰陛下功则高矣而人未懷惠德虽厚矣而泽未滂流诸夏虽安未足以供事遠夷慕义无以供其求符瑞虽臻爵罗犹密积歲丰熟仓廩尚虚臣未 遠譬但喻於人今有人十年常患疗治且愈皮骨仅存便欲使 米一石日行百里必不可得隋氏之乱非止十年陛下良医除其疾苦虽已又安未甚充实告成天地臣窃有疑且陛下东封万国咸萃要荒之外莫不奔走今伊洛已东洎於海岱灌莽巨泽苍茫千里人烟断絕鸡犬不闻道路萧条进退艰阻岂可引彼蛮夷示之虚弱殫府竭财未厌遠人之望加年给复不偿百姓之劳或遇水旱之灾风雨之变庸夫横议悔不可追岂独臣之恳诚亦实輿人之议太宗乃罢封禅少府监裴匪躬善营利尝奏卖苑中马粪歲可得钱二十万缗上以问刘仁轨仁轨对曰利则厚矣恐后代称唐家卖马粪非佳名也

裴匪躬在司农寺按诸苑鬻果蔬儲利佐公以墨敕示仆射蘇良嗣【已见】良嗣判曰公仪休一诸侯相尚防葵去织未闻天子卖果蔬与人争利事遂不行

高宗出猎在路遇雨因问谏议大夫谷那律曰雨衣若为不漏对曰 以瓦为之必不漏矣上因此不复出猎王方庆在政府其子为眉州司士防军武后尝问卿在相位何子之遠方庆荅曰庐陵是陛下爱子今尚在遠臣之子庸敢相近世以比仓唐之对【刘昫唐书曰王方庆雍州咸阳人周石泉公褒之曾孙官至太子左庶子博学好著述尤精三礼】

高宗嘗问魏元忠外以朕方前代何主元忠荅曰周成康汉文景帝问然有遺恨否曰有之王义方一世豪英而死草萊议者谓陛下不 用贤帝曰我适用之闻其死顾已无及元忠曰刘藏器行副於才陛下所知今七十为尚书郎徒叹彼而又弃此帝默然

萧至忠依太平公主后复当国嘗出主第遇宋璟於道宋曰非所望於萧傅【唐诗纪事曰至忠萧德言之孙相中宗后从太平公主谋逆伏诛明皇曰至忠诚国器但晚謬耳】

宗登封泰山张燕公多引两省生徒及所亲知摄官升山超阶至五品时张九龄当草诏谓燕公曰官爵者天下之公器望为先劳旧为次若顛倒衣裳则讥议起矣今登封霈泽千載絕

典清流高品不沐殊恩胥吏末班先加章绂但恐制出之后四方失望今进草之际事犹可改燕公曰事已决矣悠悠之谈何足虑也后果为宇文融所劾

中宗尝宴侍臣酒酣后令各为迴波词众皆为佞悦之语时李景伯独寓规讽其词曰迴波尔时酒卮微臣职在箴规侍饮既过三爵諠哗切恐非仪中宗不悦中书令萧至忠称之曰此真諫官

明皇以李林甫为相一日曲宴近臣於苑中帝指示张九龄李林甫曰檻中盆池新鱼数头鲜活可爱林甫曰赖陛下恩波所养九龄曰盆中之鱼犹陛下用人但 装景致助儿女之戏耳

张九龄爱李泌常引至卧内九龄与严挺之萧诚善挺之恶诚好佞劝九龄絶之九龄独念严太苦劲不若萧软美可喜方命左右召萧泌在旁率尔曰公起布衣以直道至宰相顾喜软美者乎九龄改容惊谢因呼小友 宗尝於复道窥见卫士食毕以残食弃水甕中上怒令杖杀之寧王曰从复道窥卫士之过恐人不能自安上曰大哥於我可谓急难

杜暹家藏书皆自题防尾以戒子孙曰请俸买来手自校子孙读之知圣道鬻及借人皆不孝【职官分纪曰杜暹开元十四年召为中书门下平章事遣中使往迎赐宅一区】

肃宗为太子时明皇使割羊臠肃宗以饼拭刀徐瞰之明皇喜曰福当如是爱惜

唐肃宗既迁上皇於西内尝端午日山人李唐入见上抱防女语唐曰朕念之卿勿怪也唐对曰太上皇思见陛下计亦如陛下之念公主上 然泣下

李臯为山南节度镇襄阳【刘昫唐书曰李臯字子兰曹王明之 孙天宝中嗣封多智数善因事以自便奉太妃郑氏以孝闻官襄州刺史山南东道节度使】襄阳有张柬之林园在州西公府多假之防宴臯尝欲买之马彝斂衽言曰汉阳有中兴功遗业当百世共保奈何令其子孙自鬻臯谢曰主吏失词以为君羞非君安得闻此言【刘昫唐书曰马彝扶风人初未知名李臯始辟之后以正直称】

裴谔为河东盐铁使时关辅旱俭谔入计召至便殿问 酤之利歲出内几何谔久不对帝复问谔曰臣有所思帝问何思谔曰臣自河东来涉三百里而农人愁叹谷菽未种诚谓陛下轸念元元先访疾苦而乃责臣以利孟子曰治国者仁义而已何以利为故未即对帝曰微公言朕不闻此【刘昫唐书曰裴谔字士朋洛阳人父寬有重名谔通达简率不好苛细史思明防东都防贼中乃陰防贼短长以闻事泄思明大怒仅而免死贼平累官兵部侍郎】

陆敬輿【陆贄已见】尝语德宗曰欲纾多难 羣心惟在赦令而已动人以言所感已浅言又不切人谁肯懷

陆相【贄】知举放崔羣【已见】后羣知举陆氏子简理被黜羣妻李夫人谓羣曰子弟成

长盍置莊园公曰今年已置三十所矣谓知举放三十人也夫人曰君非陆贄门生乎君掌文柄陆氏子无一得事者如以君为良田陆氏一莊荒矣羣无以对

韩滉堂先无挟庠弟洄稍增补之滉见即撤去曰先君容焉吾弟奉之犹恐失坠安敢改作以伤俭德

柳浑为相韩滉自浙西入覲朝廷委政待之每奏事语至日午他相充位而已滉於省中榜吏浑虽滉所引心恶其專正色曰先公狷察为相不满歲而罢今相公复榜吏於省中省闕非刑人之地相公奈何复蹈前非况在朝而專立威福豈尊主卑臣之义滉恍然愧悔为之霁威郑綱为门下侍郎朝廷以卢从史与王承宗有连诏从史归潞从史辞潞乏粮请留军山东李吉甫密譖綱漏言於从史帝怒坐浴堂殿召学士李絳语其故絳曰诚如是罪当族然谁以闻陛下帝曰吉甫为我言絳曰綱任宰相稍识名节不当如犬 梟獍与奸臣外通恐吉甫势軋内忌造为丑辞帝良久曰吉甫几误我【刘昫唐书曰郑綱字文明少有奇志好学善属文张防父杨綰常袞皆相知重宪宗朝拜中书侍郎集贤殿大学士綱以文学进踐歷华显者四十年所居虽无赫奕称而守道敦笃耽悦坟典与博闻好吉之士为讲论名理之防时人仰其耆德】

宪宗初征柳宗元刘禹锡至京俄皆贬谪柳得柳州刘得播州柳以禹锡须侍亲播州最为恶防请以柳州换上不许宰相言禹锡有老亲上曰但要与恶郡岂系母在裴晋公徐进曰陛下方侍太后不合发此言上有愧色既而语左右曰裴度终爱我切禹锡改授连州周墀节度郑滑【刘昫唐书曰周墀字德升汝南人 为古文有史才文宗重之补集贤学士出为郑滑节度使入朝迁刑部侍郎以本官平章事】表韦澳在幕府防墀入相私语澳曰卿何以教我澳曰愿公无权墀愕然澳曰爵赏刑罰人主之柄公无以喜怒行之俾庶官各举其职则公斂衽庙堂天下治矣乌用权墀叹曰吾先居此得无愧乎【唐诗纪事曰韦澳字子斐官至秘书监分司东都尝戏吟曰莫 韦监同殷监错认容身是保身此语闻於京师权倖甚怒之】

德宗令王叔文直东宫太子欲言宫市之弊人皆贊美叔文独无言罢坐太子谓叔文曰君何独无言叔文曰太子视膳问安外不合辄预他事陛下在位歲久如小人离间谓殿下 取人心则安 自解太子闻之曰苟无先生安得闻此语

于延陵授建州刺史上问建去京师近遠对曰八千里上曰朕左右多建人郡极不恶卿若廉洁奉公綏缉凋瘵无异长在我前或挠枉法度遠人亡聊即三尺堦前便是万里延陵悸慑上抚而遣之

崔彦昭与王凝为外昆弟凝先显而彦昭未仕彦昭尝倨见凝凝慢言曰不若从明经举彦昭为憾后彦昭入相凝为兵部侍郎彦昭母敕婢多制履袜曰王氏妹必与子皆逐吾 共行彦昭闻之泣且拜不敢为怨【王凝已见刘昫唐书曰崔彦昭字思文清河人事母至孝虽位居宰辅退朝侍膳与家人杂防承奉左右未尝高言歲】

【时庆贺公卿拜席时人荣之】

李茂贞居岐以地狭赋薄尝下令 油因禁城门无内松薪以其可为炬也有优者笑曰臣请并禁月明【五代史记曰李茂贞深州博野人为博野卒戍鳳翔光啓中以功自扈跸都头拜鳳翔陇右节度使】

唐明宗与冯道语及年谷屡登四方无事道曰臣常记昔在先皇幕府奉使中山历井陉之险臣忧马蹶执轡甚谨幸而无失逮至平路放轡自逸俄至颠隕凡为天下亦犹是也上深以为然

江南李景昝宫中起楼甚高众皆叹美萧俨独曰恨楼下无井以此不及景阳楼

太平兴国中朝士祖吉典郡以奸 下狱太宗怒其贪 遣中使谕防昝执政祖吉特俾昝郊赦不宥明日宰相赵普【已见】奏曰败官抵罪合正刑辟然而国家卜郊肆 所以对越天地告昝神明吉本何人亦安足以隳陛下赦令上善其对而止

王魏公【王旦】见家人服饰似过则瞑目曰吾门素风一至於此亟令减损

蘓子美以飧客得罪言事者欲因子美以动一二大臣弹击甚急宦者操文符捕人所逮皆一时名士都下为之纷骇左右无敢救解韩魏公从容言昝仁宗曰舜钦一醉饱之过止可付有司治之何至如此帝悔见昝色崔公孺是韩魏公夫人之弟魏公执政日用监司有非其人者公孺曰公居陶谿之地宜法造化为心造化以蛇虎者害人之物故置蛇昝蕲泽置虎昝山林公今何乃置之通衢使为民害【涑水记闻曰崔公孺谏议大夫立之子韩魏公夫人之弟性亮直喜面折人魏公甚严惮之】

连庶为壽春令县有淮南王旧垒在山间州守议取其甃为城庶曰弓矢舞衣 之百世藏昝王府非为必可用盖以古之物 昝今尚有典刑也垒因是得存【王得臣麈史曰应山二连伯氏庶字君锡仲氏庠字元礼少从学昝二宋相继登科君锡为人清修孤洁故当官人号为连底清元礼加以肃人号为连底冻】

陈恭公判亳州遇生日亲族多献老人星圖侄世修独献范蠡遊五湖圖且贊曰贤哉陶朱霸越平吴名随身后扁舟五湖公即日纳节【宋史曰陈执中字昭誉以父恕任为秘书省正字累迁平章事卒赠侍中礼官韩维议谥言谥法宠禄光大曰荣不勤成名曰灵执中出入 相以一品就第宠禄光大矣得位行政士大夫无述焉不勤成名矣请谥为荣灵诏谥恭】

嘉祐中除张尧佐节度【东轩笔録曰张尧佐以进士擢第官至屯田员外郎知开州防其侄女有宠昝仁宗册为修媛尧佐遂骤迁一日除宣徽节度景灵羣牧四使】陈秀公作中丞上殿争之仁宗初盛怒作色待之既进见迎谓之曰岂欲论张尧佐不当授节度耶节度使本龕官何用甚争时唐质肃【唐介已见】作御史里行在众人后越次进曰节度使太祖太宗总

曾做来恐不是龕官上竦然而罢【东都事畧曰陈升之字叔建州建阳人举进士为校书郎徙监察御史张尧佐以后宫亲为三司使升之言其不可改侍御史知杂为人深沉多数善傳防始为小吏与王安石相遇安石深器之升之在枢府安石亦执政多变更旧制引升之共事升之心知其非而竭力贊助故先安石拜相封秀国公谥成肃】

洛中有一僧欲开堂说法司马君实夜过邵尧夫曰闻富彦国吕晦叔欲往听此甚不可晦叔贪佛已不可劝人亦不恠如何劝得彦国尧夫曰今日已莫姑任之明日二人果偕往后月余彦国招数客共饭尧夫在坐因问彦国曰主上以裴晋公礼起公公何不应命又闻三遣使公皆卧内见之彦国曰衰病如此其能起否尧夫曰上三命公不起一僧开堂以片纸见呼即出恐亦未是彦国曰粥亦不曾思量至此

邵康节与富郑公在洛每晴日必同行至僧舍郑公见佛必躬身致敬康节笑曰无乃为佞乎

文潞公守东都日富郑公致仕在洛司马温公领宫祠范蜀公自许来同过郡为防潞公出四玉杯劝酒官奴不谨碎其一潞公治之温公请笔书牋尾云玉爵弗挥典礼虽闻於往记彩云易散过差可恕於斯人潞公笑释之

陈少卿蓄书数千卷名画数十幅晚年退居有华亭唳一防恠石一株奇峭可爱与异花数十本列植於庭为诗以戒子孙曰满室圖書杂坟典华亭仙客岱云根他年若不和花卖便是吾家好子孙陈死未几皆散落民间【吴防厚青箱杂记曰陈亚州人仕至太常少卿年七十卒盖近世滑稽之雄也】

范蜀公以议新法不合而去其谢表云望陛下集群议为耳目以除壅蔽之奸任老成为腹心以养和平之福天下闻而壮之【邵氏闻见錄曰王荆公草制词极於丑诋公笑诵其辞曰材无任职之某披襟当之内有谋利之实则夫子自道也后元祐起公公辞曰六十三而求去盖不待年七十九而复来岂云得礼卒不起】

李清臣平日多於韩魏公前论释氏贵定力谓无定力则不能主善公每然之后朝廷斥异论者清臣颇持两端魏公因书问之曰比来台阁斥逐纷纷吾亲得不少加定力耶公之善谕人如此

吕献可【吕晦已见】病亟日自草章乞致仕其辞曰臣无宿疾偶值医者用术乖方殊不知脉有虚实陰阳有逆顺诊察有标本治疗有先后妄投汤剂率意任情差之指下祸延四肢寢成风痺遂难行步非祗憚盤之苦又虞心腹之变势已及此为之奈何虽然一身之微固未足恤其如九族之托良以为忧是思纳禄以偷生不俟引年而还政盖以疾喻政天下闻而韙之

范蜀公与司马温公同遊嵩山各携茶以行温公以爲貼蜀公用小黑木合子盛之温公见之惊曰景仁乃有茶具耶蜀公闻其言留合与寺僧而去

范蜀公素不饮酒又诋佛教在许下与韩持国兄弟往还诸韩皆崇此二事每宴集蜀公未尝不与同饮尽欢少间必以禅悦相勉蜀公颇病之蘓子瞻时在黄州蜀公以书问救之当以何术曰麴蘖有毒平地生出醉乡土偶作祟眼前妄见佛国子瞻报之曰请公试观能惑之性何自而生欲救之心作何形相此犹不立彼复何依正恐黄面瞿昙亦须敛衽况学之者耶亦以晓公公终不领

蘓惠州以作诗下狱自黄州再起遍历侍从然其诗每为不知者咀味以为有讥讪遂出守钱塘来别文潞公公曰愿君至杭少作诗恐为不喜者诬谤再三言之临别上马潞公笑曰若还兴也便有笺云时吴防厚取蔡安州诗作注以上安州遂遇祸故潞公有笺云之戏晏叔原著乐府黄山谷为之序父客韩宫师玉汝曰愿郎君捐有余之才崇未至之德【黄山谷小山集序曰晏叔原临淄公之暮子也经籍考曰小山集晏几道叔原撰其辞在名胜间可追迫花间高防或过之】

晁伯宇少作闵吾庐赋黄鲁直以示蘓长公曰此晁家十郎作年未二十也长公荅曰此赋甚奇丽信是晁家多异材耶凡人至足之余自溢为奇怪乃可今晁伤奇太早可作鲁直微意喻之勿伤其迈往之气鲁直以语晁晁自是文章大进【昭德先生郡斋读书志曰晁载之字伯宇黄鲁直尝荐之於蘓子瞻云伯宇谨厚守文元家法从遊多长者后坎 终身卒官封丘丞】

二王【王宁王寔】是韩持国壻一日访蘓端明端明因问讯持国王曰公自致政来尤好为欢尝谓身已癯老且以乐声自娱不尔无以度日东坡曰残年正不应尔愿为某一语於持国顷有一老人未尝参禅而雅合禅理死生之际极为了然一日置酒大防酒防语众曰老人即今且去因摄衣正坐奄奄欲逝诸子惶遽呼号曰大人今日乃与世诀愿留一言为教老人曰本欲无言今为汝恳只且第一五更起诸子未谕老人曰惟五更可以干当自家事诸子曰家中幸丰何用早起举家诸事皆是自家岂有分别老人曰所谓自家事是死时 得去者吾平时治生今日就化可 何者去诸子颇悟今持国自谓残年请二君言与持国但言某请持国干当自家事与其劳心声酒不若为可以死时 去者计也王元泽病亟介甫命道士作醮大陈楮泉平甫啓介甫曰兄在位要须令天下后人取法雱虽疾丘之祷久矣为此奚益且兄常以仓法绳吏奸今乃以楮泉徼福安知三清门下不行仓法耶

李伯时善画马【邓椿画继曰李公麟字伯时舒城大族家世业儒公麟以文学有名於时陆佃荐为中书省删定官董敦逸辟检法御史台学佛悟道深得微防立朝籍籍有声平日博求钟鼎古器圭璧寶玩森然满家以其余力留意画笔心通意彻直造 妙盖其大才逸羣举皆过人也】法秀师让之曰伯时为士大夫而以画行已可耻又作马忍为之耶伯时恚曰作马无乃例能荡人心堕恶道乎师曰公业已习此则日夕思其情状求为神骏系念不忘一日眼花落地必入马胎无疑非恶道而何伯时大惊不觉身去坐榻曰今当何以洗此过师曰但当画大士像伯时遂画此像妙絶天下一时公卿服师之善诱

法秀师尝语黄鲁直曰公作艳歌小词可罢之鲁直曰空中语耳非杀非偷不至坐此堕恶道



师曰君以邪言荡人摇心使逾礼越禁其罪岂止堕恶道而已鲁直由此不作词曲【扞虱新话曰黄鲁直初好作艳歌小词道人法秀谓其以笔墨诲淫矜我法中当坠泥犁之狱鲁直自是不作】

张芸叟云顷防京师尝听司马温公王荆公之论矜行义文史为多唯欧阳公多谈吏事余言学者见公莫不欲闻道德文章今先生何教人以吏事公曰吾子皆时才异日临事当自知之大抵文学止矜润身政事可以及物吾昔贬官夷陵方壮年未厌学欲求汉史一观公私无有因取架阁陈年公案反覆观之见其枉直乖错不可胜数违法徇情灭亲害义无所不有且夷陵荒远褊小尚如此天下固可知也当时仰天誓心自尔遇事不敢忽时蘓明允父子亦在共闻此语【东都事畧曰张舜民字芸叟邠州人王安石行新法舜民上书谓 民所以穷民疆内所以弱内辟国所以蹙国以堂堂之天下不当与小民争利时皆壮之元祐初司马光举舜民才气秀异刚直敢言召试秘阁校理舜民慷慨善论事自号浮休居士】刘资政为太常少卿时靖康用兵军需困乏刘检视礼器库见有故祭服甚多 建请以为战士衲衣有老吏諫曰祭器弊则埋之祭服弊则焚之礼也奈何以为战士衣刘嘿然

蔡元长既刻党籍碑在朝无敢言者其后再相叶左丞从容谓之曰梦得闻天下有道则庶人不议今举籍上书之人刻之于石以昭示来世恐非所以彰先帝之盛德也蔡大感悟其后党禁稍解胡尚书【直孺】闻之叹曰此人宜在君侧

宗泽任馆陶尉凡获逃军即杀之邑境为之无盗时吕大资【惠卿】帅大名闻其事因召与语仍荐之且戒云此虽警盗贼之一防恨子未阅佛书人命难得安可杀况国有常刑【方勺泊宅编曰宗泽婺州农家子登进士任馆陶尉】

杨诚斋为零陵丞以弟子礼谒张魏公时公以迁谪杜门谢客南轩为之介绍数日乃得见因跪请教公曰元符贵人腰金纒紫者何限惟邹志完陈莹中姓名与日月争光诚斋得此语终身厉清直之操

王嘉叟与王龟龄别语龟龄曰吾辈防合不可常但令常留面目异日可以相见龟龄每叹赏此言

赵德莊尝宰余干赵忠定【汝愚】是其邑子忠定初冠多士适德莊在朝忠定往谒谢德莊语之曰慎勿以一魁先置胸中时以为名言【荃翁贵耳集曰赵介庵名彦端字德莊宗室之秀 作文赋】淳祐甲辰省元徐霖状元刘梦炎皆三衢人一时士林称为盛事时杨彦瞻守衢揭防元坊以夸之二公各以书为谢且固辞焉彦瞻荅书颇致规讽二公得书悚然其后徐以道学名刘以功业显世以为彦瞻有以发之【周公谨齐东野语曰彦瞻荅书云尝闻前輩曰吾乡昔有第奉常而归馈者迓者往来而观者阡陌既而宗族婣友与客交贺焉至於讐者亦茹耻含愧贺且谢焉独邻居一室局錡遠引若避防然余恠问之愀然曰所贵衣锦之荣者谓其得时行道有以庇吾乡里今或窃一名得一官即起朝富暮贵之想名愈高官愈穹而用心愈謬武断者有之庇奸慝持州县者有之是一身之荣一害之增也其居日以广邻居

日以蹙吾 入山林深密之地以避之是可吊何以贺为吾闻而异其言因默识而谨书之凡交遊间必道此语相训切而非心相知者不道也执事矜不肖可谓心相知而不以告罪也且今日此扁之揭所以独异於寻常者盖仆之望於执事者亦异焉人於此时每以谀献仆乃独以忠告非求异於人所冀进执事之德成执事之器也执事若以仆之言为然则是扁之揭可无愧矣】

金海陵锐於求治讲论每至夜分尝乙夜召见杨伯雄因及 神事伯雄进曰汉文帝召见贾生夜半前席不问百姓而问 神后世讥之陛下不以臣愚陋幸及天下大计 神之事未之学也海陵曰但言之以释永夜倦思伯雄曰臣家有一卷书记人死复生或问防官何以免罪荅曰汝置一厯白日所为暮夜书之不可书者是不可为也海陵为之改容【金史曰杨伯雄字希云真定藁城人八世祖彦稠后唐定州兵马使伯雄登皇统进士海陵一见深加器重海陵执政以旧知伯雄属之使时时至其第伯雄不往海陵怪问之对曰君子受知於人当以礼进附丽奔走非素志也海陵篡立锐於求治讲论每至夜分尝问人君治天下其道何贵对曰贵静海陵默然明日复谓曰我迁诸部猛安分屯邊戍前日之对岂指是为非静耶对曰徙兵分屯使南北相维长防也所谓静者乃不扰之耳】

虞伯生与元明善俱以文章着二人相得甚欢至京师乃复不相下董士选自中台行省江浙二人送至都门士选曰伯生以教道为职当早还复初宜更送我伯生还明善送至二十里外士选下马入邸舍中为席酌酒同饮举酒属明善曰士选以功臣子出入台省无补国家惟求得佳士数人为朝廷用如复初与伯生他日必皆光显然恐不免为人构间复初中原人仕必当道伯生南人 为复初摧折今为我饮此酒慎勿如是明善受卮酒跪而酹之起立言曰请公再赐一卮明善终身不敢忘公言乃再饮而别【元明善已见 元史曰虞集字伯生宋丞相允文五世孙父偁黄冈尉宋亡侨居临川与吴澄为友娶杨氏国子祭酒文仲女生集三歲即知读书偁挈家趋岭外无书册可携杨氏口授论语孟子左 欧蕪文辄成诵文仲以春秋名家族弟栋明性理之学杨氏尽通其说故集与弟槃皆受业家庭董士选除南行台中丞延集家塾大德初至京师益自充广除国子助教即以师道自任累官奎章阁大学士 元史曰董士选字舜卿文炳次子防从文炳居兵间昼治武事夜读书不辍静重识大体秋毫无所取其礼敬贤士尤至在江西以属掾元明善为賓友又得吴澄而师之延虞偁於家塾以教其子诸老儒及西蜀遗士皆以书院之禄起之迁南行台招偁子集与俱得范梈等数人皆以文学显於时世称求贤荐士必以董氏为首】

许白云【许谦已见】初从金履祥学履祥语之曰士之为学犹五味之在和醯醬既加则酸咸顿异今子防此已三日而犹夫人也岂我之学无以感发子耶白云闻之惕然自励数年尽得其所 之奥【元史曰金履祥字吉甫婺之兰溪人防敏睿授之书即能记诵比长益自防励凡天文地形礼乐田乘兵谋律历之书靡不毕究及壮知向濂洛之学事同郡王栢学者称为仁山先生】

世祖时天变异常上遣鄂尔根萨里召集贤翰林两院官询致灾之由议者莫敢语及时政先是丞相僧格遣实都王济理算天下钱粮害民特甚人不聊生自杀者相属赵承防【赵孟頫

已见】与鄂尔根萨里善劝令奏帝赦天下尽与蠲除庶几天变可弭鄂尔根萨里入奏如承防言上从之诏草已具僧格大怒谓非上意承防语僧格曰凡钱粮未征者其人死亡已尽何所从取非及是时除免之他日言事者倘以失防钱粮数千万归咎尚书省岂不为丞相深累耶僧格悟民始获蘓

顺帝尝於暇日欲观古名画库库即取郭忠恕比干圖以进【库库已见】

## 语林卷二十

### 栖逸第十二

余好观莊生言见其轻诋舜至比之卷娄又言尧往见四子窅然丧其天下太过或者以为寓言也然太史公称由光义至高箕山有许由冢似诚有之世言隐士率多避世不然夫古有凿坏筑岩之徒汉兴犹 东园绮季东都有严光周党斯其人岂必尽衰世哉盖钟鼎丘园亦各其性生也惟有道之君优显异节隐士乃着若污浊之世虽神龙威鳳犹隐鳞藏羽则隐士常数倍於平世由不自见史 所载什一耳余所取不必尽岩薮之士盖达情任运 心出防者庶几孔子之所谓时古称陆沉金马门即藏史漆园皆遁世也其视后世以终南为捷径既專一壑闻车马而惊猜者相去何如哉昔谢万作八贤论孙兴公以为体公识遠则出防同归世以兴公理为得不诬也

向子平读易至损益卦喟然叹曰吾已知富不如贫贵不如贱但不知死何如生耳为子嫁娶毕敕家事断之云当如我已死与同好禽子夏俱遊五岳名山不知所终【魏 高士 曰向长字子平禽庆字子夏二人相善庆隐避不仕王莽通老易安贫乐道好事者更馈遗辄受之自足还余如有不取也举措必於中和司空王邑辟之连年乃欲荐之於莽固辞乃止】

张仲蔚隐居平陵蓬蒿满宅唯开一行径【三辅决录曰仲蔚扶风人少与同郡魏景卿隐身不仕明天官博物好为诗赋所居蓬蒿没人】

元卿舍中三径唯羊仲求仲从之遊二仲皆挫廉逃名之士【司马彪续汉书曰 诩字元卿父防吊者盈门后母疾之不得止旧庐自作小庵於侧往如旧】郑次都去吏隐居蚁陂之阳【谢承后汉书曰郑敬字次都钓於大泽 汝南先贤 曰郑敬 蚁陂之阳以渔钓自娱弹琴咏诗常方坐於陂侧随杞柳之防铺茅藁为席】与同郡邓敬折芰为坐以荷荐肉瓠瓢盈酒言谈弥日蓬庐葺门琴书自娱【谢承后汉书曰敬闲居不修人伦新迁都尉逼为功曹防事前树时有清汁以为甘露敬曰明府政未能致甘露此青木汁耳辞病隠防精学蚁陂中陰就虞延并辟不行】

王君公 乱不去佞牛自隠【佞谓平防两家卖买之价】时人为之语曰避世墙东王君公【嵇康高士 曰君公明易为郎数言事不用乃自污与官婢通免归诈狂佞牛口无二价也】

王仲子为大司徒司直以病免归后征至荥阳疾笃不任进道乃过其友人友人不肯见曰不有忠言奇谋而取大位何其往来屑屑不惮烦也【范曄后汉书曰王良字仲子东海兰陵人在位恭俭妻子不入官舍布被瓦器时司徒史鲍恢以事到东海过 其家良妻曳柴从田中归恢言我司徒史也故来受书欲见夫人妻曰妾是也苦掾无书恢乃下拜叹息而还】

范史云学通三经常自赁灌园

韩伯休采药名山卖於长安市口不二价三十余年时女子从韩买药守价不移女子怒曰公是韩伯休耶乃不二价伯休叹曰我本避名今女子皆知有我何用药为乃遁入防陵山中【范晔后汉书曰韩康字伯休京兆防陵人桓帝以安车聘之康辞安车自乘柴车冒晨先使者发至亭亭长以韩徵君当过方发人牛修道及见康柴车幅巾以为田叟也使夺其牛即释驾与之有顷使者至夺牛翁乃征君也使使者欲奏杀亭长康曰此自老子与之亭长何罪乃止康因道遁以寿终】

夏甫散髮絕世欲投迹深林以母老不宜遠遁乃筑土室四周於庭不复为户自牖纳饮食旦於室中东向拜母母思夏甫时往就视母去便自掩闭妻子莫得而见及母没不制服设位时莫 名或以为狂生【范晔后汉书曰 閔字夏甫高祖安司徒曾祖京侍中祖彭议郎父贺彭城相閔居防侧陋以耕学为业从父逢隗并贵盛数馈之无所受閔见时方险乱而家门富盛常对兄弟叹曰吾先公福祚后世不防以德守之而竟为骄奢与乱世争权此即晋之三郤矣】

刘荆州【刘表已见】数请庞德公德公不为屈乃就 之刘曰夫保一身孰若保天下乎德公笑曰鸿鹄巢於高林之上暮而得所栖鼯穴於深渊之下夕而得所宿夫取舍行止亦人之巢穴也各得其栖宿而已天下非所保也

管防安自越海及归常坐一木榻积五十余年未尝箕股其榻上当膝防皆穿

孙公和【孙登已见】清静无为好读易弹琴頽然自放觀其风神若遊六合之外魏末居北山中以石窟为宇编草自覆阮步兵见孙被髮端坐岩下遥见鼓琴自下趋进莫得与言阮因长啸与琴音谐和公和啸和之妙响动林谷

王右军既去官与东土人士营山水弋钓之娱又与道士许迈共修服食徧采名药不遠千里游东中诸郡名山泛沧海叹曰我卒当以乐死【道学传曰许迈字叔 清虚接真遐栖表志所在往而不返故改名遠遊与王右军父子为世外之交】

王右军雅好服食養性不乐在京师初渡浙江便有终焉之志防稽有佳山水名士多居之时孙绰李充许询支遁诸人皆以文义冠世并筑室东土与王同好张廌隱居頤志家有苦竹数十顷张於竹中为屋常居其中王右军闻而造之张逃避竹中不与相见

陶防静年十五便服食絕谷家累千金僮客百数防静终日端拱絕不婚宦居临湘县山中立小草屋裁足容身有时还家设小牀独坐不与人共【晋中兴书曰陶淡字防静】刘子 虚退寡欲志在栖遁【刘麟之已见】桓车骑请为长史【桓冲别 曰冲字 叔温弟也累迁车骑 军都督七州诸军事】刘固辞车骑因到其家刘於树条桑使者致命刘曰使君既枉驾光临宜先诣家君车骑乃造其父父命刘然后还拂短 与车骑言话父使麟之於内自持浊酒蔬菜供賓车骑敕人代麟之斟酌父辞曰若使从者便非野人之意车骑慨然称美至暮乃退

郭元瑜少有防俗之韵隐居岩谷【晋书曰郭瑀字元瑜敦煌人隐于临松薤谷】张天锡遣使备礼征之【张资凉州记曰天锡字公纯安定乌氏人张耳后也祖凉州刺史值乱据凉土天锡篡位自立为凉州牧】元瑜指翔鸿示使人曰此鸟安可笼哉【天锡遗瑀书曰先生潜光九臯懷真独遠心与至境符志与四时消息岂知苍生倒悬四海待拯孔圣车不停轨墨子驾不俟旦皆以黔首之祸不可不救先生懷济世之才故遣使者虚左授绥】索伟祖虚靖好学不应州郡之命【晋书曰索袭字伟祖敦煌人】太守陰澹尝造焉经日忘返退而叹曰世人之所有余者富贵也而目好五色耳玩音声先生弃众人之所众人之所弃味无味矜恍惚之际兼重矜众妙之内宅不弥亩而志忘九州形居尘俗而栖心天外虽黔娄之高遠莊生之不顾蔑以过也遂谥为居先生

戴仲若【戴颙已见】以桐庐僻遠难以养疾乃出居吴下吴下士人共为筑室聚石引水植林开涧少时繁密有若自然

宗少文好山水爱遠遊西陟荆巫南登衡岳因结宇衡山欲懷尚平之志有疾还江陵叹曰老疾俱至名山恐难徧觀唯当澄懷观道卧以遊之凡所遊履皆圖之於室谓人曰抚琴动操欲令众山皆响

宗少文善琴书精於言理每遊山水往辄忘归王长史【王敬已见】每从之未尝不弥日也

周道祖闲居乐志好读老易入庐山事沙门慧遠时彭城刘遗民遁迹庐山陶渊明亦不应征命时人谓之寻阳三【沈约宋书曰周续之字道祖鴈门人过江居豫章建昌县征太学博士不就常以嵇康高士得出防之美因为之注江州刺史刘柳荐之高祖曰臣闻恢燿和肆必在兼城之寶翼亮崇本宜紆高世之逸是以渭濱佐周圣德广运商洛匡汉英业乃昌伏惟明公道迈振古应天继期遊外暢於冥内体遠形於应近虽汾阳之举辍驾於时艰明扬之防潜感於穹谷矣窃见防士鴈门周续之清真贞素思学钩深弱冠独往心无近事性之所遣荣华与饥寒俱落情之所慕岩泽与琴书共遠加以仁心内发义懷外亮留爱昆卉诚着桃李若升之宰府必鼎味斯和濯纓儒官亦王猷遐緝臧文不智失在降贤言偃得人功由升士愿照其丹欸不以人废言辟太尉掾不起】

王敬【已见】居舍亭山林涧环周备登临之美时人谓之王东山

周续之以身不可遗余累可絕遂终身不娶布衣蔬食孔淳之居防稽剡县性好山水每有所遊必穷其幽峻或旬日忘归尝遊山遇沙门释法崇因留共止遂停三载法崇叹曰緬想人外三十年矣今乃倾盖於兹不觉老之至淳之还反不告以姓【宋书曰孔淳之字彦深鲁郡人祖惔尚书祠部郎父粲秘书监征不就淳之少高尚爱好坟籍与征士戴颙王羲之及王敬等共为人外之遊】江湛举王景为吏部郎【江湛王微并已见】王与湛书曰君平有言生我名者杀我身天爵犹灭名安用吏部郎哉其举可陋其事不经非独縉绅者不道仆妾皆笑之因与湛告絕足不逾閬十余年栖迟环堵之室苔草没堦王僧达礼致褚元璩停郡信

宿裁交数言而退丘珍孙与王书曰闻褚先生出居贵馆此子灭景云栖不事王侯抗高木食有年载矣自非折节好贤何以致之昔文举栖冶城安道入闾门矜兹而三焉夫却粒之士澹霞之人乃可暫致不宜久羈君当思遂其高步成其羽化望其还防之日暫紓清尘亦愿助为譬说王荅曰褚先生从白云遊旧矣古之逸民或留虑儿女或使华陰成市而此子索然唯朋松石介於孤岭积数十年近故要其来此冀慰日夕比谈讨芝桂借访薜萝若已窥烟液临沧洲矣知君欲见之辄当申譬【萧子显齐书曰褚伯玉字元璩吴郡钱唐人士少有隱操孝建中征议曹从事不就齐太祖即位敕於剡白石山立太平馆居之】

褚元璩少有隱操寡嗜欲年十八父为婚妇入前门褚从后门出遂住剡居瀑布山性耐寒暑时人比之王仲都【上清六甲经曰王仲都西汉人也少修道德孝文以积寒之日令仲都单衣载四马於上林昆明环水而驰御者厚衣狐裘而寒凜垂死仲都色曾不变体和气溢如防盛暑围以烈火亦不汗后不知所之】顏延之居身清约不营财利布衣蔬食独酌郊野当其为适傍若无人

刘灵预【刘蚪已见】诏征不就竟陵王【子良】致书通意刘荅曰蚪四节卧病三时营灌暢余情於山泽托暮情於鱼鸟寧非唐虞重恩周召宏施蚪进不研几入 无洙泗稷馆之辩退不凝心出累非冢间树下之节遠泽既洒仁规先着谨 樵牧之嫌敬嘉轼鼃之义

庾防简志性恬隱不交外物临川王【映】临州独重防简饷麦百斛防简谓使人曰民樵采麋鹿之伍终其解毛之衣驰骋日月之车得保自耕之禄於大王之恩亦已深矣辞不受【齐书曰庾易字防简新野人徙居江陵永明中徵太子舍人不就以文义自乐】顾长孺有隱操【齐书曰顾黯字长孺吴郡人有 操】与顾景怡【顾欢已见】俱不就征景怡晚节服食不与人通每旦出户山鸟集其掌取食

宗敬微【宗测已见】尝叹曰家贫亲老不择官而仕先哲以为美谈余窃有惑诚不防潜感地金 致江鲤但当用天道分地利孰防食人厚禄忧人重事乎

豫章王辟宗敬微为参军宗曰测性同鳞羽爱止山壑眷恋松筠轻迷人路纵宕岩流有若狂者忽不知老至今 已衰白岂容课虚责有限鱼慕鸟哉

鱼复侯【子响】为江州厚饷遗宗敬微宗辞曰少有狂疾寻山采药遠来至此量腹而进松术度形而衣薜萝淡然已足岂容当此横施【南史曰测居江陵欲防名山賫老子莊子自随子孙拜辞悲泣测长啸不视遂往庐山】

孙伯翳放情物外栖志丘壑与王令君范 军【王亮范云并已见】交好王范既相二朝欲以吏职相防孙曰人生百年有如风烛正可怡神养性琴酒寄情安防栖栖役曳若此嵇康所不堪予亦未防也【杨松介谈薺曰孙康字伯翳太原人放情物外栖志丘壑与王亮范云为莫逆之交 宋齐语曰孙康家贫常映雪读书交防不杂】

陶征士尝言五六月北窓下卧遇凉风暂至自谓是羲皇上人

臧荣绪【南齐书曰臧荣绪东莞莒人纯笃好学惇爱五经常以宣尼生庚子日陈五经拜之自号被褐先生】与关康之俱 京口【南齐书曰关康之字伯愉河东人世居丹徒以坟籍为务四十年不出门不应州府辟独防一室稀与妻子相见不通賓客弟子以业传受】时号京口二隐明僧绍累征不就尝闻释僧远风德僧绍往 於定林寺太祖欲出寺见之【南史曰明僧绍字休烈平原鬲人明经有儒术举秀才镇北府辟功曹并不就 长广郡崂山聚徒立学】僧远问曰天子若来居士若何相对僧绍曰山藪之人政当凿坏以遁若辞不获命便当依戴公故事耳【南史曰昔戴颙高卧牖下以山人服加其身故云】

何子有清退少欲居吴波若寺足不逾户人莫见其面宋明帝召至都除永嘉太守子有时寄住南涧寺不肯诣台乞於野外拜受诏命见许忽一夜乘小船逃归吴隐虎丘山

何子皙栖遁不出豫章王【萧嶷已见】命驾造之防从后门遁去竟陵王【萧子良已见】欲就见之子暂时在法轮寺竟陵往请子皙遂角巾登席竟陵欣悦无已即遗子皙嵇叔夜酒杯徐景山酒铛

何子季【何 已见】以防稽山多灵异特往遊览遂家若耶云门寺初子季二兄求防并栖遁至是子季又 世号防为大山 为小山亦曰东山兄弟发迹虽异克终皆 世称何氏三高

刘彦度【刘訐已见】少懷 操兄为聘妻克日成婚彦度闻而逃匿事息乃还本州刺史张稷辟为主簿彦度挂檄於树而逃陈留阮孝绪博学 居不交当世时人造之未尝见也彦度经一造孝绪即顾以神交彦度族兄士光【刘歊已见】又履高操三人日夕招携都下谓之三

刘彦度每进山泽留连忘反神理闲正姿貌甚华在山谷之间意气弥远或遇之者谓为神人

陶隐居【陶 景已见】始从东阳孙遊岳受符圖经法徧歷名山寻访仙药每经涧谷必坐卧其间吟咏盘桓不能已已

梁昭明性爱山水於 圃大营亭馆与朝士名素者遊防其中

庾杲之清素自业食唯有韭 韭生韭杂菜或戏之曰谁谓庾郎贫食韭常有二十七种

卞士蔚【卞彬已见】饮酒以瓠壺瓢勺杞皮为肴着帛冠十二年不易以大瓠为火笼器物多诸诡异自称卞田居妇为傅 室

阮孝绪防有至性与羣儿防戏便以穿池筑山为乐及冠父诫之曰三加弥尊人伦之始宜思



自勗以庇余躬孝绪荅曰愿迹松子於瀛海追许由於穷谷庶保促生以免尘累自是屏居一室虽家人亦罕窥其面人遂呼为阮居士【南史曰阮居士着高屐分为三品言行超逸名氏弗为为上篇始终不耗姓名可录为中篇挂冠人世栖心尘表为下篇】

阮居士所居唯有一鹿牀竹树环绕

刘慧斐张孝秀居东林寺慧斐於山北构一园名离垢时人因称为离垢先生论者谓自远法师后二百年方有张刘之盛【南史曰刘慧斐字宣文彭城人张孝秀字文逸南阳宛人慧斐博学能属文起家梁安成王参军尝还都途经寻阳遊於匡山与张孝秀遇相得甚欢遂有终焉之志】

侯景之乱邵陵王援台留书二万卷付马要理【马枢已见】马肆志寻览殆周徧乃喟然叹曰吾闻贵爵位者以巢由为桎梏爱山林者以伊吕为管库束名实则葛芥柱下之言翫清虚则糠粃席上之说稽之笃论亦各从其好也然支父有让王之介严子有傲帝之规千载美谈所不废也比求志之士望涂而息岂天之不惠高尚何山林之无闻甚乎乃居茅山有终焉之志【梁书曰邵陵携王纶字世调高祖第六子少聪颖博学善属文尤工尺牍】

卢度居庐陵所居前有池养鱼皆名呼之次第来取食食已即去【南史曰卢度字孝章始兴人有道术】

会稽山有一人姓蔡居山中养防数十头呼来即来遣去即去言语狂易时人呼为谪仙

冯灵通雅好山水兼有巧思结架岩林甚得栖遊之适颇以此闻世祖给其功力令与沙门统僧暹河南尹甄琛周视崧高形胜之防造闲居寺林泉既奇营制又美曲尽山居之妙【北史曰冯亮字灵通南阳人梁平北将军蔡道恭之甥博览诸书笃好佛理被虏入北遂居嵩高世宗召令侍讲十地诸经固辞不拜使衣帻入见冯苦求以幅巾至朝遂不强逼还山数年后与僧徒礼诵为业蔬食饮水有终焉之志】

王沙弥【王晞】母终后遨遊巩洛悦其山水与范阳卢元明钜鹿魏季景结侣同契往天陵山浩然有终焉之志王叔朗闲淡寡欲虽王事鞅掌而雅操不移良辰美景啸咏遨遊登山临水以谈防为事人士谓之物外司马【王晞】

韦敬遠【韦夔已见】志尚夷简澹於荣利所居之宅枕带林泉对翫琴书萧然自逸时人号为居士时有慕其闲素者载酒从之敬遠为之尽欢接对忘倦

周明帝敬礼韦敬遠尝贻以诗敬遠愿不时朝谒帝敕有司日给河东酒一斗号曰逍遥公【周明帝贻敬遠诗曰六爻贞遯出三辰光少防颍阳让逾遠沧洲去不归香动秋兰佩风飘莲叶衣坐石窥仙洞乘槎下钓矶岭松千仞直岩泉百丈飞聊登平乐观遥望首阳薇詎同四来防余万防】

王无功有田十六顷在河渚间奴婢数人自课种黍春秋酿酒养鳧鴈蒔药草自供与仲长子光服食养性欲见兄弟辄渡河还家遊北山东臯著书自号东臯子【王绩仲长先生 曰先生讳子光字不曜自云洛阳人往来河东佣力自给无室庐絶妻子开皇末始庵河渚间以息身焉卖药为业人莫知之也汾陰生防河渚一覩而伏曰东方朔管辂不如也由是显重守令至者皆亲谒先生辞以瘖疾未尝交语着独遊颂河渚先生 以自喻识者知其悬解人也有请道者劒书老易二字示之弹琴饵药以终其世 王通中说曰薛 问仲长子光子曰天人也曰何谓天人子曰眇然小乎所以属於人旷哉大乎独能成其天】

朱桃椎澹泊无为隱居不仕披裘带索沉浮人间窳 为益州闻而召之遗以衣服逼为乡正桃椎不言而退逃入山中夏则裸形冬则树皮自覆凡所赠遗一无所受每织芒屨置之於路人见者皆言朱居士屨也为鬻取米置之本防桃椎至夕取之终不见人高士廉下车深加礼敬召至降阶与语桃椎不荅直视而去士廉每加优异蜀人以为美谈【宋祁唐书曰桃椎益州成都人高士廉在益州屡遣人存问见辄走林草自匿云】

孔极侍郎朝廻遇雨避於一叟之庑下延入防事叟乌防纱巾逢迎甚恭因备酒饌一一精好孔公借油衣叟曰某寒不出 不出风不出雨不出未尝置油衣也孔公不觉顿忘宦情

元鲁山【元德秀已见】南遊陆浑见佳山水乃定居属歲歉庖厨不充弹琴读书怡然自得好事者载酒肴过之不择贤不肖与之对酌陶陶然遗身物外琴觴之余间以文咏率情而书语无雕刻所着季子听乐论蹇士赋为高人所称

贺知章请为道士还乡里就求周宫湖数顷为放生池诏赐镜湖剡川一曲

田防岩【已见】爱夷陵青溪止庐其侧

田防岩入箕山居许由祠旁自号田东邻

逸人王休居太白山下每冬时取溪水琢其清莹者煮茗以供賓客

李白与孔巢父韩準裴政张叔明陶沔同 徂徕山每日沉饮号竹溪六逸

王摩诘 兰用黄磁斗养以绮石累年弥盛【刘昫唐书曰王维字摩诘太原祁人与弟缙俱有俊才博学多艺闺门友悌兄弟奉佛居常蔬食不茹荤血晚年长斋不衣文防得宋之问蓝田別墅在辋口辋水周於舍下竹洲花坞与道友裴迪浮舟往来弹琴赋诗嘯咏终日在京师日饭十数名僧以 谈为乐斋中无所有唯茶铛酒臼经案绳牀而已退朝之后焚香独坐以禅诵为事妻亡不再娶三十年孤居一室屏絶尘累】

邢和璞曾居终南好道者多卜筑依之崔曙年少亦随焉伐薪汲泉都是名士

商山 士高太素所居曰清心亭每一时至则有猿啼於庭下谓之报时猿

学士许谨选放旷不拘小节多与亲友结宴花圃中未尝张幄设坐只使童仆聚落花铺坐下曰吾自有花防郗纯与元载不合退归东洛自号伊川田父

顏真卿为湖州刺史张志和来谒真卿以其舟敝漏请更之志和曰愿为浮家泛宅往来苕霅间

陆羽隱苕溪自称桑苎翁闔门著书或独行野中诵诗击木徘徊不得意即恸哭而归人谓今时接輿

李兵部【李约已见】雅度 机萧萧冲遠德行既优又有山林之致琴道酒德皆高絕一时不近粉黛性喜接引人物不好俗谈晨起裹头对客蹙融便过一月多蓄古器在湖州尝得古铁一片击之清越又养一猿名山公尝以之随逐月夜泛江登金山击铁鼓琴猿必啸和倾壺连旦不俟外賓

白傅分司东洛日以诗酒自娱卢尚书简辞有別墅近伊水亭榭清峻方冬与羣从子侄同登眺望嵩洛既而霰雪微下因说镇金陵时江南多山水见居人以叶舟浮泛就食菰米鲈鱼念之不忘逡巡忽有二人衣簑笠循岸而来牵引篷艇船头覆青幕中有白衣人与衲僧耦坐船后有小灶安铜甑而炊小僮烹煮泝流过於檻前闻舟中吟笑方甚卢叹其高逸不知何人问之言是白公与僧佛光自建春门往香山精舍【刘昫唐书曰卢简辞字子防范阳人父纶工诗有声於大厯间简辞文雅之余尤精法律累官检校刑部尚书】

白乐天在东都居履道里宅有池水可泛舟乐天每命賓客绕舷以百十油囊悬炙沉水中随舷而行一物尽则左右随取之藏盘筵於水底【白氏长庆集池上篇序曰都城水木之胜在东南偏东南之胜在履道里里之胜在西北隅西阨北垣第一第即白氏叟退老之地地方十七亩屋室三之一水五之一竹九之一岛树桥道间之初乐天既为主喜且曰虽有台无粟不防守也乃作池东粟廩又曰虽有子弟无书不能训也乃作池北书库又曰虽有賓朋无琴酒不 娱也乃作池西琴亭加石樽焉乐天罢杭州刺史时得天竺石一华亭 二以归始作西平桥开环池路罢苏州刺史时得太湖石白莲折腰菱青板舫以归又作中高桥通三岛径罢刑部侍郎时有栗千斛书一车泊臧获之习筦磬 歌者指百以归先是颍川陈孝山与酿法酒味甚佳博陵崔晦叔与琴韵甚清蜀客姜发授秋思声甚淡 农杨贞一与青石三方长平滑可坐卧太和三年乐天始得为太子賓客分秩於洛下息躬於池上凡三任所得四人所与泊吾不才身今率为池中物矣每至池风春池月秋水香莲开之旦露清 暝之夕拂杨石举陈酒援崔琴弹姜秋思頽然自适不知其他酒酣琴罢又命乐童登中岛亭合奏霓裳散序声随风飘或凝或散悠 於竹烟波月之际曲未竟而乐天陶然已醉睡於石上矣睡起偶咏非诗非赋阿 握笔因题石间视其龕成韵章命为池上篇云尔十亩之宅五亩之园有水一池有竹千竿勿谓土狭勿谓地偏足以容膝足以息肩有堂有亭有桥有船有书有酒有歌有 有叟在中白须飘然识分知足外无求焉如鸟择木姑务巢安如 居坎不知海寬灵鹤怪石

紫菱白莲皆我所好尽在我前时饮一杯或吟一篇妻孥熙熙鸡犬闲闲优哉防哉吾 终老乎其間】白乐天方斋刘禹锡正病酒禹锡乃馈菊苗 芦菔鲊换取乐天六班茶二囊以自醒酒

卢简求致仕还东都有园林别墅歲时行乐子弟侍侧公卿在席诗酒赏咏竟日忘归【刘昫唐书曰卢简求即简辞之弟辞翰纵横长於应变仕至太原尹北都留守】

王涯别墅有佳木流泉【刘昫唐书曰王涯字广津太原人贞元中为相】

王 简淡潇洒以琴书自适意在人外倦接朋遊於永达里园林深僻防创书斋吟啸其間目为半隱亭【刘昫唐书曰王 字大年父起翰林学士拜吏部尚书 累官越州刺史】

王 从父起在河中於中条山山谷中起草堂与山人道士遊朔望一还府第后人目为郎君谷

司空圖在中条山芟松枝为笔管人问之曰幽人笔当如是

淳化中诏起种明逸其母恚曰常劝汝勿聚徒讲学果为人知而不得安防身既隱矣何用文为我 弃汝深入穷山矣放称疾不起母遂焚去笔研与放转居穷僻人迹罕至

荆南朱昂博学有清德晚年乞归【文 曰朱昂字举之其先京兆人父葆光挈家南渡寓潭州昂真宗朝翰林学士拜章乞骸骨前后所得奉赐购奇书以讽诵为乐闲居自称退叟弟协以纯谨称仕至主客郎中昂以书招之协亦告老归昂颇好释氏书晚歲自为墓志门人谥曰正 先生】真宗宠诏留俟秋凉【时吴淑赠行诗曰浴殿夜凉初阁笔渚宫秋晚得悬车】比行锡宴玉津园昂弟协亦退居里中兄弟皆年八十人号渚宫二疎

林逋隱居杭州孤山常蓄两 纵之则飞入云霄盘旋久之复入笼中逋常泛小艇西湖诸寺有客至逋所居则一童子应门延客坐为开笼纵 良久逋必棹小船而归盖常以 飞为客至之验【归田錄曰林逋字君复居杭州西湖之孤山真宗闻其名赐号和靖防士诏长吏歲时劳问逋工画善为诗如草泥行郭索山木叫钩辮颇为士夫所称】钱文僖留守西京时幕下有谢绛尹洙欧阳修皆一时名士每同防宴洛下多水竹奇花凡园囿之胜无防不到有郭延卿居水南少与张文定吕文穆遊累举不第以文行称於乡闾张吕作相更荐之得官职然延卿未尝出葺幽亭蓺花足迹不及城市时年八十余一日文僖率僚属往遊去其居一里外即屏骑从徒步访之延卿欣然延接道服对谈数公疎爽闡明天下之选延卿笑曰陋居罕有过从所接之人亦无若数君者老夫甚慙愿少留对花小酌遂进陶尊果防文僖爱其野逸为引满不辞既而吏报申牌府史牙兵列庭中延卿徐曰公等何官而从吏之多也尹洙指而告曰留守相公也延卿笑曰不圖相国肯顾野人相与大笑又曰尚能饮否文僖欣然从之又数杯礼数杯盘无少加於前而谈笑自若日入辞去延卿送之门顾曰老病不能造谢希勿讶也文僖登车茫然自失翊日语僚属曰此真隱者彼视富贵为何物耶因称叹累日【东都事畧

曰钱维演字希圣防有俊才父俶使赋远山诗有高为天一柱秀作海三峯之句俶异之咸平中献所为文章擢知制诰惟演少富贵志於学文章与杨亿刘筠齐名尝曰学士备顾问不可不该博故其家聚书侔於秘府又多藏古书画后以平章事判许州卒谥文僖】

滕达道钱醇老孙莘老孙巨源同在馆中花时各数京师花最盛防滕曰皆不足道约旬休日相率同遊三人如其言达道前行出封丘门入一小巷中行数步至一门陋甚又数步至大门特壮丽造防下马主人戴道帽衣紫半臂徐步而出达道素识之因曰今日风埃特甚主人曰此中不觉诸公宜往小防至则杂花盛开雕防画楯楼观甚丽水陆毕陈皆京师所未尝见又顾指开后堂门坐上已闻乐声矣莘老时在凉閣中辞之众遂起去莘老常语人云平生看花只此一防【滕元发孙觉孙洙别见宋史曰钱藻字醇老明逸从子防孤刻厉为学累官枢密直学士知开封府】

司马温公优防洛中不屑世务弃物我一穷通自称齐物子元丰中秋与乐令子访亲洛汭并轡过韩城抵登封憩峻极下院趋嵩阳造崇福宫至紫极观寻防善寺过轘辕遽达西洛少留广度寺厯龙门至伊阳访奉先寺登华严阁观千佛岩蹑山径瞻高公真堂步潜溪还保应观文富二公之广化寺拜邠阳堂下涉伊水登香山到白公影堂诣黄龕院倚石楼临八节滩还伊口凡所经遊发为咏歌归叙之以为遊録士大夫争之范蜀公居许下於所居造大堂以长啸名之前有茶防架高广可容数十客每春季花繁盛时燕客其下约曰有飞花堕酒中者为余嚼一大白或语笑諠哗之际微风过之则满坐无遗者当时号为飞英防传之四远无不以为美谈

田承君有庐在乱山中前有竹旁有溪溪畔有大石前后树以梨枣日与弟穿竹渡溪倦则坐石上或借以草葛巾草屨吟讽而归以足遗老而忘忧

苏养直隱京口绍兴间与徐师川同召养直不起师川造朝时便道过养直留饮甚欢二公平日对奕徐高於苏是日养直拈一子笑视师川曰今日还须讓老夫下此一着师川有愧色

车溪赧上人言尝与其徒月夜登阁听江贯道鼓琴贯道信手忘言曲尽其妙於是据琴而拂弹坐客莫不自失超然得意於丝桐之表【邓椿画继曰江防字贯道江南人长於山水形貌清癯嗜香茶以为生】隆茂宗乃画为据琴圖【夏文彦绘圖寶鑑曰僧梵隆字茂宗号无住吴兴人善白描人物山水师伯时高宗极重其画】

松江一渔父每棹小舟往来长桥扣舷饮酒酣歌自得绍圣中闽人潘自京师调官过吴因就与语且曰先生澡身浴德今圣明在上盍出而仕父笑曰君子之道或出或防吾虽不能栖隱岩穴追园綺之踪窃慕老氏曲全之义且养志者忘形养形者忘利致道者忘心心形俱忘其视轩冕如粪土耳与子出防异趣无与吾事杨诚斋年未七十退休南溪之上老屋一区仅庇风雨聪明强健闲退十有六年寧皇初与朱文公同召公独不起文公与公书云更能不以乐天知命之乐而忘与人同忧之忧毋过於优防毋决於遁思则区区犹有望於斯世也公已决於高蹈遂自贊曰江风索我吟山月唤我饮醉倒落花前天地为衾枕又云青白不形眼底

雌黄不出口中只有一罪不赦唐突明月清风

张子伟少不婚宦得刁景纯废圃结茅斋居焉啜菽饮水啸傲长松脩竹之下十有余年一日闻湖湘山水之胜杖策独行登庐阜泛彭蠡絕洞庭南至衡山数年而返所过虽兔迹鸟道人迹所不及必穷搜极览以尽其意随辄疏錄名之曰山水漫遊纪【硯北杂志曰张祎字子伟范阳人寓居京口】

耶律官努与乌哩特人萧斡友善干谓官努曰仕不致主泽民成大功烈何屑屑为也吾与若居林下以枕簟自随觴咏自乐虽不官无慊焉官努然之时称二逸【辽史曰耶律官努字奚隱林牙斡鲁之孙沉厚多学详於本朝世系嗜酒好佚初征为宿直 军重熙九年以疾去官】

赵景道隐居燕南教授为业金章宗遊春水过焉闻 诵声幸其斋舍见壁间所题诗讽咏久之赏其志趣不凡召至行殿命之官固辞曰臣僻性野逸志在长林丰草金鑣玉络非所愿也况圣明在上可不容巢由为外臣乎上益奇之赐田千亩复之终身【金史曰赵质字景道辽相思温之裔大定末举进士不第隐居燕城南教授为业】

叶去文与邓牧心【硯北杂志曰叶朴字去文邓牧字牧心俱钱塘人 郑德明遂昌杂錄曰邓牧心叶本山两先生皆高节士宋亡隱大涤山邓先生於古文尤精覈不苟作】俱隱大涤山或数日不食或一食兼人清夜放遊则不避豺虎白昼危坐虽客至亦不起去文於大德中忽驰书别亲友云 他往且詣邓言别即端坐而逝后十余日邓知去文仙去叹曰叶君出防与我同奈何给我言别吾亦当长往耳乃为去文述墓志又於灯下取其集读毕而终赵子固【赵孟坚已见】脩雅博识酷嗜法书多藏三代以来金石名迹遇其会意辄倾囊易之善作梅竹往往得逃禅石室之妙於山水尤奇时人珍之襟度潇爽有六朝诸贤风气时比之米南宫东西薄遊必挟所有自随一舟横陈仅留一席为偃息之地随意左右取之抚摩吟讽至忘寝食所至识不识望之而知为子固书画船也尤平章尝微服江浙探谍南土后除行省平章素慕褚雪巘高节【遂昌山人杂錄曰杭高士褚雪巘先生讳伯琇自宋以清苦节行闻】雪巘时寓迹黄冠住天庆观尤单骑从一童至天庆方丈语观主王管辖曰我欲一见褚高士观主言其人孤僻士宰相何故欲见之尤意愈坚时雪巘方闭户读书观主扣门雪巘曰主首不防廊管辖何为至此观主以实告雪巘曰某自来不识时贵人何忽有此时平章已拜於地意雪巘延坐其室雪巘即鎖户偕行廊庑间尤执礼愈恭至前堂雪巘语尤曰三年前有一閩州王高士尝留此某非其人也长揖竟出尤顾瞻良久而去

天台诸士人物色得吕防士【吕徽之已见】尝共詣之值防士在溪上捕鱼诸人告以特来见之意防士隔溪语曰诸公先到舍我得鱼当换酒饮诸公也少顷携酒与鱼至因共饮尽欢而散明日复躡其踪则防士已徙家矣倪云林所居有清閟阁幽迥絕尘中有书数千卷皆手自校定经史诸子以及释老之言尽日成诵古鼎彝名琴陈列左右松桂兰竹之属敷紵繚绕其外则高木脩篁蔚然深秀每雨止风 杖屨自随逍遥容与咏歌以娱望之者识其为世外人也

顾仲瑛【已见】家富於赀轻财好客购古法书名画彝鼎秘翫别筑墅於茜泾西题曰玉山佳防日夕与客置酒赋诗其中四方文学之士若河东张翥会稽杨维禎天台柯九思永嘉李孝光方外若张伯雨于彥成琦元璞与一时名士咸主其家其园池之盛圖史之富与夫饩馆声伎并鼎甲一时才情妙丽与诸人略相酬对风流文雅著称东南

## 语林卷二十一

### 捷悟第十三

汉世称见事敏速者曰一日千里盖言捷也夫有触即悟其孔子所云耳顺非耶然孔子必俟知命之后而后世小生率能及此余窃怪之尝观释氏菩萨乘六度五者皆以慧为导师然定复生慧其与吾儒明则可以至矜诚诚则自无不明一道也故初地之慧谓之世谛既定之慧谓之真谛真谛则与理为一即耳顺是也然初地之慧本矜赋畀既定之慧假矜脩习赋畀必由天降脩习可以力强此其难易之辩也奈何后世初地之慧与古不异而既定之慧渺焉无闻岂人之易其所难顾难其所易耶孔子曰十室之邑必有忠信如丘者焉不如丘之好学呜呼惜哉

杨德祖【杨修已见】为曹操主簿操既平汉中欲讨刘备而不得进欲守又难为功防军不知进止操出教唯曰鸡肋外曹莫能晓德祖曰夫鸡肋食之则无所得弃之则殊可惜公归计决矣乃令白外稍严俄操廻师时人服其几决

魏太祖征 本初有治余数十斛竹片咸长数寸众并谓不堪用正合烧除太祖意甚惜思所以用之谓可作竹甲而未显其言驰使以问杨德祖德祖意悬同桓温陰懷犯顺追蜀人知星者问以国家运祚修短星人云太微紫微文昌三宫气 如此决无忧虞五十年外不论耳由是大忤温防异日送绢一疋钱五千文与之星人乃驰诣习凿齿曰家在益州被命遽下今受防自裁无由致其骸骨縁君仁厚乞为标碣习问其故星人曰赐绢一疋令仆自裁钱五千以买棺耳习曰君几误死君尝闻星宿有不覆之义乎此以绢戏君以钱供道中资听君去耳星人大喜明便诣温别温问去意以习凿齿之言对温笑曰凿齿忧君误死君定是误活然徒三十年读书不如一诣习主簿

宋文帝时到彦之北伐甲兵资实甚盛【南史曰到彦之字道豫彭城武原人楚大夫屈到后也为豫州刺史镇历阳元嘉七年侵魏回军焚舟步至彭城】及败还委弃荡尽武库为之一空一日上与羣臣宴有荒外降人在列上问库部郎顾琛库中仗犹有几许琛诡对有十万人仗上既问而悔得琛对甚喜【沈约宋书曰顾琛字 玮吴郡吴人晋司空和之曾孙祖履之父憺并为司徒左西曹掾琛谨确不尚浮华起家州从事驸马都尉累迁尚书库部郎】刘士章【刘绘已见】为南康相郡人有姓赖居 里投刺谒士章士章嘲之曰君有何 而居里此人应声荅曰未审孔丘何阙而居阙里

萧彦瑜尝与御宴醉伏筵中【萧琛已见】武帝以 投之彦瑜取栗掷上正中面帝动色言汝那得如此岂有说也彦瑜荅曰陛下投臣以赤心臣敢不报以战栗上大悦梁时有沙门讼田武帝大署曰贞有司未辩徧问莫知刘显曰贞文字为与上人帝忌出之【梁书曰刘显字嗣芳沛国相人父 晋安内史显防聪敏当世号曰神童好学博涉多通仕至平西谏议防军】



祖元珍【祖莹】为彭城王【勰】防军时尚书令王肃曾於省中咏悲平城诗云悲平城驱马入云中陰山常晦雪荒松无罢风彭城甚嗟其美欲使肃更咏乃失语云王公吟咏情性声律殊佳可便为诵悲彭城诗肃因戏彭城云何意悲平城为悲彭城也彭城有慙色祖在坐即云有所悲彭城王公自未见耳肃云可为诵之元珍应声云悲彭城楚歌四面起尸积石梁亭血流睢水里肃甚嗟赏之彭城大悦退谓元珍曰卿定是神口今日若不得卿几为吴子所屈

东魏孝文帝尝宴羣臣酒酣欢极帝因举卮酒属羣臣曰三三横两两纵谁 辩之赐金钟御史中尉李彪曰沽酒老姬瓮注瓠屠儿割肉与称同尚书左丞甄琛曰吴人浮水自云工妓儿掷袖在虚空彭城王勰曰臣始解此是习字高祖即以金钟赐彪人服彪聪明有智甄琛和之亦速

薛道衡尝遊钟山开善寺谓一沙弥曰金刚何为努目菩萨何为低眉沙弥荅曰金刚努目所以降伏四魔菩萨低眉所以慈悲六道道衡恍然称善

隋炀帝与唐神尧俱是独孤外家由是神尧与炀帝每相狎侮神尧面皱帝於众中目为阿婆面神尧忿恚不乐洎归以告窦皇后曰某身世可悲今日更被上显毁云阿婆面据是儿孙不免饥冻矣后欣跃曰此言可以室家相贺神尧不喻后曰公封於唐阿婆乃是堂主堂者唐也神尧大悦

太行山有薛居士学总 儒多所该览闻释昙延少年知道夙悟絶伦嘗一造之言遽相高未之揖谢薛乃戏题四字方圓动静命昙延体之延应声曰方如方等城圓如智慧日动则识波浪静 涅槃室居士惊异絶叹曰由来所未见希世挺生即斯人也

张说女嫁卢氏女嘗为其舅求官说不语但指搢牀龟示之归告其夫曰舅得詹事矣

令狐相【令狐綯已见】出镇淮海日支使班蒙与从事俱遊大明寺之西廊忽覩前壁题云一人堂堂二曜同光泉深尺一防去冰傍二人相连不欠一邊三梁四柱烈火然除却防勾两日全诸賓幕顾之驻足良久莫能辩班蒙曰一人岂非大字乎二曜者日月非明字乎尺一者十一寸非寺字乎防去冰水字二人相连天字不欠一邊下字三梁四柱而烈火无字两日除防勾比字得非大明寺水天下无比乎众皆洗然曰黄绢之奇智亦何异哉令狐公称叹弥日询之老僧曰顷年有客独遊题之而去

朱梁张防年十二父同尝浚甘泉井得鼎耳有 曰魏黄初元年春二月匠吉干造制作奇巧同甚寶之防时在傍徐言曰建安二十五年曹公改元为建康其年十月文帝受汉禅始号黄初元年无二月明矣鼎文何繆与同大惊亟遣取魏志展读果验宗族奇之【五代史记曰张策字少逸河西炖煌人父同为唐容管经畧使策少通悟好学开平中拜中书侍郎以风恙罢卒于洛阳】湖南马希范唐同光中入贡莊宗问洞庭广狭希范对曰洞庭至狭若车驾南巡止可饮马莊宗拊背嘉之【五代史楚世家曰马希范字寶规马殷第四子殷卒希范袭爵楚王好学善诗文士廖光圖徐仲雅李臯拓防常等十八人皆故殷时学士也】

有客嘗訪青龍寺僧屬主者忽遽不暇留連翌日復至又遇要地朝客不得展敬客怒取筆題門而去詞曰龕龍東去海時日隱西斜敬文今不在碎石入流沙僧眾不能詳有一沙彌解之曰龕龍去矣有合字時日隱有寺字敬文不在苟字碎石入沙卒字此不遜之言辱我曹矣僧人大悟追前人杳無踪由或云沙彌是懿皇帝朝文皓供奉

陳恭公【陳執中已見】當國日曾魯公由起居注除待制恭公弟婦王冀公孫女曾出也歲旦拜恭公公迎謂曰六新婦曾三除從官喜否王固未嘗歸外家輒荅曰三舅甚荷相公 錄但太夫人不樂責三舅曰汝三人及第必是全廢學丞相嫗家備知之故除待制也恭公默然未幾改知制誥蓋恭公不由科舉失於夷攷女子之警敏如此【東都事畧曰曾公亮字明仲泉州晉江人嘉祐六年拜平章事公亮精於法令多知朝廷典章台閣故事時韓琦為上相歐陽修參知政事琦於法令典故問公亮文學人材問修百官奉法循理而朝廷治封魯國公謚宣靖】

王定國素為馮當世所知荆公絕不樂之一日當世力荐於神祖荆公曰此孺子耳當世忿曰王巩庚子生安得謂之孺子蓋巩之生與先天節同日也荆公愕然不覺退立

趙魏公夫人管道升善書畫【陶九成書史防要曰管夫人諱道升字仲姬吳興人趙魏公室封魏國夫人有才畧聰明過人為詞章作墨竹筆意清絕亦能書】吾竹房【吾衍已見】嘗題其所畫竹石竹房有一私印是好嬉子三字即以此印倒用於防尾人皆以為竹房之誤魏公見之曰此非誤也這瞎子道婦人會作畫倒好嬉子

#### 博識第十四

孔子語子貢曰女以予為多學而識之者與非也予一以貫之則孔子果不貴博識耶及觀萍浮楚澤隼集陳庭異鳥舞郊羶羊出井苟非博識誰為辯之夫孔門見道莫過顏子顏子之有得於孔子者莫過於喟然之嘆今觀其所稱高堅前後與夫卓爾末由皆形容道體之妙若夫孔子之善誘與顏子之善學者唯博約二語而已蓋二者互相為用不可廢也不然則其告子貢者語一足矣其所貫者復何物耶後世舍博而言約此則入於釋氏頓悟之說道之不明也夫何尤

漢武帝祀甘泉至渭橋有女子浴於渭水乳長七尺上怪其異遣問之女曰帝后第七車侍中知我所來時寬在第七車對曰天星主祭祀者齋戒不嚴則女人星見【漢武故事曰張寬字叔文蜀郡人武帝時為侍中】

武帝幸甘泉長平坂道中有蟲赤如肝頭目口齒悉具先驅馳還以報上使視之皆莫 識時東方朔在屬車中令往視焉朔曰此謂怪哉是必秦獄防也上使按圖果秦獄地上問朔何以知之朔曰夫積憂者得酒而解乃取蟲置酒中立消賜朔帛百匹後令屬車載酒【漢書曰朔字曼倩平原厭次人朔別 曰朔南陽步廣里人列仙傳曰朔是楚人武帝時上書說便宜拜郎中宣帝初棄官去共謂歲星也】

窦攸举孝廉为郎时世祖大会灵台得鼠如豹文荧荧光泽世祖异之以问羣臣莫能知者攸对曰鼯防也帝问何以知攸曰见尔雅按秘书如攸言诏赐帛百匹显宗时有神雀集宫殿官府冠羽有五采色帝异之以问临邑侯刘复【后汉书补注曰复齐武王伯升孙北海王兴之子】复不能对荐贾逵【己见】博物多识帝召见逵问之对曰昔武王终父之业鸞鸞在岐宣帝威懷戎狄神雀乃集此胡降之征帝敕兰台给笔札使作神雀颂拜为郎与班固同校秘书应对左右

孙权时永康有人入山遇一大 即束之归 便言曰遊不量时为君所得人甚怪之载出欲上吴王夜泊越里缆船於大桑树宵中树呼 曰劳乎元绪奚事尔耶 曰我被拘繫方见烹 虽尽南山之樵不能溃我树曰诸葛元逊博识必至相苦令求如我之徒计从安出 曰子明无多辞祸 及尔树寂而止既至权命煮之焚柴万车 语如故诸葛恪曰燃以老桑乃熟献者仍说 树共语权即使伐树煮 立烂今烹 犹多用桑薪【诸葛恪己见】

诸葛恪为丹阳太守嘗出猎两山之间有物如小儿伸手引人恪令持去故地即死防佐问之恪曰此事在白泽圖曰两山之间有精如小儿名曰傒囊

嵩高山北有大穴晋时有人误堕穴中见二人围碁下有一杯白水与堕者饮之气力十倍碁者曰汝欲停此否堕者曰不愿停碁者曰从此西行有天井其中多蛟龙但投身入井自当出若饥取井中物食之堕者如言可半年乃出蜀中因至洛下问张华华曰此名仙馆所饮者玉浆所食者龙穴石髓

有人遗张华鲈者华见之谓客曰此龙肉鲈也以醋渍之当有五色光见试之果尔后问其主云於茅积下得白鱼所作也

晋武帝时吴郡临平岸出一石鼓扣之无声以问张华华云取蜀中桐材刻作鱼形扣之则鸣矣於是如言声闻数里

晋武帝问摯虞三日曲水之义虞曰汉章帝时平原徐肇以三月初生三女至三日俱亡村人以为怪乃招携之水濱洗祓遂因水泛觴其义起此帝曰必如所谈便非好事束皙进曰虞小生不足以知臣请言之昔周公成洛邑因流水以泛酒故逸诗曰羽觴随波又秦昭王以三日置酒河曲见金人奉水心之劔曰令君制有西夏乃霸诸侯因此立为曲水二汉相沿皆为盛集帝大悦

晋世有於嵩山下得竹简一枚上有两行科斗书众莫 辯张司空以问束广微束曰此汉明帝显节陵中防文检验果然时人服其博识【王隱晋书曰束皙字广微阳平人贾谧请为著作】宋孝武时青州人尝发古墓有铭云青州世子东海女郎帝问学士鲍照徐爰蘓寶生并不能悉贾希镜对曰此是司马越女嫁荀晞儿检访果然【南史曰贾希镜平阳防陵人祖弼之父匪之家 谱学齐高帝取希镜为骠骑防军希镜三世 学凡十八州士族谱合百帙七百余卷该究精悉皆如贯珠】

陆常侍【陆澄已见】少好学博览无所不知行坐眠食手不释卷王仆射常自以博闻多识读书过澄【王俭已见 齐春秋曰俭以四部书盈溢几阁自刘歆七畧以来应更区别乃着七志上之时人以比相如封禅书】澄曰仆少来无事唯以读书为业且年已倍令君令君少便鞅掌王事虽复一览便谙然见卷轴未必多仆俭集学士何宪等盛自商略澄俟俭语毕然后谈所遗漏数百十条皆俭所未覩俭乃叹服【南史曰何宪字子思庐江 人博涉该通羣集毕览天阁秘寶人间散逸无遗漏焉】

王仆射在中书省出巾箱机案杂物服絺令学士 事事多者与之人人各得一两物陆常侍后来更出诸人所不知事复各数条并夺物 去

竟陵王【萧子良已见】常得古器小口方腹而底平可 七八升以问陆常侍【澄】陆曰此名服匿单于以与蓊武子良后详视器底有字髣髴可识如澄所言

王摘少以博学知名王仆射尝使賓客 事多者赏之【齐春秋曰俭集文学之士总校虚实之谓之 事 事自此始也】探索皆穷唯庐江何宪为胜乃赏以五色簟白团扇宪坐簟执扇意气甚得摘后至仆射以所 示摘语之曰卿 夺之不摘操笔便成事既奥僻辞亦华美举坐击赏仆射命左右抽宪簟摘手自掣取扇登车而去仆射笑曰所谓大力者 之而趋【南史曰王摘东海郟人晋少傅雅之后以博学见知为秣陵令清直请谒不行】

永明时天中忽有黄色照地众莫 解司徒法曹上金天颂王摘曰是非金天所谓荣光武帝大悦

崔慰祖好学聚书至万卷与平原刘孝标皆以硕学被征国子祭酒沈约吏部郎谢朓嘗於吏部省中賓友俱集各问慰祖地理中所不悉十余事慰祖口吃无华辞而酬据精悉一座称服之朓叹曰假使班马复生无以过此【南史曰崔慰祖字悦祖清河东武城人解 奉朝请聚书万卷邻里年少来从假借日数十 慰祖手自取与未嘗为辞】

刘士深嘗在任昉坐有人饷昉楮酒昉次及问刘曰酒有千日醉当是虚言刘曰桂阳程乡有千里酒饮之至家而醉亦其例也昉大惊曰吾自当遗忘实不忆此刘曰出杨元鳳所撰置郡事元凤是魏代人此书仍载其赋云三重五品商溪擦里时即检杨记言皆不差【南史曰刘杳字士深平原人父懷慰北中郎司马杳博综羣书沈约任昉以下每有遗忘皆访问焉】

斛律士亮【徵】博涉羣书兼解音律初乐有罽于者近代絶无此器或有自蜀中得之皆莫之识士亮见之曰此罽于也众弗之信士亮遂依于寶周礼注以芒筒捋之其声极振众乃叹服

上官仪诗语中用影娥池【唐诗纪事曰仪字防韶陕州人工诗其词绮错婉媚时人效之曰上官体高宗时为相麟德元年坐梁王忠事下狱死武后恶之也】学士时无解其事者祭酒令狐德棻召张柬之等十余人示之柬之对曰洞防记汉武帝於望 台西起俯月台台下穿

影娥池每登台眺月影入池中使宫人乘舟笑弄月影因名影娥池亦曰眺蟾台时皆叹其博识【刘昫唐书曰德棻宜州华原人博涉文史早知名大业末为药城长太祖入关引直丞相府记室贞观中官至国子祭酒张柬之字孟防阳人涉猎经史尤好三礼令狐德棻甚重之姚崇荐为宰相及诛张易之兄弟柬之首谋其事中宗即位以功擢拜天官尚书封汉阳郡王】

卢若虚多才博物辛怡諫为职方有获异鼠者豹首虎臆大如拳怡諫谓之鼯鼠若虚曰非也此许慎所谓鼯鼠豹文而形小一坐惊服

唐太宗立晋王为太子时有飞雉数集宫中帝问是何祥褚遂良曰昔秦文公时有偃子化为雉雌鸣陈仓雄鸣南阳偃子曰得雄者王得雌者霸文公遂雄诸侯始为寶鸡祠汉光武得其雄起南阳有四海陛下本封秦故雄雌并见以告明德帝悦曰人之立身不可无学遂良所谓多识君子哉

唐文宗一日问宰臣古诗云轻衫衬跳脱跳脱是何物宰臣未对上曰即今之腕钏也真诰言安妃有斲粟金跳脱是臂饰

韩定辞为镇州王镕书记聘燕帅刘仁恭舍於宾馆命幕客马彧延接马有诗赠韩云遂林芳草绵绵思尽日相携陟丽谯别后巉磬山上望美君时复见王乔韩於座酬之曰崇霞台上神仙客学辩痴龙艺最多盛德好银笔述丽辞堪与雪儿歌座賓颇疑银笔之僻他日彧荅聘常山亦命定辞接於公馆彧从容问韩以雪儿银笔之事韩曰昔梁元帝为湘东王时好学著书常纪忠臣义士及文章之美者笔有三品或以金银雕饰或用斑竹为管忠孝全者用金管书之德行清粹者用银笔书之文章赡丽者以斑竹书之故湘东之誉振於江表雪儿者李密之爱姬歌舞每见賓寮文章有奇丽入意者即付雪儿叶音律歌之又问痴龙何出定辞曰洛下有洞穴曾有人误堕穴中因行数里渐见明旷见有宫殿人物凡九防又见有大羊羊髯有珠人取而食之后其人得出以问张华华曰此地仙九馆也大羊者名曰痴龙耳定辞复问彧巉磬山当在何防彧曰此随郡之故事何谦光而下问由是两相悦服结交而去梁太祖幸河北至内黄顾问李珣曰何谓内黄珣曰河南有外黄下黄故此名内黄太祖曰外黄下黄何在珣曰秦有都尉理外黄其故墟在今雍丘下黄为高齐所废在今陈留太祖平生不爱儒者闻珣语大喜【五代史记曰李珣河西炖煌人唐末为监察御史后赵匡胤镇防阳辟掌书记梁太祖破匡胤得珣喜曰此真书记也除考功员外郎知制诰后为乱兵所杀】

太宗时一日后苑象毙上令取胆剖腹不获上异之以问徐 奏曰请於前左足求之须臾果得以进亟召 问对曰象胆随四时在足今方二月故臣知在左足也朝士皆叹其博识

江南徐锴尝奉命撰文与其兄 共论猫事 疏得二十事锴曰未也适已忆七十余事 曰楚金大 记明旦云夜来复得数事 抚掌称美

江南徐知谔尝得画牛一轴昼则啮草栏外夜则归卧栏中知谔献后主煜煜持贡阙下太宗

张后苑以示羣臣俱无知者【湘山野録曰江南徐知諤为润州节度使温之少子也美姿度喜畜奇玩】僧録賛寧曰南倭海水或減则滩磧微露倭人拾方诸蚌腊中有余泪数滴得之和色着物则昼隱而夜显沃焦山时或风挠飘击急有石落海岸得之滴水摩色染物则昼显而夜晦诸学士皆以为无稽寧曰见张騫海外异物记后杜鎬检三馆书目果见於六朝旧本书中载之【六一居士诗话曰吴僧賛寧国初为僧録读儒书博览强记亦自撰述而辞辨纵横人莫屈】刘原甫博物多闻前世无及在长安日有得古铁刃以献制作极巧下为大环以龙为之而其首鸟人莫能识原甫曰此赫连勃勃所铸龙雀刀所谓大夏龙雀者也鸟首盖雀云问之乃种世衡筑青涧城掘地所得正夏故疆也【酈道元水经注曰赫连氏以百链之铁为龙雀大环号曰大夏龙雀铭其背曰古之利器吴楚湛卢大夏龙雀名冠神都可以懷遠可以柔逋如风靡草威服九区】人有获玉印遗原甫其文曰周恶夫印原甫曰汉条侯印尚存於今耶或疑而问之曰古亚恶二字通用史记卢绾之孙他人封亚俗侯而汉书作恶谷是矣闻者大服

宋末襄樊之师日急当事诸人坐视而不救金履祥进牵制虚之策请以重兵由海道直趋燕蓟则襄樊之师不攻自解因备叙海舶所经凡州郡聚落下至巨洋别隄难易遠近歷歷可据宋不能用后朱瑄张清献海运之利其所经海道视履祥先所上书咫尺无异人始服其精确【金履祥已见】

## 豪爽第十五

夫豪爽者略於检节故其小德或多出入然与龔龔齋縛窄家人细务狭小者殊矣

汉章帝一日临朝命文郎居左武郎居右时方储正住在中曰臣文武兼备在所施用帝嘉其才以繁乱丝付储使理储防刀三断之对曰反经任势临事宜然【谢承后汉书曰方储字圣明丹阳人仕至郎中幼防父事母母死土成坟种树千株鸾鸟集其上白兔遊其下】沔水南有层台号曰景升台刘表盛遊於此常所止憩表性好鷹嘗登此台歌野鷹来曲其声韵似孟达上堵吟【酈道元水经注曰堵阳有白马山山石似马望之逼真侧水谓之白马塞孟达为守登之而叹曰刘封申耽据金城千里而更失之乎为上堵吟音韵哀切有恻人心今水次尚歌之】

王右军【王羲之已见】为防稽内史谢公【谢安已见】就乞牋右军检校库中有九万悉以乞谢公桓宣武闻之曰逸少不节

桓宣武与殷刘谈不如甚唤左右取黄皮袴褶上马舞稍数廻或向殷或拟刘意气始得雄

桓南郡【桓 已见】作诗或时思不来辄作鼓吹既而思得云鸣鹄响长阜叹曰鼓吹固自来人思

刘毅家在京口贫约过常嘗与州里士人往东堂共射【晋书曰刘毅字希乐彭城沛人曾祖

距广陵相叔父镇左光禄大夫毅少有大志不脩家人产业桓 以为中兵参军桓 篡位毅与刘 何无忌魏咏之密谋讨 后宋太祖以其贰於已讨诛之】时庾仲豫为司徒长史暂至京要府中僚佐共出东堂毅已先至遣与庾相闻曰身久蹶顿营一遊集甚难君如意人无防不可为适岂能以此堂见讓庾素豪径前不荅毅语诸人并避之唯毅留射如故庾厨饌甚盛不以及毅毅既不去庾甚不欢俄顷毅又相闻曰身今年未得子驚豈 以残炙见惠不庾又不荅后竟为毅所毀【沈约宋书曰庾悅字仲豫颍川鄢陵人曾祖亮晋太尉祖义吴国内史父淮西中郎 悅少为琅琊王防军司马桓 篡位徙中书侍郎高祖定京邑武陵王遵承制以悅为寧遠 军为刘毅挫辱疽发背而卒】

王太常性豪爽为吴郡太守弥不得意吴郭西台寺多富沙门太常求须不称意乃遣主簿顾旷率门义劫寺内沙门竺法瑤得数百万【沈约宋书曰王僧达琅琊人少好学善属文为始兴王防军稍迁太常卿至中书令以屡犯上顔于狱中赐死】

齐高祖於华林宴命诸臣各効伎王敬则脱朝服袒裸以绛紵髻奋臂拍张抖动左右上不悅曰岂闻三公如此敬则荅曰臣以拍张故得三公不可忘拍张时以为名荅

羊高昌初赴衡州於两艫防起三间通梁水斋饰以珠玉加之锦纈盛设帷屏陈列女乐乘潮解缆临波置酒綠塘傍水观者填咽【南史曰羊侃字祖忻太山梁父人父祉仕魏侃少而瓌伟身长七尺八寸雅好文史父使侃南归大通中封高昌侯】

孙德琰【南史曰孙防字德琰吴郡吴人】频立武功居家富侈家庭穿筑极林泉之致歌童舞女当世罕俦賓客填门轩盖不絶出镇郢州乃合十余船为大舫於中立亭池植荷芰良辰美景賓僚并集泛长江而置酒一时称为胜赏【南史曰孙虽武臣常於山斋设讲肄业 儒之士冬夏资奉而防身率易不以名位骄物甚为当世所称】

李白登华山落雁峯曰此防最高呼吸之气想通帝座恨不携谢朓惊人诗来搔首问青天尔

军裴旻【李肇国史补曰裴旻为龙华军使出守北平】嘗请吴道 画天宫寺壁道 曰闻 军善舞劒愿作气以助挥毫旻欣然为舞一曲道 看毕奋笔立成若有神助【朱景唐朝名画録曰吴道 字道子东京阳翟人少孤贫天授之性年未弱冠穷丹青之妙浪迹东洛明皇知其名召入内供奉】李翰文虽宏畅而思甚苦澁【刘昫唐书曰翰即李华宗人以进士知名天寶中寓居阳翟】晚居阳翟常从邑令皇甫曾求音乐思澗则奏乐神逸则綴文【唐诗纪事曰皇甫曾字孝常为殿中侍御史天寶中兄弟进士名相上下时比张氏景阳孟阳云】

于頔镇襄阳【刘昫唐书曰于頔字允元河南人贞元中为襄州刺史非法聚斂恣意虐杀專以陵上威下为务卒謚厉】庐山符载賫书就于乞买山钱百万于即时与之【唐诗纪事曰符载字厚之蜀人有奇才始与杨衡宋济习业青城山衡擢第济老死无成唯载以王霸自许耻於常调韦臯镇蜀辟为支使】

裴寬罢郡西归见一士坐树下甚贫与语奇之举一船金帛尽与之此人不辞登舟奴婢偃蹇者辄鞭之乃张徐州也

段文昌【已见】才傲俗落拓荆楚间尝半酣鞞履於江陵大街上往来雨下泥甚街侧有大宅门枕流渠文昌乘醉於渠上脱履濯足旁若无人自言我作江陵节度当买此宅住闻者皆笑后果镇荆南遂买此宅

刘叉闻韩昌黎接天下士徒步谒之后以争语不下賓客因持愈金数斤去曰此防墓中人得耳不若与刘君为壽【唐诗纪事曰刘叉节士也放肆为侠因酒杀人亡命防赦出更折节读书能为歌诗然恃故时所不俛仰贵人尝谒韩昌黎作冰柱雪车二诗出卢仝孟郊之右樊宗师见而独拜后归齐鲁不知所终】郑仁表豪爽有文以门閥文章自高尝曰天瑞有五色云人瑞有郑仁表【唐诗纪事曰郑仁表傲纵多所陵借人畏薄之仕为起居郎刘邺少时投文於仁表父洎仁表嗤鄙之邺为相仁表贬死】

王智兴为徐州节度一日诸从事防饮赋诗智兴至从事即屏去翰墨智兴言适间作诗何独见某而罢复以笺陈席上小吏亦置笺於智兴前智兴引毫立成曰三十年前老健儿刚被郎官遣作诗江南花柳从君咏塞北烟尘我独知四座惊叹监军谓张祐曰观兹盛事岂得无言祐乃献诗曰十年受命镇方隅孝节忠规两有余谁信 坛嘉政外李陵章句右军书左右言书生諂辞耳智兴叱曰有人道我恶汝輩又肯否张生海内名士篇什岂易得天下人闻且以为王智兴乐善矣【刘昫唐书曰王智兴字匡諫温县人少骁锐事徐州刺史李洧洧以徐州归国智兴累官徐州刺史武寧节度使】崔 礼尝过宣武从刘 佐猎刘酒酣顾语曰崔生独不知有此乐 礼笑曰我固喜武请为公欢 礼臂鹰与 佐驰逐急缓在手一军尽惊曰安得此奇客防莱公有饮量每饮賓席尝阖扉辍 以留之未尝防油虽溷轩马廐必用蜡炬

胡宿在郡日丁晋公为遊客见之胡待之甚厚丁因投诗索米明日胡延晋公所用樽皿悉屏但陶瓦而已丁失望以为厌已遂辞去胡即出银一篋遗丁曰家素贫惟此饮器愿以賔行丁始谕设陶器之因其后晋公极力推挽胡遂至显位

滕达道布衣时尝为范文正客时范尹京滕少年颇不羈往往潜出狭邪纵饮范公病之一日至滕书室中因明烛观书以俟其至意 媿之滕夜分大醉而归范公阳不视以观其所为滕畧无畏惧长揖问曰公所读何书公曰汉书复问汉高祖何如人公逡巡而入【东都事畧曰滕元发字达道东阳人范仲淹见而奇之神宗朝拜翰林学士性疎达在上前论事如家人父子言无文饰洞见肝膈神宗知其诚荅后力言新法之害落职知筠州或以为且有后命元发曰天知吾直上知吾忠吾何忧哉上章自讼有曰乐羊无功谤书满篋即墨何罪毁言日闻上览之释然改知扬州卒谥章敏】

韩魏公喜营造所临之郡必有改作皆宏壮雄深称其度量在大名於正寢后稍西为堂五楹其间洞然不为房屋号善养堂盖平日宴息之地



蘓子美豪放不羈好飲酒在外舅杜祁公家每夕讀書以一斗為率公深以為疑使子弟密覘之聞子美讀漢書張良 至良與客狙擊秦皇帝誤中副車遽撫掌曰惜乎擊之不中遂滿引一大白又讀至良曰始臣起下邳與上防矜留此天以授陛下又撫案曰君臣相遇其難如此復舉一大白公聞之大笑曰有如此下酒物一斗不足多也

宋子京【宋祁已見】博學能文章天資醞借好遊宴自喜晚年知成都府帶唐書於本任刊脩每宴罷盥漱畢開寢門垂 燃二椽燭媵婢夾侍和墨伸 遠近皆知為尚書脩唐書

宋子京脩唐書嘗一日大雪添防幕然椽燭一秉燭二左右熾炭兩巨鑪諸姬環侍方磨墨濡毫以澄心堂 草一 未成顧諸姬曰汝輩俱曾在人家頗見主人如此否皆曰無有其間一人來自宗子家子京曰汝太尉遇此天氣亦復如何對曰只是捫鑪命歌舞間以雜劇引滿大醉而已如何比得內翰子京防頭曰也自不惡乃閣筆掩卷起索酒飲之几達晨明日對賓客自言其事後每防集必舉以為笑

洪覺范至儋耳嘗謁姜唐佐唐佐不在見其母母迎笑食以防榔覺范問母識蘓公否母曰識之然無奈其好吟詩公嘗杖而來指西木榻自坐其上問曰秀才何往我言入村落未還有包燈心 公以手展開書滿 祝曰秀才歸當示之今尚在覺范索讀之醉墨欹傾曰張睢陽生猶罵賊嚼齒空齟齬平原死不忘君握拳透爪歌者 絢嘗從東坡與客遊金山適中秋天宇四垂一碧無際加江流傾涌月色如昼遂共登金山妙高台命絢歌其水調歌頭曰月明几時有把酒問青天歌罷公自起舞

范德孺喜琵琶暮年苦夜不得睡家有琵琶箏二婢每就枕即便雜奏於前至熟寢乃得去【宋史曰范純粹字德孺文正公第三子沉毅有干畧與蘓軾同建募役之議軾謂純粹講此事尤為精詳仕至戶部侍郎出知延州以元祐黨人奪職】

蔡魯公守維 維 特多過客日夕盈府寺一日蚤膳召客設涼餅防者八人俄報客繼至公必留偶來者不已坐客私語蔡公卒迫留客若是他食輒咄嗟為尚可如涼餅者奈何便辦請共嘗之及食時計留客已四十又冷淘皆至仍精腆時共稱之

張天覺為渝州南川宰時章子厚經制防夷狎侮州縣吏無人敢與共語部使者念獨張可亢之檄至防防子厚詢人才使者以張告即呼入同食張着道士服長揖就坐子厚肆意大言張隨機折之落落下其上子厚大喜延為上客歸荐諸王介甫遂得召用【東都事畧曰張商英字天覺蜀州新津人章惇荐其才召對除光祿寺丞紹聖中遷左司諫商英觀望時政謂蘓軾論合祭天地非是指呂大防范祖禹為奸以司馬光文彥博為 國至以宣仁后比呂武商英在元祐時作嘉禾頌以文彥博呂公著比周公又作文祭司馬極其稱美至是追論其罪其詭譎不常如此喜浮圖法自號無盡居士】

張紫岩【張浚已見】屯兵秀州嘗夜坐警備甚嚴忽有客至前出一 懷中曰此苗傅劉正彥募賊公賞格也浚問欲何如客曰仆河北人竊讀書知逆順豈以身為賊用特見為備不嚴

有后来者耳浚下执其手问姓名不告而去浚翊日斩死囚徇于众曰此苗刘刺客也私识其状貌物色之终不遇

张于湖知京口王宣子代之时多景楼落成于湖为书楼扁公库送银二百星为润笔于湖却之但需红罗百匹於是大宴合乐酒酣于湖制词命诸伎合唱甚欢因以红罗百匹赏之【书史防要曰张孝祥字安国号于湖历阳乌江人读书过目不忘下笔顷刻数千言绍圣中廷对第一官至显谟殿直学士 书极工大字亦佳扬万里谓安国书甚真而放】 州有一赵氏富而好客家有明月楼一时诸名公题咏多未当其意后赵子昂过 主人知之迎至楼上盛筵相款所用皆银器酒半出 笔求作春题子昂援笔书曰春风阆苑三千客明月 州第一楼主人得之甚喜撤酒器为赠

## 语林卷二十二

### 夙慧第十六

世言早慧者大未必佳自孔文举小时大中大夫陈韪已有是语殆不然夫黄帝徇齐后稷岐嶷此皆大圣人也岂后果不佳耶盖人性皆善而根有利钝若穎脱者最易为善夫既易为善则亦易为恶在所以养之耳后人不论所养而槩责之早慧吁可怪哉

陈咸小时父万年尝召至牀下教之咸睡去头触屏风万年怒责咸叩头谢曰具晓所言大要教咸諛也万年因不复言【汉书曰御史大夫陈万年子咸亢直有异才官廷尉监累迁尚书】

黄文彊小时家贫都无仆妾躬执勤苦尽心色养博通经典精究道术时人为之语曰天下无江夏黄童【东观汉记曰黄香字文彊江夏安陆人九歲失母哀毀殆不免丧十二太守刘防召署门下孝子家业虚贫衣食不赡舅龙乡侯为作衣被不受】

桓麟年十二【张隲文士传曰桓麟字元龙精鉴好学】在伯父太尉坐【范晔后汉书曰桓焉字叔元沛郡龙亢人父郁祖荣皆以经学显名焉位至太尉】太尉告客曰此吾弟子有异才殊能作诗赋客乃为诗曰甘罗十二杨乌九龄昔有二子今则桓生麟应声荅曰邈矣甘罗超等絶伦伊彼杨乌命世称贤嗟予蠢弱殊才伟年仰慙二子俯愧过言

黄子琰少即辩惠建和中尝日食京师不见子琰祖太尉以状闻太后诏问所食多少太尉思其对而未知所况子琰年七歲时在侧曰何不言日食之余如月之初【东观汉记曰黄琬字子琰江夏安陆人琬少失父曾祖香祖琮并有高名】

司徒盛允有疾黄太尉【琮】遣子琰问防江夏上蛮贼事副司徒府允发书视毕微戏子琰曰江夏大而蛮多士少子琰奉手对曰蛮夷猾夏责在司徒因拂衣辞去

孔北海【孔融已见】年四歲与诸兄食梨輒取其小者人问其故荅曰小儿法当取小者

孔北海被收时男方九歲女才七歲以防弱得全寄住他舍主人遗以肉汁男饮之女曰今日之祸岂得从活何頼知肉味乎或有言于曹操收之将加戮女谓兄曰死而有知得见父母岂非至愿乃延颈就刑

孙策年十四诣术俄而外通刘豫州来孙便求去曰刘豫州何若荅曰英雄忌人既出下东堦刘德从西堦上但得转顾视孙足下行殆不复能前

沈子正小时有异年十一歲华子鱼行风俗见而奇之因呼曰沈郎可登车语乎子正逡巡却曰君子讲好防宴以礼今仁义陵迟圣道渐坏先生衔命将以裨补先王之教整齐风俗而轻

脱威仪犹负薪救火无乃更崇其炽乎子鱼慙谢曰自桓灵以来虽多英彦未有见防童 此者【张勃英录曰沈友字子正吴郡人弱冠博学多所贯综善属文兼好武事注孙子兵法又辩于口每所至众人默然莫与为对咸言其笔之妙舌之妙刀之妙三者皆过絶于人权以礼聘既至论王道之畧当时之务权敛容敬焉正色立朝清议峻厉为庸臣所譖诬以谋反权以终不为己用害之时年二十九】张纯【吴书曰张纯字元基敦之子 吴録曰纯少厉操行学博才秀切问防对容止可观拜郎中 广德令治有异迹擢太子辅义都尉】张俨【吴録曰张俨字子节吴人弱冠知名以博闻多识拜大鸿胪使于晋皓曰今南北通好以君有出境之才故相屈行对曰皇皇者华 其荣耀无古人延誉之美磨厉锋锷思不辱命既至贾充裴秀荀勗等欲傲以所不知而不能屈仆射羊祜尚书何祜并结縞带之好】朱异【吴志曰朱异字季文吴郡吴人朱桓子也以父任为郎拜骑都尉代桓领兵孙权与论攻战辞对称意权谓异从父骠骑将军据曰本知季文憎定见之复过所闻】俱童少知名尝同时诣骠骑将军朱据【吴志曰朱据字子范吴郡吴人有姿貌膂力又能论难黄武初拜五官郎中时选曹尚书暨 疾贪污在位欲沙汰之据以为天下未定宜以功覆过弃瑕取用举清厉浊足以沮劝一时贬黜惧有后咎 不聽卒败权咨嗟将率追思吕 张温以据才兼文武可以继之拜建议校尉】据闻三人才名欲试之因语曰老鄙相闻饥渴甚矣夫驩裹以迅骤为功鹰隼以轻疾为妙其为吾各赋一物然后入坐俨乃赋犬曰守则有严出则有获韩卢宋鹊书名竹帛纯赋席曰席以冬设簟为夏施揖让而坐君子攸宜异赋弩曰南岳之干钟山之铜应机命中获隼高墉三人皆随目便赋成而后坐据大笑悦

何平叔小时魏武帝纳其母平叔少养于魏宫至七八歲慧心天悟形貌絶美武帝欲以为子每扶持游观令与诸子长幼相次平叔防觉此意坐则专席止则独立或问其故答曰异姓不相贯

王戎年七歲时尝与诸小儿游瞩看道邊李 有子扳折诸小儿竞走之惟戎不动人问之答曰 在道邊而多子此必苦李取之信然

愍怀太子少便聰慧武帝甚爱之六七歲时宫中尝夜失火武帝登楼望之太子牵上衣裾使入閤中上问其故太子对曰暮夜仓卒宜备非常不宜亲近火光令照见人主【晋书曰愍懷太子遹字熙祖惠帝长子幼聰慧武帝爱之恒在左右尝从帝观豕牢言于帝曰豕甚肥何不杀以享士而使久废五谷帝嘉其意即便烹之因抚其背谓廷尉傅祗曰此儿当兴我家尝对羣臣称太子似宣帝于是令誉流于天下】

张光禄【张永已见】尝携内外孙游武丘山顾正礼时年数歲光禄抚之曰儿欲何戲正礼答曰儿正欲枕石漱流王养【王泰小字】年数歲时祖母集诸孙侄 枣栗于牀群儿竞取之泰独不动祖母问其故曰不取自当得赐【梁书曰王防字仲通幼敏悟好学手所抄写二千许卷及长通温和雅家人不见喜愠之色与王筠齐名沈约常曰王有养炬谢有览举炬即筠小字也】

王僧孺五歲便机警尝有餽其父冬李者先以一枚与僧孺僧孺不受曰大人未见不容先尝

【梁书曰王僧孺字僧孺东海郟人卫将军肃八代孙曾祖雅晋左光禄大夫祖淮宋司徒长史僧孺六歲能属文既长好学家贫佣书以养母所写既毕讽诵亦通仕齐起家王国左常侍入梁歷吏部郎】

徐孝穆早慧【徐陵已见】光宅寺慧云法师每嗟其早就谓之顏回

萧建平【梁书曰萧大球字仁珽简文帝子封建平王】明惠夙成高祖归心释教每发誓愿恒云 有众生应受诸苦悉请身代时建平年七歲闻之惊谓母曰官家尚尔儿安敢辞乃六时礼佛亦云凡有众生应获苦报悉大球代受其明悟如此

君正年数歲父疾昼夜不眠专侍左右家人劝令暂休 答曰尊患既未瘥眠亦不安【南史曰 君正字世忠陈郡阳夏人祖顓雍州刺史父昂尚书令君正美风仪善自居处早得时誉为豫章内史】

谢元正幼便聪慧八歲为春日闲居诗从舅尚书王筠奇其有佳致谓所亲曰此儿方当大成至如风定花犹落乃追步惠连矣【陈书曰谢贞字元正陈郡阳夏人晋太傅安九世孙父蒨以孝义称贞少有至性仕始兴王録事参军】

陆从典八歲时读沈休文集见回文砚铭援笔拟之便有佳致【南史曰陆从典字由仪吴郡吴人祖云公父琚皆有文才从典笃好学业博涉群书位太子洗马陈亡入隋为著作佐郎】

虞荔年九歲往 太常陆倕【倕已见 陈书曰虞荔字山披防稽余姚人祖叔梁廷尉卿父检始兴王諮议叅军荔幼聪敏有志操官太子中庶子领著作】倕问五经十事荔对无遗失倕甚异之弟寄亦机敏【南史曰寄字次安少聪敏及长好学善属文性冲静有栖遁志弱冠对防高第起家梁宣城王国左常侍陈寶应据闽得寄甚喜承圣中除中书侍郎寶应爱其才托以道阻不遣】数歲时有人造其父遇寄于门嘲寄云郎子姓虞必当无智寄应声曰文字不辯岂得非愚客大慙入谓其父此子非常人孔文举之流也

魏宗室元子和【魏收魏书曰元顺字子和文宣王澄之子】九歲时师事乐安陈丰初书王羲之小学篇数千言昼夜诵之旬有五旦一皆通彻丰白文宣曰丰十五从师迄于白首耳目所经未见此比江夏黄童不得无 文宣笑曰蓝田生玉何容不尔

何妥八歲时游太学顾良戲之曰汝姓是荷叶之荷为河水之河妥应声曰先生姓顾是货雇之雇为新故之故

李德林幼便聪敏年数歲诵左思蜀都赋十余日便度高隆之见而嗟叹遍告朝士云 假其年必为天下伟器邺京人士多造观之月余日中车马不絕

李百药七歲时中书舍人陆又尝过其父德林有读徐陵文者云刘琅琊之稻坐客并不识其

事百药进曰传称邠人借稻注云邠国在琅琊开阳县人皆服其机杼孙思邈七歲就学日诵千言弱冠善谈老庄兼综释典及百家之說洛州总管独孤信见而叹曰此圣童也苏瓌初未知颀一日有客诣瓌于客次颀拥簪庭庑间遗落一文字客取视之乃咏昆仑奴诗云指如十挺墨耳似两张匙客异之良久瓌出与客淹留言咏以其诗问瓌何人岂非足下宗庶之孽瓌备言其事客惊讶之请瓌加礼收举必苏氏令子瓌稍亲之有人献兔悬于廊庑瓌召颀令咏之即应声曰兔子死兰弹将来挂竹竿试将明镜照无异月中看瓌览诗异之由是学问日新文章盖代及帝平内难制诰骆驿皆出于颀时称小许公

苏颀年五歲时裴谈尝过其父颀方诵庾信枯 赋避谈字讳因易其韵曰昔年移柳依依汉陰今看摇落凄怆江浔 犹如此人何以任皆叹异之

严挺之薄妻而爱其子武武年八歲询其母曰大人常厚 英【挺之妾】未尝慰省何至于斯母曰汝父嫌吾寝陋枕席数宵即懷汝自后相弃其母凄咽武亦愤惋 父出 英方睡武持小铁锤击碎其首挺之归惊愕视之已毙矣左右言小郎君戏运锤而致此挺之呼武曰汝何 之甚武曰焉有大朝人士厚其侍妾困辱儿之母乎故须击杀非戏也父曰真严挺之儿【刘昫唐书曰严挺之华陰人体质昂藏雅有吏干姚崇深器异之又与张九龄善张欲引之同居相位谓之曰李尚书深承圣眷足下宜一造门挺之素负气竟不肯诣深为林甫所嫉子武神气隽爽敏于闻见幼有成人之风官劔南西川节度使】蕪晋数歲能属文尝作八卦论王绍宗见而叹曰此后来王粲也

杨綰四歲时尝因夜宴客举令各举坐中一物以四声呼之众皆未言綰应声指铁 曰灯盏柄曲闻者叹异开元间悉召能言佛道孔子者相答禁中有员俶九歲升座词辩注射坐人皆屈帝异之曰半千孙固应尔因问童子岂有 者乎俶跪奏有臣舅子李泌帝即驰召之泌至帝方与张說观奕因使说试其能说请赋方圆动静泌逡巡曰愿闻其略说因曰方 棋局圓 棋子动 棋生静 棋死泌即答曰方 行义圓若用智动 骋材静若得意说因贺帝得奇童帝大悅曰是子精神要大于身

李卫公【李德裕已见】幼时父吉甫每夸其敏防武相元衡召见问曰吾子在家所嗜何书德裕不应翌日元衡以告吉甫吉甫责之德 曰武公身为宰相不问理国调陰阳而问所嗜书其言不当所以不应

高定是贞公郢之子小字董二年七歲时读书至牧誓问奈何以臣伐君贞公答曰应天顺人耳又问用命赏于祖不用命戮于社岂是顺人贞公不能对【高郢已见刘昫唐书曰高定小字董二聪明絕伦人以其幼惠多以小字呼之尤精王氏易着易外传二十二卷】

杨大年【杨亿已见】七歲时对客谈论有老成风年十一太宗闻其名召对便殿授秘书省正字且谓曰卿久离乡里得无念父母乎对曰臣见陛下一如臣父母上叹赏久之

王元泽数歲时客有以一獐一鹿同笼以献问元泽何者是獐何者为鹿元泽实未识良久对

曰獐邊者是鹿鹿邊者是獐客大奇之

岳柱年八歲時觀畫師何澄畫陶母剪髮圖岳柱指陶母手中金釧詰之曰金釧可易酒何用剪髮為也何大驚即易之【元史曰岳柱字止所一字兼山自防容止端嚴性穎悟有遠識至大中授集賢學士】

## 賢媛第十七

夫無非無儀女婦所貴然觀王儒仲樂羊子之妻與孟德耀辛宪英諸人其深識高行世所稱賢者尚不敢輕擬又豈可以一切少之哉 蔡文姬辱身北庭君子耻之縱文才卓出又何稱焉

王儒仲少立高節其妻亦美志行初儒仲與令狐子伯為友後子伯為楚相其子為郡功曹子伯遣子奉書儒仲車服鮮麗仆從都雅儒仲子方耕於野聞賓至投耒而歸見令狐子沮忤不能仰視儒仲目之有愧容客去久卧不起妻問其故儒仲曰吾與子伯素不相 向見其子容服甚光舉措有適而我兒曹蓬頭歷齒未知禮則見客而有慙色父子情深不覺自失耳妻曰君少修清節不顧榮祿今子伯之貴孰與君之高奈何忘宿志而慙兒女子乎儒仲屈起笑曰有是哉遂共終身 遯【范曄後漢書曰王霸字儒仲太原廣武人王莽時棄冠帶絕交宦建武中征到尚書拜稱名不稱臣司徒侯霸讓位於霸閭閻毀之曰太原俗黨儒仲頗有其風遂止以病歸 居守志茅屋蓬戶】

樂羊子游學七年妻常躬勤養母又遠饋羊子嘗有他舍雞謬入園中姑盜殺而食之妻對雞泣而不餐姑怪問其故對曰自傷居貧使食有他肉姑亦感悟棄去【列女傳曰河南樂羊子之妻不知何氏之女有盜欲犯之先刼其姑妻舉刀自刎而死太守以聞以禮 之號曰貞義】

樂羊子嘗行路得遺金一餅還以與妻妻曰妾聞志士不飲盜泉之水【論語撰考防曰水名盜泉仲尼不漱】廉者不受嗟來之食【禮記曰齊大飢黔敖為食于路以待餓者有防 戢屢貿貿而來曰嗟來食曰余唯不食嗟來之食以至於斯從而謝之不食而死仲尼曰其嗟也可去其謝也可食】況拾遺求利以污其行乎羊子大慙乃捐金于野

隗妻馬倫是季長女【馬融已見】少有才辯融家世富豪裝遣甚盛初成禮隗問曰婦奉箕帚而已何乃過珍麗乎對曰慈親垂愛不敢逆命君若欲慕鮑宣梁鴻之高妾亦請從少君孟光之事矣隗言弟先兄舉世以為笑今處姊未適先行可乎對曰妾姊高行殊邈未遭良匹不似鄙薄苟然而已又問南郡學窮道奧文為辭宗而所在之職輒以貨財為損何耶對曰孔子大聖不免武叔之毀子路至賢猶有伯寮之愬家君獲此固其宜耳隗默然不能屈

蔡文姬自匈奴歸後適董都尉董犯法當刑【董祀為屯田都尉】文姬自詣曹公請之時公卿名士及遠方使驛坐者滿堂曹公謂賓客曰蔡伯喈女在外今為諸君見之及文姬進蓬首

徒行叩头请罪音辞清辩防甚酸哀众为改容曹公曰诚为相矜然文状已去奈何文姬曰明公廐马万疋虎士成林何惜疾足一骑不济垂死之命乎操感其言乃特原祀【范晔后汉书曰蔡伯喈女名琰字文姬博学有才辩妙于音律适河东卫仲道夫亡无子兴平中丧乱为匈奴所获没于南匈奴左贤王十二年生二子曹公素与伯喈善遣使以金璧赎之嫁与董祀】

曹公问蔡文姬闻夫人家先多坟籍犹能忆识之不文姬曰昔亡父赐书四千许卷流离涂炭罔有存者今所诵忆裁四百余篇曹公言当使十吏就夫人写之文姬曰妾闻男女之别礼不亲授乞给 笔真草唯命于是缮书送上文无遗误

桓宣武平蜀以李势妹为妾南康主不即知之后知乃防刃向李所因欲斫之李在窓梳头未竟李姿貌端丽见主来徐徐结髮敛手向主神色闲正辞甚凄惋主掷刀前抱之曰阿子我见汝亦怜何况老奴【续晋阳秋曰温尚明帝女南康长公主】

谢镇西【谢尚已见】妾阿妃有国色甚善吹笛谢死阿妃誓不嫁郗昙时为北中郎设权计遂得阿妃为妾阿妃终身不与昙言【晋书曰郗昙字重熙郗鉴第二子司徒王导辟秘书郎】

王江州【王凝之已见】为孙恩所害谢夫人【名道韞已见】居防稽太守刘柳闻其名请与谈义夫人素闻刘名亦不自阻乃簪髻素褥坐在帐中刘束修整带造于别榻夫人风韵高迈叙致清雅先及家事慷慨流涟徐酬问防词理无滞刘退而叹曰实顷所未见瞻察言气使人心形俱服夫人亦云亲从凋亡始遇此士听其所问殊开人心胸【晋书曰刘柳字叔惠南阳人刘 之曾孙少登清宦歷尚书左右仆射时右丞傅廵好广读书而不 其义柳唯读老子而已廵每轻之柳云卿读书虽多而无所 可谓书簏矣时人重其言】

宋太宗后王是僧朗女【沈约宋书曰明恭王皇后讳贞风琅琊人元嘉五年拜淮阳王妃太宗即位立为皇后】帝尝于宫内大集羸妇人观之以为欢笑后以扇障面独无所言帝怒曰外舍家寒乞今共为欢笑何独不视后曰为乐之事其方自多岂有姑姊妹集聚而羸妇人形体以此为乐外舍之为欢适与此不同帝大怒遣后令起后兄景文以此事语从舅陈郡谢纬曰后在家为孱弱妇人不知今段遂能刚正如此朱百年妻孔氏亦有高行百年卒于山中蔡兴宗为防稽太守饷米百斛孔氏遣婢诣郡固辞时人美之以比梁鸿妻

刘孝绰三妹嫁琅琊王叔英【未详】吴郡张嵊【南史曰张嵊字四山吴郡人张稷子也方雅有志操能清言湘东王长史】东海徐悱【梁书曰徐悱字敬业东海郟人徐勉子也幼聪敏能属文仕至晋安内史】并有文才徐妻尤为清防

郑善果母崔氏贤明晓政道每善果理务崔氏常于阁内听之闻其剖断合理归则大悦处事不允母则不与之言善果伏于牀前终日不敢食善果由此厉己为清吏

李审诸为御史台中送禄米到宅其母遣量之贍三石问其故曰御史例不槩又问车脚几钱



答言御史例不还脚钱母怒送糲米及脚钱因责审诸御史皆有慙色肃宗宴于宫中时有蕃将阿布思伏法其妻配掖庭善为优因使乐工是日为假官之长上及侍宴者笑乐政和公主独俛首嚬眉不视上问其故公主曰禁中侍女不少何必须得此人使阿布思真逆人其妻亦同刑人不合迫至尊之座果冤耶岂忍使其妻与群优杂处为笑谑之具妾虽至愚深以为不可上亦惻惻为之罢戏【赵璘因话录曰政和公主肃宗第三女降柳潭宫中女优有弄假官戏其绿衣秉简者谓之参军桩】元相【元载已见】得罪后夫人王氏韞秀少有识量节概颇闻掖庭代宗欲令入宫备彤管箴规之任王叹曰王家十三娘二十年太原节度使女十六年宰相妻谁能书得长信昭阳之事得罪亦幸矣坚不从命【范攄云溪友议曰韞秀王缙相公之女右丞维之侄初王公镇北京以韞秀嫁元载从而见轻韞秀谓元曰何不增学所有衾幌资装尽为纸墨之费元到京屡陈时务深契上防肃宗擢拜中书】

按通鉴及刘昫唐书载妻王忠嗣女且王缙与载同时作相史言缙卑体附之故缙终以载得罪不应翁壻同时俱在政府又不应妇翁卑体于女壻则载妻为忠嗣女无疑而云溪友议与杜阳杂编以为韞秀缙女也夫范攄苏鹞皆唐时人其所载唐事尚相抵牾如此乃知野史所书固多谬妄也

刘异将赴镇安平公主入辞以异姬从安平左右皆宫人上尽记忽见别姬问安平曰此为谁安平曰刘郎声音人上大喜安平不妒顾左右曰别与作主人不令与宫娃同处

令狐峘为吉州刺史齐映廉察江西故事刺史始见观察皆戎服庭趋峘以前辈耻为此礼入告其妻韦氏韦氏亦以抹首庭谒为非谓峘曰卿自视何如人头白走小生前卿如不以此礼见映虽黜死我亦无恨峘乃以客礼见映映深以为憾以事奏贬峘为衢州别驾李景让母郑氏性严明早寡家贫居于东都诸子皆幼母自教之宅后古墙因雨隕防得钱盈船奴婢喜奔告郑郑往焚香祝之曰吾闻无劳而获身之灾也夫必以先君余庆矜其贫而赐之则愿诸孤他日学问有成乃其志也此不敢取遽命擗而筑之

李景让为浙西观察一左都押衙忤意杖杀之军中愤怒将变景让方视事母出坐听事立景让于庭责之曰天子付汝以方面岂得妄杀万一致一方不宁岂惟上负天子使垂白之母衔羞入地何以见汝先人乎命左右褫其衣坐之将搥其背将佐皆泣拜为请久乃释之军中遂安

中和间时溥既平黄巢献俘于朝并巢姬妾百数僖宗御大元楼受之宣问姬妾汝等皆勲贵子女世受国恩何为从贼其居首曰狂贼凶逆国家以百万之众失守宗祧播迁巴蜀今陛下以不能拒贼责一女子置公卿将相于何地乎僖宗不复问皆戮于市人争与之酒众皆悲恻昏醉居首者独不饮不泣至于就刑神色肃然宋太祖将北征京师諠言军中欲立防检为天子太祖慎密以告家人曰外间詢詢如此将之何太祖姊【或云即魏氏长公主】方在厨引麪杖击太祖逐之曰丈夫临大事可否当自决胸懷乃来家间恐怖妇女何为耶太祖默然而出

任梦臣任西川路提防刑狱以防节称卧病不起家徒四壁二女贤甚赵清猷公守成都率僚属以俸助之二女辞不受曰岂敢以此污先君清德赵倅成伯笃意勉之遂纳于公宇之东庑既行以元物榜于门壁付之守吏无毫发损二女廉洁如此又文笔议论皆士人所不逮后清猷以子姓妻之

## 容止第十八

珠藏渊而川晖玉韞石而山润苟符采炳发虽重波积壤何能掩焉顔子曰苟有温良在中斯眉睫与之矣呜呼容止之于人岂直黼黻藻绘而已耶

陆子春姿容如玉威仪秀异【吴地记曰陆閔字子春吴郡吴人陆畅之子】光武尝登台见而伟之叹曰南方故多佳人【谢承后汉书曰陆閔建武中为尚书令美姿貌喜着越布单衣上见而好之自是常敕防稽郡献越布】

汉末诸贤多委王服以幅巾为雅 绍崔豹之徒虽为将帅犹着缣巾

管幼安在家恒着皂防

刘季和尝言苟令君至人家坐处常三日香【襄阳记曰刘季和性爱香尝上厕还过香炉上主簿张坦曰人名公作俗人不虚也季和曰苟令君至人家坐处三日香为我如何令君而恶我爱香也坦曰古有好妇人患而捧心顰眉见者皆以为好其邻丑妇法之见者走公便欲使下官遁走耶季和大笑以是知坦】

魏武帝佻易无威重性好音乐倡优在侧穷日达夜被服轻绡常自佩小鞶囊以盛手巾细物时或着帻防见客每与人谈论 弄言咏尽无所 及欢悦大笑至以头没杯案间肴饍皆沾污巾帻

譙允南体貌素朴而潜识内敏然无造次论辩诸 武侯领益州牧辟为劝学从事初到 谒左右皆笑既出有司请推笑者武侯曰孤欲不能 何况左右聴令勿推【蜀志曰譙周字允南巴西西充人幼孤与母兄同居耽古笃学家贫不问产业诵读典籍欣然独笑研精六经尤善书札颇晓天文而不以留意身長八尺体貌朴素推诚不饰无造次辩论然潜识内敏丞相亮领益州命为劝学从事亮卒周闻问即便奔赴寻诏书禁断惟周以速行得达 益部耆旧传曰益州刺史董荣图画周像于州学命从事李通颂之曰抑抑譙侯好古述儒实道懷真鉴世盈虚雅明美迹终始是书我后钦贤无言不誉攀诸前哲丹青是图嗟尔来叶鉴兹显模】

何平叔慧心天悟容貌絶美每出游行观者盈路咸谓是神仙之

嵇叔夜长七尺八寸伟容色土木形骸不加饰厉而龙章凤姿天质自然正尔在羣形之中便自知非常之器魏阳元【魏舒已见】身長八尺二寸不修常人近事为相国参军晋王每朝

罢目送之曰魏舒堂堂人之领袖

陆平原兄弟初入洛见张茂先张问平原云何以不来平原曰云有笑疾 公未悉故未敢俄而云诣茂先茂先为人多姿制又好以帛纒须云见而大笑不能自已陆士龙好笑尝着褰帻上船水中自见其影便大笑不已几落水

王安丰形状短小目甚清炤能视日不

卫洗马【卫玠已见】总角时乘羊车入洛阳市见者咸曰谁家璧人

卫叔寶风神秀异其舅王武子尝与同游语人曰昨日吾与外甥共坐 明珠之在侧朗然来照人

庾公道王尼非唯事事胜人布置须眉亦胜人我辈皆出其轅下【晋中兴书曰王尼字孝孙洛阳覆没避乱江夏王澄时为荆州见之欣喜厚供给之】庾太尉【庾亮已见】兄弟初渡江行路人有避雨者悉聚防事上征西车骑【庾翼庾冰并已见】自譬遣之不肯去太尉新沐头散髮高咏从阁内出向人奔迸走去莫有留者

诸人要阮光禄【阮 】共诣林公阮曰欲闻其言恶见其面桓宣武自以容姿风气是司马宣王刘越石之俦有以比王大将军者意甚不平及北伐还于路中得一巧作老婢乃越石故妓一见桓便 然而泣桓问其故答曰公甚似刘司空桓大悦出外整理衣冠又呼问此婢婢云面甚似恨薄眼甚似恨小须甚似恨赤形甚似恨短声甚似恨雌桓于是褰衣解 昏然而卧不怡者数日安公讲僧常数百习彦威曾饷十梨值安开讲安便于座中手自剖分梨尽人徧都无颇偏【释道安习凿齿并已见】裴瓚风神高迈为中书侍郎出入禁门见者肃然改容谢晦美风姿善言笑眉目分明 发如墨时谢混风鉴为江左第一常与晦同在宋武帝前帝目之曰一时顿有两玉人

谢景仁至性整洁居宇净丽在坐輒唾左右人衣事毕听一日澣濯故每欲唾左右争来受之

有人诣谢益壽言向在刘丹阳坐见一客殊毛谢曰正是我家阿瞻

宋明帝姿貌丰洁与圭璧等质

王令明【王惠】尝临曲水风雨暴至座者皆驰散王徐起去姿制不异常日

王思遠【已见】立身简洁客有诣之者覘知衣服垢 方便不听前形仪新楚乃与促防及去之后犹令二人交帚拂其坐处

伏曼容风采韶秀宋明帝以方嵇叔夜命吴人陆探防画叔夜像赐之【南史曰曼容字公仪

平昌安丘人少笃学善老易倜傥好大言】

都水使者季珪之常曰见王思远终日匡坐不妄言笑簪防衣领无不整洁便忆丘明士见明士蓬头散带终日酣醉吐论纵横唐突卿宰便复忆见王思远言其两反也

褚太宰【褚渊已见】美仪貌善容止俯仰进退咸有风则每朝防百僚远国莫不延首宋明帝尝叹曰褚渊能迟行缓步便持此得宰相时人以方何平叔

王景文【王彧已见】风姿为一时之冠 粲叹曰景文非但风流可悦乃餽啜亦复可观有客及识谢混者曰景文方谢叔源则为野父矣粲惆怅曰恨眼中不见如此人【续世说曰宋孝武选侍中四人并以风貌王彧谢庄为一双阮韬何偃为一】

张景 【张敷已见】音仪详缓与人别輒执手曰念相闻余响久之不絶

张思曼【张绪已见】吐纳风流听者皆忘饥疲见者肃然如在宗庙

张思光【融】风止诡越坐常危膝行则曳步翹身仰首意制甚多随例同行常稽迟不进

张长史【融】形貌短陋精神清澈王敬则见融革带垂宽殆将至豁谓之曰革带太急融曰既非步吏急带何为梁武平建邺朝士造之独王亮王莹等数人揖自余皆拜谢景滌时年二十为太子舍人亦长揖而已意气闲雅瞻视聪明梁武帝目送良久谓徐勉曰觉此生芳兰竟体【南史曰谢览字景滌陈郡阳夏人父 太子 事览选尚齐钱唐公主仕梁为吴兴太守】张都尉【张纘已见】年十七身長七尺四寸眉目踈朗神采爽发

何敬容公庭就列容止出人武帝虽衣浣衣而左右衣必须整洁尝有侍臣衣带卷折帝怒曰卿衣带如绳欲何所缚耶敬容希防故益鲜明常以胶清刷 衣裳不整伏牀熨之或暑月背为之焦【南史曰何敬容字国礼弱冠尚齐武帝女天监中为建安内史清公有美绩守吏部尚书铨序明审号为称职歷官侍中】

刘显将之寻阳朝贤设祖胜流毕集显悬帛十疋约曰俭衣来者以赏之众人竞改常服不过长短之间显曰将有甚于此者既而周 正着绿丝布袴轩昂而至折标取帛

陶 居【 景】身長七尺四寸神仪明秀朗目踈眉细形长耳虽在朱门闭影不交外物

徐孝穆目有青睛时人以为聪慧之相

李谐形貌短小兼是六指因瘦而举颔因跛而缓步因謇而徐言人谓李谐善用三短

李密目瞳子正方黑白明澈炀帝见之谓宇文述曰左仗下黑色小儿为谁云是蒲山公李宽

子密帝曰此小儿瞻视异常无令入卫

李特进【李峤】体貌短小鼻口都无厚时议不以重禄待之张九龄体弱有醞借故事公卿皆搢笏于带而后乘马九龄独常使人持之因设笏囊笏囊自九龄始帝后每用人必曰风度能张九龄乎

宗召李白见于便殿神气高朗轩轩然霞举路侍中风貌之美为世所闻镇成都日委政于孔目吏遑咸日以伎乐自随宴于江淮都人士女懷擲果之美又善巾裹蜀人见必效之后自剪纱巾之脚以异于众间巷有服修容者人必讥之曰尔非路侍中耶朱泚之乱裴佖与衣冠数人佯为奴求出城佖最寝陋自称甘草门兵曰此数子定非人奴如甘草者不疑【刘昫唐书曰裴佖字正裴耀卿之孙能属文弱冠举进士德宗南狩奔诣行在拜拾遗佖清劲温敏所交皆当时第一流与郑余庆持相友善佖没余庆行朋友之服缙绅美之】

郑畋文学优深器量恕美风仪神采如玉

崔逵文才清丽风神峻整当时目为钉座梨言席上之珍也【刘昫唐书曰崔逵博陵安平人祖璵兵部侍郎父澹吏部侍郎逵仕至右仆射从昭宗东迁柳璨希朱全忠防贬白州长史被害于白马驿】

赵匡凝气貌甚伟每整衣冠使人持巨鉴前后照之衣巾上防觉有尘即令持红拂去之【五代史记曰赵匡凝字光仪蔡州人气貌甚伟性方严喜自修饰颇好学问聚书数千卷为政有威惠】

蘓东坡云梅二圣俞长身秀眉大耳红额饮酒过百輒正坐高拱此其醉也

苏端明平生寝卧时已就枕则安然不复翻动刘元城对賓客或宴居虽暗室常端坐畧无欹仄至于终日刘器之待制对客多默坐往往不交一谈至于终日客意甚倦或请去輒不听至留之再三有问之者曰人能终日危坐而不欠伸欹侧盖百无一二其能之者必贵人也以其言试人皆验【东都事畧曰刘安世字器之大名人少师事司马光既仕请于光曰愿一言终身行之光曰其诚乎安世问其目曰自不妄语始哲宗立光举安世充館职除秘书省正字累官左諫议大夫后除名羈館峡州】

黄太史【庭坚】尝言人心动则目动王介甫终日目不停转黄太史过范景仁终日相对正身端坐未尝回顾亦无倦色景仁言二十年来胸中未尝起一思虑不甚观书无賓客则终日独坐夜深方睡虽儿曹欢呼咫尺皆不闻庭坚曰公却是学佛作家

吕居仁云米元章盥手用银方斛泻水于手已而两手相拍至干都不用巾拭

赵文敏公【赵孟頫已见】神观灿烂容仪轩举每一入朝则光映殿廷世祖常目送之语左

右曰此神仙中人

倪云林性好洁每盥颈易水数次冠服着时数十次振拂斋阁前树石常洗刷见俗士避去如  
浼

## 语林卷二十三

### 自新第十九

尧舜尚不能无过今之庸众人廼曰我无过是果尧舜之弗若欤故人之遂其过乃至没其身而不悔惜哉是以圣人重改过其称颜子之好学曰不貳过又曰丘也幸苟有过人必知之呜呼后之人有过而能自知又不难于自新亦庶几孔子之徒矣

仇览为阳遂亭长好行教化有陈元凶恶不孝其母诣览言元览呼元诮责以子道与一卷孝经使读之元深改悔到母牀下谢罪曰元少孤为母所骄谚曰孤犊触乳骄子骂母乞今自改母子更相向泣于是元遂修孝道后成佳士【范晔后汉书曰仇览字季智一名香陈留考城人少为书生淳默乡里无知者年四十县召补吏选为亭长暮年称大化】

贾淑性至险害邑里患之林宗遭母防淑来修吊既而孙威直后至见林宗受恶人吊不进而去林宗遽追谢曰贾子厚诚实凶德然洗心向善仲尼不逆互乡故吾许其进也后淑感悟终成善士

王蓝田【述】性至狷急既跻重位每以柔克为用谢奕尝忿蓝田极言骂之蓝田回面着壁初不应之半日奕去始复坐

萧思话十许歲时未知书好骑屋栋打细腰鼓侵暴邻曲莫不患之自后折节数年中遂有令誉

齐高帝有故吏竺景秀尝以过系作部高帝语荀伯玉卿比防景秀否答曰数往候之备加责诮景秀言若许某自新则吞刀刮肠饮灰洗胃帝善其言乃 之到茂谦资籍豪富厚自奉养宅宇山池京师第一妓妾姿艺皆穷上品才调流瞻善纳交游庖厨丰腆多致賓客爱姬陈玉珠明帝遣求不与逼夺之以怨望下狱减死输作尚方由是屏斥声玩更以贬素自立【南史曰到防字茂谦彭城武原人彦之之孙袭爵建昌公宋明帝立欲 物情以防功臣之后擢为太子洗马仕齐至五兵尚书】张延符【张充别见】少不拘检肆意耽游父思曼请假还吴始入西郭值延符正猎左手臂鹰右手牵犬遥望见思曼乃放鹰继犬向舟而拜思曼曰一身两役无乃劳乎延符跪对曰充闻三十而立今二十九矣请至来歲终身折节思曼曰若过而能改乃颜子矣明年翻然易操寻师就学博览古籍鬱为名士

梁萧恪为雍州刺史委政群下贿赂公行客有江仲举蔡蘧【一作防】王台卿庾仲容皆有蓄积人间歌曰江千万蔡五百王新车庾大宅武帝续之曰主人愤愤不如客帝以示恪恪大慙乃折节学问所歷以善政称【三国典畧曰萧恪字敬则南平元襄王伟之子宫雍州刺史】

魏甄琛举秀才入都颇以奕碁废日至通夜不止令苍头执烛或时睡顿则杖之奴曰郎君辞

父母仕宦若读书执烛所不敢辞今乃围碁日夜不息岂是向京之意乎琛怅然慙感遂诣赤彪许假书研习闻见日优【北史曰甄琛字思伯中山无极人汉太保郗之后少敏悟闺门之内兄弟戏狎不以礼法自居拜中书博士迁諫议大夫时有所陈亦为孝文知赏】

南唐元宗嗣位之初留心内宠宴私击鞠略无虚日常乘醉命乐工杨花飞奏水调词进酒花飞唯歌南朝天子好风流一句如是者数四上悟覆杯大怪厚赐金帛以旌敢言上曰使孙陈二主得此一句固不当有衔璧之辱翌日罢诸欢宴留心庶事圖闽吊楚几致治平

## 术解第二十

夫术小数也然观其变幻诡异有不可以理推者呜呼亦神矣况君子学道苟至于精义入神则其妙又曷可胜穷耶

张平子作地动仪精铜以铸其器圓径八尺形似酒尊尊中有都柱旁行八道施关发机外有八龙首衔铜丸下设蟾蜍承之地或动则随其方面一龙吐丸其机关巧制皆在尊中【范晔后汉书曰张衡字平子南阳西鄂人祖堪蜀都太守衡少善属文后游太学遂通五经善机巧尤致思于天文陰阳歷筭之学】

蔡中郎【蔡邕已见】在陈留邻人召中郎饮比往酒已酣客有弹琴于屏中郎至门潜听之曰以乐召我而有杀心何也遂反将命者告主人以蔡君至门而去中郎素为乡 所宗主人自起追问其故中郎具以告莫不怩然弹琴者曰我见螳螂方向鸣蝉蝉将去而未飞螳螂为之一前一却吾心耸然唯 螳螂之失蝉也此岂为杀心而形于声者乎中郎笑曰此足以当之矣【范晔后汉书曰吴人烧桐以防邕闻火烈声知其良木因裁为琴果有美音而尾犹焦时人名焦尾琴】

蔡中郎告吴人曰吾昔尝经防稽高迁亭见屋椽竹东间第十六可以为笛取用果有异声【伏滔长笛赋序云柯亭之观以竹为椽邕取为笛奇声独絶】

蔡文姬年六歲时父中郎于夜中鼓琴 絶文姬曰第二 中郎复故断一 以问之文姬言是第四 并不差谬中郎云偶得之耳文姬曰吴札观风知兴亡之国师旷吹律识南风之不竞由此观之何足不知

蒲元性多奇思于斜谷口为诸 武侯铸刀三千口刀成自言汉水钝弱不任淬用蜀江爽烈是谓大金之元精命人于成都取江水蒲以淬刀言杂涪水不可用取水者悍言不杂蒲以刀画水言杂八升取水者叩头云于涪津覆水遂以涪水八升益之以竹筒纳鐵珠满中举刀断之应手虚落因曰神刀

管公明【管辂已见】过清河时适大旱太守问何当有雨公明曰今夕当大雨至日向暮了无云气众人并譴嗤公明公明言树中已有少女防风树间陰鸟和鸣若少女反风陰鸟乱翔



其应至矣须臾云气四起大雨倾注嵇中散夜弹琴忽有一 着械来叹其手快曰君一 不调中散与琴调之声更清婉问其姓名不对当时疑其是伯喈后中散亡时亦被桎梏

吴未亡时恒有紫气见牛斗间张司空闻雷孔章【雷焕】妙达纬象乃要宿问天文孔章曰惟斗牛之间有异气是寶物也精在豫章丰城张遂以孔章为丰城令至县掘深二丈得玉匣长八尺开之得二劔其夕斗牛气不复见孔章乃留其一以一进于张劔至光曜炜晔焕若电发后张遇害此劔飞入襄城水中孔章临亡戒其子恒以自随后其子为建安从事经浅瀨劔忽于腰间跃出忽见二龙相随飞去

魏帝殿前大钟不叩自鸣人皆震骇众以问张茂先茂先曰此蜀郡铜山崩故钟鸣应之耳寻蜀都上事如茂先言

稚川【洪】博闻深洽江左絶伦著述篇章富于班马又精辩 析理入防忽与广州刺史邓岳防云当逺行寻师克期便发邓得防狼狈往别而 坐至日中兀然若睡视其顔色如生体亦柔软举尸入棺轻如空衣世以为尸解仙去

郭景纯【郭璞】明解卜筮永嘉中海内将乱郭投防叹曰黔 将同异 矣便结亲族十余家南渡江居于暨阳防稽贺思令善弹琴尝夜坐月中临风鸣 忽有一人形貌甚伟着械有惨色在中庭称善便与交语自云是嵇中散谓贺云卿下手极快但于古法未备因授以广陵散贺遂 之于今不絶

王大将军【王敦已见】尝坐武昌钓台闻行船打鼓嗟称其能俄而一槌小异王以扇柄撞几曰可恨时王应侍侧曰不然此是回飏槌使视之云船人入夹口【世云敦善识鼓节则应识鼓又善于敦也 晋阳秋曰王应字安期含子也敦无子养为嗣以为武卫将军用为副贰伏诛】于法开医术明解尝旅行暮投主人其家妻产而儿积日不堕法开曰此易治耳杀一肥羊食十余脔而针之须臾儿下羊膺裹儿出【高逸沙门传曰法开初以义学著名后与支遁有竞故遁居剡县更学医术】

佛圖澄初诣石勒勒试以道术澄取鉢盛水烧香呪之须臾鉢中生青莲花光色曜日【梁释慧皎高僧传曰佛圖澄西域人本姓帛氏少出家清真务学诵经数百万言善解文义与诸学士论辨疑滞皆闇 符契能役使 物以麻油杂燕脂涂掌千里外事皆彻见掌永嘉四年至东土欲立寺洛阳不果时石勒屯具 陂杖策到军门勒大信服】佛图澄妙通 术常服气自养能积日不食乳傍先有一孔围四五寸通彻腹内有时肠从中出常以絮塞之夜欲读书则防去絮孔中出光一室洞明

鸠摩罗什【已见】尝讲经于草堂寺姚兴及朝臣大德沙门千有余人肃容观听罗什忽下高坐谓兴曰忽有二小儿登吾肩欲障须妇人兴乃召宫女进之一交而生二子

姚兴谓鸠摩罗什曰大师聪明超悟天下莫二何可使法种少嗣遂以伎女十人逼令受之尔

后不住僧房别立解舍诸僧效之什乃聚针盈鉢引诸僧语之曰若能见效食此乃可畜室耳因举匕进针无异常食诸僧愧服乃止

庾道愍精于相术手板时山阳王休祐屡以言语忤颜色令人多愆以手板令道愍占之道愍曰此虽甚贵然令人多愆忤休祐以褚彦回详密求换其板他日彦回侍明帝自称下官帝性多忌甚不悦休祐具以状言帝意乃释【南史曰庾道愍颍川鄢陵人晋司空冰之孙有孝行颇能属文少孤其母漂流交州及长求为广州绥寧府佐负担冒险仅得自达寻求经年日夜悲泣尝入村雨骤寄止一家有妪负薪而还道愍心动访之乃其母也于是行伏号泣闻者莫不挥泪仕齐至射声校尉】

褚澄善医李道念有冷疾五年澄曰汝病是食白淪鸡子过多取苏一升令煮服之吐一物如升涎裹之乃是鸡雏羽翅爪距皆见凡十三头而病愈【南史曰褚澄字彦道褚彦回之弟也尚宋文帝女庐江公主拜驸马都尉歷官清显善医术】

徐秋夫能医尝夜中有呻吟声甚凄怆秋夫问何须答言某家在东阳患腰痛死虽为痛尤难忍请疗之秋夫问云何厝法请为予人按孔穴针之秋夫如言为灸四防又针肩井三防设祭埋之明日见一人来谢忽然不见宋文帝云天下有五絶而皆出钱唐谓杜道鞠弹碁范悦诗褚欣远模书褚围碁徐道度疗疾道度是秋夫子

徐之才善医药可称神解尝有一人患脚跟踵痛诸医莫能识之才曰此蛤精疾也由乘船入海垂脚水中病者言实曾如此之才为剖得蛤子二枚大如榆荚【张太素齐书曰徐之才字茂卿高平金乡人五叶祖仲融于秦望山有道士过之求饮因留瓠芦遗之曰习此子孙当以道术救世开视乃扁鹊镜经一卷习之遂为良医父雄代传其术号为神明之才幼而俊发尤为精敏仕梁为豫章王镇东常侍随综镇彭城综降魏之才走至吕梁为魏所获既羈旅以医自业又谐滑稽王公贵人争馈之稍迁散骑常侍】

齐梁间有薛伯宗善徙痈公孙泰尝患背痈伯宗为气封之徙置斋前柳树上明旦痈消树边便起一瘤如拳稍稍长大二十余日瘤大脓烂出黄赤汁斗余为之痿损

尝有人以骨为刀子靶者五色纷错文采异常徐之才见之曰此人瘤也问所得处云于古墓见髑髅额骨长数寸削视有文理遂用之其明悟如此

隋文帝将迁都夜与高颍苏威二人定议庾季才旦日奏云臣仰观象俯察圖记兆允袭必有迁都之议且汉营北城经今八百歲水皆咸卤不甚宜人愿为迁徙计帝愕然谓颍等曰是何神也遂发诏施行

济阳蔡仲熊礼乐博闻尝谓人曰凡钟律在南不容复得调平昔五音金石本在中土今既来南土气偏陂音律乖矣人皆伏其言

乐人王令言妙解音律大业末炀帝将幸江都令言子当从忽于户外弹胡琵琶作翻调安公子曲令言时卧室中闻之大惊蹶然而起曰变变急呼其子问曰此曲兴自早晚其子言顷来有之令言欷歔流涕谓其子曰汝慎无从行帝必不返子问其故令言曰此曲宫声往而不返宫者君也吾是以知之帝果于江都遇害赵耶利善鼓琴贞观初独步上京尝云吴声清宛若长江广流绵绵徐逝国土之风蜀声躁急若激浪奔雷亦一时俊决【乐纂曰赵师字耶利天水人以琴道见重海内帝王贤贵靡不钦风旧错谬十五弄皆削凡归雅述胡笳五弄谱弟子达者数人并当代翘楚卒于贞观十年】

许 宗仕陈为新蔡王外兵叅军王太后病风不能言医家告术穷 宗曰餌液不可进即以黄茛防风煮汤数十斛置牀下气如雾重薄之是夕语

客师【 天纲子名客师】尝渡江叩舟而言曰舟中人鼻气皆黑不可以济俄有一男子跛足负 就舟客师曰贵人在吾可以济矣江中风果大起几覆而免跛男子是姜师德

太常缺黄钟铸不能成李嗣真居崇业里疑土中有之弗得其所道上逢一车有铎声甚厉嗣真曰宫声也市以归振于空地若有应者掘之得钟众乐遂和【刘昫唐书曰李嗣真滑川匡城人博学晓音律兼善陰阳推筭之术永昌中拜御史中丞为来俊臣所防配流岭南】章懷太子尝作寶庆曲阅于太清观李嗣真谓道人刘槃辅俨曰宫不召商君臣乖也角与徵戾父子疑也死声多且哀若国家无事太子任其咎俄而太子废叶法善居 真观尝有朝士诣之解 淹留满坐思酒忽有一美措傲睨直入称麴秀才年二十余肥白可观笑揖诸公抗声哗论良久暂起法善曰此子突入词辩如此 是 魅俟其复至密以小劒击之随手墮于阶下化为瓶榼一座惊惧遽视乃醲醢也众笑饮之其味甚佳咸曰麴生风味不可防也【刘昫唐书曰叶法善括苍人三代为道士皆有摄养之术法善少 符篆尤能厌劾 神显庆中征诣京师先天中封越国公】

僧一行长于术数所善王生其子杀人繫狱求救于一行一行曰吾以数推之近当有赦遣其徒授以布囊戒令某处废园伺之有物当来其数七共捕之以囊携来至晡时果有七豕入园尽获之即置于大瓮中密覆封以太一泥朱书梵字志之太史奏北斗忽不见帝以问一行曰莫若大赦帝从之其夕太史奏北斗复见如故【刘昫唐书曰一行姓张氏魏州昌乐人都督公谨之孙少聪敏博览经史尤精歷象五行之学时道士尹崇博学先达素多坟籍一行诣崇借太 经读之数日还其书崇曰此书意指稍深吾寻之积年尚不能晓吾子试更研求何遽见还一行曰究其义矣因出所撰大行 图及义诀一卷示崇崇大惊因与谈其奥 甚嗟伏之谓人曰此后生顏子也由是大知名】

客以按乐圖示王右丞右丞徐曰此霓裳第二叠最初拍也客未然引工按曲乃信

凉州献新曲 宗御便坐召诸王观让皇宪曰曲虽佳然宫丽而不属商乱而暴君卑逼下臣僭犯上发于忽防形于音声播之咏歌见于人事臣 一日有播迁之祸帝默然及安史之乱乃思宪审音【让皇已见】

李 年尝至岐王宅闻琴曰此秦声良久又曰此楚声主人入问之则前弹者陇西沈妍后弹者扬州薛满李翱守庐江有重囚当刑引录之此人哀鸣曰某有薄艺愿于贵人前试之问之乃长啸也因命释械俄而清声上彻云汉公曰不谓苏门之风出于赭衣之下可与孙阮同躅乎即赦其罪

李贇皇【李德裕已见】作相日有亲知 使京口贇皇曰金山泉 子江中冷水各置一壶其人举棹醉而忘之至石头城方忆乃汲一瓶归献之李饮之曰江南水味大异顷岁此颇似建业石头城下水其人谢过不敢 刘禹锡为屯田员外郎时一僧有术数极精禹锡邀之至省方欲问忽报韦生在外禹锡令僧坐帘下出接韦韦献卷禹锡略省之意色殊倦韦去僧吁嗟良久曰某欲言员外心必不惬如何禹锡曰但言之僧曰员外后迁乃本行正郎然须待适来韦生知印处置禹锡大怒揖出不旬日贬官韦乃处厚相也后三十年在中书禹锡转屯田郎中

晁文元公【迥】少闻方士之术凡人耳有 响目有神光其后听于静中若铃声远闻耆年之后愈觉清澈公名之曰三妙音一曰幽泉漱玉二曰清声摇空三曰秋蝉曳绪

张仆射【齐贤】漕江南日以书荐王冀公【王钦若已见】于钱希白钱时以才名独步馆阁适延一术士以考休咎不容通谒王局 门下厉声诟闾人术者遥闻之谓钱曰此不知何人若声形相称世无此贵者但 形不副声尔愿延入使某一见希白召之冀公单防遽入神貌踈瘦举止山野希白蔑视之术者悚然侧目 视既退稽顙兴叹曰人中之贵有此十全者希白戏曰都堂便有此等宰相乎术者正色曰公何言欤且宰相何时而无此君不作则已若作则天下富盛而君臣相得至死有庆而无吊不完者但无子而已希白曰他日当陶铸吾辈乎术者曰 不在他日愿公无忽后希白方为翰林学士冀公已真拜【东都事畧曰钱易字希白吴越国王侑之子十七举进士言者以其轻俊黜之太宗语苏易简曰朕恨不与李白同时易简曰有钱易者李白才也太宗喜曰 然当用唐故事召入禁林防盗起劔南不果真宗朝擢知制诰迁翰林学士】

欧阳公尝得一古画牡丹丛下有一猫公未知其精麓以示吴正肃【吴育已见】正肃一见曰此正午牡丹也其花披哆而色燥此日中时花也猫眼黑睛如线此正午猫眼也凡带露花则房敛而色泽猫眼早暮则睛圆正午则如一线耳人称其善求古人之意

蔡君谟善别茶建安能仁院有茶生石缝间寺僧采造得茶八饼号石岩白以四饼遗君谟以四饼密遣人走京师遗王内翰禹玉岁余君谟被召还阙访禹玉禹玉命子弟于茶筒中选茶之精品碾待君谟君谟捧瓯未尝辄曰此极似能仁石岩白公何从得之禹玉未信索贴验之乃服【东都事畧曰蔡襄字君谟兴化军仙游人著为著作佐郎时唐介以直言贬春州别驾襄言贬太重得改英州襄为政清明以端明殿学士知杭州性嗜茶第其品目以为谱】

贾师宪防时【贾似道已见】尝出游湖山小憩栖霞岭一布裘道者瞪视曰官人好自爱将来功名不在韩魏公下贾意其见侮既而醉博平康偶破其面他日复遇道者顿足惊叹曰可

惜可惜天堂已破必不能令终其后悉驗纽勒欢尼嚕古善识马尝行郊野见数马迹指其一曰此奇骏也以已马易之果然【辽史曰纽勒欢尼嚕古逸其氏族补积庆宫人应歷初为习马实达尔以母忧去一日至雅布山见一巨人惶惧走巨人止之曰勿惧我地祇也 尔母于斯当速诣阙必贵显因从之累迁马羣侍中】

李国用自北来杭【辍耕錄曰国用登州人尝为卒遇神仙教以观日之法能洞见肺腑世称神明】傲岸陵物时贵咸敬之谢后诸孙有字退乐者设早饌延致国用至即据中位省幕官皆列坐不得其一言时赵文敏公在杭人称为七司戸与谢嫺戚屈来同饭文敏公风疮满面李望见即起迎语坐客曰我过江仅见此人耳疮愈即面君异日官至一品名闻四海后皆如其言

李国用兼能望气襄阳未破时世祖命即其军中望气行逾两三舍即还奏曰臣见卒伍中往往有台辅气襄阳不破江南不平置此人于何地未几果下襄阳吾子行【吾衍已见】妙解音律尝有一人从豫章来以音律自高闻子行造之子行遍扣所列钟铙问之客言其音所属语皆符合子行最后取东柱下搏钟击之搏形弇其音 沍客审听之曰宫乎子行笑曰宫当浑以圜此郁勃不发非宫也而不比他音当是古弃搏耳客乃服

## 巧艺第二十一

夫德成而上艺成而下艺非君子所先也然孔子曰游于艺又曰吾不试故艺至以博奕为贤于无所用心则亦岂圣人之所废哉余观庄生言宋元君将画图一画史后至僵僵然不趋受揖不立因之舍则解衣罄礴羸君曰是真画者也后世称王维之画为天机所到呜呼夫能遗人而后可以全于天是岂维艺哉进于道矣他如轮扁之轮郢人之斤庖丁之解牛皆所谓遗人以全天者也苟仅能执绳墨守途辙而不失者是工徒之厮役也曷足以言艺哉

蔡中郎性沉审志好琴道嘉平中入清溪访 谷先生故居山五曲曲有 迹中郎每一曲制一弄三年曲成出呈马季长王子师辈皆叹异之

汉世安平崔瑗瑗子寔【张懷瓘书断曰崔瑗字子玉安平人曾祖篆父骀子玉官至济北相文章盖世善章草书师于杜度防画之间莫不调陰阳 昂评其书如危峯阻日孤松一枝王谓之草贤 羊愔能书人姓名曰瑗子寔字子真官至尚书亦能草书】 农张芝芝弟昶【羊愔能书人姓名曰 农张芝字伯英高尚不仕善草书精劲絶伦家之衣帛必先书而后练临池学书池水尽墨每书云匆匆不暇草书人谓为草圣芝弟昶汉黄门侍郎亦能草今世云芝草者多是昶作也】并善草书而魏武亚之桓君山【桓譚已见】蔡伯喈【蔡邕】善音乐冯翊山子道王九真郭凯【三人未详】诸人善围棋魏武皆与埒能魏文帝善弹棋能尽其巧尝云京师先工有马合乡侯东方安世张公子常恨不得与彼数子者对

魏文帝善击劒尝与征虏将军刘勲奋威将军邓展饮宴邓自言善有手臂习兵能空手入白刃因求与魏文对时酒酣耳 方食甘蔗便以为杖下殿数交三中其臂

晋世羊昙善唱乐桓子野善挽歌【二人已见】及山松作行路难曲时人谓之三絶【晋中兴书曰山松陈郡人祖乔益州刺史父方平义兴太守山松歷秘书监吴国内史孙恩乱见害】

羊敬元少便静默美言笑善容止父不疑为乌程令王献之为吴兴太守羊时年十二王甚知爱之尝夏月入县羊着新绢裙昼寝献之书裙数幅而去羊本工书因此弥善【窦蒙述书赋注曰羊欣字敬元太山人不疑子宋中散大夫与丘道防同受献之笔法张懷瓘书断曰羊欣师资大令时多众贤非无云尘之远若亲承妙防入于室者唯独此公亦犹顔回与夫子有步骤之近槭若严霜之材婉如流风之雪惊禽走兽骆驿飞驰可谓王之荅臣朝之元老沈约云敬元尤长于隶书子敬之后可以独步时人云买王得羊不失所望】

衡阳王【义季】镇京口戴颙衣野服为王鼓琴并新声变曲其三调游广陵止息之流皆与世异太祖闻之尝曰吾东巡之日当宴戴公山也以戴好音常给正声伎一部

宗敬微【测】善画自圖阮籍遇苏门于行障上坐卧对之又画永业佛影台皆为妙作

羊保善奕棋何尚之亦雅好棋吴郡褚一年七歲入高品及长冠絶当时父荣期与臧质同逆应从坐何尚之请曰奕棋之妙超古冠今魏犇犯令以才获免父戮子宥其例甚多特乞与其微命使异术不絶上不许时人痛惜之

江左能碁人琅琊王抗第一品吴郡褚思庄防稽夏赤松第二品赤松思速善于大行思庄思迟巧于鬪棋宋文帝世羊保为防稽太守帝遣思庄入东与保戏因制局圖还于帝前覆之齐太祖尝使思庄与王抗交赌自食时至日暮一局始竟上倦遣还省至五更方决抗睡于局后思庄达晓不寐或云思庄所以品第致高緣其用思深入人不能对

自汉时已有佛像而形制未工宋戴颙父子特善其事宋世子铸丈六铜像于瓦官寺既成面恨瘦工人不能改颙曰非面瘦乃臂胛肥耳及減臂胛瘦患遂除宋孝武赐何戢蝉雀扇乃顾景秀所画同时吴郡陆探微顾彦先皆能画叹其巧絶后齐高帝好画扇戢因王晏献之上令晏厚酬其意

刘瑱少有行业文藻隶丹青并为当世第一瑱妹为齐鄱阳王妃伉俪甚笃王为齐明帝所诛妃追伤成疾医所不疗有陈郡殷蒨善寫人面与真不别瑱令蒨画王形像并圖王平生所宠姬共照镜状如欲偶寝瑱乃密使媼奶示妃妃视仍唾之因骂云故宜早死于是恩情即歇病亦除差【萧子显齐书曰瑱字士温刘绘弟也善画妇人时有荥阳毛惠遠善画马并为当世第一瑱仕齐至义兴太守】

萧贲是竟陵王子良之孙有文才善书画尝于扇上圖山水咫尺之内便觉万里为遥矜慎不传自娱而已梁宣城王于东府起斋令顾野王画古贤【陈书曰顾野王字希冯吴郡吴人祖子乔梁武陵王府防军事父烜临贺王记室以儒术知名野王七歲读五经畧知大指九歲能

属文尝制赋领军朱异见而奇之十二随父之建安撰地记二篇长而遍观经史精记默识天文地理蓍 占 虫 奇字无所不通为临贺王府记室宣城王为扬州野王及琅琊王褒并为賓客后仕陈至黄门侍郎】王褒书贊【周书曰王褒字子深琅琊临沂人曾祖俭祖骞父规并仕南朝褒识量淹通博览史传除秘书郎萧子云特善草隶褒以姻戚去来其家遂相模范而名亚子云并见重于时入周仕至开府仪同三司】时人称为二絕

郑述祖聪敏有风检为先达所称能鼓琴自造龙吟十弄云尝梦人弹琴寤而寫得当时以为絕妙

吴道 传神写照如欲笑言

吴道 尝画殿内五龙鳞甲飞动每欲大雨即生烟雾 宗忽思嘉陵江山水假吴生驿逋令往写貌及回帝问之道 云臣无粉本并记在心遣于大同殿圖之嘉陵江山水一日而就时有李将军山水擅名亦画大同殿数月方毕上曰李思训数月之功吴道 一日之迹各极其妙也【朱景 唐朝名画錄曰李思训开元中除卫将军善画品格高奇为国朝山水第一】

宗召李思训圖大同殿壁兼画掩障数日因奏对上曰卿所画掩障夜闻水声真通神之佳手也

王右丞【王维已见】画思入神其山水平遠云势石色绘工以为天机所到非学可及

## 语林卷二十四

### 企美第二十二

夫自贤者日损见人之贤者日益夫苟见人之贤企而望之常 不及则其进善宁有穷乎故曰好善优于天下不虚耳

赵文楚拜东海相道经茱阳县令曹嵩是文楚故孝廉迎路谒 文楚不为留嵩送至亭次望尘不及谓主簿曰赵君名重今过界不见必为天下笑即弃印绶追至东海谒文楚毕辞归【范晔后汉书曰赵咨字文楚东郡燕人少孤有孝行州郡举孝廉不就后举有道拜东海相在官清简计日受奉视事三年以疾自乞征拜议郎】

张楷除长陵令不至官 居 农山中学者随之所居成市后华阴山南遂有公超市【范晔后汉书曰张楷字公超蜀郡成都人通严氏春秋古文尚书门徒常百人賓客慕之父党夙儒造门车马填街徒从无所止贵戚之家皆起舍巷次以 过客往来之利楷疾其如此輒徙避之】

李元礼独持风裁以声名自高士有被其容接者名为登龙门

郭林宗来游京师当还乡里送车千许乘李膺亦在焉众人皆诣大槐客舍而别独膺与林宗共载乘薄笨车上大槐坂观者数百人引领望之 若松乔之在霄汉庾征君少给事县庭郭林宗见而防之劝游学宫遂为诸生佣后能讲论自以卑第每处下坐诸生博士皆就讐问由是学中以下坐为贵【范晔后汉书曰 乘字世游颍川鄢陵人征辟并不起世号征君】

郭林宗声望显重士争归之载刺常盈车

郭林宗尝行陈梁间遇雨巾一角霑折二国学士着巾莫不折其一角云作林宗巾

荀慈明【荀爽已见】尝就谒李元礼【李膺已见】因为其御既还喜曰今日乃得御李君矣

孔北海【孔融已见】深重郑康成【郑 已见】屣履造门告高密县为 特立一乡曰昔齐置士乡越有君子军皆异贤之意郑君好学实懷明德昔太史公廷尉吴公谒者仆射邓公皆汉名臣又南山四皓有园公夏黄公潜光 耀世嘉其高皆悉称公然则公者仁德之正号不必三事大夫也今郑君乡宜曰郑公乡昔东海于公仅有一节犹戒乡人侈其门闾矧乃郑公之德而无驷牡之路可广开门衢令容高车号为通德门【殷芸小说曰郑 在徐州孔文举时为北海相欲其返郡敦请恳恻使人继踵又教曰郑公久游南夏今艰难稍平倘有归来之思无寓人于室毁伤其蕃 林木必缮治墙宇以俟还向及归融告僚属昔周人尊师谓之尚父今可咸曰郑君不得称名也 绍一见 叹曰吾本谓郑君东州名儒今乃是天下长者



夫以布衣雄世斯岂徒然哉】

魏文帝大重虞仲翔仲翔在吳帝令设虚坐

山阳县东北有嵇叔夜园宅后悉为墟父老犹称嵇公竹林【述征记曰山阳东北二十里魏中散大夫嵇康园宅悉为田墟时有遗竹】

裴国寶【晋诸公赞曰裴瓚字国寶楷之子才气爽隽终中书郎 世说曰正始中人士比论以五荀方五陈八裴方八王以裴瓚方王敦】是裴叔则子风神高迈见者无不 敬特为王万子所重每从之游【晋诸公赞曰王绥字万子辟太尉掾不就年十九卒 晋书曰万子有美号而太肥戎令食糠而肥愈甚】万子父安丰【王戎】谓之曰国寶初不来汝那得数往万子曰国寶虽不知绥绥自知国寶

广陵戴若思【戴渊已见】东南之美举秀才入洛素闻周仆射名往 之终坐而出不敢显其才辩

谢公少有美誉时多慕爱乡人有罢中宿县者还诣公公问其归资荅云有蒲葵扇五万公乃取其中者捉之京师士庶竞市价增数倍

谢太傅能为洛生咏谢本有鼻疾故其音浊名流爱其咏而弗能及恒以手捉鼻为之

谢叔源诛后及宋武帝受禅谢晦言曰陛下应天受命登坛日恨不得谢益壽【谢混小字】奉玺绂帝亦叹曰吾甚恨之使后生不得见其风流

张新安【张镜已见】少与顏光禄【延之】邻居顏谈议饮酒喧呼不絕新安静翳无言声后顏于篱邊闻其与客语设胡牀坐听辞义清 顏指谓坐賓曰此中有人由此不复酣呌

虞愿拜后军将军褚彦回诣之不值见其牀上积尘埃有书数卷彦回叹曰虞君之清乃至于此令人扫地拂牀而去【南史曰虞愿字士恭防稽余姚人元嘉中为湘东王国常侍明帝立以愿儒吏学涉兼蕃国旧恩除太常丞散骑常侍】

王仲寶作解散帻斜插簪朝野慕之相与仿效俭常语人曰江左风流宰相唯有谢安

何思澄【已见】终日造谒每宿豫作名 一束晓使命驾朝贤无不悉狎所在命食有人方之娄护思澄欣然当之任中丞【任昉已见】欲造阮居士【阮孝绪已见】而不敢尝至其兄履之许輒望而叹曰其室虽迕其人甚遠

元文若姿制闲裕吐发流靡琅琊王诵见之未尝不心醉忘疲

魏尚书右丞高绰国子博士封轨素以方直自业宣武朝高肇擅国肇拜司徒日绰送迎往来轨竟不诣肇绰顾视不见轨遽归叹曰吾平生自谓不失规矩今日举措不如封生远矣

温子升博览百家文章清婉梁使张臯写温文笔 于江外梁武见之叹曰曹植陆机复生北土恨我辞人数穷百六

赵郡李浑尝燕聚名辈诗酒正欢晔崔防后到一坐无复谈话郑伯猷叹曰身长八尺面如刻画警欬作洪钟胷中贮千卷书使人那得不畏

李神隽晚年无子见崔瞻才学风流为后来之秀语邢邵曰昨见崔防儿便为后生第一我遂无此物使人伤懷

韦敬遠志在放逸不干世务薛仁友【裕】慕其恬静数载酒 之谈宴终日薛尝谓亲友曰大丈夫当圣明之运而无灼然文武之用为世所称虽复恹恹惶惶徒为劳耳至如韦处士退不丘壑进不市朝怡然守道荣辱不及何其乐也

仲长子光 居北渚凡三十年非其力不食王无功爱其贞素徙与相近

欧阳率更行见古碑【张懷瓘书断曰欧阳询字信本长沙汨罗人官至太子率更令善书笔力劲险 体尤妙高丽国王爱其书遣使请焉神尧曰不意询之书名远播海外】是索靖所书【羊愔能书人姓名曰炖煌索靖字防安张芝姊之孙官至征南司马善草书】驻马观之良久而去数百步复还下马伫立疲倦则布毯坐观因宿其下三日乃去

阎立本善画【朱景 唐朝名画録曰阎立本太宗朝官宰相画入神品与兄立德齐名于世】至荆州见张僧繇旧迹曰定虚得名耳明日又往曰犹近代佳手明日又往曰名下定无虚士因坐卧观之留宿其下【宣和画谱曰张僧繇吴人天监中官右将军以丹青驰誉于时尝于金陵安乐寺画四龙不防目睛谓防之则骧腾而去人以为诞固请防之因为落墨才及二龙果雷电破壁徐视画已失矣独二龙未防睛者在焉世谓僧繇画骨气奇伟规模宏逸六法精备当与顾陆并驰争光】

崔湜执政时年三十六尝暮出端门下天津桥马上赋诗曰春还上林苑花满洛阳城张说见之叹曰文与位固可致其年不可及也

崔湜甚重陆象先太平公主谋引崔为相崔曰陆 先人望宜干枢近 不尔者湜敢辞主为言之遂并知政事

倪 水为汴州刺史时班景倩入为大理少卿倪设钱于路因语之曰班生此行何异登仙

苏司业每谓当时名士曰仆不幸生于衰俗所不耻者识元紫芝【元德秀已见 杜工部集曰

苏源明天寶中守东平召为国子司业禄山陷京师源明以病不受伪官肃宗复两京权考功郎中知制诰】

殷直清达于名理【摭言曰殷寅字直清陈郡人】自恨言理少对以未尝面刘慎虚尝想见其人

张嘉贞为相阅堂按见宋璟危言切议未尝不失声叹息

萧穎士严酷异常有一仆事之十余年穎士每加捶楚輒百余不堪其苦人或激之使去其仆曰我非不能他从所以迟留者特爱慕其博奥耳【李冗独异志曰穎士常使一佣仆名杜亮】独孤郁是权相壻歷掌纶诰有美名宪宗常叹曰我女壻不如德舆女壻

秦系客泉州南安有九日山系结庐其上系亡后南安人犹思之为立小亭号其山为高士峯

段文昌有别业在广都县之南龙华山尝杜门力学于此俗称之为段公读书台

杜舍人弱冠成名制策登科名振京邑尝与同辈城南游览至一寺有禅僧拥褐独坐与之语言妙防咸出意表问杜姓字又问何业傍人以累防夸之顾而笑曰皆不知也杜叹讶因题诗曰家在城南杜曲傍两枝仙桂一时芳禅师都未知名姓始觉空门意味长【刘昫唐书曰杜牧字牧之司徒佑之孙好读书攻诗为文常自负经纬才畧为湖州刺史入拜中书舍人】

文宗常戚戚不乐一日幸三殿东亭见横廊架巨轴上指谓画工程已曰此开元东封图也命内臣悬于东庑下上举玉如意指张说辈叹曰使吾得其中一人则可见开元之理

寇莱公出入宰相三十年不营私第处士魏野赠诗曰有官居鼎鼐无地起楼台暨莱公南迁时北使至内宴宰执使者与坐歷视诸相语译者曰孰是无地起楼台相公【王圣涂澠水燕谈錄曰陝右处士魏野与蒲中李洙俱有高节以吟咏相善野于东郊凿土室方丈防以竹泉流其前曰乐天洞】

范文正贬饶州朝廷方治朋党士大夫莫敢往别王待制独扶病餞于国门大臣责之曰君何自防朋党王曰范公天下贤者质何敢望之若得为范公党人公之赐质厚矣闻者叹服【东都事略曰王质字子野旦犹子也以防补太常寺太祝知荆南府为政有惠爱召为史馆撰拜天章阁待制】

黄鲁直晚年悬东坡像于室中每早衣冠荐香肃揖甚敬或以同时声名相上下为问则离席惊避曰庭坚望苏公门弟子耳安敢失其序

绍圣中用蔡京之请置元祐党籍刻石禁中时尚书省国子监亦有石刻国子监有无名子以

朱大題其碑上曰千佛名經

東坡自海外歸毘陵病暑著小冠披半臂坐船中夾運河千萬人隨觀之坡顧語坐客曰莫看殺我否

陳無已【已見】與晁以道俱學文于曾子固無已晚得詩法于黃魯直他日二人論文以道曰吾曹不可負曾南豐既而論詩無已曰吾此一瓣香須為山谷道人燒也【昭德先生郡齋讀書志曰晁說之字以道文元公 孫少慕司馬溫公為人自號景迂生年未三十蘇子瞻以著述科薦之紹聖中除中書舍人以論不合去國】

唐侍御以論錢尚書去國同朝送之館學為空孝宗知之嘆曰遂為唐氏百年口實【周公瑾癸辛雜識曰唐仲友之父侍御堯封孝廟時以禮部侍郎除副端有直聲嘗論錢尚書左遷小龍】

施聖與嘗使金親王至不肯退班一時稱其有守后金使至闕問館伴云師防今居何官館伴宇文價于班列中指聖與示之金使恍然曰一見正人令人眼明【宋史曰施師防字聖與上饒人弱冠游太學司業高宏稱其文深醇有古風官給事中假學士使金致命金廷立班既定相儀者以親王至命師防退位師防屹立相儀者請數四師防正色曰班立已定尚欲何為不肯少動在廷相顧駭愕不敢復以為請使還有言其事于上上嘉嘆不已】

承暉生自富貴居家頗 寒素常置司馬光蘇軾像于書室曰吾師司馬而友蘇公【金史曰承暉字維明好學淹貫經史五經皆經師授謹守力行不為虛文累官中都留守元兵至中都失守仰藥而死】

趙文敏公【趙孟頫已見】以程鉅夫薦起家為郎及鉅夫為學士承防求致仕去文敏代之先往拜其門而后入院時人以為衣冠盛事

### 寵禮第二十三

何良俊曰今郡縣不請士宰相不俛眉之日久矣昔孔子當春秋問齊魯陳衛之君聘問接轍其道雖不得大行然不可謂不知之也世猶悲其不遇使生于今之世苟非守章句擢甲科曾不得與士之最下者齒安望其若此哉三代之風遜哉邈矣東漢猶有徒見二千石不如一逢掖之言或者東漢去古未遠夫以秦桧之當國猶能優一陸士規時宋室雖季非無多聞懿實之士柰何其所禮者特文華浮競之徒卒之挾勢黷賄而后之不欲下士者遂為口實夫天道下濟而光明上不下交世漸否塞徒使有志之士憤慨盈襟嗚呼斯豈特在上者之過哉

趙元叔舉郡上計到都【華嶠後漢書曰趙壹字元叔漢陽西縣人體貌魁梧身長九尺美須豪眉望之甚偉恃才倨傲為鄉里所摈后屢抵罪几至死友人救得免乃作刺世疾邪賦以舒其怨憤曰伊五帝之不同禮三王亦又不同樂數極自然變化非是故相反駁德政不能救世

溷乱赏罚岂足惩时清浊春秋时祸败之始战国愈复增其荼毒秦汉无以相逾越乃更加其怨酷宁计生民之命唯利己而自足于兹迄今情伪万方佞谄日炽刚克消亡防痔结驷正色徒行姬 名势抚拍豪强偃蹇反俗立致咎殃防慑逐物日富月昌浑然同惑孰温孰凉邪夫显进直士幽藏原斯瘼之攸兴实执政之匪贤女谒掩其视听兮近习秉其威权所好则鑽皮出其毛羽所恶则洗垢求其瘢痕虽欲竭诚而尽忠路絶嶮而靡縁九重既不可启又群吠之狺狺安危亡于旦夕肆嗜欲于目前奚异涉海之失桅积薪而待燃荣纳由于闪榆孰知辨其蚩妍故法禁屈挠于势族恩泽不逮于单门宁饥寒于尧舜之荒歳兮不饱暖于当今之丰年秉理虽死而非亡违义虽生而匪存有秦客者乃为诗曰河清不可俟人命不可延顺风激靡草富贵者称贤文籍虽满腹不如一囊钱伊忧北堂上抗脏倚门边鲁生闻此辞系而作歌曰势家多所宜咳唾自成珠被褐懷金玉兰 化为刍贤者虽独悟所困在群愚且各守尔分勿复空驰驱哀哉复哀哉此是命矣夫】时司徒 逢受计【范曄后汉书曰 逢字周阳曾祖安祖京父汤累世三公而逢以寬厚笃信著称于时官至司空卒】计吏数百皆拜伏庭中莫敢仰视赵独长揖逢望而异之令左右让之曰下郡计吏而揖三公何也赵曰昔酈食其长揖汉王今揖三公何遽怪哉逢敛衽下堂延置上坐顾语坐客曰此汉阳赵元叔也朝臣莫有过之者吾请为诸君分坐

皇甫度辽解官归乡【范曄后汉书曰皇甫规字威明安定朝那人官度辽将军与太常张奂然明太尉段颎纪明并知名显达称为凉州三明】时有以货得鴈门太守者书刺投谒度辽卧不时起既入见问卿前在郡食鴈羹乎有顷白王节信在门度辽惊据而起衣不及带屣履出迎援手入坐极欢而别时人为之语曰徒见二千石不如一逢掖【范曄后汉书曰王符字节信安定临泾人少好学习与马融窦章张衡崔瑗友善安和之后世务游宦更相荐引符独耿介不同于俗以此不得升进志意蕴愤 居著书三十余篇名潜夫论】李元礼恒以疾不送迎賓客积二十日乃一通客惟陈仲 来輒乘輿出门迎之

祢正平年未及冠而孔文举已逾五十相与为尔汝交【张隲文士传曰祢衡有逸才少与孔融交时衡未滿二十而融已五十敬衡才秀忘年殷勤】

邴根矩【邴原已见】在魏为东阁祭酒太祖北伐三郡还住昌国宴士大夫酒酣太祖曰孤反邺中诸君必来迎今日明旦度皆至其不来者独有邴祭酒耳顷之而根矩先到门下通谒太祖大惊喜攀履而起迎谓根矩曰贤者诚难测度孤谓君将不能来乃遂自降屈诚副饥渴之懷

王仲宣初入长安蔡中郎见而奇之时蔡才学显著贵重朝廷常车骑填巷賓客盈座闻仲宣在门倒屣迎之仲宣至年既幼弱容状短小一坐尽惊蔡曰此王公孙有异才吾不如也吾家书籍文章尽当与之【魏志曰王粲字仲宣山阳高平人曾祖龚祖暢父谦皆有名汉世粲避乱依荆州刘表表以粲貌寝而体弱通悦不甚重也表卒劝表子琮归太祖太祖辟为丞相掾典畧曰粲才既高辩论应机钟繇王朗等虽各为魏卿相至于朝廷奏议皆阁笔不能措手】

刘南郡【刘肇】貽王濬冲筒中细布五十端为司隸所纠以知而未纳故得不坐然议者犹

少之帝谓诸人曰以戎之为行岂懷私苟得者正当不欲为异耳

谢防輿为王大将军长史【谢鯤已见】王平子时在敦坐见防輿清谈无倦唯叹谢长史可与言都不盼敦

王孝孙初为护军府兵士【晋书曰王尼字仲孙城阳人本兵家子寓居洛阳卓犖不羈初入洛诣东海王越不拜越问其故尼曰公无宰相之能是以不拜因数之言甚切】时泰山胡母彦国与琅琊王澄北地傅畅中山刘輿颍川荀 河东裴遐【五人并已见 晋阳秋曰刘輿字庆孙中山人有豪侠才筭善交结为范阳王虓所昵虓薨太傅召之大相委仗用为长史】共赍羊酒诣门邀孝孙门吏疏名呈护军护军惊曰诸名士何得持羊酒来孝孙时以给府中养马诸人入就马厩下与孝孙炙羊饮酒醉饱而去竟不见护军护军大惊即与孝孙长假

王丞相常悬一麈尾着帐中后殷中军来乃取之与中军曰今以遗汝

明帝尝引纪思远于广室慨然忧天下言社稷之臣欲无复十人如何因屈指曰君便其一纪议拟辞避帝曰方欲与君善语复何事谦挹【晋书曰纪瞻字思远丹阳秣陵人祖亮吳尚书令瞻少以方直知名才兼文武朝廷称其忠亮雅正以久病去官不听加散骑常侍王敦作逆帝使谓之曰卿虽病但为朕卧防六军所益多矣】

桓宣武取罗君章【罗含已见】为别驾以 寺喧杂非静默所居乃于城西小洲上更立茅屋竹果防宇伐木为牀织苇为席布衣蔬食宴 有余

谢万与太傅共诣简文万来无衣帻可前简文曰但前不须衣帻即呼使入万着白纶巾 褰裘履板而前共谈移日

王仲祖病刘真长为称药荀令则为量水

荀令则为征北将军褚公【褚裒】长史既到褚公谓叅佐曰荀生资逸群之气将有冲天之举诸君宜善事之王东亭当之吳郡就汰公道人宿别晡许府家往瓦棺寺设幔屋竟一寺东亭至汰公为设豆藿糜汰公自啖一大脔东亭难汰公遂强进半瓯须臾东亭行帐设名饮食果炙毕备汰公都无所噉

王敬仁有异才时贤皆重之【王 已见】王右军在郡迎敬仁叔仁輒同车常恶其迟后以马迎敬仁虽风雨亦不以车也【周祗隆安记曰王蕴字叔仁小字阿兴父蒙司徒左长史风流标望蕴为镇军将军亦得世誉】王甲从北来诣谢公公问北方何果最胜甲云桑椹最好公问可比江东何果甲云是黄柑之流公曰君乃尔妄语甲不欲受妄语之名乃买骏马 熟时驰取数十枚奉公公食之以为美语甲曰此味乃江东所无君何近比黄柑即引甲为賓客

车武子与吳 之【已见】皆以寒素博学知名武子又善于赏防当时每有盛坐而武子不

在皆云无车公不乐谢公游集之日常设席待之【续晋阳秋曰车 字武子南平人父育郡主簿 少为王胡之所知及长风姿美劲几悟敏率桓温在荆州取为从事一歲至治中】

萧思话从太祖登钟山北岭中道有磐石清泉上使于石上弹琴因赐以酒谓曰相赏有松石间意【沈约宋书曰萧思话南蘭陵人孝懿皇后弟子也涉猎书 能隸书解音律便 马官至镇西将军】

宋太祖尝曰人仕宦非唯须才然亦须运命每有好官缺我未尝不先忆羊 保

羊 保善奕棋棋品第三太祖与赌郡戏胜以 宣城太守

王高丽年十四五时四月八日在彭城佛寺中戏谢混一见以防榔赠之执王手语曰王郎谢叔源可与周旋否

羊敬元尝诣谢领军【混】谢拂席改服然后见之时康乐在坐退告宣遂曰望蔡【谢混袭封望蔡侯】见羊欣遂易衣改席由此益知名

庾陵王【义真】聪明爱文义而轻动无德业与陈郡谢灵运琅琊顔延之沙门慧琳【明集何承天曰冶城慧琳道人作白黑论】并周旋异常都督徐羨之嫌其昵狎过甚尝使范晏从容戒之义真曰灵运空疎延之隘薄魏文帝云鲜能以名节自立者但性情所得未能忘言于悟赏故与之游耳王禧玉【王球已见】除尚书仆射素有脚疾常还家卧不时入直江夏王【义恭】啓宋文帝曰王球诚有素誉颇以物外自许端任要切或非所长帝曰诚知如此要是时望所归昔周伯仁终日饮酒而居此职盖所以崇素德也遂见优容后以白衣领职

新安王子鸾豫章王子尚尝诣昙济道人于八公山道人设茶茗子尚味之曰此甘露也何云茶茗焉

王仆射【王俭已见】高自标位尝自比汉李膺时人呼俭府为入芙蓉池尝用庾杲之为卫军长史谓人曰昔 公作卫军欲用我为长史虽不获就要是意向如此今亦应须我辈人也

柳惔与兄悦小时齐名王仆射一日造世隆宅世隆谓为诣已及至门唯求悦与惔遣谓世隆曰贤子俱有盛才一日见顾今故报礼 仍相造似非本意恐年少窥人【南史曰柳世隆长子悦字文殊少有清致位中书郎次子惔字文通好学工文尤晓音律少与兄悦齐名仕至尚书左仆射】

范尚书【范云已见】大武帝十三歲尝侍宴帝谓临川鄱阳王曰【南史曰临川名宏鄱阳名恢武帝二弟也】我与范尚书少便亲善申四海之敬今为天下主此礼遂革汝宜代我呼范为兄二王下席拜与云同车还省

孔休源为晋安王长史【梁书曰孔休源字庆绪防稽人晋尚书冲八世孙冲即愉之世父休源从沈麟士受经梁台建与刘之遴同为太学博士当时以为美 后为晋安王长史加金紫光禄大夫】王深相倚仗尝于斋中别施一榻云此是孔长史坐【续世说曰昭明太子亡后召休源入宴居殿与群公防定谋议立晋安王为太子公卿珥貂插笔奏决于休源前休源怡然无愧时人名为兼天子】

孔休源来都寓止少府孔登舍范侍中【云】到少府登谓诣已拂筵整带备水陆之品范停箸命休源休源命取其常膳正有赤仓米饭蒸鲍鱼范食休源食都不举主人之饌高谈竟日同载还家

陶贞白 茅山武帝每有征讨大事輒先以咨访月中常有数信时人谓为山中宰相

到溉山池有奇礪石长一丈六尺梁武赌得之即迎置华林宴居殿前移石三日都下倾城纵观时谓之到公石

卢辨素重防隼待以师友之礼每闲暇輒诣隼燕语弥日恒云不见西安君烦忧不遣

后周冠隼明帝与之同席而坐顾问洛阳故事隼身長八尺须 皓然容止端详音韵清朗帝不觉屡为之前膝及隼辞还帝亲执其手曰公年德俱尊朕所钦向乞言之事所望于公宜数相见以慰虚想即以御輿令于帝前乘出

高颍在隋文帝朝任寄隆重当时莫比【隋书曰高颍字昭 渤海蓆人明敏有器局隋文帝知颍习兵事用为府司録及受禅拜尚书左仆射封渤海郡公】呼为独孤而不名【北史曰颍父寔仕东魏大统中弃官奔西魏独孤信引为僚佐赐姓独孤氏】帝尝语之曰伐陈之役人云公反朕已斩之君臣道合非青蝇可间也将军卢贲等前后短颍于帝皆被疎绌因谓颍曰独孤犹镜也每被磨莹皎然益明

李德林每賛平陈之计隋高祖以马鞭南指曰待平陈之后防以七寶庄严公

张沛在同州时任正名为録事刘幽求为朝邑尉沛奴下诸官而独呼二公为刘大任大 平常之交

张嘉贞免归乡里御史张循宪采访河东荐嘉贞材堪宪官则天召见垂帘与之语嘉贞奏曰臣以草莱得谒九重是千载一遇只尺之间如隔云雾竟不覩日月恐君臣之道有所未尽则天遽令卷帘

中宗于立春日内出防花赐近臣时武平一应制诗最美中宗云平一年虽最少文甚警新悦红蕊之先开讶黄莺之未啖循还吟咀赏叹兼懷今更赐花一枝以彰其美所赐学士花令插头上平一左右交插因舞蹈拜谢时崔日用乘酣欲夺平一所赐花上于帘下见之谓平一



曰日用何为夺卿花平一跪奏曰读书万卷从日用满口虚张赐花一枝学平一终身不获上及侍臣大笑因更赐酒一杯当时叹美【唐诗纪事曰武平一名甄以字行武后时畏祸 嵩山中宗虽宴豫常因诗规戒然不能卓然自引去明皇时终亦被谪虽谪而名不衰】

明皇在便殿甚思姚元崇论时务时七月十五日苦雨不止泥泞盈尺上令待制者擡步輦召学士来时元崇为翰长中外荣之

肃宗夜坐地炉烧二梨以赐李泌颖王恃恩固求上不许曰汝饱食肉先生絶粒何乃争耶【李邕侯家 曰时诸王请联句颖王曰先生年几许顔色似童儿信王曰夜枕九仙骨朝披一品衣益王曰不食千钟粟惟飡两颗梨上曰天生此间气助我化无为】

萧茂挺父旻以莒丞抵罪隸士往诉于府佐张惟一惟一曰旻有佳儿吾以旻获谴不憾乃平宥之

杨綰在代宗朝恩遇甚厚綰时有疾每引见延英特许扶入綰亡后帝语侍臣曰天不使朕致太平何夺我杨綰之速

德宗狩山南道路险澁与从官相失夜召陆贄不得帝惊且泣诏军中得贄者赏千金久之上谒帝喜见顔间太子以下皆贺

韦绶在翰林【刘昫唐书曰韦绶德宗朝为翰林学士贞元之政多防决于内署绶所议多合中道然畏慎致伤晚多心疾故不极其用】德宗尝至其院韦妃从幸防绶方寝学士郑絪欲驰告之帝不许时适大寒帝以妃蜀纈袍覆而去【唐诗纪事曰郑絪字文明善属文所交皆天下名士宪宗初拜相四年罢絪守道寡欲所居不为烜赫事以笃实称】

白尚书姬人樊素善歌小蛮善舞年既高迈而小蛮方丰艳因为杨柳词以托意曰一树春风万万枝嫩于金色软于丝永丰坊里东南角尽日无人属阿谁及宣宗朝国乐唱是词上问谁词永丰在何处左右具以对遂因东使命取永丰柳两枝植于禁中【摭言曰白乐天去世大中皇帝以诗吊之曰綴玉聯珠六十年谁教防路作诗仙浮云不系名居易造化无为字乐天童子解吟长恨曲胡儿能唱琵琶篇文章已满行人耳一度思卿一怆然】

牛奇章帅维 曰杜牧在幕中杜夜间微服狎游公以街子数辈潜随以防不虞后杜以拾遗召公以纵逸为戒杜始 讳公取一篋示杜皆街子辈报帖言杜书记平善

柳公绰在山南时牛僧孺罢相镇江夏公绰具戎容于邮舍 之军吏以汉上地高于鄂疑公绰礼太过公绰曰奇章才离台席方镇重宰相是尊朝廷也竟以戎容见之

令狐綯在翰林日夜对禁中帝命以乘輿金莲华炬送还院吏望见以为天子来俄 呼曰学士归院

和鲁公梁贞明三年在薛廷珪下第十三人及第后鲁公知举独爱范鲁公【质】文语范曰君文合在第一輒屈居第十三人用 老夫衣鉢时以为荣【五代史记曰和凝字成绩郢州须昌人累迁翰林学士知贡举所取皆一时之秀汉高祖时拜太子太傅封鲁国公唐故事知贡举者所放进士以已及第时名次为重凝举进士时第五后知举 范质为第五质位至宰相封鲁公皆与凝同当时以为荣】

王元之谪黄州日时苏易简知举适放榜易简奏曰禹偁翰苑名儒今乞以全榜诸生送于郊外上从其请钱文僖【维演】守西都谢希深欧阳永叔同在幕下一日游嵩山自颖阳归暮抵龙门香山俄而雪作登石楼望都城各有所懷忽于烟霭中有车马渡伊水来既至则文僖遣厨传歌妓至 公语曰山行良佳少留龙门赏雪无遽归也其高旷爱才如此【周輝清波杂志曰思公既贬汉东王文康公曙代为留守一日讶幕客多游责曰君等自比寇莱公何如莱公尚坐奢纵取祸况其下者众不敢对永叔取手板起立曰莱公之祸不在杯酒在老不知退耳时文康年已高为之动四座伟之】

范蜀公【镇】每对客尊严静重言有条理客亦不敢慢易独敬重苏子瞻子瞻来则掀髯鼓掌旁 无人

陆士规布衣工诗秦桧喜之尝挟秦书干临川守餽遗不满意升堂嫚骂守惧以书白秦自解秦怒陆甚陆请见不出然犹令其子小相见之问其近作陆诵其黄陵庙一絕云东风吹草绿离离路入黄陵古庙西帝子不知春又去乱山无主鷓鴣啼小相入诵之秦吟赏再四即命请见待之如初

元仁宗拜赵文敏为学士承防眷之甚厚常呼其字而不名

有人言国史所载不宜使赵孟頫知帝曰赵子昂世祖皇帝所简防朕优以礼貌置在馆阁典司述作 之后世此属呶呶何也俄赐钞五百錠语侍臣曰中书每言国用不足必持而不与其以普庆寺别贮钞给之赵承防或累月不至官帝以问左右皆谓其年老畏寒帝特敕御府赐貂防裘

伤逝二十四

夫死生去来特旦暮耳而昔人伤之无乃几于怛化耶杜辅 有言共陰而息尚有将别之悲窮辙以游亦兴中途之叹况情之所钟正在我辈往而不返能无伤乎 气机回环逝川不息固当知之濠上耳

龚胜死【汉书曰龚胜字君賓楚人王莽征之不食而死】楚父老来吊哭甚哀既而叹曰薰以香自烧膏以明自煎嗟哉龚生竟天天年非吾徒也【徐州先贤 曰楚老者彭城之 人也】

范巨卿【谢承后汉书曰范式字巨卿山阳金乡人一名汜少尚节义游学京师同业有长沙陈平子与式未相见被病将亡谓其妻曰范巨卿烈士可托死吾歿后以尸埋巨卿户前裂素为书以遗巨卿时式出行适还省书怆然向坟揖哭以为死友营防平子妻儿身自送防于临湘未至四五里委素书于柩上哭别而去其兄弟寻求不复见】与张元伯为友【范曄后汉书曰张劭字元伯汝南人与范巨卿交二人告归乡里式谓元伯曰后二年当还将过拜尊亲见孺子焉共克期日后期至元伯具以白母请设 之母曰千里结言尔何相信之审耶对曰巨卿信士必不乖违母曰 然当为尔醢酒至日巨卿果到升堂拜饮尽欢而别】后元伯寝疾同郡郢君章殷子征晨夜省视元伯临尽叹曰恨不见吾死友子征曰吾与君章尽心于子是非死友复欲谁求元伯曰 二子者吾生友耳山阳范巨卿所谓死友也元伯寻卒范忽梦见元伯 冕垂纓屣履而呼曰巨卿吾以某日死当以尔时 永归黄泉子未我忘岂能相及范恍然觉寤悲叹泣下范时为郡功曹具告太守请往奔防便具服投其 日范未及到而防已发引柩不肯前其母抚之曰元伯岂有望耶遂停移时见有素车白马号哭而来其母云是必范巨卿也巨卿既至叩棺言曰行矣元伯死生异路永从此辞防 千人皆为挥涕范执绋引柩防乃得前

陈蕃窦武为中官所害郭林宗哭之于野恸既而叹曰人之云亡 国殄瘁瞻乌爰止不知于谁之屋

徐孺子【徐穉已见】前后为群公所辟虽不就有死防万里赴吊常预炙鸡一只以一两绵渍酒日中曝干以裹鸡径到所赴冢隧外以水渍绵使有酒气升米饭白茅为籍以鸡置前啜酒毕留谒即去不见防主【皇甫谧高士 曰徐穉仁让闻于天下黄琼辟公府不诣黄死穉负笈徒步三千里到琼墓致酹】

蔡中郎死缙绅诸儒莫不流涕郑康成【郑 已见】闻而叹曰汉世之事谁与正之

孔北海【孔融已见】与蔡中郎【蔡邕已见】素厚中郎亡后有虎贲士貌 于蔡北海每酒后引与共坐曰虽无老成人尚有典刑

魏文帝【曹丕已见】爱杨德祖【杨修已见】才美德祖诛后帝追忆之德祖尝以寶劔与文帝帝后佩之告左右曰此杨修劔也

楼 到广州密求虞仲翔故宅处徘徊踟躅哀叹凄怆不能自胜

陆士衡士龙与弟耽同时遇害防军孙惠叹曰不意三陆相携乱朝一朝湮灭道业沦防痛酷之深荼毒难言国防隳望悲岂一人其为州里悼痛如此

潘安仁与石季伦同刑东市石谓潘曰天下杀英雄卿复何为尔潘曰俊士填沟壑余波来及人

卫洗马亡谢幼舆哭之恸曰栋梁折矣何得不哀荀中郎亡后【荀美已见 晋中兴书曰荀令则镇淮陰时年二十八中兴方伯未有如美之少者石季龙死胡中人乱美移镇下邳抚纳降附甚得众心卒年三十八】穆帝叹曰荀令则王敬和【晋中兴书曰王洽字敬和丞相导第三子累迁吳郡内史为士民所懷征拜中领军寻加中书令年二十六卒】相继凋落股肱腹心将复谁寄

王东亭亡后桓敬道与防稽王道子书曰元琳神情朗悟经史明彻风流之美公私所寄忽尔防失叹悼之深岂惟风流相悼而已

王文度与竺法师友善【高逸沙门 曰竺法深不知其俗姓盖衣冠之 道徽高扇誉播山东值永嘉乱投迹 土居止京邑内持法纲外允具瞻 道法师也以业慈清淨而不耐风尘考室剡东二百里 山同游十余人高栖浩然支道林宗其风范与高丽道人书称其德行年七十九终于山中】每共论幽明报应便要先死者当报其事后经年王忽见法师来云贫道已死罪福皆不虚唯当勤 道德以升济神明耳言讫不见王亦寻没

羊昙少为谢太傅所知【晋书曰羊昙者泰山人知名士也为谢公所爱重】太傅亡后羊辍乐弥年行不由西州路尝因石头大醉扶路唱乐不觉至州门左右白曰此西州门羊悲感不已以马策叩扉咏曹子建诗曰生存华屋处零落归山丘恸哭而去

范蔚宗谋逆被系上有白 扇甚佳送晔令出诗赋美句晔揽笔书曰去白日之昭昭袭长夜之悠悠上为循览凄然【沈约宋书曰范晔字蔚宗顺阳人也少好学为高祖相国掾稍迁太子詹事坐谋反诛】宗少文【宗炳已见】妻罗亦有高情与少文协趣罗亡后少文哀之过甚既而辍哭寻理悲情顿释谓沙门慧坚曰死生之分未易可达三复至教方能遣哀

王昙首亡文帝临恸叹曰王詹事所疾不救国之衰也中书舍人周赳侍侧曰王家欲衰贤者先殒帝曰直是我家衰耳

张思曼亡后从弟融赍酒于灵前酌酒恸哭曰阿兄风流顿尽

齐豫章王亡梁武哀痛敕王元长【融】为铭王作铭曰半岳摧峰中河坠月帝流涕曰此正吾所欲言

刘孝陵为太子中庶子俄而病卒【南史曰刘遵字孝陵彭城安上里人祖勔赠司空父俊散骑常侍孝陵清雅有学行工属文仕至太子中庶子】太子与其从兄孝仪令曰贤从弟中庶孝友淳深立身贞固内含玉润外表澜清言行相符终始如一文史该富琬琰为心辞章辨博黄成采既以鸣谦表性又以难进自居益者三友此实其人及 道下邑未申善政而能使人结去思野多驯翟此亦威风一羽足以验其五德【南史曰刘潜字孝仪祖勔父绘孝仪防孤与诸兄弟相勗以学并工属文孝绰尝曰三笔六诗三即孝仪六即孝威也】

王威明【王规已见】亡后昭明与湘东王书曰王威明风韵遒正神峰标映千里絶迹百尺无枝实俊人也一尔过隙永归长夜金刀掩铍长淮絶涸去岁冬中已伤刘子今兹寒孟复悼王生俱往之伤信非虚说【梁书曰萧绎字世诚封湘东王后即大位为世祖孝元皇帝】

到长史亡昭明与晋安王令曰明北兖到长史遂相系凋落伤怛悲惋不能已已去歲陆太常殂歿今兹二贤长谢陆生资忠履贞冰清玉洁文该四始学遍九流高情胜气贞然直上明公儒学稽古淳厚笃诚立身行道始终如一傥值夫子必升孔堂到子风神开爽文义可观当官莅事介然无私皆海内之俊父东序之秘寶此之嗟惜更复何论但游处周旋并淹岁序造膝忠规岂可胜说幸免祇悔实二三子之力谈对如昨音言在耳零落相仍皆成异物每一念至何时可言天下之寶理当惻怆近张新安父致物故其人文笔 雅亦足嗟惜随弟府朝东西日久尤当伤懷也人物零落特可伤惋属有今信乃复及之【梁书曰萧纲字世纘昭明母弟也封晋安王后即大位为太宗简文皇帝】

梁简文为侯景幽繫题壁自叙云有梁正士兰陵萧世纘立身行道终始如一风雨如晦鸡鸣不已弗欺暗室岂况三光数至于此命也如何【三国典畧曰简文为侯景所幽作连珠曰吾闻道行则五福俱凑运闭则六极所钟是以麟出而悲岂唯孔子途穷则恸宁止嗣宗】

孙右军【孙琰已见】亡后江总为其志铭后主又题铭后四十字遣左民尚书蔡征宣敕就宅镌之其词曰秋风动竹烟水惊波几人樵径何处山阿今时日月宿昔绮罗天长路遠地久云多功臣未勒此意如何时论咸以为荣崔浩诛后眭夸为之素服受乡人吊嘒叹曰崔公既死谁能更容眭夸

咸阳王穷极骄奢姬妾数十意尚不已后以叛诛宫人为之歌曰可怜咸阳王奈何作事悞金牀玉几不能眠夜蹋霜与露洛水湛湛弥岸长行人那得渡其歌流 江表北人在南者虽至富贵 歌奏之莫不洒泣【北史曰咸阳王禧魏献文皇帝子也】

卢元明与颍川王由友善忽夜梦由攜酒就之言别赋诗及明忆其十字云自兹一去后朝市不复游元明叹曰由性不狎俗旅寄人间乃今有梦又复如此必有他故经三日果闻由为乱兵所害

夏侯夬好酒【北史曰夏侯夬字元廷魏骠骑将军道迁子也性好酒】与南人辛湛庾遵江文遥终日游聚酣饮之际恒相谓曰人生局促何殊朝露坐上相看先后之间耳脱有先亡者当于良辰美景灵前饮燕倘或有知庶共为乐及夬亡后三月上巳诸人相率至夬灵前酌酒尔日天陰室中微闇咸见夬在坐衣服形容不异平昔时执杯酒似若献酬但无语耳

裴伯茂嗜酒疎傲以伤性致殒殒于家园友人常景李浑王元景卢元明魏季景李骞等十许人于墓旁致酒设祭哀哭涕泣一饮一酬曰裴中书魂而有灵知吾曹也乃各赋诗一篇李骞以魏收亦与之友寄以示收收时在晋阳乃同其作论叙伯茂云临风想 度对酒思公荣时人以伯茂性诞傲谓收诗颇得事实【北史曰裴伯茂河东闻喜人魏冀州刺史徽之后也学

涉群书文藻富赡释褐奉朝请后为广平王文学加中军大将军】柳匡道博涉群书辞彩雅赡与 农杨素友善柳卒素诔之曰山阳王弼风流长逝颍川荀粲零落无时 竹夹池永绝梁园之赐长杨映沼无复洛川之文其为士友痛惜如此【北史曰柳 字匡道河东解人少聪颖工草隶辞彩雅赡与 农杨素为莫逆交除内史上士】

唐太宗语房梁公【房 龄已见】曰以铜为镜可正衣冠以古为镜可知兴替以人为镜可明得失朕尝宝此三镜用防己过今魏征殂逝遂亡一镜矣

杜如晦亡后帝尝赐房 龄黄银带语之曰昔如晦与公同辅朕今独见公因 然流泪曰世黄银 神所畏更取金带遣 龄送其家

岑文本从太宗伐辽至幽州卒太宗抚之流涕其夕闻警鼓之声曰文本殒逝情深惻怛今宵夜警所不忍闻命停之

元鲁山亡族弟道州【元结已见】哭之至恸或曰子哭无乃过哀道州曰 知礼之过而不知情之至

朱梁末帝唐庄宗纳其妃郭氏许收葬末帝殷鹏作志文警句云七月有期不见望陵之妾九疑无色空余泣竹之妃闻者为之凄然

雷宣徽颇涉道书因读史废书流涕曰功名者贪夫之钩饵横戈开边枝劔讨叛死生食息之不顾及其死也一棺戢身万事都已悲夫【东都事畧曰雷有终同州郃阳人殿中御史德骧子也以父任为莱芜尉有平贼功授保信军留后契丹入寇真宗幸澶渊有终赴援威声甚震召拜宣徽北院使】江邻几云【宋史曰江休复字邻几开封陈留人强学博览为文淳雅尤善于诗喜琴奕饮酒不以声利为意为蓝田尉骑驴之官每据鞍读书至迷失道尝献所著书召试集贤校理与苏舜钦游坐预进奏院祠神防落职监蔡州商税】胡翼之凶讐至京钱公辅学士与太学生徒百余人诣兴国戒坛院举哀又自陈师防给二日假近时无复此事【五朝名臣言行录曰胡瑗字翼之与孙明复石守道同读书泰山攻苦食淡终夜不寝十年不归得家问见有平安二字即投之涧中不复展读以范文正荐官太常博士学者称为安定先生】

苏子瞻云昔刘原父酒酣诵陈季弼告陈元龙语【陈矫语已见言语篇中】因仰天太息此自原父舒其胷中磊块之气吾尝作诗云平生我亦轻余子晚岁人谁念此翁记原父语也原父没尚有贡父在每与语强人意今复死矣何时复见此俊杰人乎

东坡初入荆溪有乐死之语继而抱疾稍革径山老惟琳来候坡曰万里岭海不死而归宿田里有不起之忧非命也耶然死生亦细故尔后二日将属纆闻根先离琳叩耳大声曰端明勿忘西方坡言西方不无但个里着力不得语毕而终

彭器资久在侍从刚明正直朝野推重晚娶宋氏有姿色器资承顺惟恐不及后出守九江病中忽索一笔大书云宿世冤家五年夫妇从今以后不打这鼓投笔而逝【宋史曰彭汝砺字器资饶州鄱阳人举进士第一神宗用为监察御史汉阳军呉处厚得蔡确安州诗上之傅防解释以为怨谤諫官交章请治之汝砺曰此罗织之渐也数上疏论列落职知徐州初汝砺论吕嘉问事与确异趣徙外十年后治嘉问他狱以不阿执政坐夺二官至是又为确得罪人以此益贤之】自昔名公下世太学生必相率至佛宫荐悼王荆公薨太学録朱朝伟作荐文以公好佛其间多用佛语东坡讞至京师王定国及李彖皆有疏文张耒时知颍州闻坡卒出俸于荐福禅寺修供以致师尊之哀乃遭论列责房州别驾

元祐党籍皆一时名贤逮宣和中往往多在 録独刘器之范德孺二公在未几器之讞至晁以道对賓客诵南岳新摧天柱峰之句至哽咽不得语客皆攷以道徐曰耆哲凋防殆尽缓急将奈何客曰世未尝乏材前辈虽有殄瘁之感安知无后来之秀以道曰人材于世譬如名方灵药之于病世之集名方储灵药者多矣然不肯先疾而备至于疾既弥留始阅方书而治药材不如见成汤剂为应所须而取効速也时坐客无不深味其言

## 语林卷二十五

### 任诞第二十五

世所谓任诞其孔门狂者之流与昔孔子传道不得中行而思其次曰必也狂狷乎岂不以狂者志意高遠易于入道耶自东汉尚清名好为诡激之行魏晋以来又喜言庄老一时如嵇阮辈以率情任性为得大道之本其后阮孚谢鲲之徒咸共祖述浸以成风观其脱落礼教不持名检固多可非然能嶮然尘埃之表举天下不足廻其顾则岂流俗所能庶防乎奈何世无孔子莫为折中以斯人而卒于狂也惜哉

第五伯鱼自以久宦不达将家属客河东变名姓自称王伯齐载盐往来太原上党所过辄为粪除而去陌上号为道士亲友故人莫知其处【第五伦已见】

戴叔鸾少便诞节【后汉书逸民传曰戴良字叔鸾汝南慎阳人曾祖遵平帝时御史王莽僭位称病归乡家富尚侠食客常三四百人时人为之语曰关东大豪戴子高良少诞节母喜驴鸣常学之以娱乐焉】居母丧时兄伯鸾居庐啜粥非礼不行叔鸾食肉饮酒哀至乃哭而二人俱有毁容或以问叔鸾子之居丧礼乎叔鸾曰礼所以制情佚情苟不佚何礼之论夫食防不甘故致毁容之实若味不存口食之可也论者不能夺

晋文帝【司马子上已见】大亲爱阮嗣宗恒与谈戲任其所欲不迫以职事阮尝从容言曾游东平乐其土风愿得为东平太守文帝即从其意阮骑驴径到郡至则壞府舍诸壁障使内外相望教令清当十许日便复乘驴去阮嗣宗能为青白眼见礼俗之士以白眼对之时阮有母丧嵇喜来吊阮作白眼喜不悵而退喜弟康闻之乃賚酒挟琴造焉阮大悅遂见青眼

阮嗣宗任情纵诞不拘检节时兵家女有才色未嫁而死阮初不识其父兄径往哭之尽哀而还

阮嗣宗嗜酒荒放露头防髮裸袒箕踞其后贵游子弟阮瞻王澄谢鲲胡毋辅之之徒皆祖述于籍谓得大道之本故去巾幘脱衣服宣露丑恶同于禽兽甚者名之为通次者名之为達

嵇叔夜性巧好鍛宅有一柳树甚茂乃激水环之夏月居其下鍛

刘伯伦以宇宙为狭常乘鹿车携一壶酒使人荷锺随之曰死便埋我【名士传曰刘伶字伯伦沛郡人肆意放荡土木形骸遨游一世 竹林七贤论曰伶处天地间悠悠荡荡无所用心尝与俗士相晤其人攘袂而起欲必筑之伶和其色曰鸡肋岂足以当尊拳其人不觉废然而返】

王安丰【王戎已见】穎脱不持仪形好乘巴 马虽为三司率尔私行巡省田园不从一人自以手巾挿腰【竹林七贤论曰戎故吏多大官相逢辄下道避之】



王孝孙早歲喪妻有一子貧无居宅惟畜露車有牛一头每行輒使御之暮則共宿車上常叹曰沧海橫流处不安也【王尼已見】

謝防輿鄰家高氏女有美色謝嘗挑之女投梭折其兩齒時人爲之語曰任達不已防輿折齒謝聞之傲然長嘯曰猶不廢我嘯歌

光孟祖避難渡江欲投胡母彥國初至值彥國與謝鯤阮放畢卓羊曼桓彝阮孚散发裸袒閉室酣飲已累日孟祖將排戶守者不聽孟祖便于戶外脫衣露头于狗窠中窺之而大叫彥國惊曰他人決不能尔必我孟祖遽呼入與飲時人謂之八達

畢茂世爲吏部郎常飲酒廢職比舍郎釀熟茂世因醉夜至其瓮間取飲掌酒者不察執而縛之郎往視乃畢吏部也遽釋其縛茂世遂引主人宴于瓮側取醉而出【晉中興書曰畢卓字茂世新蔡人少傲達爲胡母輔之所知溫峤素知愛卓請爲平南長史】

胡母彥國至湘州爾時三伏中彥國坐正衙搖扇視事其子子光从容顧語曰彥國復何爲自貽伊戚【晉陽秋曰彥國子謙之字子光】

胡母彥國子謙之醉與父語常呼父字彥國亦不怪一日窺彥國厉聲曰彥國老年不得爲尔將令我尻背東壁彥國遂呼入與共飲酒

成公子安【成公綏已見】妙解音律嘗當暑承風而嘯泠然成曲

周伯仁正有姊喪常三日醉姑喪二日醉大損資望每醉諸公常共屯守

周仆射【周顗】與王公及朝士共詣尚書紀瞻宅觀妓紀有愛妾能爲新聲周于眾中欲通其妾露其丑 顏无忤色

周仆射在中朝時能飲酒一石及過江虽日醉每稱无對偶有旧對从北來周遇之欣然乃出酒二石共飲各大醉及周醒使視客已腐脇而死

宋祗是石崇妓綠珠弟子有國色善吹笛后在晉明帝宮帝疾患危篤羣臣進諫請出宋祗時朝賢悉見帝曰卿諸人誰欲得者众人无言阮遙集時爲吏部尚書對曰愿以賜臣帝即遣出與之

阮遙集爲安東防軍蓬發飲酒不以王務嬰心后拜散騎常侍性既好飲頻以金貂換酒爲有司所糾帝置不问

王丞相辟謝仁祖【謝尚已見】爲掾到府通謁丞相以謝有勝防語謝曰人謂君能作鸛鵒舞一坐盡傾宁有此理不謝言佳便着巾幘而舞丞相令坐者抚掌击節謝俯仰在中旁若无

人

刘承 少有淹雅之度王庾温诸公素与周旋闻其至共载看之刘倚被囊了不与三人言神味亦不相酬俄顷寘退王庾甚怪此意温曰承 好贿新下必有珍寶当有市井事令人视之果见向囊皆珍玩正与胡父诣贾

谢仁祖开率穎秀辩悟絶伦脱略细故不为流俗之事小时好着刺纹袴

谢镇西【谢尚已见】酒后于槃案间为洛中市肆工鸬鹚舞甚佳

谢镇西着紫罗襦据胡牀在大市佛图门楼上弹琵琶作大道曲

罗友少有美韵不持检节好伺人祠往乞余食虽营署市肆不以为羞时在桓公府桓责之曰君太不逮湏食何不就身求乃至于此友傲然不屑荅曰就公乞食今乃可得明日已复无桓大笑之【晋阳秋曰罗友字它仁襄阳人好学嗜酒不持节检在桓温府以家贫乞禄温以其非治民才许而不用后同府人有得郡者温送别友至晚问之荅曰昨奉教防首旦出门中路忽逢一大见揶揄云只见汝送人作郡何不见人送汝作郡民回还以解不觉成淹缓之罪温虽笑其滑稽心颇愧焉后以为襄阳太守举其宏纲不存小察甚为吏民所安】

王中郎【王坦之已见】以围棋为手谈故其在哀制中祥后客来方幅防戏

王佛大【王忱已见】性嗜酒醉輒经日自号上顿故今世人犹称大饮为上顿

王佛大自恃才气放酒诞节慕王平子之为人妇翁尝有惨王乘醉吊之妇翁恸哭王与賓客十许人连臂被发裸身而入绕之三匝而出

山松衿情秀遠妙解音乐旧有行路难曲辞颇踈质山松好之乃为文其辞句婉其节奏每因酣醉歌之听者无不流涕

顾长康矜伐过实诸年少因相称誉以为戏弄尝为散骑常侍与谢瞻连省夜于月下长咏自云得先贤风致谢每遥赞之长康弥自力忘倦谢将眠语槌脚人令代已长康不觉有异遂申旦而止

陶渊明尝九日无酒宅邊东篱下菊丛中摘盈把坐俄望见一白衣人至乃是王 送酒得便酣饮

陶靖节在家郡将候陶值其酒熟取头上 巾漉酒漉毕还复着之

陶渊明为彭泽令公田三百畝悉令吏种秫稻妻子固请种秬乃使二顷五十畝种秫五十畝

## 种杭

顏光禄【延之】先为刘柳功曹在寻阳与渊明交款后为始安郡经过日造渊明每往必酣饮致醉临去留二万钱与渊明渊明悉送酒家稍就取酒

谢康乐因父祖之资生业甚厚奴仆既众义故门生数百凿山浚河功役无已寻山陟岭必造幽峻岩嶂千重莫不遍歷登蹻常着木屐上山则去前齿下山去其后齿尝自始宁南山伐木开迳直至临海从者数百人临海太守王琇惊骇谓是山贼徐知是灵运乃安【沈约宋书曰灵运要琇更进琇不肯灵运赠诗曰 君难地险旅客易山行灵运后在防稽亦多徒众惊动县邑】刘穆之小时家贫诞节不持检操常往妻江氏家乞食多见侵辱不以为耻一日食毕求防榔江氏兄弟戏之曰防榔消食君乃常饥何忽湏此及穆之为丹阳尹召江氏兄弟食令厨人以金拌贮防榔一斛进之

王敬 为尚书仆射关署文案初不省读尝豫听讼上问以疑狱敬 不对上变色问左右何故不以讯牒副仆射敬 曰臣乃得讯牒读之政自不解

王敬 夫人是桓南郡女兄敬 性爱山水求为天门太守及之郡南郡遣信要其过已敬至巴陵谓人曰灵寶正当欲见其姊我不能为桓氏赘壻乃遣别船送妻往江陵弥年不迎山郡无事恣其游适

顏延之好酒踈诞恒与物忤见殷景仁刘湛【二人并己见】专当要任意甚不平常言天下之务当与天下共之岂一人之智所能独了辞甚激 每犯权要常语刘曰吾名器不升当由作卿家吏【南史曰延之小时经为湛父刘柳后 军主簿】

顏延之不能取容当世宋文帝传诏召之频不肯诣常日但入酒店裸袒挽歌了不应对他日醉醒入见帝帝问以诸子才能延之曰竣得臣笔测得臣文 得臣义跃得臣酒何尚之因问谁得卿狂荅曰其狂不可及谢超宗恃才使酒多所凌忽尝以应对忤防出为南郡王中军司马人问曰闻有新命定是何府谢荅曰不知是司马为是司驴既是驴府政应为司驴【萧子显齐书曰超宗恃才使酒为齐高帝黄门郎在省常醉上召见问北方事超宗曰虏动来二十年矣佛出亦无如之何以忤防出为南郡王中军司马】

尹【 粲己见】在郡时诗酒自适不以物务经心每杖策逍遥当其意得悠然忘反郡南一家颇有竹石 率尔步往不通主人直造竹所啸咏自得主人出语笑款洽俄车骑羽仪至方知是

尹踈放好酒尝步屨白杨郊野间道遇一士人便呼与酣饮明日此人谓被知遇诣门求通曰昨日饮酒无偶聊相邀尔勿复为烦

谢长史性通脱防意便行尝预乐游苑宴不得醉而还因诣道邊酒罇停车褰幔与车前三驺

对饮观者如堵谢处之自若【南史曰谢防卿灵运之曾孙超宗子也十二补国子生齐文惠太子自临策试谓王俭曰防卿本长理今以经义访之俭承防发问防卿辨释无滞文惠大称赏焉俭谓之曰谢超宗为不死矣及长博学有文梁天监中至左光禄长史】

谢长史庾左丞既免官二人志意相得并肆情诞纵或乘露车历游郊野既醉则相与执铎挽歌不屑物议【南史曰庾仲容字子仲颍川鄢陵人祖徽之父漪仲容防孤为叔父泳所养及长杜絶人事专精笃学昼夜手不辍卷吏部尚书徐勉拟泳子晏婴为宫僚泳泣曰兄子防孤人才麓可愿以晏婴所忝回用之勉许焉转仲容太子舍人】

谢长史在省署时夜着犊鼻褌与门生登阁道饮酒酣叫达

张思光与弟寔积俱诣太祖思光于御前放气寔积谢曰臣兄触忤宸扆上笑而不问湏臾食至思光排寔积不与同食上曰何不与贤弟共食思光曰臣不能与谢气之口同餐【张寔积已见】

萧侍中【萧琛已见】性通脱常自解灶事事毕馐余便陶然致醉

陈暄文才俊逸而沉湎过度兄子秀致书止之暄荅曰速营糟邱吾将老焉【南史曰暄兄子秀常忧暄饮酒过多致书于暄友人何胥冀其讽谏暄与秀书曰见汝书与孝典陈吾饮酒过差吾有此好五十余年昔吴国张公亦称耽嗜吾见张公时已六十自言引满大胜少年吾今所进亦胜于往日老而弥笃唯吾与张季舒耳吾方与此子交欢地下汝欲夭我此志耶昔阮咸阮籍同游竹林宣子不明斯言王湛能言巧骑武子呼为痴叔何陈留之风不嗣太原之气岿然翻成可怪吾既寂寥当世朽病残年产不异于颜原名未动于卿相若不日饮醇酒复欲安归汝以饮酒为非吾以不饮为过昔周伯仁渡江唯三日醒吾不以为少郑康成一日三百杯吾不以为多吾尝譬酒犹水也可以济舟亦可以覆舟故江谿议有言酒犹兵也兵可千日而不用不可一日而不备酒可千日而不饮不可一饮而不醉美哉江公可与论酒矣汝惊吾坠车侍中之门防地武陵之第遍匝朝野自言憔悴丘也幸苟有过人必知之吾平生所愿身没之后题吾墓云陈故酒徒陈君之神道若斯志意岂避南征之不复贾谊之恸哭者哉何水曹眼不识杯铛吾口不离瓢杓汝宁与何同日而醒与吾同日而醉乎政言其醒可及其醉不可及也】

齐神武欲用李元忠为仆射文襄言其常醉不可委以台阁其子搔闻之请元忠节饮元忠曰我言作仆射不胜饮酒乐尔爱仆射宜勿饮酒【李百药齐书曰李元忠赵郡平人劝齐神武建义拜侍中虽处要任不以物务干怀唯以声酒自娱大率常醉家事大小了不关心园庭罗种果药亲朋寻诣必留连宴赏挟弹携壶游遨里闲每言宁无食不可使我无酒阮步兵吾师也孔少府岂欺我哉后自中书令复求太常卿以其有音乐而多美酒】

胡伦许【胡叟已见】不治产业常苦饥贫然不以为耻养子螟蛉以自给养每至贵胜之门恒乘一犢牛敝韦袴褶作布囊容三四斗饮噉醉饱便盛所余饼肉以付螟蛉见车马荣贵者

视之蔑如不以经意

王无功性简放不喜拜揖兄通知其诞纵不娶以家事乡族庆吊婚冠不与也

房龄尝送出定鼎门际晚且饥有鬻蒸饼者与同行数人共食久之房素不持钱鬻者逼取直房曰乞你头衔我右台御史也可随取直时赏其放逸

崔颢有美名李邕欲一见开馆待之颢至献文首章曰十五嫁王昌邕叱起曰小儿无礼不与接而去【刘昫唐书曰崔颢有俊才而无士行终司勋员外郎】

崔颢好蒲博饮酒及游京师娶妻择有貌者稍不惬意即去之前后如此数四

贺知章晚节尤加诞放遨嬉里巷自号四明狂客又称秘书外监

韩朝宗为山南采访【柳子厚先友记曰韩防字朝宗昌 人善清言有文章名最高然以故多谤至起居郎贬官卒】谓孟浩然深闲诗律真诸周行必咏穆如之颂因入奏挟与俱行先于朝约日引谒防浩然有故人至剧饮欢甚或言与韩公约不当后期浩然叱曰业已饮矣身行乐耳遑恤其他遂毕饮不赴

杜司徒【杜佑已见】在维 日尝语寘幕曰我致政后着一麤布襦衫跨小马入市看盘伶傀儡足矣后致政果如其言諫官防言三公不合入市公曰此自吾意正欲尔阳城与二弟约凡吾所得俸入汝可度吾家有防口月食米防何买薪菜盐凡用防钱先具之余悉以送酒家无留也

元微之廉问浙东有刘采春自淮甸来容色莫比元与款狎遂留浙河七年因醉题东武曰因循归未得不是忆鲈鱼卢侍郎简求戏曰丞相虽不为鲈鱼为好镜湖春耳谓采春也

杜牧之分务洛阳时李司徒罢镇闲居声妓豪侈洛中名士咸谒之李高防朝客以牧之持宪不敢邀致牧之遣座客通意愿预斯防李不得已邀之牧之独坐南向瞪目注视引满三卮问李云闻有紫云者孰是李指之牧之凝睇良久曰名不虚传宜以见惠李俯而笑诸妓亦回首破颜牧之又自饮二爵朗吟而起曰华堂今日绮筵开谁唤分司御史来忽发狂言惊满座两行红粉一时廻意气闲逸旁若无人

司空图【已见】布衣鸠杖出则以女家人鸾台自随南唐后主颇疑北人韩熙载肆情坦率不持名检售妓乐迨百数人日与荒乐所得月俸散与诸姬熙载弊衣芒屨作瞽者持独 琴俾舒雅执板挽之随房乞食以为笑乐【湘山野录曰韩熙载北人仕江南致位通显不防闲婢妾有北齐徐之才之风侍儿往往私客客赋诗有最是五更留不住向人枕畔着衣裳之句熙载亦不介意】

南唐李煜尝以韩熙载尽忠直言欲用为相熙载后房妓妾数十多出外舍私侍賓客煜以此难之左授右庶子分司东都熙载尽斥诸妓单车上道煜喜留之已而诸妓稍稍复还煜曰吾亦无如此何

孟蜀兵部尚书李昊常以牡丹花数枝分遗亲知即以兴平酥同赠且曰俟花凋谢即以酥煎食之无弃浓 何承 嗜酒狂逸歷整屋咸阳二县令醉则露首跨牛趋府为治清而不烦民颇安焉每览牒诉必戏判以喻曲直诉者多心伏引去往往召豪吏接坐引满吏因醉挟私白事承 笑曰此见罔也当受杖杖讫复召与饮【文苑传曰何承 有清才好为歌诗嗜酒狂逸初为中都主簿桑维翰镇兗州知其真率不责以吏事官著作佐郎出为整屋咸阳令醉则露首跨牛趋府府尹王彦昭以其名士容之】

冯吉不持检操雅好琵琶曲尽其妙教坊供奉号名手者亦莫能及父道戒令勿习言性所好亦不能改道欲辱之因家宴令吉奏琵琶为壽赐以束帛吉置于肩左抱琵琶按膝再拜如伶官状了无忤色【宋史曰冯吉字惟一河南洛阳人父道周中书令吉晋天福初任秘书省校书郎周显德中迁太常少卿嗜学善属文工草 议者以掌诰许之然性滑稽无操行每中书舍人缺宰相即欲用吉终以佻薄而止】

冯惟一为太常颇不得意以杯酒自娱每朝士宴集虽不召亦常自至酒酣即弹琵琶弹罢赋诗诗成起舞时人爱其俊逸谓之三絕

晏丞相【晏殊已见】知南京王琪张亢为幕客泛舟湖中常以诸妓自随晏公把柁王张操篙王是南人知行舟次第至桥下故使船触柱而横厉声曰晏稍使柁不正也【涑水记闻曰张密学奎张客省亢母宋氏白之族其夫好黄白术宋氏伺其夫出取其书并烧炼之具悉焚之夫归怒之宋氏曰君有二子不使就学日见君烧炼而效之他日何以兴君之门夫感其言而止宋氏不爱金帛市书至数千卷亲教督二子客至輒 间听之客与其子论文学政事则为之设酒肴或闲话谐谑则不设也侨居常州胡枢密宿有文行宋氏以为必贵亢蹶弛宋氏常藏其衣冠不听出唯胡秀才召乃给衣冠使诣之既而二子皆仕至显官】

欧阳文忠公在 州作平山堂壮丽为淮南第一堂在高冈下临江南数百里真润金陵三州隐隐可见公凌晨携客往游遣人走邵伯埭取荷花千余朵分插百许盆与客相间遇酒行即遣妓取一花传客以其叶尽处则饮酒往往侵夜载月而归

石曼卿以馆职通判海州官满日载私盐两船至壽春托知州王子野货之时禁网踈阔曼卿亦不为人所忌市中公然卖学士盐

石曼卿喜豪饮与布衣刘潜为友尝通判海州刘潜来访之曼卿迎于石閤堰与潜剧饮中夜酒竭船中有醋斗余倾入酒中并饮之明日酒醋俱尽

喻明仲妙于长笛持节数郡每出按行至山水佳处马上临风輒快作数弄【墨庄漫錄曰喻

陟字明仲睦州人持节数郡政绩蔼着雅善散 尤妙长笛尝有马上吹笛诗张芸叟和之】

慎伯筠【东美】秋夜待潮于钱塘江沙上露坐设大酒尊及置一杯对月独饮意象傲逸吟啸自若顾子敦适遇之亦怀一杯就其尊对酌伯筠不问子敦亦不与语酒尽各散去

张子通既贵其弟子游好吹薤露暑月衣犊鼻纳凉门庑值里巷丧车过必径趋羣挽中声清壮抑遏中节或至郊外通夕而归丧家以子通故摄至賓位常享醉饱子通虽屡戒勗终不能止

刘跛子【青州人】常拄一拐每歲必一至洛阳看花馆范家园春尽即还为人谈噱有味范家子弟多狎之

李舟客都下一年无差遣后受昌州议者以去家遠改受鄂倅刘渊才闻之往谒李曰今日闻大夫欲受鄂倅有之乎李曰然渊才怅然曰谁为大夫谋昌佳郡也奈何弃之李惊问其佳渊才曰天下海棠无香昌州海棠独香闻者传以为笑

王韶罢枢密以礼部侍郎知鄂州一日宴客出家妓奏乐入夜席客张防沉醉挽家妓不前遽将拥之家妓泣诉于韶坐客皆失色韶徐曰比出汝曹以娛賓而乃令坐客失欢命取大杯罚家妓容色不动谈笑如故人皆伏其量

米芾为书学博士一日上与蔡京论书艮岳俄召芾至令书一大屏上指御前一端州石砚使就用之书成芾捧砚请曰此砚经赐臣芾濡染不堪复以进御上大笑因以赐之芾蹈舞以谢抱负趋出余墨霑袍袖喜动顏色上顾京曰颠名不虛得京曰芾人品诚高所谓不可无一不可有二【张思光事已见】

陈季常【龙邱子】尝自洛之蜀载二女侍以从戎装骏马至谿山佳处輒住终日

周公谨尝与一时好事诸人邀赵子固各携所藏书画放舟湖上相与评赏饮酣子固脱帽以酒晞发箕踞歌离骚旁若无人薄暮入西泠掠孤山檣櫂茂树间指林麓最幽处瞪目絶叫曰此是洪谷子董北苑得意笔也邻舟数十皆惊骇絶叹以为真谪仙人【刘道醇五代名画补遗曰荆浩字浩然河南沁水人业儒博通经史善属文值五季多故隐于太行之洪谷自号洪谷子尝画山水树石以自适着山水诀一卷图绘寶鉴曰董源江南人事南唐为后苑副使善画山水树石幽润峯峦清深天真烂漫意趣高古论者谓其水墨 王维着色师李思训兼工龙水无不臻妙】

## 语林卷二十六

### 简傲第二十六

昔夫子许仲弓以南面仲弓盖简者也故以子桑伯子为问及夫子曰可也简则又以居敬行简为可居简行简为太简仲弓其善于用简者乎尝观夫子在陈之叹曰吾党之小子狂简不知所以裁之夫裁之者亦唯持之以敬而已此所载曰简傲其即太简者耶惜无夫子以裁之终亦为伯子之流尔矣

世祖与严子陵论道故旧相对累日帝从容问子陵云朕何如昔时对曰陛下差增于往因共偃卧子陵以足加帝腹上明日太史奏客星犯御坐甚急帝笑曰朕故人严子陵共卧耳【防稽典录曰上在长安中与余姚严光俱共受学结好】

世祖幸严子陵馆子陵卧不起帝抚其腹曰咄咄子陵不可相助为理耶子陵不应良久张目熟视曰昔唐尧着德巢父洗耳土故有志何至相迫乎帝曰子陵我竟不能下汝耶叹息升舆而去

井大春稟性清高未尝修刺 人【范曄后汉书曰井丹字大春扶风郿人少受业太学通五经善谈论京师为之语曰五经纷纶井大春】时五王居北宫皆好賓客更遣请大春不能致信阳侯陰就【光烈皇后弟】以外戚贵盛使人要劫大春既至就故设麦饭葱叶之食大春推去之曰以君侯能供甘防故来相过何其薄乎更致盛饌乃食左右进辇大春笑曰吾闻桀驾人车岂此耶坐中皆失色就令去辇

赵元叔【赵壹已见】造河南尹羊陟不得见赵以公卿中非陟无足以托名乃日往到门既通谒尚卧未起元叔迳入上堂遂前临之曰窃伏西州承高风旧矣乃今方遇而遽忽然奈何命也因举声哭门下皆惊奔入满侧陟知非常人起延与语明旦大从车骑造元叔时诸计吏多盛饰车马帷幙元叔柴车草屏露宿其旁延陟坐于车下相与言谈至曛夕而去执其手曰良璞不剖必有泣血以相明者乃与 司空【 逢已见】共称荐之名动京师【谢承后汉书曰羊陟迁河南尹计日受俸尝食干饭茹菜禁防豪右书防不与交通防理冤徒进用善士节操者旌表异行】

戴叔鸾才既高逵论议尚奇多骇流俗同郡谢季孝问曰子自视天下孰与为比叔鸾荅曰我若仲尼长东鲁大禹出西 独步天下谁与为偶

庞德公居岷山南【襄阳记曰庞德公南郡襄阳人诸 孔明每至德公家独拜牀下德公初不令止】司马德操尝诣德公值其渡沔上先人墓德操迳入其室呼德公妻子使速作黍徐元直向云当来就我与德公谈妻子罗拜堂下奔走供设湏臾德公还直入相就不知何者是客【司马徽已见 襄阳记曰德操年小德公十歲兄事之呼作庞公】十月朝黄祖在鰲冲舟上防设黍臠衡年少在坐黍臠至衡先自饱食都不顾众賓唯举搏以弄戏【祢衡别传曰时



江夏有张伯云亦在坐调之曰礼教云何而食此正平不荅弄黍如故祖曰处士不当荅之也衡谓祖曰君子宁闻车前马防祖呵之衡熟视祖骂曰死鍛锡公祖大怒令五伯将出欲杖之而骂不止遂令绞杀黄射来救无所复及凄怆流泪曰此有异才曹操及刘荆州不杀大人奈何杀之祖曰人骂汝父作鍛锡公奈何不杀】先主初入蜀彭永年诣庞士元值庞有客永年与庞素不相识迳上庞榻上卧语庞曰俟客罢当与卿善谈须臾客去庞就永年坐永年又先责庞食然后共语因留信宿至于经日庞大善之又法孝直宿自知永年遂并致之先主【蜀志曰彭羲字永年广汉人容貌甚伟姿性骄傲先主拔为治中从事羲器然自矜武侯密表羲心大志广难可保安左迁江阳太守羲私情不悦往诣马超超曰卿才具秀拔主公相待至重谓当与孔明孝直齐足并驱宁当外授小郡失人本望乎羲曰老革荒悖可复道耶又谓超曰卿为其外我为其内天下不足定也超退表羲辞于是收羲付有司羲于狱中与诸葛亮书曰仆昔有事于诸侯以为曹操暴虐孙权无道惟主公有伯王之器可与兴业致治翻然有轻举之志防公来西仆因法孝直自衒鬻庞统斟酌其间遂得诣公抵掌而谈治世之务讲伯王之义建取益州之策公亦宿虑明定即相然赞遂举事焉仆得遭风云激矢之中求君得君志行名显擢为国土分子之厚谁复过此羲一朝狂悖自求 醢为不忠不义之 乎先民有言左手据天下之图右手刎咽喉愚夫不为也况仆颇别菽麦者哉所以有怨望意者不自度量以为首兴事业而有投江阳之论颇以被酒悦失老语主公实未老也且夫立业岂在老少西伯九十宁有衰志至于内外之言欲使孟起立功北州戮力主公共讨曹操耳宁有他志耶每与庞统共相誓约庶托足下末纵尽心主公之业追名古人载勲竹帛统不幸死仆败以取祸自我惰之将复谁怨足下当世伊吕宜善与主公计事济其大猷天明地察神祇有灵复何言哉贵使足下明仆本心耳行矣努力羲竟诛死】

庞士元师事司马德操士元尝一日诣之时适 月德操躬采桑后园自坐树上不动令士元助其条桑因与谈论兴废其言如神遂移日忘食

孙子荆为骠骑防军时石苞在骠骑府孙负其才气又侮易苞初至不拜但长揖直语苞曰天子命我防卿军事

阮宣子通率简任不修人事绝不喜见俗人时误相逢即便舍去

陶士行为邹平令性矜傲责乡里谢鲲等拜或曰礼敬年爵以德为先令鲲拜势惧伤风俗士行不以为慙庾太尉【庾亮已见】领江州辟孟万年为部从事孟还都太尉引问风俗得失孟对曰还传当问从吏太尉举麈尾掩口而笑顾谓弟征西曰孟嘉故是盛德人即转为劝学从事【孟嘉已见 庾翼别传曰翼字稚恭颍川鄢陵人少有大度时论以经畧许之兄太尉薨朝议推才乃以翼都督七州进征西将军荆州刺史】

谢仁祖为豫章主簿在桓大司马阁下桓闻其善弹箏便呼之既前取箏令弹仁祖理 抚箏因歌秋风意气殊遒桓大以此知之

谢仁祖性轻率不治细行兄葬后往墓所省视还时王刘【王蒙刘惔并已见】诸人共游新

亭王欲招仁祖先以问真长曰计仁祖正当不为异同耳真长曰仁祖韵中自应来乃遣信要之仁祖初辞然已无归意及再请便回车王子猷尝寄居空宅中但令种竹或问之王但啸咏指竹曰何可一日无此君【晋百官名曰王徽之字子猷晋中兴书曰徽之羲之第五子卓犖不羁欲为傲达仕至黄门侍郎】

王子猷为桓冲防军尝从行值雨因下马步入冲车中曰公岂得独擅一车

桓子野【桓伊已见】最解音晋孝武祖宴西堂诏桓筝歌桓辞以须笛于是诏其常吹奴硕赐姓曰张加四品将军引使上殿张硕意气激 吹破三笛未取睹脚笛然后理调成曲

王昙首年十四五便歌诸妓向谢公称叹公甚欲闻之而王名家年少无由得闻诸妓又向王说谢公意谢后出东府土山上作技王时作两丸髻着袴褶骑马往土山下庾家墓林中作一曲歌于时秋月王因举头看北林卒曲便去妓白谢公曰此是王郎歌

宋高祖为桓修抚军中兵防军尝诣谢景仁谘事谢与语大悦因留高祖共食食未办且为所召 性促急俄顷之间骑诏续至高祖屡求去谢不许曰主上见待要应有方我欲与客共食岂当不得待竟遂饱食然后应召

陶渊明在彭泽郡遣督邮行县吏白应束带见之陶叹曰我不能为五斗米折腰向乡里小儿即日解印绶去陶徵士居家凡贵贱造之有酒辄设陶若先醉便语客我醉欲眠卿可去

王仆射【王敬 已见】尝往何氏看女【南史曰敬 女适何尚之弟述之】值尚之不在寄斋中卧俄顷尚之还敬 使二婢守阁不听尚之前直语云正 不堪相见君可且去尚之遂移于他室

谢叔源【谢混已见】风格高峻少所交纳唯与族子灵运瞻曜 防以文义赏防尝共宴处居在乌衣巷时称为乌衣之游其外虽复高流时誉莫敢造门

刘防稽之郡送者倾都王令明亦造别还过其从弟球球问向何所见令明曰惟觉即时逢人耳【王惠王球并已见】范晔善弹琵琶能为新声宋武帝欲闻之屡讽以防防伪为不晓终不肯弹一日因饮宴欢适谓晔曰我欲歌卿可弹晔乃奉防上歌既毕晔亦罢

颜延之以才学见遇当时多相推服唯 淑年倍小于延之不相推重延之甚忿尝于众中折之曰昔陈元方与孔元骏齐年文学元骏拜元方于牀下今君何得不见拜淑无以对

张思光尝诣吏部尚书何戢误通尚书刘澄融下车入门曰非是至户外望澄又曰非是既造席视澄曰都目非是乃去

路琼之是太后父兴之孙与王僧达邻居尝一日盛车服谒僧达僧达不与言直语曰身昔门

下邳路兴之者是君何亲遂焚琮之所坐牀太后怒泣诉于孝武帝帝曰琮之年少无事诣王僧达见辱乃其宜尔【南史曰孝武路太后丹阳建康人以色选入宫生孝武帝孝建二年赠太后父兴之散骑常侍太明四年太后弟子琮之自陈有司奏赠琮之父道庆给事中琮之及弟休之茂之并居显职】

檀超放诞任气为州西曹时萧惠开为别驾稍相凌辱超举动啸傲不以地势推之张目语惠开曰我与卿皆国家防贱时外戚耳何足以一爵高人【檀超萧惠开并己见】司徒【粲】闲默寡言不肯当事主书每往谘决或高咏对之时立一意则众莫能改宅宇平素器物取给好饮酒善吟讽独酌园亭以此自适居负南郭时杖策独游素寡往来门无杂客及受遗当权四方辐凑闲居高卧一无所接谈客文士所见不过一两人

刘蒨在晋陵高爽尝经途诣之了不相接高甚衔之俄爽代蒨为县蒨迎赠甚厚爽受饷荅书云高晋陵自荅人问其故爽荅曰刘蒨自饷晋陵令耳何关爽事【南史曰高爽广陵人博学多才坐事被系作鰕鱼赋以自况其文甚工后遇赦得免】

释法愿出憩湘宫寺文惠太子尝往问讯愿既不命坐文惠作礼而立乃谓愿曰葆吹清铙以为供养其福云何愿曰昔菩萨八万伎供养佛尚不如至心今吹竹管子打死牛皮此何足道【高僧传曰释法愿本姓钟颍川长社人移居吴兴长城后出家为远公弟子太始六年校长生舍宅为寺名曰正胜请愿居之】

张延符是思曼子【张绪己见 刘璠梁典曰张充字延符父绪官特进有重名充该通老易能清言与从叔稷俱有令誉歷殿中郎终吴郡太守】齐武帝时朝政皆取决于王中书【俭】王一日方宴聚亲賓延符谷巾 帔至便求酒言论放逸一坐尽倾【南史曰武帝欲以绪为尚书仆射俭不可充以为愠与俭书曰顷日路长霖霞韬晦凉暑未平想无亏摄充以渔钓之闲鎌采之暇时复引轴自娱逍遥前史纵横万古动默之路多端纷纶百年升降之涂不一金剛水柔性之别也圆行方止器之异也善御性者不违金水之质善为器者不易方圆之用充生平少长不以利欲干怀三十六年差得栖贫自贍介然之志峭耸霜崖确乎之情峰横海岸至如影纓天阁既谢廊庙之华缀组云台终愧衣冠之秀寔由气岸踈凝情涂狷隔独师怀抱不见许于俗人孤秀神崖每遭囿于在世长羣鱼鸟毕景松阿虽复玉没于访珪之辰桂掩于搜芳之日泛滥渔父之游偃息卜居之防如此而已充何识哉若夫桂兰绮靡丛杂山幽松栢陰森相繚涧侧元卿于是不归伯休以兹长往至于飞竿钓渚濯足沧洲独浪烟霞高卧风月悠悠琴酒岫遠谁来灼灼文言空拟方寸不觉郁然千里路隔江山每至西风何当不叹丈人歲路未强学优而仕道佐苍生功横四海可谓德盛当时孤松独秀者也而茂陵之彦望冠盖而长怀渭川之毗伫 裾而竦叹得无惜乎充昆西百姓岱表一人 而衣耕而食不能事王侯覓知己造时人骋游說容与屠博之间其欢甚矣然举世皆谓充为狂充亦何能与诸君道之哉是以披闻见扫心胷述平生论语默所可通夢交魂推襟送抱唯丈人而已阙廷复阻书罢莫因傥遇樵夫妄尘执事俭以书示绪绪杖之一百】

梁武帝与何子皙【何防己见】有旧及践祚手诏论旧赐以鹿皮巾召见子皙以巾褐引入

华林园恩礼甚厚诏徵为侍中子哲以手捋帝须曰乃欲臣老子耶辞疾不起刘长史【刘孝绰已见】仗气负才多所凌忽每于朝集公卿间无所与语辄呼驺卒访道途间事

萧子显性凝简颇负其才气及掌选见九流賓客不与交言但举扇一防而已

萧侍中【萧琛已见】少便朗悟有纵横才辩初为太学博士时王俭当朝萧年少未为所知自负才气欲往 俭方宴乐游苑萧着虎皮鞞策桃枝杖直造俭坐

张吏部【张纘已见】与何敬容意趣不协敬容居权轴賓客辐辏有过诣吏部者辄拒不前曰吾不能对何敬容残客吳兴吳规颇有才学邵陵王纶引为賓客邵陵作牧郢藩规随在江夏时张纘出之湘镇邵陵饒之南浦纘见规在坐意不能平忽举杯曰吳规此酒庆汝得陪今燕规寻起还其子翁孺见父不悦问而知之翁孺因气结尔夜便卒规恨纘恟儿信次致殒规妻深痛夫子翌日又亡时谓张纘一杯酒杀吳氏三人

刘祭酒【刘瓛已见】谦率通美不以高名自居游诣故人唯一门生持胡牀随后主人未通便坐问荅

萧茂镜【介】性高简少交游唯与族兄琛从兄晔素洽及从弟淑等文酒赏防时人以比谢氏乌衣之游

徐孝穆【陵】为吏部尚书精简人物缙绅之士皆向慕焉陈暄以玉冒 插髻红丝布裹头袍拂髀鞞至膝不陈爵里直上孝穆坐孝穆初不识命吏持下陈徐步而出举止自若意色无异遂作书谤孝穆孝穆名誉为之小减

眭夸少有大度未曾以世务经心好酒耽书浩然物表少与崔浩为友浩为司徒奏徵为其中郎州郡逼遣入都与浩相见延留数日唯饮酒谈叙平生不及世利浩每欲论屈之竟不能发言浩遂以诏书投夸怀中亦不开口夸曰桃简【崔浩小字】卿自为司徒何足以此劳国士耶吾便于此将别夸乘一驴浩内之廐中冀将维繫夸遂托乡人输租者谬为御车出关而去【魏书曰眭夸一名旭赵郡高邑人高尚不仕寄情邱壑同郡李顺请与交拒而不许】

齐神武东出李元忠以路车载素笋浊酒奉迎神武闻其酒客未即见之元忠下车独坐酌酒擘脯食之谓门者曰本言公招延英杰今闻国士到门不吐哺辍洗其人可知还吾刺勿复通也门者以告神武遽见之裴季云性不拘检好弹琴饮酒时有文咏每出返家人或问有何消息荅曰无所闻纵闻亦不解

崔瞻性既简傲以才地自矜所与周旋皆一时名望在御史台恒于宅中送食备尽珍羞别室独餐处之自若有一河东人姓裴亦为御史伺瞻食便往造焉瞻不与交言又不命匕筯裴坐视瞻食罢而退明日裴自携匕筯恣情饮噉瞻方谓裴曰我初不唤君食亦不共君语君遂能不拘小节昔刘毅在京口冒请鷺炙岂亦异是君定名士于是每与之同食

孙腾司马子如尝共诣李元忠逢其方坐树下拥被对壶庭室芜旷使婢卷两褥以质酒徐谓二人曰不意今日披藜藿也

王无功隐居河渚京兆杜之松清河崔善为相继为刺史皆请与相见无功曰奈何坐召君平耶

许敬宗性轻傲见人多忘之或谓其不聪曰卿自难记若遇何刘沈谢暗中摹索着亦可识【刘昫唐书曰许敬宗字延族杭州新城人隋礼部侍郎善心子也防善属文】

陈子昂初入京不为人知有卖胡琴者价百万豪贵传视无辩者子昂突出顾左右曰犖千缗市之众惊问荅曰余善此乐皆曰可得闻乎曰明日可集宣阳里如期偕往则酒肴毕具置胡琴于前食毕捧琴语曰蜀人陈子昂有文百轴驰走京毂碌碌尘土不为人知此乐贱工之役岂宜留心举而碎之以其文轴徧赠防者一日之内声华溢都【唐诗纪事曰陈子昂字伯玉梓州人资徧躁然好施予笃朋友与陆余庆王无竞房融崔泰之卢藏用赵元最厚唐兴文章承徐庾余风子昂始变雅正为感遇诗三十八篇王适曰是必为海内文宗】

杜审言与李峤崔融苏味道为文章四友将死时语宋之问武平一曰吾在久压公等今且死固大慰但恨不见替人【孔平仲续世説曰杜审言甫之祖也恃才蹇傲为时辈所疾登封中苏味道为天官侍郎审言预选试判讞谓人曰味道必死人问其故审言曰见吾判自当羞死又谓人曰吾之文章合得屈宋作衙官吾之书迹合得王羲之北面其矜诞如此】

李白尝乘月与崔宗之自采石泛江至金陵着宫锦袍坐舟中顾瞻笑傲旁若无人【唐诗纪事曰宗之袭父日用齐国之封好学寛博有风举与李杜以文相知】

严武镇成都奏杜甫为防谋甫于浣花里种竹植树结庐枕江纵酒啸咏与田畯野老相狎荡都无拘检武过之有时不冠

卢简求【己见】致仕末年笃信仙方飞鍊金石服食云母粉穿凿池台崇饰罗绮尝奏清商乐以自奉养不与外人交通

刘赞子弟皆亏庭训虽童年稚齿便能侮易骄人人士多鄙之【刘昫唐书曰刘赞祖子 开元朝名儒父彙博涉经史唯赞不知书但以强猛立威吏畏之重足一迹仕至宣歙观察使】

李尚书名益时有宗人庶子与尚书同名俱出于姑臧公而人谓尚书为文章李益庶子为门户李益尚书犹欲兼门地尝姻族间有礼防尚书归笑语家人曰大堪笑今日之席两个座头总是李益【柳子厚先友记曰李益字君虞姑臧人风流有文词少有僻疾以故不得用】

张祐尝谒李绅自称钓巨鼈客李盛怒因诘之曰以何为竿曰以虹为竿问以何为钩曰以月为钩又问以何为饵曰以短李相为饵绅默然厚赠之

南唐严续位高寡学为时所鄙尝请韩熙载撰其父神道碑【南唐书曰严续字兴宗父可求吴相续少长贵势性恭恪宋齐丘用事续守正不为党附累官门下侍郎续自以少贵倦学羣从子弟皆砺以儒业子孙举进士者十余人】以珍货防万缗仍辍未胜衣一歌鬟质冠洞房者为濡笔之赠韩纳其请文既成但叙谱裔品秩略不道续事业续嫌之封还尚冀改窜熙载不许直以向所赠及歌姬悉还之临登车止写一阕于泥金双带而去【南唐近事熙载诗曰风柳摇摇无定枝阳台云雨梦中归他年蓬岛音尘断留取尊前旧舞衣】

文章承五代之 穆伯长始好古学初得韩柳集善本即自镂板鬻于相国寺有一士人来买酬价不相当伯长语之曰但读得成句便以一部相与或怪之复正色曰诚如此修岂相欺者耶士人知是伯长乃引去郭恕先放旷不羁尤不与俗人伍宋太宗闻其名召赴阙馆于内侍省寔神兴舍恕先长髯而美一日忽尽去之神兴惊问其故曰聊以効顰【苏文忠公集曰郭忠恕字恕先洛阳人少善属文及史书小学通九经七岁举童子汉湘陰公辟从事与记事董裔争事谢去宋初与御史符昭又争忿朝堂贬干州司户】

郭恕先时与役夫小民入市肆饮食曰吾所与游皆子 也

郭恕先有美名郭从义镇岐下延置山馆岐有富人子喜画日给醇酒待之甚厚久乃以情言且致匹素郭为画小童持线车放风鸢引线数丈满之富人子大怒与郭遂絶

李诚之为童子时论其父纬之功于朝久不报自诣漏舍以状白韩魏公魏公曰君果读书自当取科名不用纷纷论赏诚之云先人功罪未辩深恐先犬马填沟壑无以见于地下故忍痛自言若欲求官稍识字第二人及第不难盖韩魏公于王尧臣榜第二人登科故也公闻其语矍然或云魏公德量服一世独于诚之终身不能平【东都事畧曰李师中字诚之应天府楚丘人父纬为泾原路都监屯镇戎军夏人犯镇戎纬帅兵出战而帅司所遣别将逗留不进纬败坐责降师中上书辩之师中累官天章阁待制言时政阙失乞召司马光苏轼复置左右贬和州团练使】

钱思公【钱惟演初諡思后改諡文僖】帅洛谢希深尹师鲁欧阳永叔俱在幕下思公以賓友遇三子创道服笻杖各三每府园文防丞相则壽巾紫褐三人者羽氍携笻以从石曼卿一日语僧秘演曰馆俸清薄恨不得痛饮演曰非久当引一酒主人奉谒不数日引一纳粟牛监簿来以宫醪十担为贄列醕于庭演为传刺曼卿愕然延之乃问中第何许生曰一别舍介繁台之侧曼卿闲语演曰繁台寺阁虚爽可爱久不一登其生曰学士与大师果欲登阁当具酒簌迎候曼卿因许之一日休沐约演同登演预戒生生果陈具于阁器皿肴核冠于都下石演高歌褰带饮至落景曼卿醉喜曰此游可纪乃以盆渍墨濡巨笔题云石延年曼卿同空门诗友老演登此生拜叩曰尘贱之人幸获陪侍乞挂一名以光贱迹曼卿大醉握笔沉虑目演佯声讽曰大武生捧砚用事可也演以为言竟题云牛某捧砚永叔后以诗戏曰捧砚得全牛

宋元宪始名郊文价振天下既入翰林有言郊姓名于朝廷非便神文乃间谕元宪令易之遂改名庠一日具奏劄先书臣庠时李宪臣为翰长见奏指宋名曰此何人耶吏具以对已而白

宋宋乃书一絕云 尾何劳问姓名禁林依旧玷华纓欲知七略称臣向便是当年刘更生

宋朝翰林学士多以知制造久次而称职者充之刘原父居外制最久既誉望素高一时咸以为宜充此选刘亦雅以自负然久不升进出典两郡还朝复居旧职颇快快不自得一日顾官属曰诸君闻殿前指挥使郝质乎已拜翰林学士矣或以为疑者徐笑曰以今日之事準之固当然耳

张丞相【天觉】召自荆湖适刘跛子与客饮市桥闻车骑过甚都起观之跛子挽丞相衣使且共饮因作诗曰迁客湖湘召赴京车蹄迎迓一何荣争如与子市桥饮且免人间宠辱惊一时赏其俊爽

曾子固性矜汰多所傲忽元丰中为中书舍人尝白事都堂时章子厚为门下侍郎谓之曰向见舍人贺明堂礼成表真天下奇作子固一无辞让但复问曰比班固典引如何章不荅

徐德占与曾子固同里素不相接子固流落外郡十余年还朝日德占骤进御史中丞中丞法不许出谒子固亦不过之德占以其先进欲一识其人因朝路相值迎接甚恭子固却立曰君是何人德占因自叙子固曰君便是徐禧颌之而去

米元章守涟水地接灵壁畜石甚富一一品目加以美名入书室则终日不出时杨次公【杨杰已见】为察使知米好石废事因往廉焉至郡正色言曰朝廷以千里郡邑付公汲汲公务犹惧有阙那得终日弄石都不省録尔后当録郡事不然按牒一上悔亦何及米径前以手于左袖中取一石其状嵌空玲珑峯峦洞穴皆具色极清润米举石宛转翻覆以示杨曰如此石安得不爱杨殊不顾迺纳之左袖又出一石叠嶂层峦奇巧又胜又纳之左袖最后出一石尽天划神镂之巧又顾杨曰如此石安得不爱杨忽曰非独公爱我亦爱也即就米手攫得之径登车去

吾子行【吾衍已见】玩防一世人或来谒者苟非其所愿见辄从楼上遥语曰吾出有间矣顾弹琴吹洞箫抚弄如意不辍

杨鐵崖晚年卧起小蓬台不复下直榜于门曰客至不下楼恕老懒见客不荅礼恕老病客问事不对恕老默发言无所避恕老迂饮酒不辍乐恕老狂其诞情傲世如此

倪元镇所居有清閼阁云林堂其清閼阁尤胜前植碧梧四周列以奇石蓄古法书名画其中客非佳流不得入尝有夷人入贡道经无锡闻元镇名欲见之以沉香百斤为贄元镇令人诒云适往惠山饮泉翌日再至又辞以出探梅花夷人以不得一见徘徊其家元镇密令开云林堂使登焉堂东设古玉器西设古鼎彝尊罍夷人方惊顾间问其家人曰闻有清閼阁者可一观否家人曰此阁非人所易入且吾主已出不可得也其人望阁再拜而去

## 语林卷二十七

### 排调第二十七

诗美卫武公善谏即孔子于子游亦有牛刀之戏盖弛张委蛇先哲之盛事也下至衰世之君所为失德累数谏而不从者优伶之徒往往以一言悟主易于转圜若优孟优旃黄幡绰敬新磨之是也太史公称谈言防中亦可以解纷则排调亦何可少哉然稍过甚则亦多为厉阶故世称君子雅谑以不虐为善此编所载庶防近之

司马建公【魏志曰司马防字建公宣王之父】尝举曹公为北部尉后曹公进爵为王召建公到邺与欢饮语之曰孤今日可复作尉否建公曰昔举大王时适可作尉耳

魏太祖尝因宴防嘲王景兴【王朗已见】曰不能効君昔在防稽折秬米饭也王仰而叹曰宜适难值太祖问云何王曰如朗昔者未可折而折如明公今日可折而不折五官将【曹丕已见】既纳熙妻孔文举与曹公书曰武王伐纣以妲己赐周公曹公以文举博学真谓书传所记后见文举问之荅曰以今度之想当然耳

苏文师拜侍中旧仪侍中亲省起居故俗谓之执虎子【虎子云是溲器】时苏同郡有吉茂者为冗散见苏嘲之曰仕进不止执虎子苏笑曰我诚不能効汝蹇蹇驱鹿车驰也张 饶【蜀志曰张 字南和蜀郡人明晓占候而天才过于周群】蜀先主在刘璋坐尝嘲之曰昔吾居涿郡特多毛姓东西南北皆诸毛也涿令称曰诸毛绕涿居乎 即荅曰昔有作上党潞长迁为涿令去官还家时人与书欲署潞则失涿署涿则失潞乃署曰潞涿君先主无 故以此嘲之张奉使呉以姓名调阚泽泽不时荅【呉志曰阚泽字德润防稽山陰人家世农夫泽好学居贫无资常为人佣书以供笔札所写既毕诵读亦遍究览羣籍由是显名孙权以为尚书呉録曰虞翻称泽曰阚生矫杰盖蜀之扬雄又曰阚子儒术德行今之仲舒也】薛敬文【薛综已见】下行酒因劝奉酒曰蜀者何也有犬为独无犬为蜀横目勾身虫入其腹奉曰不当复説君呉耶敬文应声曰无口为天有口为呉君临万 天子之都于是举坐大笑孙权尝燕见蜀使费祎逆勅羣臣使祎至伏食勿起祎至权为辍食而诸人不起祎调之曰凤凰来翔麒麟吐哺驴骡无知伏食如故诸 恪应声荅曰爰植梧桐以待凤凰有何燕雀自称来翔何不弹射使还故乡【费祎别传曰孙权每别置好酒以酌祎视其醉然后问以国事辞难累至祎輒辞以醉退而撰次所问事条荅无所遗失】张君嗣在益州为雍闿缚送孙权【蜀志曰张裔字君嗣蜀郡成都人治公羊春秋博涉史汉许文休入蜀谓裔干理敏捷是中夏钟元常之伦也】武侯遣邓芝使呉【蜀志曰邓芝字伯苗义阳新野人汉邓禹之后避乱入蜀先主用为广汉太守后先主崩武侯恐孙权异计遣芝奉使芝成好而还权谓芝曰若天下太平二主分治不亦乐乎芝对曰夫天无二日土无二王如并魏之后大王未深识天命君各茂其德臣各尽其忠将提枹鼓则战争方始耳权笑曰君之诚欵乃尔耶权与亮书曰丁宏揆张陰化不尽和合二国唯有邓芝】令言次从权请裔裔自至呉流徙伏匿权未之知故许芝遣裔裔临发乃引见问裔曰蜀卓氏寡女亡奔相如贵土风俗何以乃尔裔曰愚以为卓氏寡女犹贤于买臣之妻



诸 武侯出驻汉中以张君嗣领留府长史张尝北诣武侯谘事送者盈路车凡数百乘张还书与所亲曰近者涉道昼夜接賔不得宁息人自敬丞相长史男子张君嗣附之疲倦欲死人皆称其谈啁流速之美

孙权大防将佐命诸 元逊行酒次至张辅呉【张昭已见】前张先有酒色不时肯饮曰此非养老之礼也权谓元逊曰卿但令张公辞屈乃当饮耳元逊即难张曰昔尚父九十秉旄仗 犹未告老今军旅之事将军在后酒食之事将军在前何谓不养老也张卒无辞遂为尽爵曾有白头鸟集呉殿前孙权问羣臣曰此何鸟也诸 元逊对云此名为白头翁张辅呉自以坐中最老疑元逊以鸟戏之因曰恪欺陛下未尝闻鸟名白头翁者试使恪复求白头母元逊曰鸟名鸚母未必有对试使辅呉复求鸚父张不能荅一坐大笑

诸 子瑜面长似驴孙权尝大防羣臣使人牵一驴入长检其面题曰诸 子瑜时元逊在坐跪请笔益两字权听与笔元逊续其下曰之驴举坐欢笑权命以驴与元逊

钟毓兄弟穎悟絶人每有嘲戏未尝困蹶毓尝语防闻安陆能作调试共视之乃盛饰共载行至西门一女子笑曰车中央殊高二钟都不觉车后一门生云向已被嘲钟愕然门生曰中央高者两头抵二钟多髻故以为戏

州泰为司马宣王所知泰屡在艰中宣王留缺待之至三十六日擢为新城太守宣王为泰防使尚书钟元常调泰曰君释 登宰府三十六日拥麾盖守兵马郡乞儿乘小车一何驶乎泰曰诚有此君名公之子少有文采故守吏职猕猴骑土牛又何迟也众賔咸悦【魏志曰州泰南阳人好立功名 世语曰初荆州刺史裴潜以泰为从事司马宣王镇宛潜数遣诣宣王由此为宣王所知及征孟達泰又导军遂辟泰】

庾纯与贾充志趣不同【二人并已见】一日贾宴朝士而庾后至贾曰君行常居人前今何忽在后庾曰且有小市井事不了是以来后世言庾之先尝有伍伯贾之先有市魁因以相讥

刘道真尝与一人共索梓草中食见一姬将两儿过并青衣刘调之曰青羊将两羔姬荅曰两猪共一槽【晋百官名曰刘寔字道真高平人】

刘道真于河侧自牵船见一老姬采杞刘调之曰女子何不调机利杼而采杞姬荅曰丈夫何不跨马挥鞭而牵船

钟雅语祖士言我汝颖之士利如锥卿燕赵之士钝如槌祖曰以我钝槌打尔利锥钟曰自有神锥不可得打祖曰既有神锥亦有神槌

王仲祖好饮茶賔至辄命饮之士大夫皆患其如此每欲往候必曰今日有水厄

琅琊有一诸 面病鼠瘻刘真长见之叹曰鼠乃复窟穴人面耶

刘尹见桓公每嬉戏必取胜一日谓桓曰卿乃尔好利何不焦头

刁彝于桓公坐【晋书曰刁彝字大伦渤海饶安人刁协之子】嘲韩博曰君是韩卢后博误应曰卿是韩卢后桓公笑曰刁以卿姓韩故相问耳他自姓刁那得复是韩卢后博曰明公未之思耳短尾者则为刁也桓公大悦一坐叹以为佳【崔鸿十三国春秋前凉录曰苻坚复有兼并之规天锡大惧遣从事中郎韩博奉表于晋又与桓温书尅期大举】范武子尝患目痛【晋中兴书曰范甯字武子慎阳县人博学通览累迁中书郎豫章太守】就张处度求方【晋东宫官名曰张湛字处度高平人张氏谱曰湛祖疑正员郎父旷镇军司马湛仕至中书郎】处度因嘲之曰古方宋阳里子少得其术以授鲁东门伯鲁东门伯以授左丘明及汉杜子夏郑康成魏高堂隆晋左太冲凡此诸贤并有目疾相传此方云用损读书一减思虑二专内视三简外观四旦晚起五夜早眠六凡六物以神火下以气箴蕴于胷中七日然后纳诸方寸修之一时近能数其目睫远视尺捶之余长服不已洞见墙壁之外非但明目乃亦延年刁凿齿以脚病废居里巷苻坚灭樊邓素闻凿齿名与释道安并致焉与语大悦以其蹇疾裁堪半丁坚与诸镇书曰晋氏平吴利在二俊今破汉南得士一人半耳有人诣谢公别谢公流涕此人不了不悲既去左右曰向客殊自密云谢公曰非徒密云乃自旱雷耳

谢敷隐居防稽山初月犯少防星少防一名处士星识者以隐士当之时吴国戴逵名重于敷时人忧之俄而敷死故防稽士人以嘲吴人云吴中高士便是求死不得【檀道鸾续晋阳秋曰谢敷字庆绪防稽人崇信释氏入太平山十余年以长斋供养为业招引同事化纳不倦以母老还若耶中内史郗愔表荐之徵博士不就】

顾恺之见谢万因论神仙顾问云仙者之乘或羊或鹿使君当乘何物耶谢曰居家者遇物斯乘卿辈即辕中客也

谢康乐父璠生而不慧为秘书郎早亡康乐小时便文藻逸祖车骑甚奇之谓亲知曰我乃生璠璠那得不生灵运

何尚之与颜延年少相好狎二人并短小尚之尝谓延年为猿延年目尚之为猴一日同游太子西池延年问路人云吾二人谁似猴此人指尚之为似延年喜笑此路人曰彼似猴君乃是真猴

范蔚宗【范晔已见】临刑时妓妾来别蔚宗悲涕流涟谢综时亦同刑【宋书曰外甥谢综为晔所知】顾谓蔚宗曰舅殊不同夏侯色【先是晔在狱作诗曰祸福本无兆性命归有极必至定前期谁能延一息在生已可知来縁防无识好丑其一丘何足异枉直岂论东陵上宁辩首阳侧虽无嵇生琴庶同夏侯色寄言生存子此路行复即故综以讥晔沈约宋书曰晔意入狱便死上穷治其狱遂经二旬晔更有生望狱吏戏之曰外传詹事或当长系晔闻惊喜综熙先笑曰詹事在西池射堂上跃马顾盼自以为一世之雄今扰攘纷纭畏死乃尔设令今赐以性命人臣图主何颜可以生存晔谓狱将曰惜哉薶如此人将曰不忠之人亦何足惜晔曰大将言是也】

范蔚宗撰和香方其序云麝本多忌过分必害沉实易和盈斤无伤零藿虚燥詹唐黏湿甘松苏合安息郁金捺多和罗之属并被珍于外国无取于中土及枣膏昏钝甲煎浅俗非惟无助于馨烈乃当弥增于尤疾此序所言悉以比朝士麝本多忌比庾炳之零藿虚燥比何尚之詹唐黏湿比沈演之枣膏昏钝比羊保甲煎浅俗比徐湛之甘松苏合比慧琳道人沉实易和以自况也

宋太祖尝面许张思光【融】为司徒长史敕竟不下张乘一马甚瘦太祖见之问曰卿马何瘦给粟多少张曰日给粟一石上曰食粟不少何瘦如此张曰臣许而不与明日即除司徒长史

王延之【己见】阮韬俱是刘湛【己见】外甥并有早誉刘甚爱之尝曰韬后当为第一延之其次也延之甚不平后为江州每致饷下都韬与朝士同例高祖闻之与延之书曰韬云卿未尝有别意当由刘家月旦耶【南史曰阮韬字长明陈留人晋光禄大夫孙也为南兖州别驾江夏王求资费钱韬曰此朝廷物也执不与】

张思光既免官为诗与何徵士【何求己见】有高尚之言何荅曰昔闻东都日不在简书前思光久病之及何后婚孔氏女思光始为诗赠何曰惜哉何居士薄暮遭荒淫何亦病之而无以释也

谢吏部【谢朓己见】初告王敬则反状【萧子显齐书曰王敬则晋陵南沙人母为女巫生敬则而胞衣紫色谓人曰此儿有鼓角相敬则两腋下生乳各长数寸梦骑五色狮子二十善拍张明帝即位为直阁军进大司马以事伏诛】谢妻是敬则女常懷刀欲报谢谢不敢相见及为吏部郎谢自叙谦挹沈昭略谓之曰卿人地之美无愧此职但恨今日刑于寡妻【南史曰朓临刑叹曰天道其不可昧乎我虽不杀王公王公因我而死齐书曰沈昭略字茂隆吴兴武康人祖庆之太尉父文振侍中昭略性狂隼不事公卿升平末为相国西曹掾齐高帝谓王俭曰南士中有沈昭略何职处之俭以拟前将军寻为中书郎迁侍中永元中与叔文季俱召入华林省赐药酒卒】

江祐及弟祀【南史曰江祐字宏业济阳考城人姑为齐高帝兄始建王妃生明帝祐少为明帝所亲恩如兄弟明帝入纂拜宁朔将军官中书令弟祀字景昌位晋安王镇北长史明帝崩祐受遗辅政以谋废东昏兄弟同日见杀】与刘洸刘晏【南史曰刘洸字处和南阳人为始安王遥光谘议遥光败与弟谦俱见杀】俱候谢晖晖戏之曰可谓带二江之双流齐太祖尝置酒为乐清河崔思祖侍宴谓沈侍中【沈文季己见】曰羹脍为南北所推沈荅曰羹脍乃吴食非卿所知思祖曰鯈鼈脍鲤似非勾吴之诗沈曰千里莼羹岂关鲁卫之事帝称美曰莼羹颇须归沈【南史曰崔思祖字敬元清河东武城人崔琰七世孙少有志气好读书齐高帝在淮陰思祖闻风自结为上辅国主簿防预谋议齐朝建官青冀二州刺史】

王俭与王敬则同拜三公徐孝嗣于崇礼门俭因嘲之曰今日可谓连璧俭曰不意老子遂与韩非同传梁武朝盛于佛教朝贤多启求受戒江休映精信因果而高祖未知【梁书曰江

革字休映济阳考城人祖齐之宋金部郎父柔之齐仓部郎革早有才思六歲便属文仕至光禄大夫】谓江不奉佛乃赐江觉意诗五百字云惟当勤精进自强行胜修岂可作防突如彼必死囚以此告江革并及诸贵游又手敕云世间果报不可不信岂得防突如对元延明耶江因启乞受菩萨戒【南史曰革在彭城南下为魏人所执魏徐州刺史元延明闻革才名厚加接待革称脚疾不拜延明将害之见革辞色严正更加敬重时祖暕同被拘执延明使暕作欹器漏刻铭革唾暕曰卿荷国厚恩乃为虏立铭孤负朝廷延明又令革作丈八寺碑革辞以囚执既久无复心思延明将加捶朴革厉色曰江革年六十不能杀身报主今日得死为幸誓不为人执笔延明知不可屈乃止】

朱异遍治五经涉猎文史兼通杂艺博奕书筭皆其所长年二十诣都沈尚书【约】戏语曰卿年少何乃不廉异逡巡未达其防约曰天下唯有文义棋书卿一时将去那得云廉【朱异已见】

殷孚【沈约宋书曰孚殷淳子有父风大明末为尚书吏部郎】与何勗尝共食【勗是何无忌子】孚羹尽勗曰益殷 羹孚荅曰何无忌讳

谢凤子名超宗谢庄子名肅宋明帝敕二人由凤庄门入超宗曰君命不可以不往乃趋而入肅曰君处臣以礼遂不入

王僧防子慈谢凤子超宗【并已见】并年少戏狎慈方学书超宗曰卿书何如防公慈曰慈书比大人犹鸡之比凤谢庄子 刘勰子俊尝同饮俊曰谢庄儿不可云不能饮 曰苟得其人自可流湏千日

何承天为著作时年已老而诸佐郎并名家年少颍川荀伯子嘲之常呼为奶母何曰卿当云凤凰将九子何言奶母耶【南史曰何承天东海郢人母徐广姊聪明博学故承天防渐训义博见古今为一时所重除著作佐郎】

陆澄当世称为硕学读易三年不解文义欲撰宋书终不能成王俭戏之曰陆公书厨也

到舍人【梁书曰到镜字圆照到溉子五歲口授为诗婉有词致位太子舍人作七悟文甚美】子荇小时聪慧【南史曰到镜子荇早聪慧仕尚书殿中郎】尝从高祖幸京口登北顾楼赋诗荇受诏便就上览以示其祖溉曰荇定是才子翻恐卿从来文章假手于荇因赐溉连珠曰研磨墨以腾文笔飞毫以书信如飞蛾之赴火岂焚身之可宐必耄年其已及可假之于少荇

初梁武帝与任昉相遇于竟陵王西邸从容语昉曰我登三事当以卿为记室昉亦戏帝曰我若登三事当以卿为骑兵以帝善骑故也后帝既登大位与昉语次因及此语昉仰谢曰昔承清宴属有绪言提挈之防形于善谑岂谓多幸斯言不渝

释寶渊广写义防贵市王征南书緘封一簏有意西归同寺慧济谑之曰昔谢氏青箱不至不得作文章今卿白簏未来判无讲理渊曰殊不然此乃打狗杖耳【释道宣续高僧传曰释寶渊本姓陈巴西阆中人年二十三于成都出家居罗天宫寺酷好蒲扑使酒挟气师僧旻晓喻返以为讐因尔改涂复从智藏采摭先业自建讲筵】

刘谅为湘东王所善【梁元帝始封湘东王】湘东一目眇一目与谅共游江濱叹秋望之美谅曰今日可谓帝子降于北渚湘东以为刺已因语谅曰卿言目 而愁予耶由此嫌之【南史曰谅字求信彭城人祖绘大司马从事中郎父孝绰秘书监谅少好学有文才尤悉晋代故事时号皮里晋书】

魏伯起昔在京洛轻薄尤甚时为之语曰魏收惊蛱蝶后文襄游东山令诸臣宴文襄曰魏收恃才卿辈适须出其短往复数番伯起忽大唱曰杨遵彦理屈已倒杨从容言曰我绰有余暇山立不动若遇当涂恐翩翩遂逝当涂者魏翩翩者蛱蝶也文襄先知之大笑称善魏佛助与邢子才意趣不协更相诋毁魏每议陋邢文邢云江南任昉文体本疎魏收非直模拟亦大偷窃魏闻乃曰伊尝于沈约集中作贼何意道我偷任昉任沈俱有重名邢魏各有所好武平中黄门郎顏之推以二公意问祖仆射祖曰见邢魏之臧否即是任沈之优劣【魏收邢邵已见北齐书曰祖莹字孝徵神情机警词藻邈逸性疎率不能廉慎起家秘书郎顏之推字介琅琊临沂人祖见遠父协并以义烈称之推博览书史辞情典丽为湘东王右常侍好酒任纵不修边幅时论少之】

祖孝征所乘老马自称骝驹又与寡妇王氏奸通每人前相闻往复裴让之与祖早狎尝于众中嘲祖曰卿珽那得如此诡异老马十歲犹号骝驹一妻耳顺尚称娘子于时喧然传之【北史曰裴让之字士礼河东闻喜人少好学有文情清明俊辩早得声誉对策高第歷屯田郎中兼散骑常侍聘梁文宣时赐死】

王沙弥【晞】尝诣晋祠赋诗曰日落应归去鱼鸟见留连忽有相王使至召王不时至明日在丞相西阁祭酒卢思道谓王曰昨被召已朱顏得不以鱼鸟致怪王缓笑曰昨晚陶然颇以酒浆被责卿辈亦是留连之一物岂直鱼鸟而已

徐之才聪辩强识有兼人之敏尤好剧谈公私防聚多相嘲戏常嘲王昕姓云有言则诳近犬则狂加颈足而为马施角尾而为羊卢元明因戏之才云卿姓是未入人名是字之误徐即荅云卿姓在亡为虐在丘为墟生男则为虏配马则为驴又尝与朝士出游遥望羣犬竞走诸人试令目之徐应声曰为是宋鹊为是韩卢为逐李斯东走为负帝女南徂

阮孚性机辩好酒貌短而秃周文帝偏所爱重常于室内置酒十瓶瓶大一斛上皆加帽欲以戏孚孚适入室见即惊喜曰吾兄弟辈甚无礼何为入王家匡坐相对宜早还宅因持酒去周文帝怱然大笑

齐世有席昆嗤鄙文学嘲刘逖曰君文如朝菌须臾之 岂比吾千丈松常有风霜刘荅云既

有寒木又发春花可乎席不能屈【席毘未详 三国典畧曰刘逖字子长彭城丛亭里人汉楚王后也少好弋猎后倦于羁旅发愤自励专精读书晋阳都防之所霸朝人士咸务宴集逖卷不离手遇有文籍所未见者则终日讽诵或通夜不归亦留心文藻颇工诗咏齐天保初行定陶县令】

王肃好鱼【己见】在北时彭城王【勰】尝戏之曰卿不重齐鲁大 而爱邾莒小国王对曰乡曲所美不得不好彭城复谓曰卿明日顾我为卿设邾莒之餐亦有酪奴北人因号茗饮为酪奴

孙彦举以文才著称然学浅行薄邢邵尝谓之曰卿更须读书孙曰我精骑三千足敌君羸卒数万【北史曰孙搴字彦举乐安人少励志勤学孙腾荐之齐神武防神武西征命李义深李士畧作檄文皆辞请以搴代神武引搴入帐自为吹火催促之搴神色安然援笔立就其文甚美神武大悦署相府主簿】

李庶生而天阉崔谿调之曰教弟种须法以锥遍刺作孔插以马尾庶曰先以此方迴施贵族艺眉有效然后树须世传谿门有恶疾以呼沱为墓田故庶言及之【崔鸿十三国春秋曰李庶黎阳人魏大司农谐之子以清才每接梁使徐陵谓其徒曰江北有李庶可语耳庶无须髯人谓天阉】

宗如周面狭长萧警戏之曰卿何为谤经如周曰身自来不谤经蔡大寶曰卿当不谤余经正应不信法华经尔盖法华经云闻经随喜面不狭长如周乃悟【后梁书曰蔡大寶字敬仁尝以书干仆射徐勉勉大赏异令与其子游处所有坟籍尽以给之遂博览羣书学无不综】柳机【北史曰柳机字匡时河东解人伟容仪有器局颇涉经史年十九周武帝引为记室】柳昂【北史曰柳昂字千里河东解人防聪颖有器识干局过人周武帝时为内史中大夫当途用事百寮皆出其下】在周朝俱歷要任至隋文帝受禅并为外职时杨素方用事因文帝赐宴素戏语机云二柳俱摧机应声荅曰不若孤杨独耸

侯白好俳谑一日杨素与牛 退朝白语之曰日之夕矣素曰以我为牛羊下来耶

麦鐵杖【隋书曰麦鐵杖始兴人少有勇力日行五百里走及奔马踈诞使酒好交游重信义立功隋朝仕至开府仪同三司】因朝集考功郎窦威戏之曰麦是何姓鐵杖曰麦豆不殊那忽致怪【隋书曰苏威字无畏武功人苏则之后少有至性隋文帝为丞相高颀屡言其贤与语大悦居月余威闻禅代之议遁归田里高颀请追之帝曰此不欲预吾事且置之及受禅徵拜太子少保兼纳言】

庾信自建康遁归江陵湘东王因赐妾徐氏妾与信弟揔私通揔欲求之无致言者信庭前有一苍鷺乃系书于鷺颈信视之遂题 尾曰畜生乞汝

欧阳询形状猥陋长孙无忌尝嘲之曰耸膊成山字埋肩畏出头谁令麟阁上画此一猕猴询

应声曰索头连背暖漫裆畏肚寒祇縁心浑浑所以面团团太宗笑曰询殊不畏皇后耶

武懿宗形状短陋尝统兵御西戎畏懦而遯张元一嘲之曰长弓短度箭蜀马临高蹯去贼七百里隈墙独自战忽然逢着贼骑猪向南防则天未晓曰懿宗无马耶元一曰骑猪夹豕也则天大笑【刘昫唐书曰武懿宗则天伯父士逸之孙张元一武后时左司郎中善滑稽】

张易之与弟昌宗为奉宸令引词人为供奉时有言昌宗是王子晋后身令被羽衣吹箫乘木奏乐于庭崔融赋诗为絶唱有昔偶浮丘伯今同丁令威中郎才貌是藏史姓名非之句后与苏味道相谗云某诗所以不及相公无银花合也【味道咏上元诗曰火树银花合星桥鐵鎖开故崔以为戏】味道云子诗虽无银花合还有金铜丁

王勃与二弟助劫皆以文着后福峙防子劝又有文名福峙尝以谄韩思彦思彦曰昔武子有马癖君复有誉儿癖王家癖何多耶

娄师德好谐谑则天朝大禁屠杀师德因使至陝庖人进肉师德曰何得有此庖人曰豺咬杀羊师德曰豺大解事又进鲙复问何得有此庖人曰豺咬杀鱼师德大叱之曰智短汉何不道是獭遂不食

许敬宗尝奏流其子昂于南及敬宗死博士 思古议諡为谬昂子彦伯于众中将击之 曰今为贤家君报讐何忽见怒彦伯慙而止

宋济老于词場举止可笑尝试赋误落官韵济抚膺曰宋五坦率矣此声大传后礼部上甲乙名明皇先问曰宋五坦率不

卢相迈不食盐醋同列问之足下不食盐醋何堪迈笑而荅曰足下终日食盐醋复又何堪【刘昫唐书曰卢迈字子元范阳人以孝友谨厚称贞元中以给事中平章事大政决于陆防公谨身中立守文奉法而已】

乔琳好谈谐朱泚僭逆琳掌贼中吏部选人前白曰所注某官不稳便琳荅曰足下谓此选竟稳便乎

杨汝士以尚书出镇东川白乐天是尚书妹婿时以太子少傅分洛乐天戏代内子作诗贺兄嫂曰刘纲与妇共登仙弄玉随夫亦上天何似沙哥【汝士小字沙哥】领崔嫂碧油幢引向东川又曰金花银碗饶兄用罨画罗裙任嫂裁嫁得黔娄为妹婿可能空寄蜀茶来

白傅就裴晋公乞马裴赠以一马戏为诗曰君若有心求逸足我还留意在明姝盖用爱妾换马事白即荅云安石风流无奈何欲将赤骥换青娥不辞使送东山去临老无人与唱歌

白乐天求箏于牛奇章奇章赠诗曰但愁封寄去魔物或惊禅乐天云防教魔女弄不动是禅

心乐天尝言思黯自夸前后服钟乳三千两而歌舞之妓甚多乃谑予衰老故荅思黯诗云钟乳三千两金钗十二行妒他心似火欺我 如霜慰老资歌笑销愁仰酒浆眼看狂不得狂得且须狂奇章又有诗云不是道公狂不得恨公逢我不教狂

张祜初未识白公白刺苏州时祜来谒才见白即语曰久钦借尝记得君有欵头诗祜愕然请其故白曰鸳鸯钿带抛何处孔雀罗衫付阿谁非欵头何耶张顿首防笑仰而荅曰祜亦尝记得舍人有目连变白曰何也祜曰上穷碧落下黄泉两处茫茫皆不见非目连变耶遂与欢宴竟日

徐晦嗜酒沈 师善餐杨嗣复戏语云徐家肺沈家脾真安稳耶

姚岷善滑稽遇机即发姚仆射南仲廉察陝郊岷尝 见仆射延之中堂未及语忽有投刺者云李过庭仆射曰过庭之名甚新未知谁家子弟客将左右皆称不知又问岷岷初犹俯首顷之自不可忍敛手言曰恐是李趋儿仆射久方悟而大笑

姚岩杰【摭言曰姚岩杰梁国公元崇之孙少聪悟絶伦弱冠博通典籍慕班固司马迁为文时称大儒】与卢肇防于江亭【摭言曰卢肇字子发为歙州牧】肇改令欲目前取 一联即发令曰远望渔舟不阔尺八【尺八乐器名尔雅释乐不载 唐逸史曰开元末一僧往终南圆寺中一老僧令于空房内取尺八来乃玉也谓曰汝主在寺以爱吹尺八谪在人间此常吹者也汝回可将此付汝主僧归进于 宗特攻吹之宛是先所御者 孙夷中仙隐传曰房介然専吹竹笛名尺八】姚遽饮酒一器凭栏呕哕须臾即席还令曰凭栏一吐已觉空喉

方干姿态山野且免缺性好凌侮人有龙邱李主簿偶一见干遂同杯酌李目有翳干改令讥之曰措大吃酒防盐军将吃酒防酱只见门外着篱未见眼中安障李荅曰措大吃酒防盐下人吃酒防鲊只见半臂着欄不见口唇开跨一坐大笑【孙郛元英先生传曰先生新安人字雄飞广明间为律诗江南未有及者谒钱塘守姚合合视其貌陋初甚侮之览卷骇目变容而叹先生一举不得志遂遯于防稽与郑仁规李频陶详为三友】

唐僖宗颇工众艺于音律蒲博蹴鞠鬪鸡无不精妙尤善击毬尝谓优人石野猪曰朕若应击毬进士举须为状元野猪对曰若遇尧舜作礼部侍郎恐陛下不免駁放

湖南马希声闻梁太祖嗜食鸡慕之杀五十鸡为膳居其父武穆王丧发引之夕顿食鸡臠数盘吏部侍郎潘起讥之曰昔阮籍居丧食蒸豚何代无贤

周世宗时陶尚书奉使江南韩熙载遣家妓以奉盥匳及旦以书谢有云巫山之丽质初临霞侵鸟道洛浦之妖姿自至月满鸿沟举朝不能防其辞熙载因召家妓讯之云是夕忽当浣濯【东都事畧曰陶谷字秀实邠州新平人有俊才起家为校书郎在周为翰林学士宋兴歷礼刑户部三尚书迁承防博记美词翰滑稽好大言佛老之书陰阳之学亦能详究干德初郊法物制度多谷所定】



陶尚书小字鐵牛李涛尝戏之曰每至海源即思灵德陶谷使吳越忠懿王宴之因食蝻蟀询其族 忠懿命自蝻蟀至蜚蚶凡取十余种以进谷曰真所谓一蟹不如一蟹宴将毕或进葫芦羹相劝谷下箸忠懿笑曰先王时庖人善为此羹今依樣饌来者谷一语不荅杨大年方与客棋石中立自外至戏云止于坐隅貌甚闲暇石荅云口不能言请对以臆

杨大年尝于丁晋公席上举令云有酒如线遇斟则见公荅曰有饼如月因食则缺

杨文公尝戒门人为文宜避俗语既而公自作表云伏惟陛下德迈九皇门人郑戩曰未审何时得卖生菜公笑易之

丁晋公在秘阁日凝寒近火常以鐵箸于灰烬间书画同舍伺公暂起烧火箸使 公至为箸所熨曰昨宵通晓不寐为四邻 笕喧呼所聒同舍曰是必嫁娶之家也公曰非是时平歲稔小人辈共乐其父母祖先耳丁晋公自崖州还坐客论天下州郡何地最雄盛公曰唯崖州地望最重客问其故荅曰宰相只作彼州司户防军他州何可及

石中立喜滑稽天禧中为员外郎时西域献狮子畜于御苑日给羊肉十五斤石率同列往观或曰吾辈忝与郎曹反不及一兽石曰汝何不知分彼乃苑中狮子吾曹员外郎耳安可并耶【魏泰东轩笔錄曰石防政中立事太宗为馆职至真宗末年犹为学士】

盛度体丰肥一日自前殿趋出宰相在后盛初不知忽见即欲趋避行百余步乃得直舍隐于其中石学士【中立】见其喘甚问之盛告其故石曰相公问否盛曰不问别去十余步乃悟骂曰奴乃以我为牛

王宣徽【拱辰】于洛中营第甚侈中堂起屋三层最上曰朝天阁时司马公亦在洛于私第穿地丈余作壤室邵康节见富郑公公问洛中新事邵云近有一巢居一穴处者富为大笑

赵阅道【扑】罢政闲居每见僧至接之甚有礼一日有士人以书贽见公读之正色谢去后再往阅人不为通士人谓阅者曰防政便直得如此敬重和尚阅者曰寻常僧来相见亦只是平平人相公道只是重袈裟士人笑曰我这领襴衫直是不直钱阅者曰也半看佛面士人曰便那辍不得些少来看孔夫子面人传以为笑孙巨源从刘贡父乞墨吏送达孙莘老中丞巨源以未得让刘刘曰已尝送君矣后知是莘老误留以其皆孙姓而同为馆职吏辈莫能别刘曰何不取其髯为别吏曰皆胡而莫能别刘曰既是皆胡何不以身之大小为别于是馆中以孙莘老为大胡孙学士巨源为小胡孙学士

沈存中【括】为内翰刘贡父与从官数人同访之始下马典谒者报云内翰方就浴可少待贡父语同行曰存中死矣待之何益众惊问其故贡父曰孟子云死矣盆成括众悟其为戏

刘贡父初入馆乘一驃马而出或言此岂公所乘亦不虑趋朝之际有从羣者或致奔踶之患耶贡父曰吾将处之也或问何以处之曰吾令市青布作小防系之马后耳或曰此更诡异也

贡父曰我初幸馆阁之除俸入俭薄不给桂玉之用因就廉直取此马以代步不意诸君子督过之深姑为此以揜言者之口耳

王观恃才放诞陆子履慎默于事无所可否观尝以方直少之然二人极相善观尝寝疾子履往之观以方帽包裹坐复帐中子履笑曰体中小不佳何至是所谓王三惜命也观厉声曰王三惜命何如六四括囊闻者莫不大笑

马默为台官尝弹奏刘贡父轻薄不当置在文馆刘曰既云马默岂合驴鸣【宋史曰马默字处厚单州成武人家贫徒步从石介学诸生时以百数一旦出其上将归石语诸生曰马君他日必为名臣宜送之山下累官竇文阁待制知徐州绍圣时坐附司马光落待制致仕】

刘贡父性滑稽喜嘲谑与王汾同在馆中汾病口吃贡父为之赞曰恐是昌家又疑非 未闻雄名只有艾气王汾尝嘲刘放云常朝多唤子盖常朝知班吏多云班班谓之唤班放应声云寒食每呼君【东都事畧曰王禹偁曾孙汾举进士甲科元祐中为工部侍郎竇文阁待制入元祐党籍云】

治平初濮安懿王原寝皆用红泥杂饰刘贡父谓王汾曰顷闻王坟赐绯得非子有银章之命耶

王介甫为相大讲天下水利刘贡父尝造介甫值一客在坐献策曰梁山泊决而涸之可得良田万顷但未择得利便之地贮其水耳介甫倾首沉思曰然安得所贮许水乎贡父抗声曰此甚不难介甫欣然以为有策遽问之贡父曰别穿一梁山泊则足以贮此水矣介甫大笑遂止

王介甫多思而喜啗説尝与刘贡父共食王曰孔子不撤姜食何也贡父曰本草言姜食多损智道非明民将以愚之孔子以道教人故不撤姜食所以愚之也介甫欣然而笑久乃悟其为戏

刘贡父滑稽辩捷世推无对晚年虽得末疾乘机决发亦不能忍一日拥炉于惠林僧寮语东坡曰吾之邻人有一子稍长使之代掌小解不逾歳误质盗物资本耗折殆尽其子引罪请曰某拙于运财以败成业今请从师读书勉赴科举其父大喜择日具酒肴遣之既别且嘱之曰吾老矣恃子以为穷年之养今子去我而游学倘或侥幸改门换户固吾之大幸然切有一事不可不记或有交友与汝唱和须子细看莫更和却贼诗狼狽而归盖讥东坡前逮诏狱王晋卿周开祖之徒皆以和诗为累也【乌台诗案曰公有与王诜往来诗赋及寄周邠诸诗二人皆以収苏轼有讥讽文字不申缴有司各治罪】贡父语始絶口东坡即曰某闻昔夫子自卫反鲁防有召夫子食者羣弟子相与语曰鲁吾父母之 我曹久从夫子辙环四方今幸俱还乡里伺夫子之出当共寻访亲旧因阅市肆众欣然许之始过闾阖未及纵观而稠人中望见夫子巍然而来惶惧相告由夏之徒奔踔越逸无一留者独顔子拘谨不能遽为阔步顾市中石塔似可隐蔽即屏伏其旁以俟夫子之过羣弟子因目之为避孔子塔盖讥贡父风疾之剧以报之也东坡尝与刘贡父言某与舍弟习制科时日享三白食之甚美不复信世间有八珍

也贡父问三白之說坡言是一撮盐一碟生萝卜一盃饭贡父大笑久之以简招坡吃晶饭坡不复省忆谓人云贡父读书多必有出处比至赴食见案上所设惟芦菔盐饭而已始悟贡父以三白相戏援匕箸食之防尽将上马云明日可见过当具糲饭奉待贡甫虽知其为戏但不解糲饭所设何物迨往谈论过半午不设食贡父饥甚索饭坡云少待如此者再三坡荅如故贡父饥不可忍矣坡徐曰盐也毛芦菔也毛饭也毛非糲而何贡父捧腹曰固知君必报东门之役然虑不及此坡始命进食抵暮乃去

王圣涂云【圣涂字辟之】苏子瞻文章议论独出当世风格高迈书画亦精絕有得其真迹者重于珠玉虽才高一世而遇人温厚有片善即与之倾尽城府论辩酬倡间以谈谑谪居黄州日有陈处士携纸笔求书防客方鼓琴遂书曰或对一贵人弹琴者天陰声不发贵人怪之曰岂慢耶对曰也不慢其清淡善谑如此

苏子瞻与姜潜同坐姜字至之先举令云坐中各要一物是药名乃指子瞻曰君药名也问之曰子苏子子瞻应声曰君亦药名也君若非半夏定是厚朴姜请其故曰非半夏厚朴何故曰姜制之【宋史隐逸传曰姜潜字至之兖州奉符人从孙复学春秋神宗时召对除陈留令以不散青苗钱移疾去】

东坡镇维 幕下皆奇豪一日石塔长老遣侍者投牒求解院东坡问长老欲何往对曰归西湖旧庐东坡即将僚佐同至石塔令击鼓大众聚观袖中出防使晁无咎读之其词曰大士何曾出世谁作金毛之声众生各自开堂何关石塔之事去作无相住亦随縁戒公长老开不二门施无尽藏念西湖之久别亦是偶然为东坡而少留无不可者一时稽首重听白槌渡口船迴依旧云山之色秋来雨过一新钟鼓之声以文为戏一时咸慕其风

东坡在惠州天下传其已死后七年北归时章丞相方贬雷州东坡见南昌太守叶祖洽叶问曰世传端明已归道山今尚尔游戏人间耶坡曰途中见章子厚乃回反耳

黄鲁直戏东坡曰昔右军书为换鵝字近日韩宗儒性饕餮每得公一帖于殿帅姚麟家换羊肉数斤可名公书为换羊书矣公在翰苑一日以生辰制撰纷冗宗儒继作简以图报书来人督索甚急公笑曰传语本官今日断屠

涪翁【黄庭坚已见】尝和东坡春菜诗云公如端为苦笋归明日春衫诚可脱坡得诗戏语坐客曰吾固不爱做官鲁直遂欲以苦笋硬差致仕闻者絕倒

刘道原【恕】日记万言终身不忘壮輿【義仲道原子并已见】亦能记五六千字壮輿之子所记才三千字晁以道戏壮輿曰更两世当与我輩相似

吕嘉问【已见】提举市易曾子宣【布】劾其违法曾反得罪嘉问治事如故刘贡父曰岂意曾子避席望之俨然乎嘉问字望之【司马公涑水记闻曰曾布为三司使与吕嘉问争市易事介甫主嘉问布坐左迁】苏长公在维 一日设客十余人皆一时名士米元章亦在坐

酒半元章忽起立自赞曰世人皆以芾为颠愿质之子瞻长公笑荅曰吾从众【海岳遗事曰米元章尝为书画学博士后迁礼部员外郎数遭白简逐出一日以书抵蔡京诉其流落且言举室百指行至陈留独得一舟如许大遂画一艇于行间京晒焉时弹文正谓其颠而芾又歷告诸执政自谓久任中外并被大臣知遇举主累数十百皆用吏能为称首一无有以颠防者世遂传米老辩颠帖】

元祐中米元章居京师被服怪异戴高檐帽不欲置从者之手恐为所浣既坐轿为顶盖所碍遂彻去露帽而坐一日出保康门遇晁以道以道大笑下轿握手问曰晁四你道似甚底晁云我道你似 章二人抚掌絶倒时西边获贼寨首领 章檻车入京故晁以为戏滕甫有弟申狼暴无礼其母独笃爱用是数凌侮其兄而阉政多案章子厚与甫旧狎一日语之曰公多虞舜然亦有不似者甫究其説子厚曰 者父顽母嚚象傲不 者克谐以孝耳【宋名臣四科事实曰龙图滕甫临大事毅然不计死生至于己私则小心庄栗惟恐有过】

黄鲁直刘莘老同在馆中每庖人请食次鲁直颇治珍味刘北人性朴厚常云来日吃蒸饼乡音颇质黄不乐其简俭一日聚饮行令以三字离合成字一人云戊丁成皿盛或云王白珀石碧或云里予野土墅黄云禾女委 魏刘未荅黄遽云仆当奉代以来力敕正整如何其声大似蒸饼之语坐皆笑刘不乐

吕与叔言长安有安氏家藏唐明皇髑髅作紫金色其家事之甚谨因尔家富达遂为盛族后其家析居争髑髅斧为数片【道学名臣言行録曰吕大临字与叔大钧之弟学于横渠横渠卒乃东见二程元祐中除正字范内翰荐可为讲官未用而卒】张文潜【张耒已见】闻之即语曰明皇生死为姓安人极恼合坐大笑时秦学士太虚方为贾御史弹不当授馆职文潜戏太虚曰千余年前贾生过秦今复尔也闻者以为佳谑

郭景初尝夜出为醉人所诬【墨客挥犀曰郭拙字景初泉州人少有才学而性甚轻脱】太守召景初诘其状景初笑曰谚所谓张公吃酒李公醉太守怪其言不屈命取纸笔使作张公吃酒李公醉赋郭操纸立就其略云事有不可测人当防未然何张公之饮酒乃李老之醉焉清河丈人方肆杯盘之乐陇西公子俄遭酩酊之愆太守见而大笑乃释之林瑀王洙同作直讲林谓王曰何相见之濶也王曰遭此霖雨瑀云今后转更踈濶王曰何故荅云逢此短晷盖讥王之侏儒

陈绎好为敦朴之状时谓 熟顔回后熙宁中台州推官孔文仲举制科庭试对策言事有痛哭太息执政恶而黜之绎时为翰林学士语于众曰文仲狂躁真杜园贾谊王平甫笑曰杜园贾谊可对 熟顔回合坐大噱李章赴邻人小集主人素鄙防次章适坐其傍既进饌主人前一鱼特大于众客者章即请于主人曰章与主人俱苏人每见人书苏字不同其鱼不知合在左边者是右边者是主人曰古人作字不拘一体移易从便也章即引手取主人之鱼示众云领主人指挥今日左边之鱼亦合从便移过右边一座辍饭而笑终席乃已【龚明之中呉纪闻曰李章姑苏人敏于戏调】

元符中上巳日锡燕从臣命御新龙舟蔡元长忽坠于金明池万众喧骇蔡得浮木凭出遂入次舍方一身淋漓蒋穎叔【之奇】唁公曰元长幸免潇湘之役蔡大笑答曰防同洛浦之游

许下人相传章子厚当轴喜骂士人尝对众云今世士人如人家婢子才出外求食个个要作行首张天觉在旁云如商英者莫做得一个角妓否章笑久之遂迁职子厚之孙章大方云不然天觉好诙谐先祖丞相曰岂有禁从作是俳语好闷天觉应声云某权某职且二年切告相公扞下权字丞相未防乃落权字

吳元中在辟雍时试经义五篇尽用字說据援精博蔡京为进呈特免过省以为学字說之劝及作相请复春秋科反攻王氏徐择之时为左相语人曰吳相此举虽汤武不能过客不解择之曰逆取而顺守元中甚不能平【宋史曰吳敏字元中真州人大观二年辟雍私试蔡京爱其文荐充馆职中书侍郎刘正夫以敏未尝过省不可京请御笔特召上殿除左司郎官金人犯顺敏荐李纲同赞徽宗内禅迁知枢密院事】

翟防政汝文与蔡安世【靖】陈应贤【光】同在门下省安世位汝文之上应贤坐其下每共谈论二人交辟之一日辞屈汝文叹曰嗟乎遂厄于陈蔡之间【蔡絛鐵围山丛谈曰翟防政公巽字汝文有文名对人辞语华畅虽谈笑歷歷皆可听然不妄吐也政和间为给事中】

宣和间追复苏轼职名时卫仲达当行词同列戏语曰达可宜善为此词盖须焚黄耳闻者莫不大笑【淇水流庆錄曰卫仲达初名上达字达可秀州华亭人大观三年登进士第徽宗改今名为馆职日上书谏脩三山石桥官至吏部尚书】

尤延之博洽工文与杨诚斋为金石交淳熙中诚斋为秘书监延之为太常卿又同为青宫寮案二公皆善谑延之一日言有一经句请秘监对曰杨氏为我诚斋应声曰尤物移人众皆叹其敏确

杨诚斋尝戏呼尤延之为蝻蟬延之呼诚斋为羊一日食羊白肠延之曰秘监锦心绣肠亦为人所食诚斋笑吟曰有肠可食何须恨犹胜无肠可食人世称蠲 为无肠公子一坐大笑

翟伯壽俊爽好奇巾服一如唐人自名唐装【张荃翁贵耳集曰翟耆年字伯寿公巽防政之子能清言工 及八分书】一日往见许彦周彦周髻髻着犊鼻褌蹑高屐出迎伯壽愕然彦周徐曰吾晋装也公何怪

乾道中众客赴郡宴尔日伎乐甚盛一年少勇于见色甫就席中一客以服辞乃命撤乐劝酬次年少责此人曰败一席之欢者尔也真所谓不自殒灭祸延过客者耶賓主为之闐堂

防稽有富人马生以入粟得官号马殿干喜賓客有姬美 能歌时出佐酒客有梁县丞者颇因与之目成后马生殂梁捐金得之他日置酒觴客陈无损益之在坐酒酣举杯属梁曰有

俚语奉上梁谛听之即琅然高唱曰昔居殿干之家爰丧其马今入县丞之室母逝我梁一坐大笑梁怊然不乐无防病死

赵魏公【赵孟頫已见】有一私印曰水晶宫道人周草窗以玛瑙寺行者对之【夏文彦图绘宝鉴曰周密字公谨号草窗历山人居钱塘】魏公遂不用此印后见草窗同郡崔进之药肆县一牌曰养生主药室魏公以敢死军医人对之进之亦不复设此牌魏公语人曰我今日方为水晶宫吐气

刘时中与文子方【矩】同过畅纯父【畅师文已见】值其濯足畅闻二人至辍洗迎笑而出曰佳客至正有佳味于卧内取四大桃置案上以二桃洗于濯足水中持啖二人子方与时中不食但以其置案上者人持一颗去曰公洗者其自享之无以二桃污三士也乃大笑而出

张仲举每以文自负常语人曰吾于文已化矣盖吾未尝构思特任意属笔而已【元史曰张翥字仲举晋宁人少负才隽豪放不羁好蹴鞠喜音乐其父以为忧翥翻然曰大人勿忧今请易业乃闭门读书受业于李存存江东大儒其学传于陆九渊翥从之游道德性命之說多所研究留杭从仇远学远于诗最高翥尽得其音律之奥遂以诗文知名】他日学士实喇卜示以所为文请易数字仲举苦思移时终不能就实喇卜曰先生于文岂犹未化耶何思之苦也仲举因相视大笑【陶九成辍耕录曰文定王实喇卜字敬臣号山斋辉和尔人庚申帝之师也】

嘉兴林叔大【鏞】为江浙行省掾贪墨鄙吝颇交名流以沽美誉其于达官显宦则品饌甚丰若高人胜士不过素汤饼而已一日延黄子久作画多士毕集复以此供客诸人不能堪讥讪交作叔大赧甚揖潘子素求题其画子素援笔书一絕句云阿翁作画如說法信手拈来种种佳好水好山涂抹尽阿婆脸上不曾搽子久笑语曰好水好山谓达官显宦阿婆脸不搽言素面也言未已子素复加一句云诸佛菩萨摩诃萨俱不解其意子素曰此即僧家懺悔閤堂大笑而散叔大数日不见客【姑苏志曰黄公望字子久性聪敏博极羣书于技能无不通晓补浙西宪掾以忤权豪弃去黄冠野服往来三吳开三教堂于苏之文德桥三教中人多执弟子礼善画山水师董源巨然

潘纯字子素庐州人游京师文学贵介争延致之每宴集谈笑倾坐】

## 语林卷二十八

### 轻诋二十八

或问子西孔子曰彼哉彼哉盖厌絶之也至孟子于管晏犹或轻之则圣贤亦诋诃人耶呜呼圣贤之心非不欲并包兼容然是非之公卒何可掩不有所贬后 安惩

祢正平自荆州北游许都书一刺懷之漫灭而无所遇或问之曰何不从陈长文司马伯达乎祢曰卿欲使我从屠沽儿辈耶又问当今复谁可者祢曰大儿孔文举小儿杨德祖

人问祢正平苟令君赵荡寇皆足盖当世乎祢荅曰文若可借面吊丧稚长可使监厨请客其意以苟但有貌赵健啖肉也

刘荆州【刘表已见】尝自作书欲与孙伯符以示祢正平正平嗤之言如是为欲使孙防帐下儿读之耶 使张子布见乎

管幼安少便恬静常笑邴根矩华子鱼有仕宦意及华为司徒上书让幼安幼安闻之笑曰子鱼本欲作老吏故荣之耳

刘巴不与张飞语孔明问之巴曰大丈夫处世当交四海英雄何至与兵子共语

虞仲翔在东吴曹公欲辟之虞闻之曰盗跖欲以余财污良家耶

石勒治门閤至峻有醉胡乘马径入府门勒问门吏冯翥向走马入门为是何人翥惶遽忘讳误对云向有醉胡乘马驰来即已诃问胡人难与语非小吏所制勒笑曰胡正自难可与言【石虎邺中记曰石勒字世龙上党武乡人匈奴之苗裔也永嘉初豪杰并起共推为主都于襄国后僭正号】

周仆射以雅望有海内重名后颇有酒失为仆射时略无醒日时人谓之三日仆射庾太尉曰周侯末年所谓风德之衰

阮光禄【阮裕已见】闻何次道拜相叹曰我当何处生活【晋阳秋曰何充字次道庐江人思韵淹通有文义才情累迁侍中骠骑 军 州刺史】

褚公与孙兴公【褚裒孙绰并已见】同游曲阿后湖中流风势猛迅舫欲倾覆褚公已醉乃曰此舫人皆无可以招天谴者唯孙兴公多尘滓正当以厌天欲耳便欲捉掷水中孙遽无计唯大啼曰季野卿念我

真为监军时范 平为吏部尚书大坐语 卿此还不失为防军 曰卿何事人中作市井

符朗初过江【裴景仁秦书曰朗字元达符坚从兄性宏放神气爽悟坚常曰吾家千里驹也坚为慕容冲所围朗降谢 用为散骑侍郎】王大与兄国寶命驾诣之汰法师问朗曰【安法师 曰竺法汰者体器 简道情冥到法师友而善焉一說法汰即安公弟子】见王吏部兄弟未朗曰非一狗面人心又一人面狗心者是耶盖以忧丑而才国寶美而狠也【秦书曰朗矜高忤物不容于世众谗而杀之】

刘迈【刘毅之兄】为殷仲堪参军桓南郡尝过仲堪于防事前戏马以稍拟仲堪刘时在坐谓南郡曰马稍有余精理不足

会稽太守孟顗事佛精恳而为谢灵运所轻谢尝语顗曰得道应须慧业文人卿生天当在灵运前成佛必在灵运后顗深恨此言【南史曰孟顗字彦重平昌安邱人卫 军昶弟也昶顗并美风姿时人谓之双珠昶贵盛顗不就辟昶死后厯侍中卒于会稽太守】

顏延之每薄汤惠休诗谓人曰休上人制作委巷间歌謡耳方当误后生

王僧达【已见】性好鹰犬何尚之致仕复起尝于宅设八关斋大集朝士行香次至僧达曰愿即解于鹰犬勿复游猎僧达荅曰家养一老狗放之去已复还尚之失色谢宣映【南史曰谢绚字宣映谢景重之子】曾于公坐戏调其舅 湛湛甚不堪之谓曰汝父昔已轻舅汝今复来加我可谓世无渭阳情也【宋书曰景重是王胡之外甥与舅亦不协】

丘车骑嗜酒弛纵不治形仪好臧否人物尝在沈渊坐见王文宪诗沈曰王令文章大进丘曰何如我未进【丘灵鞠王俭并已见】

王瞻好裁贬人物小时与齐豫章王嶷为友尝 嶷高论武帝时在大牀寝瞻谓嶷曰帐中人物亦复随人寝兴嶷言次忽问王景文卿兄措贤愚何如殷道矜瞻曰卿遂复言他人兄耶武帝笑语嶷曰多王【嶷小名】汝兄愚那得忽来王参军此句瞻曰直恐如卿来谈【南史曰王瞻字明远 谟子负气傲俗好裁贬人物齐建元初为永嘉太守诣阙跪拜不如仪召入东宫付廷尉杀之】江左甲族向来多不居宪台王氏以分支居乌衣者官位微减王僧防初除御史中丞谓人曰此是乌衣诸郎坐处我亦可试为耳

张欣泰为直阁校尉通涉雅俗交结多是名素每下直辄着鹿皮冠衲衣锡杖执素琴有以啓武帝者帝曰 家儿何作此举止【南史曰张欣泰字义亨竟陵人卫 军兴世子也不以武业自居好 书读子史年十余诣褚彦回彦回问张郎弓马多少荅曰性怯畏马无力牵弓彦回异之】

王元长初为司徒法曹诣王僧祐因过沈昭略元长与沈先未相识沈屡顾盼请主人曰是何年少元长殊不意因语曰仆出于扶桑入于暘谷照耀天下云谁不知沈曰不知许事且食蛤蜊元长曰方以 聚物以羣分君生长东隅居然应嗜此族



张敬儿拜车骑 军开府王敬则戏之呼为褚彦回【时咸推褚彦回风度详雅敬则以敬儿武臣麓率故以彦回为戏也】敬儿曰我马上得之终不得作华林阁勳【南史曰敬则在宋与壽寂之杀后废帝于华林园】

卞田居【卞彬已见】为平越长史尝目禽兽云羊性淫而狠猪性卑而率鷺性顽而傲狗性险而出皆指斥贵势其赋虾蟆云纤青拖紫名为蛤鱼世以比令仆也又云科斗唯唯羣浮闇水维朝继夕聿役如 比令史谄事也文章 于闾巷

刘中郎性韵刚疎轻言肆行一日遇褚司徒【渊】入朝以腰扇障日中郎从侧过曰作如此举止羞面见人扇障何益褚曰寒士不逊中郎曰不能杀 刘安得免寒士【南史曰刘祥字显征穆之之曾孙少好文学性韵刚疎建元中为正员郎后为临川王骠骑从事中郎】王奂初拜仆射刘显征【祥】与奂子融同载行至中堂见路人驱驴刘曰驴汝好为之如汝人才皆已令仆矣【南史曰祥着连珠十五首以寄懷其讥议者云希世之寶违时必贱伟俗之器无圣则沦是以明玉黜于楚岫章甫穷于越人】

王茂远子琮为国子生尚始兴王女繁昌主琮少不惠为学生所嗤遂离昏茂远谢始兴始兴曰此自主意身极不愿如此茂远曰下官曾祖是谢仁祖外孙亦不借殿下姻媾为门户

沈休文常侍梁武帝宴值豫州献栗径寸半帝奇之问栗事多少与约各疏所忆沈少帝三事约出语人曰此公防前不让即羞死

徐常侍【徐陵已见】聘齐时魏收文学北朝之秀收录其文集以示徐令 之江左徐速济江而沉之从者以问徐曰吾为魏公藏拙

庾信至北唯爱温子升寒山寺碑后还南人问北方何如信曰唯寒山寺一片石堪共语余若驴鸣犬吠耳何敬容为尚书令浅于学术不善作草 署名敬字大作苟小为文容字大为父小为口陆倕见而戏之曰公家苟既奇大父亦不小敬容不能答

江从简是江光禄子【江革已见】小时有文情年十七作采荷调以刺何敬容曰欲持荷作柱荷弱不胜梁欲持荷作镜荷暗本无光敬容不觉唯叹其工【南史曰江革少子从简少有文才作采荷调以刺何敬容为当时所赏官至司徒从事中郎侯景乱为任约所害】

萧韶是梁宗室【南史曰萧韶字德茂梁长沙宣武王之孙太清中为舍人城陷西奔江陵湘东王用为郢州刺史】初为幼童庾开府【信】爱之有断袖之欢衣食所资皆开府所给遇有客韶为开府 酒后为郢州开府西上江陵途经江夏韶接开府甚薄坐清油幕下引开府入宴坐开府别榻有自矜色开府稍不堪因酒酣乃径上韶牀践蹋肴饌直视韶面语曰官今日形容大异近日时賓客满坐韶大慙耻

胡伦许【胡 已见】尝于高允坐见中书侍郎李璨璨被服华靡伦许贫老衣褐璨颇忽之

伦许谓之曰老子今若相许脱体上袴褶衣帽君欲作何计也李惕然失色杨遵彦【愔】典选二十余年擢拔人伦以为己任然取士多以言貌时人为之语曰杨公用人如贫士市取其大者

魏佛助以温子升全不作赋邢虽有一两首又非所长常云文士会须作赋始成大才今人唯以章表碑志自许此外更同儿戏

刘昼作六合赋自谓絶伦以呈魏收收曰赋名六合已是大愚文又愚于六合君四体又甚于文昼大忿以示邢子才子才曰君此赋正似疥骆驼伏而无斌媚【后魏书曰刘昼本大儒举秀才入京考策不第方复缉缀词藻言甚俚拙作赋一首以六合为名自谓絶伦】崔信明尝自矜其文谓过李百药郑世翼遇之江中谓信明曰尝闻有枫落吴江冷愿见其余信明欣然多出众篇世翼览未终篇曰所见不逮所闻投诸水引舟迳去【唐诗纪事曰郑世翼荥阳人武德时为 州録事参军以言忤物贞观中坐怨谤流死嵩州】唐太宗行幸翠微宫以司农卿李纬为民部尚书会有自京师来者帝问房 龄闻纬拜尚书谓何荅曰惟称李纬好髭帝闻遽改授洛州刺史

高宗朝姜恪为左相阎立本为右相时姜以边 立功立本最善图画时人为之语曰左相宣威沙漠右相驰誉丹青

武后时有御史台令史 入台门值里行御史数人聚立门内令史下驴冲过其间诸御史大怒 杖之令史云今日之过实在此驴乞先数之然后受罚御史许之此人即语驴曰汝伎艺可知精神极钝何物驴畜敢于御史里行于是羞而止【大唐 载曰武后初称周恐下心不安乃令人自举供奉官正员外多置里行拾遗补阙御史时有车载斗量之咏】

杨再思呼朝士为麒麟楮或问之曰今假拚麒麟必修饰其形覆之驴上宛然异物及去其皮还是驴耳无德而朱紫何以异是

狄仁杰为相有卢氏堂姨居午桥别墅未尝入城仁杰伏腊修礼甚谨尝雪后休暇 卢氏适见表弟挟弧矢携雉兔归羞味进于堂上顾揖仁杰意甚轻傲仁杰因啓曰某幸为相表弟有所欲愿悉力从其请姨曰吾止有一子不欲令事女主仁杰慙而去

赵仁獎住王戎墓侧善歌黄顰景龙中负薪诣阙云助国调鼎即除台官中书令姚崇曰此是黄顰耶改授当州一尉宋务光嘲之曰赵仁獎出王戎墓下入朱博台中舍彼负薪登兹列柏行人不避驄马坐客惟聴黄顰忽一夫负两束薪曰此合拜殿中人问其由曰赵以一束拜监察此两束合授殿中

卢藏用初 终南少室二山时有意当世人目为随驾 士晚年乃徇权利司马承祯 还山藏用指终南曰此中大有佳处承祯徐曰以仆视之仕宦之捷径耳【卢藏用已见】

陆余庆为洛州长史其子嘲之曰陆余庆笔头无力口头硬一衙受词讼十日判不竟置案褥下余庆得读之曰必是那狗遂鞭之

李林甫每与同僚议及公直之事则如痴醉之人未尝问答或语及阿谀之事则响应如流张曲江尝谓賓客曰李林甫议事如醉者脑语

王缙作相日好与人撰碑志有送润毫者误叩右丞门右丞曰大作家在那边

宗欲相苏颋夜召萧嵩草制其词曰国之瓊寶帝曰朕不欲斥其父名卿当为刊削沉思久之曰国之珍寶嵩出帝曰虚有其表嵩顿大多髭故云【唐诗纪事曰嵩开元初权中书舍人王丘齐澣以嵩少学术不以行辈许之独姚崇称其遠到】

严武以世旧待杜甫甚善甫性偏躁傲诞尝醉登武牀瞪视曰严挺之乃有此儿

朱泚僭逆姚令言与源休同知政事羣凶宴乐既醉令言与休论功令言自比萧何休曰帷幄之谋成秦之业无出予右吾比萧何子为曹参可矣时朝士在贼庭者闻之皆笑谓休为火迫鄼侯

长庆中一朝士退朝诣其友人见衲衣道人在坐不恠而去他日谓友人曰公何故好毳褐之夫吾不知其贤愚且觉其臭友人应曰毳褐之臭岂胜铜乳铜乳之臭并肩而立接迹而趋公处其间曾不嫌耻反讥余与山野有道之士游南朝高人以蛙鸣及蒿莱胜鼓吹以吾视毳褐愈于今之朱紫遠矣

韩愈尝语李程曰某与崔丞相【羣】同年往还直是聪明过人李曰何处是过人者韩曰共愈往还二十余年不曾共説着文章

韩昌黎初贬之制是席舍人草词中曰早登科第亦有声名席既物故友人曰席无令子弟岂病陰毒伤寒而与不洁吃耶韩曰席十八吃不洁太迟人问之曰出语不是

李泌谓卢杞奸邪德宗称其小心泌对曰小心乃奸臣之态

李纾侍郎好谐戏又服用华鲜尝朝回与同列入坊门有负販者呵不避李骂云头钱价奴兵辄冲官长负者顾而言曰八钱价措大漫作威风纾乐采异语使仆者诱之至家为设酒馔问八钱之义负者荅曰只是衣短七耳同列以为破的【唐诗纪事曰李纾字仲舒大厯初李季卿荐为左补阙德宗时终吏部侍郎】

关播盛称李元平用为汝州别驾李希烈作逆使李克诚禽之又募亡命为内应缚致元平入见希烈遗下污地希烈以其眇小无髯戏克诚曰使尔取元平何得 元平儿来因嫚骂曰盲宰相使汝当我何待我浅耶【刘昫唐书曰关播字务元卫州汲人卢杞以其柔缓易制骤称

荐之用为吏部侍郎播乏知人之鉴好大言虚诞者李元平本宗室子敢大言好论兵播奇之累奏以为可任 相】

武儒衡在中书时元稹因縁宦官得知制诰儒衡鄙厌之会食 蝇集其上儒衡挥扇曰适从何处来遽集于此一坐皆失色【刘昫唐书曰武儒衡宰相元衡从父弟才度俊伟气岸高雅论事有风采羣邪恶之尤为宰相令狐楚所忌】

薛昭纬尝任祠部员外【摭言曰薛保逊大中朝侵侮诸叔父自起居舍人贬洗马而卒其子昭纬有父风任祠部员外贬澄州司马中书舍人顔尧当制曰陵轹诸父代嗣其凶】时李系任少仪王尧任小貲正旦立仗班退昭纬吟曰左金乌而右玉兔天子旌旂尧遽请下句昭纬应声曰上李系而下王尧小人行缀【唐书曰王尧祖起父龟并知名尧苦学善属文拜侍御史从僖宗幸山南卒】

郑光业兄弟每柄文有一巨皮箱凡同人投献词句有可嗤者即投其中号曰苦海用资谐戏每有宴集即命二仆舁苦海于前共阅一编靡不极欢而罢

韩昭仕蜀麓有文章李台嘏曰韩八座事艺如拆袜线无一条长

武湖是金陵胜处一日诸阁老待漏朝堂语及林泉之事冯谧因举 宗赐贺监镜湖信为盛事又言余非敢望此但赐后湖亦足畅平生也徐 徐语曰主上尊贤待士常若不及岂惜一后湖所乏者知章尔冯大有慙色

韩熙载性好谑浪有投掷太荒恶者熙载使妓炷艾熏之俟来即归之出乃嗅之曰子之卷轴何多艾气闻者大笑

郭昱狭中诡僻登显德中进士耻赴常选献书于宰相赵普自比巢由朝议恶其矫激故久不调后复伺普望尘自陈普笑谓人曰今日甚荣得巢由拜于马首宋太祖尝与赵普议事不合上曰安得宰相如桑维翰者与之谋乎普曰使维翰在陛下亦不用盖维翰爱钱上曰苟用其长当防其短措大眼孔小赐与十万贯则塞破屋子矣

许懷德为殿帅尝有一举人因懷德乳姥求为门客懷德许之举子曳栏拜于庭下懷德据坐受之或以懷德武人不知事例密谓之曰举人无设堦之礼可少降接懷德应曰我得打乳姥关节秀才只消如此待之梅侍读与孙何盛度丁谓四人【并已见】俱为侍从时梅好洁衣服裒以龙麝其香数步袭人孙性落魄衣服垢污盛体充壮居马上前如俯后如仰丁吴人面如刻削时人为之语曰梅香孙臭盛肥丁瘦

夏竦尝统师西伐揭榜塞上云有得赵元昊头者赏钱五百万贯爵西平王元昊使人入市卖箔陝西荻箔甚高倚之食肆外佯为食乞遗去至晚食肆窃喜以为有所获徐展之乃元昊购竦之榜悬箔之端云有得夏竦头者赏钱两贯文竦闻之急令藏弇而已諠播遠近竦大慙阻

刘贡父作给事中时郑穆学士表请致仕状过门下省刘谓同舍曰宏中请致仕为年若干荅者曰郑年七十三刘遽曰慎不可遂其请问其故刘曰且留取伴八十四底时潞公年八十四再起平章事或云潞公闻之甚不怪宏中穆字也

刘贡父言每见介甫道字說便待打诨

苏子瞻云予一日醉卧有鱼头一身者自海中来云广利王请端明予披褐黄冠而去亦不知身入水中但闻风雷声有顷豁然明目疑入水晶宫其下骊目夜光文犀尺璧南金火齐不可仰视间以珊瑚琥珀广利佩剑冠服而出从二青衣予曰海上逐客重烦邀命有顷东华真人南溟夫人亦至出蛟绡丈余命予赋诗予写竟进广利诸仙迎看称妙独广利旁一冠簪者谓之鼃相公进言苏轼不谨祝融字犯王讳王大怒斥出予退而叹曰某到处被鼃相公厮壤

东坡一日会客坐客举令欲以两卦名证一故事一人云孟尝门下三千客大有同人一人云光武兵渡滹沱河既济未济一人云刘宽婢羹污朝衣家人小过东坡云牛僧孺父子犯罪先斩小畜后斩大畜盖指荆公父子也

荆公素轻沈文通以为寡学赠之诗曰翛然一榻枕书卧直到日斜骑马归及作文公墓志遂云公虽不常读书或曰渠乃状元此语得无太过公乃改读书作视书【东都事畧曰沈遘字文通钱塘人举进士第一为人明敏通达世务以龙图阁直学士知开封府】王荆公尝见郑毅夫梦仙诗云授我碧简书奇蟠丹砂读之不可识翻身凌紫霞大笑曰此人不识字不勘自承毅夫曰不然吾用太白诗语也公又笑曰自首减等【东都事畧曰郑獬字毅夫安州安陆人为人俊迈不羣举进士第一累官知制诰王安石参知政事不悦獬除翰林侍读学士知杭州】

杜少陵宿龙门诗云天阙象纬逼王介甫改阙为阅黄山谷对众极言其是刘贡父闻之曰直是怕他

王荆公与滕甫不善又素轻郑毅夫因目为滕屠郑洁司马温公之亡当明堂大享朝廷以致斋不及奠肆赦毕苏子瞻率同辈以往程正叔固争引论语子于是日哭则不歌子瞻曰明堂乃吉礼不可谓歌则不哭正叔又谕司马诸孤不得受吊子瞻戏曰颇可谓燠糟鄙俚叔孙通

司马文正公薨时程正叔以臆說敛之正如封角状东坡嫉其怪妄因怒诋曰此岂信物一角附上阎罗大王者耶【沈明远寓简曰程氏之学自有佳处至椎鲁不学之人窜迹其中状有德者其实土木偶也而盗一时之名东坡讥骂畧无假借人或过之不知东坡之意惧其为杨墨率天下之人流为矫防庸惰之习也辟之恨不力耳岂过也哉】

章子厚【章惇】与苏子瞻小时相善一日章坦腹而卧适子瞻自外来章摩其腹以问子瞻曰公道此中何所有子瞻曰都是谋反的家事

苏子瞻云惠州市肆寥落然日杀一羊不敢与在官者争买时嘱屠者买其脊骨骨间亦有微肉熟煮漉随意用酒薄防盐炙微焦食之终日摘剔得微肉于牙絜间如食螯蟹率三五日一食甚觉有补子由三年堂庖所食刲豢灭齿而不得骨岂复知此味乎此虽戏语极可施用用此法则众狗不悦耳

张文潜【耒】尝问张安道云司马君实直言王介甫不晓事是如何安道云贤只消去看字说文潜云字説也只是二三分不合人意安道云若然则足下亦有七八分不解事矣

曾巩知襄州日朝廷遣使按水利令从官各辟三两选人充勾当公事巩一日宴诸使者坐客云昨夕九星坠于西南有声甚厉又有小星随之巩曰小星必是天狗下勾当公事也

刘元城言哲宗皇帝尝因春日经筵讲罢移坐小轩中赐茶自起折一柳枝程颐为説书遽起諫曰方春万物生荣不可无故摧折哲宗色不平因掷弃之温公闻之不乐谓门人曰遂使人主不欲亲近儒生正为此辈章子厚为侍从时遇其生朝会客门人林特以诗为壽子厚出诗示客指其颂德处叹以为工门人颇不平忽曰昔人有令画工神以其不似命别为之既又以为不似凡三四易画工怒曰若画得似处是甚模樣满坐闐然

曾布以翰林学士权三司坐言市易事落职知饶州舍人许当制颇多斥词许是曾公所引心自不安往曾许谢过曾曰君不闻宋子京之事乎昔晏元献当国子京为翰林学士晏爱宋之才雅欲旦夕相见遂税一第于旁近延居之遇中秋啓燕晏召宋出妓饮酒赋诗达旦方罢翌日罢相宋当草词颇极诋斥至有广营产以殖私多役兵而规利之语方子京挥毫之际昨日余醒尚在左右观者亦骇盖此事由来遠矣何足校耶许怏然而去

王元泽有心疾与妻未尝接荆公怜而嫁之同时有工部员外郎侯叔献再娶而悍后叔献卒朝廷虑其虐前妻之子有防出之不得为侯氏妻京师为之语曰王太祝生前嫁妇侯工部死后休妻【王雱已见东轩笔録曰侯叔献为汜县令有善政初为尉尝捕盗有功府尹李绚谓曰子之才能吾深知之可一见推官判官当同状荐子也叔献曰本以公事至府事毕归邑若投谒以求荐非我志也遂不见而去】

蔡卞妻七夫人是荆公女颇知书能诗词蔡每有国事先谋之牀第然后宣于庙堂时执政相语曰吾辈每日奉行皆其咳唾之余也蔡拜右相家宴张乐伶人言曰右丞今日大拜都是夫人裙带中外以为笑蔡攸尝饮禁中徽宗频以巨觥劝之攸悬辞不任杯酌至颠踣上曰就令灌死亦不至失一司马光

杭僧温日观善画卜萄性嗜酒唯杨总统饮以酒则不一沾唇见辄骂曰掘坟贼掘坟贼【夏文彦图绘寶鉴曰僧子温字仲言号日观作水墨卜萄自成一家法人莫能测又号知归子】

## 语林卷二十九

### 假譎二十九

夫君子所贵者诚假譎则于诚何有哉盖虽权以济事亦君子所不道也

安帝时阙尚书诏 大夫六百石以上试对政事天文道术以高第者补之翟酺自恃能高而忌故太史令孙懿恐其先用乃往 懿既坐言无所及唯涕泗流连懿怪问酺曰图书有汉贼孙登 以才智为中官所害观君表相似当应之酺受恩接凄怆君之祸耳懿忧惧移病不试由是酺对第一拜尚书【范晔后汉书曰翟酺字子超广汉雒人四世 诗酺好老子尤善图纬天文历 以报舅讐当徙日南亡于长安为卜相工遇赦还郡征拜议郎迁侍中】魏武尝行军廩谷不足私召主者问如何主者曰可行小斛以足之太祖曰善后军中言太祖欺众太祖谓主者曰特当借君一死以厌众不然事不解乃斩之取首题徇曰行小斛盗官谷

刘 德尝战败自投曹公一日曹公从容语 德曰天下英雄唯使君与孤本初之徒不足数也 德方食失匕箸会雷大震 德曰圣人言迅雷风烈必变良有以也一震之威乃至于此曹公遂不疑 德

宋世祖与羣臣至殷贵妃墓谓刘德愿曰卿等哭贵妃若悲当加厚赏刘应声号恸涕泗交横上以为豫州刺史帝又令羊志哭羊亦呜咽甚哀他日有问羊者卿那得此副急泪羊曰我尔日自哭亡妾耳

姚崇与张説同为宰辅各懷疑阻张衔之颇切崇病戒诸子曰张丞相与吾不协衅隙甚深然其人素懷奢侈尤好服玩吾身没之后当来吊汝具陈吾平生服玩寶带重器罗列帐前张若不顾汝家族无 矣若顾此当録玩用致之仍以神道碑为请既获其文登时録进先砉石以待至便镌刻张丞相相见事常迟于我数日之后必当有悔若征碑文以刊削为辞当引视镌石仍告以闻上崇没张果至目其服玩者三四崇家悉如崇戒不数日文成叙致该详时谓极笔【其略曰八柱承天高明之位列四时成歲亨育之功全】数日果遣使取本以为辞未周密欲加删改姚氏诸子引使者视其碑仍告以奏御使者复命张悔恨抚膺曰死姚崇能 生张説吾今日方知才之不及遠矣李泌以虚誕自任尝对客曰令家人速洒扫今夜洪崖先生来宿有人遗酒一榼会有客至云麻姑送酒来与君同倾饮未毕闾者云某侍郎取榼子泌命倒还之畧无忤色

韩晋公【韩滉已见】自江东入覲气槩杰出是时刘 佐在大梁倔强难制滉欲致其朝覲结为兄弟升堂拜亲驻车三日大出金帛赏劳一军为之倾动 佐敬伏乃使人密聽滉滉夜问孔目吏所费多少诘责颇细 佐笑而鄙之

曹武穆知渭州号令明肃西人慑惮自是边境无虞一日方召诸 饮会有叛卒数千亡奔贼境 骑报至诸 相眎失色公言笑如平时徐谓骑曰吾命也汝勿显言西人闻以为袭已皆

杀之【东都事畧曰曹玮字寶臣武惠王彬第三子彬被疾真宗问以后事对曰臣二子璨与玮皆堪为 问以优劣曰璨不如玮玮好读书通春秋尤善左氏为 几四十年威震西鄙諡武穆】

丁晋公执政不许同列留身唯王文正一切委顺未尝忤其意文正谓丁曰欲面求恩泽又不敢留身丁曰如公不妨一日留身进文字一卷具道丁事丁去数步大悔之不数日丁遂有朱崖之行

文潞公以枢密直学士知成都公年未四十成都风俗喜行乐公多燕集有飞语至京师御史何圣从因谒告归上遣伺察之【东都事略曰何郯字圣从成都人为御史鯁切无所避为仁宗所知】何 至潞公亦为之动有幕客张少愚谓公曰圣从之来无足念少愚与圣从同郡因迎见于汉州命酒设乐有营妓善舞圣从狎问其姓妓曰姓杨圣从曰所谓杨台柳者少愚即取妓项帕罗题诗曰蜀国佳人号细腰东台御史惜妖娆从今唤作杨台柳舞尽春风万万条命其妓作柳枝词歌之圣从为之霑醉后数日圣从至成都颇严重一日潞公大作乐以燕圣从迎其妓杂府妓中歌少愚之诗以侑觴圣从每为之醉圣从还朝潞公之谤乃息【 逸 曰张愈字少愚益州郾人隼伟有大志屡举不第遂 于家文彦博治蜀为置青城山白云溪杜光庭故居以处之】

殿帅杨存中有亲爱吏平居赐予无 一旦无故怒而逐之吏莫知得罪之由泣拜辞去存中曰无事莫来见我吏悟其意归以厚贄俾其子入台中为吏无何御史欲论存中干没军中粪钱十余万其子归语其父其父奔告存中存中即具劄奏言军中有粪钱若干桩管某处惟朝廷所用不数日台中果以为言高宗出存中劄子示之御史坐妄言被黜

秦会之夫人常入禁中显仁太后言近日子鱼大者絶少夫人对曰妾家有之当以百尾进归告会之会之咎其失言与其馆客谋进青鱼百尾显仁拊掌笑曰我道这婆子村果然

秦桧当国日四方餽遗日至方滋德帅广东为蜡炬以众香实其中遣驶卒持诣相府厚遗主藏吏期必达吏使俟命一日宴客吏白烛尽适广东方经畧送烛一罨未敢启命取用之俄而异香满坐察之则自烛中出也亟命藏其余枚数之适得四十九呼使人问故则曰经畧專造此烛供献仅五十条既成恐不佳试爇其一不敢以他烛充数秦大喜以为奉己之專

秦桧为相日都堂左揆前有石榴一株每着实桧嘿数焉忽亡其二桧佯不问一日 排马忽顾谓左右取斧伐树有亲吏在旁仓卒对曰实佳甚去之可惜桧反顾曰汝盗食吾榴吏叩头服

韩彦古尹京日【周公谨癸辛杂志曰韩彦古字子师诡譎任数处性不常孝宗时为京尹】李仁甫恶其诡譎弗与交请谒一日瞰其亡往见之韩实未出既见延入书室请曰平日欲一攀屈而不能今既见临姑解衣盘礴可也仁甫辞不获遂为强留室有二防贮书牙籤黄袱扃防甚严仁甫问此为何书荅曰先人在军中日得于北方盖本朝野史编年成书者时仁甫方



修长编既成有诏临安给笔札就其家缮录以进而卷帙浩博未见端绪仁甫闻其言亟欲得见韩言家所秘藏 即进呈不可他示李益窘再四致祷乃曰且为某饮酒续当以呈仁甫为尽量每杯行辄请酒罢笑谓仁甫曰前言戏耳此即公所着长编已用嘉 作副本装治即以奉纳使可进御矣仁甫视之信然盖陰戒书吏 录每一板酬千钱吏畏其威利其赏辄先录送韩所故仁甫方成韩已得全帙仁甫虽奋愧不平亦幸 其成遂用以进【宋史曰李焘字仁甫眉州丹棱人博极载籍搜罗百氏慨然以史自任仿司马光通鉴例断自建隆迄于靖康为编年一书凡九百七十八卷名长编】

### 黜免三十

夫尺有所短寸有所长况三代以下士鲜全德世率以寸朽而弃大材微類而遗美寶君子盖深惜之

蜀先主銜张裕不逊兼忿其漏言【张裕已见 蜀志曰裕私语人曰歲在庚子天下当易代刘氏祚尽矣主公得益州九年之后寅卯之间当失之人密白其言后魏氏之立先主之薨皆如裕所刻】下狱 诛之诸葛武侯表请其罪先主荅教曰芳兰当门不得不鉏【蜀志曰裕甚精相术每举镜视面自知刑死未尝不朴之于地也】李令伯【李密已见】入晋自负才器常望内转而羈旅无援迁汉中太守自以失分懷怨赐饯东堂诏令赋诗令伯末章云人亦有言有因有緣仕无中人不如归田明明在上斯语岂然帝大忿怒废黜于家

摯瞻为王敦戸曹参军【摯氏世本曰瞻字景游京兆长安人太常虞兄子也父育凉州刺史瞻少善属文起家著作郎中朝乱依王敦为戸曹参军】敦以故壤裘赐老病外部都督瞻諫曰尊裴虽故不宜与小吏敦问何为不可瞻时因醉曰若上服皆可用赐貂蝉亦可赐下乎敦言非喻所引如此不堪二千石瞻曰瞻视去西阳如脱屣耳

殷中军【殷浩已见】被废夷神委命雅咏不辍虽家人不见其有流放之戚外生韩康伯始随至徙所周年还都殷素爱之送至水侧乃咏曹顔逵诗曰富贵他人合贫贱亲戚离因泣下

何长瑜为临川王【义庆】记室参军尝于江陵寄书与族人何勗以韵语序临川州府僚佐云陆展染 发欲以媚侧室青青不解久星星行复出如此五六句轻薄少年遂演而广之一时人士并为品目尽加剧言苦句其文流行临川以白太祖长瑜徙广州【南史曰太尉 淑文冠当时义庆在江州请为卫军谘议其余吴郡陆展东海何长瑜鲍照并有词章之美引为佐吏】

谢惠连随父方明在会稽郡爱郡吏杜德灵及居父忧赠以五言诗十余首坐流徙废塞不豫荣伍殷仆射【景仁】爱其才因言次白太祖臣儿时便见世中有此文而论者云是惠连其实非也太祖曰若如此便应通之即用为彭城王【义康】法曹参军

阳源【 淑已见】不附刘湛大相乖忤阳源赋诗曰种兰忌当门懷璧莫向楚楚少别玉

## 人門非種蘭所尋以久病免官

梁武每集文士防經史事時范云沈約之徒皆引短推長帝悅加其賞賚曾防錦被事咸言已罄帝試呼問劉孝標劉時貧悴冗散忽請 筆疏十余事坐客皆驚帝不覺失色自是惡之不复引見及孝標 苑成帝即命諸學士撰華林徧略以高之竟不見用劉乃着辯命論以寄懷

高祖于鍾山造大愛敬寺王思寂有旧墅在寺側良田八十餘頃是王丞相賜田高祖遣主書宣防就思寂求市欲以賜寺思寂荅防云此田不賣若是敕取所不敢言酬對又脫略高祖怒付市評價以直逼還之由是忤防出為吳興太守【南史曰王騫字思寂一字 成王儉子也性凝簡慕樂廣之為人不少事產業有田八十餘頃與諸宅及故旧共佃之常曰我不如鄭公公有田四百頃而食常不周以此為愧仕至度支尚書加給事中】

宋考功【宋之問已見】在天後朝求為北門學士不許作明河篇以見意【詩末云明河可望不可親願得乘槎一問津更 织女支機石還訪成都賣卜人】則天見其詩謂崔融曰吾非不知之問有才但以其有口過蓋之問患齒疾口常臭故也之問終身慙憤

孟浩然極為王右丞所知一日王待詔金銮召浩然商較風雅上忽臨幸浩然錯 伏床下王不敢 因奏聞上欣然曰朕素聞其人因得召見上曰卿 得詩來否浩然奏曰臣偶不覓所業上即命吟旧作浩然拜舞誦詩曰北闕休上書南山歸敝廬不才明主弃多病故人疎上聞之恍然曰卿自不求朕朕未嘗弃卿奈何誣朕因放歸南山

開元中東宮官僚清淡薛令之為右庶子題詩自悼曰朝日上团团照見先生盤盤中何所有苜蓿長欄干飯澁匙難綰羹稀箸易寬何以謀朝夕何由保歲寒上幸東宮覽之索筆題其榜曰啄木口嘴長鳳凰羽毛短若嫌松桂寒任逐桑榆暖令之遂謝病歸【唐詩紀事曰薛令之閩之長溪人肅宗在東宮令之為右庶子積歲不遷弃官歸乾元中肅宗以旧恩召令之而令之已先卒】

開元中陸堅在中書以麗正學士供擬過丰謂朝列曰此亦何益國家致此費損 議罷之張說謂諸人曰說聞帝王功成則有奢僭之失或興造池台或耽玩聲色聖上重儒崇德親自講論刊校圖書詳延學者今之麗正即是聖主禮樂之司永代規模不易之道所費者細所益者大陸子之言未為達也 宗后聞其言陸之恩待稍薄

李适之為相疎直坦夷時譽甚美【唐詩紀事曰适之常山愍王孫天寶初代牛仙客為左相朝退每邀賓戚談諧賦詩】為李林甫排誣罢免朝賢虽知其無罪然謁問甚稀适之意憤曰飲沉酣且為詩曰避賢初罢相樂聖且銜杯為問門前客今朝几个來林甫愈怒終遂不免

徐常侍久在中書常參李右座議【李林甫已見】右座被廢常侍恐為罪累逃 衡山為東林寺掇蔬行者詐為喑啞數年后值修建佛殿僧中选善書者題梁已二三人忽徐行者跨過掌事怒以杖連击其背徐乃画地曰某口虽不言昔年曾學大書乞試之使題數行諸僧皆悅

服因遣尽书之时李北海游岳观其题处曰不知徐公在此乃召至握手言曰朝列于公已息论矣遂解其布褐释以簪裳因戏徐曰徐侍郎曾吟岷山思驻马汉水忆回舟否徐曰喑哑之时亦默咏之即与同载北归【唐诗纪事曰徐安贞始名楚璧应制举三登甲科开元中为中书舍人帝属文多令视草终中书侍郎】

陆宣公谪忠州土塞其门家人由于狗窦中州 不得谒面

张祜深为令狐楚所知楚镇天平自草荐表以祜诗三百篇随表进上祜至京属元稹在内庭帝以问稹稹曰祜雕虫小技壮夫不为或奨激之恐变陛下风教由是失意东归

令狐绹【刘昫唐书曰令狐绹字子直宰相楚之子大中四年以兵部侍郎平章事】曾以旧事访于温庭筠庭筠荅曰事出南华经非僻书也冀相公變理之暇时宜览古绹甚怒奏庭筠有才无行不许登第遂轆轳以至终身【摭言曰开成中温庭筠才名籍甚然罕拘细行以文为货识者鄙之唐诗纪事曰庭筠彦博裔孙与李商 俱有名时号温李】

陶谷久在翰林意希大用建隆以后宰相往往不由文翰闻望皆出谷下谷不能平仍俾其党因奏对言谷宣力实多微伺上防太祖曰翰林草制皆检前人旧本俗所谓依樣画葫芦耳何宣力之有谷乃作诗书于玉堂之壁【诗曰官职须由生处有才能不管用时无堪笑翰林陶学士也能依樣画葫芦】太祖益薄其怨望遂决意不用

丁崖州当政日置宴私第忽语于众曰尝闻江南国王钟爱一女一日谕大臣曰吾止一女姿仪性识特异于人卿等为择佳壻须年少美风仪有才学门第高者或言洪州刘生为郡参谋风骨秀美大门博学有文可以充选国主召见大喜寻尚主拜都尉鸣珂锵玉出入禁闈良田甲第珍寶奇玩豪华富贵冠于一时未几主殂国主悲悼不胜曰吾 不复见刘生削其官一物不与遣还洪州生恍疑梦觉触目如失丁笑曰某他日不失作刘参谋也坐中莫不失色未几有海上之行籍其家子然南去

杨文公为执政所忌母病谒告不 朝防径归韩城与弟倚居逾年不调有启谢朝中亲知云介推母子愿归绵上之田伯夷兄弟甘受首阳之饿后除汝州希防者攻击不已公又有启曰已挤沟壑犹下石而弗休方困疾藜尚关弓而相射当事诸人益恶之

东坡既谪黄州复以先知徐州日不觉察妖贼事取勘已而有防放罪乃上表谢神宗读至无官可削抚已知危笑语曰畏吃棒耶

俭嗇三十一

孔子曰与其不孙也宁固盖深恶奢僭甚之也夫齐相以濯冠见讥魏人以葛屨兴刺下此则戈戈小人纖嗇委琐又安足道哉

沈叔山在吴有美名性至俭 张惠恕使蜀时诣沈别沈入内良久出语惠恕曰向择一端布欲以送卿而絶无龕者惠恕佳其能显非【江表传曰沈珩弟峻字叔山有名誉但性俭吝】和长舆性至俭嗇家有好李诸弟往园中采食皆计核责钱

王琨俭于财用设客不过两盃酒辄云此酒难遇盐豉姜蒜之属并挂屏风酒浆悉置牀下内外有求琨手自赋之

世祖幸芳林园就虞侍中【惊】求扁米糲虞献糲及杂肴数十輦大官鼎味不及也上就虞求诸饮食方虞秘不肯出上醉后体不快虞乃献醒酒鲭鮓一方而已夏侯亶性节俭不事华侈晚年颇好音乐有妓妾数十人无被服姿容每有客常隔帘奏乐时呼帘为夏侯妓衣【南史曰夏侯亶字世龙谯郡谯人父详天监元年征为侍中亶仕至豫州刺史】

侈汰三十二

记曰奢则逼上正孔子所谓不孙也夫僭拟者王诛之所不赦余观侈汰之徒皆取祸不旋踵盖有所由来矣马季长居宇器服多存侈饰教养生徒常数千许自坐高堂施绛纱帐前授生徒后列女乐弟子高足 授鲜有入其室者

刘威硕在蜀车服饮食号为侈靡侍妾数十能为声乐悉教诵读鲁灵光殿赋【蜀志曰刘琰字威硕鲁国人有风流善谈论先主在豫州辟为从事厚亲待之随从周旋常为賓客然不豫国政领兵千余随诸葛武侯讽议而已】

刘尚书【刘寔已见】诣石季伦如厕见有绛纱帐大牀茵褥甚丽两婢持锦香囊尚书惶遽反走语季伦向误入卿内季伦曰是厕耳

羊稚舒冬月酿常令人抱瓮须臾复易人酒速成而味好

符朗过江时与朝士宴会诸人并用唾壶朗欲夸之使小儿跪而张口承唾含出

谢灵运性奢豪车服鲜丽衣裳器物多改旧形制世共宗之咸名为谢康乐

虞景豫【惊】善为滋味和齐皆有方法豫章王【疑】盛饌享賓王问今日肴羞宁有所遗不虞曰恨无黄颡 何曾食疏所载也

羊祖忱【羊侃已见】性善音律自造采莲棹歌两曲甚有新致姬妾侍列穷极奢靡有弹箏人陆太喜着鹿角爪长七寸僂人张净琬腰围一尺六寸时人咸推能掌中舞又有孙荆玉能反腰帖地衔得席上玉簪敕赉歌人王娥儿时东宫亦赉歌者屈偶之并妙尽奇曲一时无对徐湛之【已见】产业甚厚室宇园池伎乐之妙冠于一时门生千余皆三吴富人子姿质端美衣服鲜丽每行游涂巷盈满两目悉以后车载之文帝每嫌其侈纵时安成公何勗无忌之

子临汝公孟灵休是昶之子并名奢豪与湛之以肴膳器服车马相尚都下语曰安成食临汝饰湛之特兼何孟之美

河间王【琛】骏马千余疋以银为槽 户之上玉凤啣铃金龙吐旆

陈显达子与王敬则诸儿并精车牛丽服饰当世快牛称陈世子青王三郎乌吕文显折角江瞿昙白鼻后皆集陈氏家

萧宏奢侈过度修第拟于帝宫后房数百余人皆极天下之选所幸江无畏服玩侔于东昏潘妃寶屐直千万【南史曰临川静惠王宏字宣达梁文帝第六子也天监元年封临川王位州刺史】

隋文帝子秦王俊盛修宫室穷极侈丽为妃作七寶罩篱车不可载以马负之而行又为水殿香粉涂壁玉砌金堦梁柱棖栋之间周以明镜间以寶珠极莹饰之美每与賓客妓女 歌于上

炀帝作西苑其内为海北海北有龙鳞渠作十六院门皆临渠每院以四品夫人主之剪防为菱荷乘輿临幸则去水而布之上好以月夜从宫女数千骑游西苑作清夜游曲马上奏之

隋虞孝仁性奢华伐辽之役以骆驼负函盛水养鱼以自给

唐太宗盛饰宫掖大然灯烛与萧后同观之因问朕施設孰与隋主萧后笑而不荅固问之曰彼乃亡国之君陛下开基之主奢俭之事固自不同帝问隋主何如萧后曰每至除夜殿前设火山数十尽沉香根每一山焚沉香数车以甲煎簇之焰起数丈香闻数十里一夜用沉香二百余叶甲煎二百石房中不然膏火悬寶珠一百二十以照之光比白日妾观陛下殿前所焚是柴木殿内所爇是膏油但觉烟气薰人太宗良久不言口刺其奢而心伏其盛

韦陟性侈纵喜饰服马侍儿阉童列左右常数十侔于王宫主第穷治饌羞选膏 地艺谷麦以鸟羽择米每食视厨所弃其直犹不减万钱宴公侯家虽极水陆曾不下箸【明皇杂錄曰陟早以文学识度著名善属文出入清显践歷崇贵自以门地才华坐取卿相接物简傲未尝与人欸曲】

何良俊曰观韦陟如此举动其奢纵无检几于不孙纵其人地甚高亦已减十之四五以宋广平之清德而犹叹誉之不置何耶岂其兄弟杜门时尝矫矫自立兹岂其风德之衰耶广平语载赏誉中

韦陟厨中饮食香味错杂人入其中多饱饫而归时人为之语曰人欲不饭筋骨舒羹緣须入郇公厨

岐王宫于竹林内县碎玉片每夜闻相触之声即知有风号占风铎【刘昫唐书曰惠文太子隆范睿宗第四子也封岐王好学工书雅爱文章之士与阎朝 刘廷琦张谔郑絛篇题倡和又多聚书画古迹为时所称】

王元寶尝以金银叠为屋壁以红泥泥之别置礼贤堂以沉香为轩檻以鍍铁磬地面以锦文石为柱础又以铜线穿钱磬于后圃花径中泥雨不滑人呼为王氏富窟【开元天寶遗事曰王元寶京师巨豪也李冗独异志曰明皇尝问元寶家财多少对曰请以一縑系陛下南山一树南山树尽臣縑不穷】

于頔为襄州日防山灯一上油二千石

元载末年造芸晖堂 芸香为屑涂壁更以沉檀为梁栋饰金银为戸牖【苏鹗杜阳杂编曰芸香草也出于阆国其香洁白如玉入土不朽可以涂壁】

元载宠姬薛瑶英幼防香肌肉皆香载处以金丝却尘褥

李昌防在荆州打猎大修装饰其妻独孤氏亦出女队二千人皆着红紫绣袄子及锦鞍鞵

鱼朝恩有洞房四壁皆安琉璃板中贮江水及萍藻诸色鱼虾号鱼藻洞

段文昌富贵后打金莲花盆盛水濯足或规之荅曰人生几何要酬平生不足也【续世說曰段文昌布素之时所向不偶及其达也扬历显重出入 相垂二十年服饰玩好歌钟妓女苟悦于心无所爱惜奢侈过度物议贬之】

李德裕营平泉庄遠方以异物奉之或题曰陇右诸侯供语鸟日南太守送名花

李德裕好饮惠山泉自京至常州置递时号水递李德裕每食一杯羹其费约钱三万杂珠玉寶贝雄黄硃砂煎汁为之过三煎即弃其滓于沟中

王广津作相日庭穿一井合玉为柜严其鑰钥天下寶玉真珠投置其中汲其水供饮后广津被刑其骨肉之色并如金

张功甫是张循王诸孙园池声妓服玩之丽甲天下尝于南湖园作驾霄亭于四古松间以巨铁絙悬之空半当风月清夜与客梯登之飘摇云表王简卿侍郎尝赴其牡丹会云众賓既集坐一虚堂寂无所有俄问左右云香已发未荅云已发命卷帘则异香自内出郁然满坐羣妓以酒肴丝竹次第而至别有名姬十辈皆衣白凡首饰衣领皆牡丹首带照殿红一妓执板奏歌侑觴歌罢乐作乃退复垂帘谈论自如良久香起卷帘如前别十姬易服与花而出大抵簪白花则衣紫紫花则衣鶯黄黄花则衣红如是十杯衣与花凡十易所讴者皆前辈牡丹名词酒竟歌乐无虑百数十人列行送客烛光香雾歌吹杂作客皆恍然如仙游【齐东野语曰张

铉字功甫循忠烈王诸孙能诗一时名士无不交游于铉韩有力赏不满意又欲以故智去史事泄谪象台而殁】

### 忿狷三十三

夫以伯夷之隘尚曰君子不由若夫劲狭之徒一遭愆忤即怒目攘臂其去伯夷何遠哉然且曰望望然去之在伯夷则有然矣故孟子非恶伯夷恶后世之以伯夷为口实者呜呼君子何可不知所以自养也

许子 【许劭已见】与从兄文休【许靖已见】俱知名并有人伦臧否之称而私情不协子 为郡功曹排摈文休不得齿叙以马磨自给【典论曰汝南许劭与族兄靖俱避地江东共争论于太守许贡坐至于手足相反】时苗令壽春日 济作 州治中苗初至谒济济素嗜酒适会其醉不时见苗苗恚恨还刻木为人署曰酒徒 济竖之墙下旦夕射之【魏畧曰时苗字德胄钜鹿人为大官令领其郡中正至于叙人才不能寬大然记人之短虽在久远衔之不置】

魏国既建杜子绪【魏志曰杜袭字子绪颍川定陵人曾祖安祖根著名汉世袭避乱荆州刘表待以賓礼同郡繁钦数见奇于表袭曰吾与子欲龙蟠幽薮待时凤翔岂谓刘牧为拨乱之主而规委身哉子见能不已非吾徒也遂南适长沙建安初逃还乡里太祖以为西鄂长厯官侍中】王仲宣和阳士【王粲已见 魏志曰和洽字阳士汝南西平人与亲旧南依刘表太祖定荆州辟为丞相掾时毛玠崔琰并以忠清干事选用俭节洽曰天下大器在位与人不可以一节俭也俭素过中自以处身则可以此格物所失或多夫立教观俗贵处中庸今崇一槩难堪之行以检殊涂勉而为之必有疲瘁】并以彊识博闻见知魏武游观出入多得驂乘至其见敬不及于阳士杜尝独见魏武留语直至夜半仲宣性躁竞中夜起坐曰不知公对杜袭道何等也阳士笑曰天下事岂有尽耶卿昼侍可矣悒悒于此欲兼之乎

王仆射【敬 子】诸儿孙歲中不过一再见见辄克日恢之为新安太守【敬 子】尝请假还东定省王克日见之至日不果假日 尽恢之乞求奉辞王呼前既至阁复不见恢之于阁外拜辞流涕而去【南史曰敬 子恢之瓚之升之孙秀之延之曾孙纶之凡四世并方严克日乃见子孙盖家风也】

王敬 诸子未尝教以学问人问之荅曰丹朱未应乏教甯越不闻被捶

王锡年二十四辞吏部郎掩扉覃思室宇萧然诸子温清隔帘趋侍

谢 微至性寬博与人未尝有牾末年尝与友人棋友人西南棋有死势一客唱言西南风急或至覆舟其人悟而救之 微大怒投局于地识者觉其有异未几果卒

虞玩之好臧否人物王仲寶常举员外郎孔盭玩之颇持异议仲寶甚恨之后玩之亡后孔瑄

就仲寶求会稽五官仲寶方盥投皂莢于地曰卿乡俗殊恶虞玩之至死烦人【虞玩之王俭并己见南史曰玩之东归俭懷恨不出送朝廷无祖饯者中丞刘休与亲知书曰虞公散髮海隅同古人之美而东都之送殊不藹藹】

段相文昌性介狭每燕賓客有眉睫之失必致怪訝在西川有进士薛太白饮酒称名太多明日遂不复召梅侍读【询】晚年躁于禄位尝朝退过閣門见箱中有锦轴云是胡侍郎【则】致仕告身同列取视梅逡避而过曰币重而言甘诱我也何以视为时人多笑之

梅侍读年七十余又病足常抚其足而詈之曰是中有 令我不至两府者汝也

庆厯中西师未解晏元献为枢密使大雪置酒西园欧阳永叔赋诗云须怜铁甲冷彻骨四十余万屯边兵晏曰昔韩愈亦能作言语赴裴度会但云园林穷胜事钟鼓乐清时不闻如此合開

倪元镇修洁不能容物尝寓其姻邹氏家邹塾师陈子章有壻曰金宣伯一日来访元镇闻宣伯儒者倒屣迎之见其言貌麓率大怒掌其颊宣伯媿忿不见主人而去邹出颇怪之元镇曰宣伯面目可憎语言无味吾斥去之矣

#### 谗险三十四

夫谗险之毒惨于戈兵是以吉甫慈父也伯奇孝子也不能不致疑于掇蜂之间成王明君也周公贤臣也犹必有待于风雷之变故孔子以浸润之譖肤受之愬不行既谓之明又谓之远呜呼难矣况乎义阙君臣恩非父子聽言者非成王吉甫之能详致谤者无周公伯奇之可指几何其不见惑于交構之徒耶巷伯之诗欲取彼譖人投之有昊亦岂过也

曹公欲加害孔北海使路粹作奏【典畧曰路粹字文蔚少学于蔡邕初平中随车驾至三辅建安初以高才与京兆严象擢拜尚书郎象以兼有文武出为扬州刺史粹后为军谋祭酒与陈琳阮瑀等典记室】粹承防文致融罪言融昔在北海见王室不宁招合徒众欲图不轨言我大圣之后而灭于宋有天下者何必矧金刀又融为九列不遵朝仪秃巾微行唐突宫掖与白衣衽衡言论放荡衡与融交相赞 衡谓融仲尼不死融谓衡顏渊复生诸如此 辞语甚多融死之后覩粹所作无不嘉其才而畏其笔也

姚崇天资权譎始为同州张說以素憾讽赵彦昭劾之及崇当国說惧潜詣岐王申款他日朝退众皆趋出崇曳踵为有疾状帝诏问之对曰臣心有忧痛不在足问其故曰岐王陛下爱弟张說辅臣而密车出入王家恐为所误故忧之于是說出相州

李适之与李林甫争权不协林甫陰贼好防谓适之曰华山生金采之可以富国顾上未之知适之性疎信其言他日从容为帝道之帝喜以问林甫林甫对曰臣知之旧矣顾华山陛下本命王气之舍不可穿治故不敢以闻帝以林甫为爱已而薄适之



李义府貌足恭与人言嬉怡微笑而陰賊 忌凡忤意者皆中伤之时号义府笑中刀

卢杞以关播韦柔可制因从容言播材任宰相其儒厚可镇浮动乃拜同平章事大政一决于杞尝论事帝前播意不可避坐欲有所言杞目禁辄止退让播曰以君寡言故至此奈何开口争事耶播即暗畏不敢与争李揆为卢杞所恶用为入蕃会盟使揆辞以老恐死道路不能达明命帝恻然杞曰和戎者当练达朝事非揆不可且使揆则异时年少于揆者不敢辞揆遂行至蕃酋长曰闻唐有第一人李揆公是否揆畏留因给之曰彼李揆安肯来耶

卢杞忌张镒刚直欲去之时朱泚以卢龙卒戍凤翔帝择人代之杞即谬曰凤翔 校班秩素高非宰相信臣不可镇抚臣宜行帝不许杞复曰陛下必以臣容貌寝陋不为三军所信恐后生变臣不敢自谋惟陛下择之帝乃顾镒曰文武兼资望重内外无易卿者为朕抚卢龙士乃以中书侍郎为凤翔陇右节度镒知为杞陰中然辞穷因再拜受诏

穆修有诗名多游京洛有题其诗于禁中壁间者真宗一见大加赏叹问为谁诗左右以穆修对上曰有文如此公卿何不荐来时丁晋公在侧从容荅曰此人行不逮文由此上不复问

王冀公既以城下之盟短冠菜公于真宗真宗曰然则如何可以洗此耻冀公曰今国家欲以力服契丹所未能也契丹之性畏天而信 神今不若盛为符瑞引天命以自重契丹闻之庶几不敢轻中国上疑未决因幸秘阁见杜镐问之曰卿博达坟典所谓河图洛书者果有之乎镐曰此盖圣人神道设教耳上遂决用冀公之防作天书等事故世言符瑞之事始于冀公成于杜镐【墨客挥犀曰杜学士镐博闻强记凡有检阅先戒小吏某事在某书第几行取视无差士大夫有所着撰咨以古事无不知者虽晚学卑品亦应荅不倦时人号为杜万卷性和易有懿行士君子推之】

绍圣初逐元祐党人以水土美恶系罪之轻重一日执政聚议至刘安世器之时 颖叔云刘公平昔人推命极好章子厚以笔于昭州上防之曰刘待制命好且去昭州试命一巡

秦丞相【桧】晚歲权尤重常有数卒皂衣持挺立府门外行路过者稍顾视警欬皆呵止之尝病告一二日执政独对不敢他语惟盛称秦公勲业明日入堂忽问曰闻昨日奏事甚久执政惶恐曰某惟诵太师勲德旷世所无语终即退实无他言秦公嘻笑曰甚感盖已噤言事官上章执政甫归阁子弹章副本已至其忤刻如此

## 语林卷三十

### 尤悔三十五

夫言行君子之枢机也使言而见尤行而致悔岂自修之道耶故夫子于多闻多见既阙其疑殆又欲君子之慎其余也

曹公闻丁正礼才美欲以爱女妻之【魏畧曰丁仪字正礼沛郡人父冲宿与太祖亲善仪有文才太祖辟为掾】以问五官【曹丕已见】五官曰女人观貌而正礼目眇恐爱女未必悦也不如与伏波子楸【魏志曰夏侯惇字元让沛国譙人太祖平河北以为伏波军子楸太祖以女妻之即清河公主】魏畧曰楸字子林惇仲子也文帝少与亲善及即位以为安西军都督关中】太祖从之寻辟正礼为掾及与论议嘉其才朗曰丁掾好士即使其两目盲尚当与女何况但眇是儿悞我

邵贞与虞俊邻居贞先不知俊俊至吴与张温朱据会清言竟日温等敬服于是吴中盛为俊谈贞闻而叹曰吾与仲明游居比屋不能甄其英秀播其风烈而令他称我之杰深用为媿【会稽典畧曰邵贞字德方余姚人】

陆平原【陆机已见】为河北督已被间搆内懷忧慙闻众军警角鼓吹谓孙显世曰【晋书曰孙拯字显世吴郡富春人能属文吴黄门郎入晋为涿令陆机被诬收拯考掠两踝肉尽门生费慈宰意二人诣狱明拯遂同死狱中】今我闻此不如华亭鹤唳【八王故事曰华亭由拳县郊外墅也有清泉茂林吴平后陆机兄弟共游于此十余年吴郡图经曰华亭县本嘉兴县地天寶十年置因华亭谷为名】

孔熙先与范晔同逆下狱被责望风吐欵辞气不挠上奇其才遣人慰劳之曰以卿之才而滞于集书省理应有异志又诘责前吏部尚书何尚之曰使孔熙先年三十作散骑郎那不作贼

沈休文自负高才昧于荣利乘时借势颇累清淡及居端揆稍止足每进一官辄殷勤请退而终不能去论者方之山涛

张素出自刑部令史仕至三品太宗问云在隋任何官曰县尉又问以前何官曰流外又问在何曹司素出阁门殆不能移步精爽顿尽色死灰朝臣见之多所惊怪褚遂良上疏切谏太宗曰朕亦悔此问唐太宗尝与侍臣泛舟春苑池中见异鸟容与波上悦之召阎立本图其状阁外呼画师阎立本是时已为主爵郎中俯伏池左研吮丹粉瞻望坐宾羞怅流汗归戒其子曰吾少好读书幸免面墙緣精染翰颇及侪流唯以丹青见知躬厮役之务辱莫大焉汝宜深戒勿习此技

陆鸿渐与常伯熊皆精茶理【范摅云溪友议曰鸿渐尝为茶论説茶之功效并煎茶炙茶之法造茶具二十四事以都统笼贮之远近倾慕好事者家藏一副】御史李季卿宣慰江南【

刘昫唐书曰李季卿丞相适之子也弱冠举明经颇工文词代宗时拜御史大夫奉使江淮宣慰振拔幽滞进用忠防时人称之】至临懷县馆或言伯熊善茶季卿请为之伯熊着黄帔衫乌纱帨手执茶器口通茶名区分指防左右刮目茶熟李为歆两杯既到江外又有言鸿渐者李公复请为之鸿渐身衣野服随茶具而入如伯熊故事李公心鄙之茶毕命拏取钱三十文酬博士鸿渐夙游江介通狎胜流及此羞愧遂着毁茶论

哀帝时魏博罗绍威以牙军之逼召朱全忠全忠殪八千余家其余攻讨悉平全忠留魏半年绍威供亿所杀牛羊豕近七十万资粮称是所赂遗又近百万比全忠之去蓄积为之一空绍威虽除其偏而魏兵自是衰弱绍威悔之谓人曰合六州四十三县铁不能为此错也刘孟节酷爱山水天资絶俗青之南有冶原欧冶子铸剑之地山奇水清旁无人烟丛筠古木气象幽絶富郑公镇青为筑室原上孟节常寓居龙兴僧舍之西轩往往凭栏静立慨想世事吁唏独语或以手拍栏杆自咏诗曰读书悞我四十年几回醉把栏杆拍【皇朝 苑曰刘槩字孟节青州壽光人少师种放笃好古学而天资絶俗与世齟齬故久不仕其后范文正公文潞公皆欲荐之朝先生恳辞二公亦不敢强以成其高尚】

黄德润事阜陵【孝宗陵名】人或议其循默淳熙末上 内禅一日朝退留二府赐坐从容谕及倦勤之意诸公交赞公独无语上顾曰卿以为何如对曰皇太子圣德诚克负荷顾李氏不足母天下宜留圣虑上愕然色变公徐奏陛下问臣臣不敢自默然臣既出此语自今不得复覲清光陛下异日思臣之言欲复见臣亦不可得矣退即求去甚力后壽皇在重华宫每抚几叹曰悔不用黄洽之言或至泪下【宋史曰黄洽字德润福建侯官人通判福州召为太常丞请外孝宗方厉精求治曰黄洽厚德方任以事不许后厯官御史中丞】

洪景卢在翰苑日尝入直值制诏沓至凡视二十余草事竟小步庭间一老人负暄花陰问之是京师人累世为院吏今已八十余幼时及识元祐间诸学士今子孙复为吏故养老于此因言闻今日文书甚多学士必大劳神洪喜其言告以今日草二十余制皆已毕老人复颂曰学士才思敏速真不多见洪矜之云苏学士想亦不过如此速耳老人复首肯咨嗟曰苏学士敏速亦不过此但不曾检阅书册洪为赧然自恨失言【宋史曰洪迈字景卢皓季子也幼读书日数千言一过目辄不忘博极载籍虽稗官虞初释老傍行靡不涉猎淳熙三年拜中书舍人兼侍读直学士院】

尹少稷【穉】博学工文杜门读书不汲汲于仕进后乃附丽汤思退力排张魏公以是除諫议公论始薄之后贬岭南累年 恩北归周益公素与之善便道来访谓益公曰某三十年闭户读书养得少名思之不审所得于彼者几何而破壞扫地虽悔何及怅然者久之益公每举以为士大夫之戒

## 纰漏三十六

夫南山之竹不揉自直然括而羽之可以射遠况天之降才尔殊不必尽会稽之竹箭也不加櫟括欲无纰漏其能免乎是以君子贵学也

陈壽 为国志【晋书曰陈壽字承祚巴西安汉人少师事譙周事蜀为观阁令史父丧有疾使婢丸药乡党以为贬议坐是沉滞者累年张华爱其才以为壽虽不遠嫌原情不至贬废举孝防除佐著作郎】谓丁梁州曰若覓千斛米见借当为尊公作佳 丁不与米遂不为立时论以此少之梁州是敬礼子【文士 曰丁廙字敬礼少有才博学洽闻建安中为黄门侍郎廙从容谓太祖曰临菑侯天性仁孝发于自然而聪明智达其殆庶几至于博学渊识文章絶伦当今天下贤才皆愿从其游而为之死实天命所以钟福于大魏而永授无穷之祚也欲以劝动太祖太祖荅曰植吾爱之安能若卿言吾欲立为嗣何如廙曰此国家所以兴衰天下所以存亡非愚劣琐贱者所得与及廙闻知臣莫 君知子莫若父至于君不论明闇父不问贤愚而能常知其臣子者何盖由相知非一事一物相尽非一朝一夕况明公加之以圣哲习之以人子今发明达之命吐永安之言可谓上应天命下合人心得之于须防垂之于万世也廙敢不尽言太祖深纳之】

王濬冲典选未尝进寒素退虚名与时浮沉门调户选而已

明帝函封诏与庾公信误致于王丞相丞相开诏末云勿使冶城公知【丞相居冶城故帝称为冶城公】丞相既视表荅曰伏读明诏似不在臣臣开臣闭无有见者明帝甚愧数月不敢见王公

顾虎头【顾恺之小字恺之已见】人笑为痴桓 尝以一叶柳诒之曰此蝉翳叶也以自蔽人不见已顾引叶自蔽 就溺焉顾目覩丑 故云不见以珍重此叶

顾长康尝以一厨画糊题其前寄桓南郡许皆其深所珍惜者南郡发其厨后窃取画而緘封如旧以还之给曰未开顾见封题如初但失去画直云妙画通灵变化而去亦犹人之登仙了无怪色

范蔚宗【晔】被收家中乐器服玩并极珍丽妓妾亦盛饰母住止单陋唯有一厨中着樵薪【沈约宋书曰范晔临刑与其甥谢综同逆俱至市晔问综曰时欲至未综曰势不复久晔既食又苦劝综综曰此异病笃时何事强饭晔家人悉至市临刑问须相见不晔问综曰家人以来幸得相见 不甞别综曰别与不别亦何所存来必当号泣正足乱人意晔曰号泣何关人向见道边亲故瞻望亦殊胜不见吾意故欲相见于是乎前晔妻先下抚其子回骂晔曰君不为百歲阿家不感天子恩遇身死固不足塞罪奈何枉杀子孙晔干笑云罪至而已晔所生母泣曰主上念汝无极汝曹不能感恩又不念我老今日奈何仍以手击晔颈及颊晔顔色不怍综母以子弟自蹈逆乱独不出视晔语综曰姊今不来胜人多也晔转醉子藹亦醉取地土及果皮以掷晔呼晔为别驾数十声晔问曰汝患我耶藹曰今日何縁复患但父子同死不得不悲】

刘义基封营道侯凡鄙无识始兴王濬谓义基曰陆士衡诗云营道无烈心其意何若义基荅曰下官初不识士衡何忽见苦

淑尝诣彭城王【南史曰宋武帝七男王修容生义康永初元年封彭城王】彭城问其年淑荅曰邓仲华拜衮之岁【东观汉记曰邓禹字仲华以元功拜太傅】彭城曰身不识也淑又曰陆机入洛之年彭城曰身不读书何为作才语见向

谢超宗是谢凤子有文才补新安王常侍作王母殷淑仪诔帝大嗟赏谓谢庄曰超宗殊有凤毛时右卫军刘道隆在御坐出超宗曰闻君有异物欲覓一见谢曰悬磬之室何得异物耶道隆武人正触其父讳曰方侍宴至尊説君有凤毛谢徒跳还内道隆谓检覓凤毛至暗待不得乃去

沈休文尝侍梁武帝燕有妓师是齐文惠宫人帝问识坐中客不曰惟识沈家令休文伏坐流涕帝亦悲感为之罢酒

何敬容在选日尝有一客诣之此人姓吉敬容问之曰卿与丙吉远近荅曰如明公之与萧何

祖孝征【祖珽已见】放纵不羁曾至交州刺史司马世云家饮酒遂藏铜叠二面防人请搜诸客果于孝征懷中探得又魏神武尝宴僚属于坐失金叵罗窰太后令饮者皆脱帽果在孝征髻中见者以为深耻孝征怡然不屑【北史曰祖孝征性疎率不能防慎尝守仓曹受山东课输大文绫并连珠孔雀罗等百匹令诸姬掷擣蒲调新曲招城市年少歌舞为娱游诸倡家与陈元康穆子容任胄元士亮诸人为声色之游】

北人谓茗饮为酪奴亦云水扈萧正德初入北侍中元叉欲为设茗先问正德卿于水扈多少正德初不知荅云下官虽生水乡立身以来未遭阳侯之难举坐大笑贞观中尚药奏求杜若敕下度支有省郎以谢朓诗云芳洲生杜若乃委坊州贡之本州曹官判云坊州不出杜若应由读谢朓诗误华省名郎作此判事岂不畏二十八宿笑人耶太宗闻之改授雍州司法

虞世南兄世基许敬宗父善心同为宇文士及所害封德彝时为内史舍人备见其事因谓人曰世基被诛世南匍匐而请代善心之死敬宗舞蹈以求生人以为口实敬宗衔之

褚遂良其父亮尚在乃别开门敕尝有赐遂良使者由正门入亮出曰渠自有门

苏味道为相具位未尝有所发明脂韦自营而已常谓人曰决事不欲明白误则有悔模棱持两端可也世号模棱手

侯思止为左台御史尝命作笼饼谓膳者曰与我缩葱作之时人号为缩葱侍御

李林甫不学太常少卿姜度妻诞子林甫手书庆之曰闻有弄驪之庆客视之掩口

李林甫引萧灵为户部侍郎灵不知书尝与严挺之共语称燕尝伏腊乃呼为伏猎挺之语九龄曰省中乃有伏猎侍郎乎

郭 霸为右台御史时大夫魏元忠病僚属省 霸独后入忧见顔间请视便液即染指尝之验疾轻重因贺曰凡甘者病不瘳今味苦当愈喜溢于面元忠恶其媚暴语于朝

安禄山好作诗尝咏樱桃云樱桃一篮子半青一半黄一半寄懷王一半寄周贄或请以一半寄周贄句在上则协韵禄山怒曰岂可使周贄压我儿耶

韩防是韩吏部子虽教有义方而性颇闇劣尝为集贤校理史 有金根车防以为误悉改为银

江南一驿吏以干事自任典郡者初至吏白驿中已理请一阅之刺史往视初见一室署云酒库诸醞毕熟其外画一神刺史问是谁言是杜康刺史曰公有余也又一室署云茶库诸茗毕贮复有一神问是谁云是陆鸿渐刺史益善之又一室署云菹库诸菹毕备亦有一神问是谁吏曰蔡伯喈刺史大笑曰不必置此

耶律德光尝问冯道曰尔是何等老子道荅曰无才无德痴顽老子德光大喜即以道为太傅【儒林公议曰冯道当天下大乱戎夷交侵生民之命急于倒挂道方自号长乐老著书数百言陈已更事四姓及契丹所得阶勲官爵以为荣自谓孝于家忠于国为子为弟为人臣为师长为夫为父有子有孙时开一卷时饮一杯食味别声老而自乐何乐如之盖其自述如此】

北方民家吉凶辄有相礼者谓之白席多鄙俚可笑韩魏公自枢密归邺赴一姻家礼席偶盘中有荔枝欲啗之白席者遽唱言曰资政吃荔枝请众客同吃荔枝魏公憎其喋喋因置不复取白席者又云资政恶发也却请众客放下荔枝魏公为一笑

熙宁中省试王射虎侯赋一试卷云讲君子必争之艺饰大人所变之皮又尝试贵老为其近于亲赋一试卷云覩兹黄耆之状 我严君之容一时 以为笑余靖不事修饰作谏官日因赐对面陈乞不修开寶塔时方盛暑上入内云被一汗臭汉薰杀喷唾在吾面上【涑水记闻曰余靖本名希古韶州人举进士未预解荐曲江主簿王全善遇之为干知韶州者举制科知州怒以为玩已摺其罪无所得唯得与希古接坐全坐违敕停任希古杖臀二十全遂不复仕进希古更名靖字安道取他州解及第景祐中为馆职为范文正讼冤获罪由是知名范公入参大政引为谏官】

苗振以第四人及第既而召试馆职一日谒晏丞相晏语之曰君久从吏事必疎笔砚今 就试宜稍温习振率然荅曰岂有三十年作老娘而倒搯孩儿者乎晏公俛而哂之既而试泽宫选士赋韵有王字振押之曰率土之濱莫非王【不成语】遂不中选晏公闻而笑曰苗君竟倒搯孩儿矣

李献臣好为雅言知郑州时孙次公为陝漕罢赴阙先遣一使臣入京所遣乃献臣故吏到郑庭参献臣甚喜欲令左右延饭乃问之曰餐来未使臣误意餐者谓次公也遽对曰离长安日都运已治装献臣曰不问孙待制官人餐来未其人慙沮而言曰不敢仰昧为三司军 日曾

吃却十三盖鄙语谓遭杖为餐献臣掩口曰官人误也问曾与未曾餐饭欲奉留一食耳

王荆公为小学时尝访蔡君谟君谟闻公至喜甚自取茶之精品亲涤器烹防以饮公公忽于夹袋中取消风散一撮投茶瓯中并食之君谟失色公徐曰大好茶味君谟大笑且叹公之真率

吕申公【吕公着已见】素喜释氏之学及为相务简静罕与士大夫接惟能谈禅者多得从游于是好进之徒往往幅巾道袍日游禅寺随僧斋粥谈说理性觐以自售时人谓之禅钻

程师孟尝请于王介甫曰公文章命世师孟多幸与公同时愿得公为墓志庶不朽惟公矜许介甫问先正何官师孟曰非也师孟恐不得常侍左右欲豫求墓志俟死而刻之耳介甫虽笑不许而心怜之【吴中旧事曰程光禄师孟吴下人乐易纯质喜作诗效白乐天而尤简直至老不改吴语与王荆公有塲屋之旧荆公颇喜之晚相遇犹如布衣时自江州致仕归过荆公山留数日时已年七十余荆公戏之曰公尚欲仕乎曰犹可更作一郡荆公大笑知其无情也】及王雱死有习学检正张安国被发借草哭于柩前曰公不幸未有子今郡君妊娠安国愿死托生为公嗣京师为之语曰程师孟生求速死张安国死愿托生

王荆公作相日当生朝光禄卿巩申以大笼贮雀诣客次撝笏开笼且祝曰愿相公一百二十岁时有边寨之主妻病而虞割股以献天下骇笑时人为之语曰虞候为县君割股大卿与丞相放生【东轩笔录曰光禄卿巩申佞而好进老为省判尤趋附不已】

吕惠卿尝语王荆公曰公面有防用园葵洗之当去荆公曰吾面黑耳非防也吕曰园葵亦能去黑公笑曰天生黑于予园葵其如予何

绍圣间马从一监南京排岸司适漕使至随众迎谒漕一见怒甚即叱之曰闻汝不职未欲按汝何不亟去尚敢来见耶从一惶恐自陈湖湘人迎亲窃禄求哀不已漕察其语南音也乃稍霁威云湖南亦有司马氏乎从一荅曰某姓马监排岸司耳漕乃微笑曰然则勉力职事可也初盖误认为温公族人故欲害之自是从一刺谒但称监南京排岸而已者皆以为笑

谢无逸闲居多从衲子游不喜对书生一日有一举子来谒坐定曰每欲问无逸一事辄忘之尝闻人言欧阳修者果何如人无逸熟视久之曰旧亦一书生后甚显达尝参大政又问能文章不无逸曰文章也得无逸之子宗野方七岁立在傍闻之匿笑而去

建炎中车驾仓卒南渡驻蹕钱塘有侍臣因召对自陈劄子首曰恭惟岁二月东巡狩至于钱塘吕相颐浩见之笑曰秀才家识甚好恶

金主亮南侵命叶义问视师江上义问素不习军旅会刘锜捷书至读之至金贼又添生兵顾问吏曰生兵是何物闻者掩口

温日观【己见】尝在朱宣慰家画葡萄遂题一诗于上曰昔有朱买臣今有朱宣慰两个担柴夫并皆金紫贵朱欣然曰朱清果是卖芦柴出身和尚说得我着酬以防资五锭【辍耕录曰宋季亡赖相聚钞掠海上朱清张瑄最为雄长廷议招懷令部其徒属为防海民义后建言海漕事试之良便上注意向之父子致位卿相弟侄甥壻皆大官田园宅馆遍天下仆从皆佩金虎符为万户意气盈满同时夷戮殆尽】

### 惑溺三十七

夫欲之惑人乃至溺而不能返盖自中人以上有不能免者其能奋然自拔者几人哉故孟子以为养心莫善于寡欲老子曰为道日损孰能知损之为道君子哉山阳太守薛勤丧妻不哭 殡临之曰幸不为夭复何恨哉【汝南先贤 曰薛勤字公祖仕郡为功曹陈仲举十五时为父诣勤勤顾而异之明日造焉仲举父出迎勤勤曰足下有不凡子吾来 之不从卿也言议尽日】后王伯宗妻卒伯宗与诸子并持杖行服时人或两讥焉【张璠汉纪曰王龚字伯宗有高名于天下顺帝时为太尉】

荀奉倩既娶曹洪女【荀粲己见 魏志曰曹洪字子防太祖从弟也】容服帷帐甚丽専房燕婉后妇病亡傅嘏往吊奉倩不哭而神伤傅问曰妇人才色并茂为难子之聘也遗才存色非难遇也何哀之甚奉倩曰佳人难再得顾逝者不能有倾城之异然未易可遇也痛悼不能已后歳余亦亡石崇有妓绿珠美而工笛孙秀使人求之崇别馆北邙下方登凉观临清水使者以告崇崇出其婢妾数十人以示之曰任所以择使者曰本受命索绿珠崇勃然曰绿珠我所爱不可得也使者曰君侯博古知今察远照迩愿加三思崇不聽使者已出又反崇竟不许遂及于难

刘道真【刘寔己见】子妇始入门遣婢防刘持之甚苦婢固不从刘乃下地叩头婢惧而从之明日语人曰手推故是神物一下而婢子服淫

王丞相曹夫人性甚忌禁制丞相不得有侍御时有妍少必加诮责丞相不能久堪乃密营别馆众妾罗列男女成行后元会日夫人于青疏中观望忽见两小儿骑牛皆端正夫人语婢云汝出问此是谁家儿奇可念给使不达防乃云此是第四五等诸郎曹氏惊恚不能自忍乃命驾车 黄门及婢二十人持食刀欲自出寻讨丞相亦飞辔出门犹患迟乃以左手攀车栏右手提麈尾以柄打牛狼狽奔驰方得先至蔡司徒闻之乃谓丞相曰朝廷欲加公九锡公知不丞相为信自叙谦志蔡曰不闻加余物惟闻短辕犊车长柄麈尾尔丞相大悲恨

谢太傅刘夫人性忌不令公有别房公既深好声乐后遂颇欲立妓妾兄子外生辈微达此防共问讯刘夫人因方便称关雎螽斯有不忌之德夫人知以讽己乃问谁撰此诗云是周公夫人曰周公是男子相为耳若使周姥撰诗当无此言

范汪至能噉梅有人致一斛昼须防噉尽



刘邕【南史曰邕穆之子袭封南康郡公】爱食疮痂以为味似鳊鱼尝诣孟灵休灵休先患疥疮痂落在牀邕取食之灵休大惊痂未落者悉褫取饴邕邕去灵休与何勗书曰刘邕向顾见嗽遂举体流血

山陰主淫恣过度尝谓帝曰妾与陛下虽男女有殊俱托体先帝陛下六宫万数而妾唯驸马一人人事不均平一何至此帝乃为置面首左右三十人帝每出行主与朝臣常共陪辇

王僧达为太子洗马在东宫爱念军人朱灵寶及出为宣城灵寶已长僧达作列死亡寄宣城左永之借注以为己子改名元序啓太祖补竟陵典书后事发禁锢庾炳之性好洁士大夫造之者去未出户辄令拭席洗牀

王思微好洁淨左右提衣悉令用白 裹手指宅中有犬污屋栋思微令门生洗之意尤不已更令刮削复言未足遂令易柱

何佟之性好洁一日之中洗涤者十余过犹恨不足人称为水淫【梁书曰何佟之字士威庐江 人豫州刺史恽六世孙祖劭之宋贞外散骑常侍父歆齐奉朝请佟之少好三礼师心独学彊力専精手不辍卷读礼论二百篇畧皆上口起家 州从事仍为总明馆学士仕梁至尚书左丞】

魏收使梁买吴婢入馆其部下有买婢者魏亦唤取遍行奸 梁朝馆司皆为之受譴人皆称其才而鄙其行崔湜是崔仁师子与弟澄液从兄洸并有文翰别居清要每私宴自比王谢之家谓人曰吾门户及出身未尝不为第一丈夫当先据要路以制人岂能默默受制故进取不已而不以令终

乔知之有侍婢曰窈娘美丽歌舞为武承嗣所夺知之怨惜因作緑珠篇以寄情密送与婢婢感愤自杀承嗣大怒因讽酷吏罗织知之下狱死【唐诗纪事曰乔知之冯翊人武后时为补阙】

宗性俊迈不好琴会聴琴一弄未毕叱琴者出谓内侍曰速令花奴 羯鼓来为我解

王维居辋川宅宇既广山林亦遠而雅好洁地不容浮尘日有十数帚扫治専使两僮缚帚有时不给

鲜于叔明嗜蟠虫权长孺嗜人爪甲

元载纳薛瑶英为姬以龙绡衣衣之衣一袭无一两载以瑶英体轻不胜重衣于异国访求此服

正辞积钱盈室室常有声如牛人以为妖劝其散积以禳之正辞曰吾闻物之有声求其同

尔宜益以钱声必自止

李纳性辩急酷尚奕棋每下子安详极于宽缓有时躁怒家人辈则密以棋具陈于前纳覩便欣然改容取子布 都忘其恚

孙何性落魄而酷好古文为转运使日政尚苛峻州县患之乃求古碑文字磨灭者得数本钉于馆中孙至则读其碑辩识文字以爪搔发垢而嗅之遂往往至暮不复省录文案

丁諷病废常令两女妓掖侍见客于堂中諷以好色致疾既废亡赖益求妙年殊质以厌其心客出不能送又令一婢子送至中门曰谢访以故賓客之至者加多乃数倍于未病时

宋子京多内宠后庭曳罗绮者甚众尝宴于锦江偶微寒命取半臂诸婢各送一枚凡十余枚皆至子京视之茫然恐有厚薄之嫌竟不取服忍冻而归

东坡云未知一生当着几两屐吾有嘉墨七十枚而尤求取不已不近愚耶石昌言畜李廷珪墨不许人磨或戏之曰子不磨墨墨 磨子今昌言墓木拱矣而墨故无恙李公择见墨辄夺卿相间抄取殆逼近有人从渠许来云悬墨满堂此亦通人之蔽也

米元章有洁癖屋宇器具时一涤之巾帽少有尘则濯之复加于顶客去必濯其坐榻

米元章在真州尝谒蔡攸于舟中攸出右军王略帖示之元章惊叹求以他画易之攸有难色元章曰公若不见从某不复生即投此江死矣因大呼据船舷欲堕攸遂与之

彭渊才游京师十余年其家饘粥不给父以书促归跨一驴携一布囊亲旧相庆曰布囊中必金珠也君官爵虽未入手且使父母妻儿脱冻馁之厄囊中所有可早出之渊才喜见须眉曰吾富可埒国也汝可拭目以观既开橐乃李廷珪墨一丸文与可墨竹一枝欧阳公五代史稿草一巨束

一士人以鬻书为业尽掊其家所有约百余千买书 入京中涂遇一士人取书目阅之爱其书而贫不能得家有数古铜器 货之而鬻书者雅有此癖一见甚喜乃曰无庸货也我与汝估其值而两易之于是尽以随行之书换数十铜器亟返其家其妻视其行李但见二三布囊磊砢然铿铿有声问得其实乃詈其夫曰你换得他这个几时近得饭吃其人曰他换得我那个也几时近得饭吃闻者无不絶倒

赵子固【己见】尝得姜白石所藏定武不损本禊帖乘舟夜泛而归行至霅之升山风起舟覆行李襍被皆渰溺无余子固方披湿衣立浅水中手持禊帖语人曰兰亭在此余不足问也因题于卷首云性命可轻至寶是保

仇隙三十八

甚哉怨毒之于人遂相讐陷有杀其身而不悔者吁可畏哉故一朝之忿忘其身以及其亲亦圣贤之深戒也献帝尝宴见孔文举与郗鸿豫【司马彪续汉书曰郗虑字鸿豫山阳高平人少受学于郑】问文举曰鸿豫何所优长文举言可与适道未可与权鸿豫举笏曰融昔宰北海政散人流其权安在遂与文举互相短长【范曄汉书曰操以孔融论建渐广虑鲠大业郗虑承望风防以微法奏免融官因显明讐怨操书激厉融曰盖闻唐虞之朝有克让之臣故麟凤来而颂声作也后世德薄犹杀身为君破家为国及至其敝睚眦之怨必讐一餐之惠必报故晁错念国遭祸于 盎屈平悼楚受谮于椒兰彭宠倾乱起自朱浮邓禹威损失于宗冯由此言之喜怒怨爱祸福所因可不慎与昔防蒯小国之臣犹能相下寇贾仓卒武夫屈节崇好光武不问伯升之怨齐侯不疑射钩之虏夫立大操者岂累细故哉往闻二君有执法之平以为小介当收旧好而怨毒渐积志相危害闻之怆然中夜而起昔国家东 文举盛叹鸿豫名实相副综达经学出于郑 又明司马法鸿豫亦称文举奇逸博闻诚怪今者与始相违孤与文举既非旧好又于鸿豫亦无思纪然愿人之相美不乐人之相伤是以区区思协欢好又知二君羣小所搆孤为人臣进不能风化海内退不能建德和人然抚养战士杀身为国破浮华交防之徒计有余矣融报曰猥惠书教告所不逮融与鸿豫州里比邻知之最早虽尝陈其功美欲以厚于见私信于为国不求其覆过掩恶有罪望不坐也前者黜退欢欣受之昔赵宣子朝登韩厥夕被其戮喜而求贺况无彼人之功而敢枉当官之平哉忠非三闾智非晁错窃位为过免罪为幸乃使余论远闻所以慙惧也朱彭寇贾为世壮士爱防相攻能为国忧至于轻弱薄劣犹昆虫之相啮适足还害其身诚无所至也晋侯嘉其臣所争者大而师旷以为不如心竞性既迟缓与人无伤虽出跨下之负榆次之辱不知贬灭之于己犹蚊防之过也子产谓人心不相似或矜势者欲以取胜为荣不念宋人待四海之客大鑪不欲令酒酸也至于屈谷巨瓠坚而无窍当以无用罪之耳他者奉尊严教不敢失坠郗为故吏融所推进赵衰之拔却穀不轻公叔之升臣也知同其爱训海发中虽懿伯之忌犹不得念况恃旧交而欲自外于贤吏哉辄希腹心修好如初】

王平北在任【王义别传曰王义字叔元琅琊临沂人时蜀新平二府作乱文帝西之长安征为相国司马迁尚书督幽州诸军事平北 军】有简书 免官夷甫时年十七【夷甫是平北子】见从舅羊祜申陈事状辞甚俊伟羊不然之夷甫拂衣而起羊顾谓賓客曰此人必以盛名处当世大位然败俗伤化者必此人也初羊以军法欲刑王濬冲夷甫又忿羊言其必败不相贵重天下为之语曰二王当朝人莫敢称羊公之有德

谢 暉颇轻江祐祐尝诣 暉 暉因言有一诗呼左右取既而复停祐问其故云定复不急祐以为轻已后遂搆害 暉

刘长史【刘孝绰已见】与到茂洽【到洽已见】友善同游东宫刘自以才优于到每于宴坐嗤鄙其文到常衔之及刘为廷尉正携妾入官府其母犹停私宅到寻为御史中丞遣令史按其事遂劾奏之云携少妹于华省弃老母于下宅高祖为 其恶改妹为姝免孝绰官

王伟侯景之徒也景败元帝爱其才欲全之朝士多忌之曰前日伟作檄文有异词句帝求而观之云项羽重瞳尚有乌江之败湘东一目宁为赤县所归元帝大怒钉其舌于柱剜肠脔肉

伟颜色自若【刘璠梁典曰王伟洛阳人学通周易尝在揭阳赋诗曰平明听战鼓薄暮叙存亡楚汉方龙鬪秦关阵未央至江陵系狱以诗赠湘东嬖人曰赵一能为赋邹阳解献书何惜西江水不救辙中鱼又上五十韵诗以希不死湘东爱其词翰犹欲未诛左右疾之曰伟前作檄文言不顺湘东取视乃斩之】

郗昂与韦陟友善因话国朝宰相陟曰谁最无德昂误对曰韦安石已而惊走出逢吉温于街中温问何此仓黄荅曰适与韦尚书话国朝宰相最无德者本欲言吉项误云韦安石既知失言复鞭马而走抵房相之第琯执手慰问之复以房融为对昂有时称忽一日触犯三人举朝嗟叹惟韦陟遂与之絶

顔平原不容于卢杞杞 出之平原辞曰先中丞 首平原面被流血吾不敢以衣拭亲舌防之公不忍见容乎杞矍然下拜而衔恨切骨

牛奇章赴举时每为同袍见忽尝投贄于刘补阙【禹锡】刘对客展卷飞笔防窜其文一时虽谢礧礧终为鞅鞅后刘转汝州奇章出镇汉南枉道至汝驻旌旄信宿酒酣以诗喻刘刘承诗意方悟往年改牛公文卷因作诗谢过牛公吟讽前意稍解移宴竟夕方整前驱【范摅云溪友议曰牛僧孺席上赠刘尚书诗曰粉署为郎四十春今来名辈更无人休论世上升沉事且鬪尊前见在身珠玉会应成咳唾山川犹觉露精神莫言恃酒轻言语曾把文章谒后尘刘和诗曰昔年曾忝汉朝臣晚歳空余老病身幼见相如成赋日后为丞相扫门人追思往事咨嗟久喜幸清光笑语频犹有当时旧冠剑待公三日拂埃尘】

杨防夫与倪元镇尝会饮于友人家时席有歌妓防夫狂诞脱妓人鞋行酒令坐客 饮元镇素有洁病见之大怒翻案而起防夫亦色变饮席遂散后二公竟不复面